

Notes du mont Royal

www.notesdumontroyal.com

Cette œuvre est hébergée sur « *Notes du mont Royal* » dans le cadre d'un exposé gratuit sur la littérature.

SOURCE DES IMAGES
Google Livres

ELEMENTA

GEOMETRIÆ PLANÆ

S E U.

ELEMENTORUM

EUCLIDIS

PRIORES SEX LIBRI

OPERA, AC STUDIO

N I C O L A I

DE MARTINO

In Illustri Lyceo Neapolitano
MATHEMATUM PROFESSORIS
Recogniti, ac Illustrati.




Excudebat Neapoli Petrus Palumbo

Superioribus annuentibus.

A N N O M. DCC. XLVI.

Expensis Stephani Elia.



GEOMETRIÆ³ STUDIOSÆ

2-12-46

54161

JUVENTUTI.



*Lementa Geometriae Plana in
Tui commodum, & usum edi-
tari, non alia forma, ac me-
thodo illa Tibi sistimus, quam
prout in prioribus sex libris*

*Elementorum Euclidis continentur. Id ad-
tem nemo nobis vitio vertat. Primum, quia
mutato ordine Euclideo perdifficilis eva-
dit lectio Archimedis, Apollonii, Theo-
dosi, aliorumque prisca ætatis Geometra-
rum, in quibus elementares propositiones
laudantur eo ordine, quo extant in Eu-
clidis Elementis. Et deinde quia expe-
rientia edocti sumus, longè uberiores fru-
ctum percipere Juventutem ex sola Eucli-
dis lectione, quam si omnia illa Geom-
etria Elementa perlustraret, qua ætate
nostra Viri aliquin doctissimi methodo a-
lia adornare conati sunt. Interim priores
illos sex libros Euclidis, Geometria Plana
Elementa continentes, non ita rudes, ac
nudos Tibi exhibemus, quemadmodum Ma-
jores Nostri in hac nostra Urbe facere con-*

2-26-46 ADE

ſaeperunt, ſed nonnihil recognitos, ac
illuſtratos; quandoquidem & definitio-
nes ſingulis libris praefixas brevibus qui-
buſdam notis explicuimus, & demonſtra-
tiones ipſas propoſitionum paulo nitidio-
res reddere curavimus. Quin etiam, ne
accedens ad hac ſtudia, Geometria pene-
tralia ſtatim ingredi cogaris, ad rem ni-
ſum eſt, praeliminarem quamdam diſſer-
tationem praemittere, quae oſtenderet tum
naturam quantitatum, quas Geometria
conſiderat, tum differentias principia-
rum, quae in ea velut indubitata adhi-
bentur, tum denique diſcrimina ipſarum
propoſitionum, quae ex iis principiis per
demonſtrationes deducuntur. Ceterum,
quod de Geometria utilitate tum ad men-
tem perficiendam, cum ad ſanioris Phy-
ſices intellectionem in eadem diſſertatione
nihil adjecerim, non eſt, quod Exteros
offendat, ſi ad eorum forte manus Opu-
ſculum iſtud, ſtudioſa noſtra Juventuti
dumtaxat deſtinatum, pervenerit. Enim-
vero veritas iſta in hac noſtra Civitate
adeo cunctis nota eſt ac explorata, ut
nec ipſe ſexus muliebris, qui dici vix
poſteſt, quantam diſciplinis adipiſcendis
operam impendat, à Geometria ſtudio
arceri potiatur. Vale.

DIS-

DISSERTATIO PRÆLIMINARIS.



Geometriae nomine intelligitur pars illa Matheseos, quæ circa extensionem, seu quantitatem continuam occupatur: eaque tale nomen sortita est à Terræ dimensione; quia, si Proclo præstanda fides, ad campos dimetiendos, quorum limites Nili alluvione confundebantur, primum fuit ab Ægyptiis adhibita. Vocatur autem extensum, seu continuum omne id, quod tribus dimensionibus constat, longitudine, latitudine, & profunditate: cuiusmodi sunt corpora omnia, quæ in hac rerum universitate existunt; quum nullum eorum sit, quod tribus iis dimensionibus non gaudeat.

Tres istæ dimensiones, ex quibus constat extensio, seu quantitas continua, semper quidem in hoc mundo simul conjunctæ reperiuntur: nec certè res perlustranti occurret ulla, quæ vel unica dumtaxat dimensione, vel etiam duabus tantum sit referta. Interim eo mentis concipiendi modo, quem Scholæ abstractionem appellant, possunt tres illæ dimensiones à se mutuo separari. Atque hac ratione non modò corpora, verum etiam lineas, superficies, & puncta Geometriae considerant.

D I S S E R T A T I O

Ubi enim à corpore profunditatem separant, id, quod remanet, vocant superficiem, quæ proinde longitudine, & latitudine referta, omnino profunditate caret. Quotiescumque verò a superficie amovent latitudinem, gradum faciunt ad lineam, quæ idcirco dumtaxat longitudinem habens, caret tam latitudine, quam profunditate. Denique, quum à linea auferunt longitudinem, & attendunt tantum ad ejus extrema, puncta eis suboriuntur; quorum propterea nulla est pars, nulla dimensio.

Vicissim autem à puncto ad corpus ascendant in hunc modum. Primum concipiunt, punctum fluere per planum aliquod: & quoniam puncti nulla est pars, nulla dimensio, relinquetur fluxu ipsius in plano vestigium, solam longitudinem habens; atque adeo linea describetur. Deinde lineam istam intelligunt moveri lateraliter: & quia motu isto laterali, accedit ei latitudo, prietur superficies, quæ longitudinem, & latitudinem habet. Denique superficiem istam concipiunt moveri, vel in altum, vel in profundum: & quia hac ratione adjungitur ei altitudo, seu profunditas, nascetur corpus, quod longitudine, latitudine, & profunditate refertur.

Ex quo patet, inanes, & ridiculas esse Scepticorum argutias, dum ipsam Geometriæ certitudinem in dubium revocare conantur ex eo, quod Geometriæ præter corpora supponant dari puncta, lineas, & superficies, quæ nusquam sunt. Neque enim assumptum est unquam a Geometris, ut detur, aut dari possit punctum separatum a linea, linea se-

jun-

juncta a superficie, & superficies a corpore avulsa. Sed quod supponunt, huc redit, ut tres corporis dimensiones, longitudo, latitudo, & profunditas possint, tum simul, cum separatim considerari: quod extra omnem dubitationis aleam est; nam in dimetiendo intervallo, quo Urbs ab Urbe distat, ipsam tantum viarum longitudinem metimur, nihil omnino solliciti de earumdem latitudine.

Sed deinde etsi puncta, lineæ, & superficies nec existant, nec existere possint à corpore separata, nihil tamen vetat, quominus dicamus, ea omnia verè, ac realiter existere in ipso corpore. Quum enim corpus non sit infinitum, suos habere debet terminos veros, ac reales: qui quidem, quum profunditate careant oportet, habebunt tantum longitudinem, & latitudinem: proindeque non corpora, sed superficies erunt. Et quoniam istarum superficierum unaquæque nec etiam est infinita, sui in ea pariter erunt termini veri, ac reales: qui, quum latitudinis expertes esse debeant, habebunt dumtaxat longitudinem; atque adeo meræ lineæ erunt. Quumque denum quælibet harum linearum finita sit, ei quoque sui competent termini veri, ac reales: quibus quum nec longitudo, nec latitudo, nec profunditas inesse possint, non aliud erunt, quàm puncta.

Hinc itaque perspicuum est, quod etsi puncta, lineæ, & superficies abstractione mentis à Geometris considerentur, in ipso tamen corpore verè, ac realiter existant. Sed exinde liquet etiam, ea omnia existere in corpore, non velut ejus partes physicas, sed

tantum ut partes modales, quum suboritur eorum omnium consideratio non ex ipsa corporis substantia; sed ex eo, quod corpus sit magnitudine finitum, ac terminatum adeo nempe, ut si adesset corpus aliquod omni ex parte infinitum, in eo nec puncta, nec lineæ, nec superficies possent considerari; quam velut undique infinitum nullos terminos, seu fines admittat.

Sed licet puncta, lineæ, & superficies, prout à Geometris considerantur, ad physicam corporis compositionem non pertineant, quum solam habeant rationem terminorum; extitere tamen nonnulli, qui vi suæ imaginationis concedentes punctis, lineis, & superficiibus existentiam realem, & omnino distinctam à corporibus, ea omnia ut physicas corporis partes habuere, nec asserere veriti sunt, lineas quidem ex punctis, superficies verò ex lineis, ac denique corpora ex superficiibus proximè coalescere: ea fortasse decepti ratione, quod ipsi etiam Geometræ, ut paulò ante dictum est, ex motu puncti lineam, ex motu lineæ superficiem, & ex motu denique superficiei oriri corpus traderint.

Qui istam opinionem amplectuntur, non possunt in gravissima absurda non impingere. Nam primò, si lineæ constarent ex punctis, sequeretur, lineam majorem quamcunque minorem adæquare. Si enim circa idem centrum duas quascumque circumferentias, seu lineas circulares describamus, & ex centro illo intelligamus ductas ad puncta omnia circumferentia majoris rectas totidem; transibunt rectæ istæ per puncta totidem diversa
cir-

P R Æ L I M I N A R I S. 6

Circumferentiæ minoris. Unde, quum in utraque circumferentia sit idem punctorum numerus, conitabit ex eodem numero partium utraque circumferentia: & propterea, quum earum circumferentiarum inæqualitas nec ex diverso partium numero, nec ex diversa partium mole repeti possit, eas inter se æquales esse oportebit.

Similiter autem, si superficies constarent ex lineis, ostendi posset; superficiem majorem aliam minorem adæquare. Constituantur etenim duo triangula, quorum bases sint æquales, altitudines autem utcumque inæquales. Hæc inter se altitudinum rationem habere, à Geometris demonstratur. Verumtamen, quia quælibet recta, quæ in uno triangulo aptari potest basi æquidistanter, ducta etiam potest in altero similiter basi parallela eadem lineæ, quæ erunt in uno triangulo, reperientur etiam in altero: & propterea, si lineæ forent partes superficialium, constaret utrumque triangulum eodem numero partium, atque adeo unum alterum adæquaret.

Nec aliter liceret ostendere, solidum majus alterum minus adæquare, si utique solida, seu corpora ex superficiebus coalescerent. Fiant etenim duo coni, quorum bases sint æquales, sed non item altitudines. Jam demonstrant Geometræ, conos istos habere inter se eandem cum suis altitudinibus rationem. Sed quoniam quilibet circulus, qui oriatur, secando conum unum plano æquidistante basi, erui quoque potest ex eodem altero, cum plano alio similiter secando, lidem circuli, qui eunt in uno cono, reperiuntur

etiam in altero. Quocirca, si superficies essent partes solidorum, constaret uterque conus iisdem omnino partibus; proindeque unus alterum adæquaret.

Ne igitur in hac labamur absurda, dicendum est, nec lineas ex punctis, nec superficies ex lineis, nec corpora demum ex superficiibus constare. Quod aded quidem Euclidi innotuit, ut inter axiomata posuerit, quod duæ lineæ non habeant segmentum commune, sed in unico puncto se secent. Neque dicas, in indivisibilium methodo a Cavalerio tradita id velut fundamentum assumi, ut omnis quantitas ex suis indivisibilibus constet; hoc est, ut lineæ quidem ex punctis, superficies verò ex lineis, ac denique corpora ex superficiibus coalescant. Nam in methodi hujus applicatione aliud etiam adhibetur, quod falsum illud assumptum corrigis, ipsamque methodum verissimam reddit.

Ut enim per hanc methodum inter duas lineas, aut duas superficies, vel etiam duo solida æqualitas adstruatur, haud quidem satis est ostendere, in utraque earum quantitarum eadem semper indivisibilia capi posse, sed necesse est ulterius, ut ostendatur, inter ipsa illa indivisibilia adesse quoque eadem intervalla. Indeque est, ut nec inter duas illas circumferentias, nec inter duo illa triangula, nec inter duos illos conos, de quibus modò loquenti sumus, æqualitas constet; quia etsi eadem indivisibilia sumi possint in utraque quantitate, attamen intervalla indivisibilium unius intervallis indivisibilium alterius nequaquam sunt æqualia.

Jam horum intervallorum consideratio, quæ

quæ indivisibilium contemplationi superadditur, hypothesim ipsam indivisibilium corrigit, eandemque veritati suæ restituit. Nam semper ac in quantitatum compositione, non modò ad ea indivisibilia, verum etiam ad eorundem intervalla debeat attendi; vera quantitatum componentia erunt illa, quæ ex iis indivisibilibus per sua respectivè intervalla latis oriuntur. Quare lineæ, non quidem ex punctis, sed ex aliis lineolis; superficies, non jam ex lineis, sed ex aliis exiguis superficiebus; & corpora demum, non jam ex superficiebus, sed ex aliis corpusculis coalescent.

Hanc autem esse veram harum omnium quantitatum compositionem, facile sibi quisque in animum inducet, si sedulò consideret, in omni quantitatum genere partem debere esse semper ejusdem naturæ cum toto, ad quod refertur. Hinc etenim fit, ut pars corporis debeat esse similiter corpus, pars superficiei similiter superficies, & pars denique lineæ similiter linea. Quare corpus quidem constabit ex aliis corpusculis, superficies verò coalescet ex aliis exiguis superficiebus, & linea demum ex aliis lineolis componetur.

Nec ad rem facit, quod ipsi etiam Geometræ accipiant puncta in lineis, lineas in superficiebus, & superficies in corporibus. Hinc enim non sequitur, lineas ex punctis, superficies ex lineis, & corpora ex superficiebus constare. Nam in lineis accipiunt Geometræ puncta illa, quæ velut termini referuntur ad eas lineolas, ex quibus lineæ componuntur. Quare adsunt quidem puncta

per totam cujusque lineæ longitudinem, sed lineæ ipsa ex punctis nequaquam composita erit. Et par est ratio de superficie relatè ad lineas, nec non de corpore relatè ad superficies.

Versatur itaque Geometria circa lineas, superficies, & corpora, nec aliud in iis considerat, quàm magnitudinem, seu quantitatem. Propositum est autem Geometris, nihil prorsus asserere, cui possit contradici. Quem in finem omnes suas propositiones ex certis, indubitatisque principiis deducunt. Principia ista sunt triplicis generis: nempe definitiones, postulata, & axiomata. Definitiones sunt explicationes terminorum, quibus utuntur. Postulata autem, & axiomata sunt propositiones, in quibus nihil, quod difficultatem faciat, reperitur; & distinguuntur à se mutuo perinde, ac problemata, & theoremata à se invicem differunt.

Hinc, ut rectius discrimen intelligatur; quod inest inter postulata, & axiomata, sciendum est prius, propositiones illas, quas ex principiis antea positis colligunt Geometræ, esse duplicis speciei. Quædam etenim quidpiam faciendum docent; & dicuntur problemata; quædam verò quidpiam nobis ostendunt, & theoremata appellantur. Hæc autem differentia deprehenditur etiam inter eas propositiones, in quibus nihil occurrit, quod difficultatem faciat, quæque velut principia indubitata ponuntur. Sed ut diversis nominibus distinguerentur, eæ, quæ opus respiciunt, dicuntur postulata; illæ verò, quæ veritatem aliquam continent, axiomata vocitantur.

Ex quo patet, postulatum non aliud esse, quàm problema facile; pariterque axioma non aliud, quàm facile theorema. Jam, ut aliquod problema possit velut postulatum assumi, debet esse adeo facile, ut id, quod in problemate quaeritur, unico mentis conceptu possit absolvi. Sic, à puncto ad punctum rectam lineam ducere, est problema, quod ultro velut postulatum habendum; quia ut id perficiatur, satis est concipere, ut unum punctum directè fluat versus aliud. Et similiter, rectam lineam terminatam in directum, & continuum protendere, est problema, quod à postulati natura non excidit; quia ut illud fiat, non aliud concipi debet, quàm ut punctum, quod fluxu suo datam rectam lineam describit, directè fluere pergat.

Præter duo ista postulata, aliud etiam apud Euclidem reperitur; nempe quovis centro, & quovis intervallo circulum describere. Interim de sensu ejus non satis conveniunt Geometræ. Quidam etenim adeo latè illud assumunt, ut etiamsi intervallum non sit prope centrum, adhuc tamen possit ejus postulati circulus describi. Alii vero paulò strictius illud accipiunt; scilicet, ut tunc demum liceat, dato centro, datoque intervallo circulum describere, quum datum centrum est in extremitate una dati intervalli.

Quin secundo hòc sensu tale postulatum Euclides admiserit, non est dubitandum; quia aliter frustra posuisset inter problemata propositiones illas; ad datum punctum datæ rectæ lineæ æqualem rectam lineam ponere; datis duabus rectis lineis inæqualibus, de maiore minori partem æqualem abscindere: ut
quæ

quæ in illo postulato continerentur. Sed num possit etiam admitti priore sensu, id ex tradita postulati natura dijudicandum. Itaque quia in illo sensu duo concipi debent; primum, ut intervallum transferatur prope centrum; & deinde, ut circa idem centrum revolvatur: dicendum est, excidere a natura postulati, quod unicum mentis conceptum debet involvere.

Quod autem illud tantum problema velut postulatum haberi debeat, cui ut satisfiat, unicus mentis conceptus exigitur; id extra omnem dubitationis aleam esse videtur. Nam semper æ in constructione alicujus problematis plura a nobis concipi debent, facile fieri potest, ut pluralitate eorum conceptuum mens distrahatur, nec satis attendat, num plura illa, quæ concipi debent, pugnent inter se. Quare, ut omnis errandi suspicio arceatur, necesse est ostendere, posse inter se mutuo convenire ea omnia, quæ ad ejus problematis constructionem concipi debent: proindeque tale problema velut postulatum haberi non poterit.

Quantum ad axiomata, sciendum est, illud tantum theorema poni posse velut axioma, cujus veritas a nemine sanæ mentis in dubium vertitur; quodque proinde demonstratione ulla non eget. Id autem contingit, quum connexio idearum subjecti, & attributi innotescit nobis sola earum idearum consideratione, absque eo, quod ideæ aliæ in subsidium advocentur. Nam semper, ac constat nobis ideam attributi contineri in idea subjecti sine subsidio alterius ideæ, sed iis solis inspectis; nulla equidem adhibenda demonstratio,

tio, ut quæ non aliud præstat, quam aliis in subsidium accersitis ideis connexionem idearum subiecti, & attributi in propatulo ponere.

Sed quod vulgò dici solet, axiomata demonstratione non indigere, id non ita intelligendum est, quasi omnis ratiocinatio procul ab axiomatibus esse debeat. Sunt enim nonnulla axiomata, quæ explicari debent, ut melius intelligantur. At hæc explicatio naturam eorum axiomatum non evertit; quum non sit eorum demonstratio, sed tantum expositio clarius eorumdem aliis, uberioribusque verbis concepta. Id cernere licet in illo axioma, quod enunciat, æqualia esse, quæ inter se mutuo congruunt. Neque enim hoc axioma rectè intelligi potest, nisi prius explicetur, quæ dicantur congruere inter se.

Notetur etiam hoc loco velim, fieri facile posse, ut aliquod theorema, quod uno loco positum sua eget demonstratione, si loco alio ponatur, ex se sit evidens, ac apertum, atque adeo velut merum axioma possit admitti. Tale est Euclidis axioma decimum tertium: si in duas rectas lineas tertia incidat recta linea, & efficiat angulos internos ad eandem partem duobus rectis minores; duæ illæ rectæ lineæ non erunt parallelæ, sed convenient versus eam partem, in qua anguli duobus rectis minores sunt. Nam istud axioma non quidem in principio poni debet; sed meretur locum suum post propositionem vicesimam octavam libri primi; quum eo in loco omnem suam evidentiam, ac certitudinem nanciscatur.

Hujus igitur indolis sunt principia, ex quibus

bus Geometræ omnes suas deducunt propositiones, siue sint problemata, siue theorematum. Jam quantum ad problemata, sciendum est in quolibet ipsorum, præter id, quod quaeritur, contineri etiam quasdam conditiones, quibus quaesitum ipsum determinatur: ex quo fit, ut in omni problemate duo sedulo sint distinguenda, nempe datum, & quaesitum. Sic in primo problemate, quod in data recta linea terminata triangulum æquilaterum faciendum proponit, datum quidem est ipsa recta linea terminata, quaesitum verò est triangulum æquilaterum in ea describendum. Atque ita quoque in secundo problemate, ubi ad datum punctum datæ rectæ lineæ æqualem rectam lineam oportet applicare; data quidem sunt duo, scilicet punctum, & recta linea, quaesitum verò est, ut ad datum punctum penatur recta, quæ alteri datæ sit æqualis.

Et puncta quidem, velut omnis magnitudinis expertia, non aliter, quàm positione, dari possunt; sed lineæ, superficies, & corpora dari queunt non modò positione, verum etiam magnitudine. Sic in quinto problemate, in quo data recta linea terminata bisarium proponitur dividenda, recta illa linea terminata magnitudine datur. Vicissim autem in sexto problemate, ubi ex puncto in recta linea dato oportet perpendicularem ad rectam illam erigere, datur positione, tam punctum in recta linea, quàm ipsa recta, cui perpendicularis ex puncto illo est erigenda.

Datum autem problematis quandoque determinat id, quod in problemate quaeritur, interdum verò illud indeterminatum relinquit:

quit: indeque oritur vulgata problematum distinctio in-determinata, & indeterminata. Sic problema, quod dato triangulo æquale parallelogrammum faciendum proponit in dato angulo rectilineo, indeterminatum est; quia per duo illa data problematis quæsitum parallelogrammum nequaquam determinatur, sed possunt infinita exhiberi, quæ iisdem datis respondeant. Vicissim verò, quum ad datam rectam lineam dato triangulo æquale parallelogrammum oportet applicare in dato angulo rectilineo, problema determinatum est, quia tribus iis datis determinatur parallelogrammum, quod quæritur.

Ne autem quisquam decipiatur, notetur hic velim, quod ut problema dicatur determinatum, haud quidem opus sit, unicam tantum solutionem habere. Fieri enim potest, ut problema sit determinatum, & tamen ut duas pluresve solutiones admittat: quod quidem contingit, quum aliquod ex datis varios casus suscipere potest. Sic problema de describenda circuli portione super data recta linea, quæ suscipiat angulum æqualem dato angulo rectilineo, determinatum quidem est. Sed nihilominus, quia angulus datus potest esse, vel rectus, vel acutus, vel obtusus; hinc est, ut ob tres hosce casus, tres quoque problematis ejus solutiones afferantur. Atque ita quoque, quum data circuli portione, inveniendum est centrum ejus, problema tametsi determinatum tribus solutionibus gaudet: quia nempe data circuli portio potest esse, vel æqualis, vel minor, vel major semicirculo.

Itaque tunc demum problema dici debet, inde-

indeterminatum, quum defectu alicujus conditionis id, quod in problemate quaeritur, infinitis planè modis potest exhiberi. Sed fieri quoque potest, ut problema sit plusquam determinatum: nempe si plures habeat conditiones appositae, quàm quæ ad quaesiti determinationem requiruntur. Atque hoc casu problema dicitur impossibile, si superfluae conditiones pugnent cum necessariis; dicitur vero redundans, si vicissim cum iis conveniant. Sic problema de constituendo triangulo æquilatèro in data recta linea, cujus omnes anguli sint æquales, redundans dicendum esset; quia æqualitas angulorum pro trianguli æquilatèri constitutione est quidem conditio superflua, sed non pugnat cum natura ejus trianguli. Per contrarium autem, si triangulum æquilatèrum constituendum deberet habere duos, aut omnes angulos inæquales, problema foret impossibile; quia inæqualitas ista pugnat cum natura trianguli æquilatèri.

Quantum ad theoremata, in iis quoque duo sunt sedulò distinguenda; scilicet hypothesis, & conclusio. Hypothesis est id, quod in theoremate assumitur, seu supponitur. Conclusio autem est id, quod ex suppositione, seu assumpto deducitur. Sic, quod duo triangula habeant duo latera duobus lateribus æqualia, alterum alteri, itemque æquales angulos sub æqualibus lateribus contentos; id in primo theoremate horum Elementorum hypothesis quidem est. Quod autem sit basis basi æqualis, triangulum æquale triangulo, & reliqui anguli unius æquales reliquis angulis alterius, alter alteri, quibus æqualia latera sub-

subtenduntur ; id quum ex hypothesis illa consequatur, pro conclusione ejus theoremat-
is haberi debet.

Quum theoremata conditionali particula
sunt concepta ; facile erit in iis tum hypo-
thesim, cum conclusionem distinguere. Sic
in tertio theoremate horum Elementorum
nemo non videt, hypothesis esse, quod trian-
gulum habeat duos angulos æquales ; conclu-
sionem verò, quod æqualia sint latera angu-
los illos subtendentia. Veruntamen, quum
theoremata absolutè proposita sunt, tunc fa-
cile erit, ut in distinguenda hypothesis hæ-
reant Tyrones. Sic quum ostendit Euclides,
angulos ad basim trianguli isoscelis æquales
esse inter se ; nulli quoque non constat, hy-
pothesim hujus theoremat-
is esse, quod triangu-
lum sit isosceles. Sed in eo theoremate, in
quo idem Euclides ostendit, angulos omnes
cujuscunque trianguli simul esse duobus ro-
etis æquales, quid pro hypothesis haberi de-
beat, non omnes peræque percipiunt.

Jam omnis difficultas in distinguenda hy-
pothesi theoremat-
is absolutè propositi ori-
tur ex eo, quod subjectum ejus non semper
est complexum, hoc est duobus, aut pluribus
terminis circumscriptum, sed quandoque in-
complexum, ac unito tantum termino defi-
nitum. Neque enim aliunde evenit, ut in
theoremate proprietatem trianguli isoscelis
ostendente, hypothesis quisque distinguat ;
quàm quia subjectum illius theoremat-
is est triangulum isosceles, quod duobus terminis
designatur ; atque adeo nemo non videt posse
idem theoremata conditionali particula in
hunc modum efferri : si triangulum sit isosce-
les,

les, erunt anguli ad basim æquales. Neque etiam alia de causa accidit, ut in altero theoremate, quod ostendit æqualitatem angulorum cuiuscumque trianguli duobus rectis; non ita facile sit hypothese^m discernere, quàm quia ejus subjectum est triangulum, quod unico tantum termino exprimitur, nec apparet, quo pacto tale theorema possit conditionaliter concipi.

Id quum ita sit, licebit in unoquoque theoremate hypothese^m nullo negotio distinguere, si subjectum ex incompleto fieri possit complexum. Fiet id autem, si loco termini, subjectum exprimentis, substituamus definitionem suam plures semper terminos involventem. Qua ratione in eo theoremate, in quo ostendit Euclides, omnes angulos cuiuscumque trianguli simul duos rectos adæquare, cognoscetur hypothesis, si loco trianguli definitionem suam, hoc est figuram tribus lateribus contentam, subrogemus. Sic enim perspicuum est, subjectum theoremat^{is} evadere complexum, ipsumque adeo theorema posse conditional^{iter} particula in hunc modum concipi: si figura tribus lateribus sit contenta, erunt ejus anguli omnes simul duobus rectis æquales.

Theorema porro, vel est simplex, vel compositum. Simplex dicitur theorema, quum vel unica res in theoremate demonstratur, vel plures illæ, quæ ostenduntur, ex una eademque hypothesi descendunt. Sic simplex est, tum illud theorema; si trianguli duo anguli æquales fuerint, & latera angulos illos subtendentia pariter æqualia erunt; cum hoc aliud: si in duas rectas parallelas tertia inci-

dat

dat recta linea, hæc efficiet, & angulos alternos æquales, & exteriorem æqualem interiori, & opposito ad eandem partem, & internos ad eandem partem duobus rectis æquales. Nam in illo unica tantum res demonstratur; in isto autem ostenduntur quidem res plures, sed omnes ex una eademque hypothese deducuntur.

Vicissim autem vocatur theorema compositum, quum plura illa, quæ in eo ostenduntur, non descendunt ex una, eademque hypothese; cuiusmodi est illud; si quatuor magnitudines proportionales fuerint, prima, & secunda erunt vel una æquales, vel una maiores, vel una minores tertia, & quarta. Patet namque, conclusionem illius theorematis tripartitam esse, ut quæ asserit secundam magnitudinem posse, vel quartam adæquare, vel eam excedere, vel ab illa deficere. Sed perspicuum est quoque, tres illas Conclusionis partes ex una, eademque hypothese non fluere. Nam etsi in singulis partibus quatuor magnitudines semper proportionales supponantur; prima tamen magnitudo respectu tertiæ non semper ponitur in eodem statu manere, sed modò fingitur illam adæquare, modò eam excedere, modò demum ab illa deficere.

Sed simplex theorema subdividitur rursus in complexum, & incomplexum. Vocatur theorema incomplexum; quum unicam rem continet, tum ejus hypothesis, cum ejusdem conclusio; veluti est illud theorema, quod ostendit, duo latera cujuscunque trianguli simul reliquo majora esse, quomodocunque sumpta. Per contrarium verò vocatur complexum, quum vel sola hypothesis, vel sola con-

conclusio, vel denique tam hypothesis, quàm conclusio res plures involvit: adeo nempe ut theorema dicendum erit complexum, vel ratione solius hypothesis, vel ratione solius conclusionis, vel denum ratione tam hypothesis, quàm conclusionis.

Et ratione quidem solius hypothesis complexa sunt omnia illa theoremata, quæ ostendunt æqualitatem parallelogrammorum, & triangulorum, eandem vel æquales bases habentium, & in iisdem parallelis positorum. Ratione autem solius conclusionis complexum est illud, quod ostendit æquales angulos tam supra, quàm infra basim isoscelium triangulorum. Ac denique ratione tam hypothesis, quàm conclusionis complexum est primum theorema horum Elementorum; si duo triacula habeant duo latera duobus lateribus æqualia, alterum alteri, & angulos sub æqualibus lateribus contentos pariter æquales; habebunt & basim basi æqualem, erit triangulum æquale triangulo, & erunt reliqui anguli reliquis angulis æquales, alter alteri, quibus æqualia latera subtenduntur.

Ulterius circa theoremata notare etiam oportet, quod quum duo ex iis ejusmodi sunt, ut hypothesis unius sit conclusio alterius, & vicissim conclusio unius sit hypothesis alterius, tunc duo illa theoremata se mutuo convertere dicantur. Sic, quum ostenditur, in omni triangulo majus latus majorem angulum subtendere; hypothesis quidem est, quod unum trianguli latus sit altero majus; conclusio autem, quod majori lateri major quoque angulus

oppe-

opponatur. At verò, quum demonstratur, in omni triangulo majorem angulum majus latus subtendere; tunc hypothesis est, quod unus angulus trianguli sit altero major; conclusio autem, quod majori angulo majus quoque latus sit oppositum. Quocirca, quum duo ista theoremata talia sint, ut hypothesis unius sit conclusio alterius; & per contrarium conclusio unius sit hypothesis alterius; alterum alterius conversum appellabitur.

Sed præter istam conversionis speciem, in qua theoremata hypotheses, & conclusiones suas perfectè convertunt, alia quoque notari potest, in qua conclusio, quæ integra in hypothesis vertitur, aliquid retinet prioris hypothesis, & tantum id, quod relinquitur, conversi theorematis conclusio evadit. Id cernere licet in eo theoremate, in quo Euclides ostendit, triangula æqualia, & in eadem basi constituta, esse etiam in iisdem parallelis. Neque enim hoc theoremata perfectè convertit illud, in quo idem Euclides ostenderat, æqualia esse triangula illa, quæ sunt in eadem base, & in iisdem parallelis; sed adsciscens ejus conclusionem, quod triangula sint æqualia, retinet adhuc eam partem hypothesis, quod triangula habeant eandem basem, tantumque infert partem alteram, quod eadem triangula debeant esse in iisdem parallelis.

Perस्पicuū est autem, hanc aliam conversionis speciem, quam imperfectam licebit appellare, non posse locum habere, nisi theoremata saltem ratione hypothesis sit comple-

plexum, Sed manifestum est quoque, quod quum sic theorematum convertuntur, possint unius ejusdemque theorematum plures esse conversiones. Sic theorema, quod perpendicularis ex extremitate diametri ducta circulum contingat, non modò convertitur per illud, quod diameter, ducta ad punctum contactus, sit perpendicularis ad tangentem, verum etiam per hoc aliud, quod perpendicularis, erecta ad contingentem ex puncto contactus, sit circuli diameter.

Problemata quoque suas conversiones patiuntur; quod quidem contingit, quotiescunque datum alicujus problematis mutatur in quæsitum, & vicissim quæsitum mutatur in datum. Hujusmodi sunt duo illa problemata, in quorum altero describenda est in data recta linea circuli portio, quæ suscipiat angulum, æqualem angulo dato; in altero abscindenda ex dato circulo portio, quæ angulum, dato angulo æqualem, assumat. In illo enim quæritur circulus, in quo si data recta ponatur, abscindat ex eo portionem, quæ suscipiat angulum, æqualem angulo dato. In isto autem quæritur per contrariam recta, quæ posita in dato circulo, abscindat ex eo portionem, quæ dati anguli sit capax.

Tam constructiones problematum, quàm theorematum conclusiones ex principiis antea positis per suas demonstrationes Geometræ deducunt. Est autem demonstratio duplicis speciei, una quidem directa, seu positiva, altera indirecta, seu negativa, Vocatur demonstratio directa, seu positiva, quum quid ostenditur per ipsa rei principia, hoc est

P R Æ L I M I N A R I S. 27

est quum inter demonstrandum tales adhibentur propositiones, ut ex iis directè fluat id, quod oportet ostendere. Vocatur verò demonstratio indirecta, seu negativa, aut etiam per impossibile, quum demonstratur per aliquod inde subsequuturum absurdum, si res aliter sese haberet.

Utraque demonstrationis species in his Geometriæ planæ Elementis adhibetur: Sic, quum ostendimus: isoscelium triangulorum angulos tum supra, cum infra basim æquales esse inter se, demonstratione utimur directâ, ac positiva; quandoquidem ex iis triangulorum comparationibus, quas inter demonstrandum instituimus, proprietatem illam isoscelium triangulorum directè deducimus. At ubi per contrarium ostendimus, quod si trianguli duo anguli æquales fuerint inter se, & latera angulos illos subtendentia pariter æqualia sint, demonstrationem adhibemus indirectam, ac negativam; quum ostendamus, fore totum suæ parti æquale, si utique latera non essent æqualia.

Innititur autem demonstratio indirecta, ac negativa huic quidem principio, quod etsi ex hypothese falsa possit quandoque colligi verum, ex hypothese tamen vera nunquam falsum possit inferri. Hinc enim fit, ut semper ac quidpiam supponitur, & ex ea suppositione absurdum aliquod infertur, ipsam illam suppositionem falsam esse dicendum sit. Non posse autem ex hypothese vera unquam falsum inferri, nemo non videt. Neque enim aliter esse possunt vitiosæ demonstrationes, hoc est consequentium ex antecedentibus deductiones, quàm quia, vel

antecedentia seorsim considerata vera non sunt , vel consequentia non sunt legitime ex antecedentibus deducta . Quocirca semper ac ex aliqua hypothesis legitime quidpiam deducitur ; hoc quod infertur , non alia ratione falsum esse poterit , quàm si ipsa hypothesis sit falsa .



GEOMETRIÆ PLANÆ

ELEMENTORUM

LIBER PRIMUS.

DEFINITIONES.

I.



Unctum est id, cujus nulla est pars, seu quod magnitudinem nullam habet. *Vel clarius, est signum in extensione, seu quantitate continua, quod concipitur expers longitudinis, latitudinis, & profunditatis.*

II.

Linea verò est longitudo latitudinis expers. *Sive etiam, est quantitas, quæ longitudinem, seu unam tantum dimensionem habere concipitur. Unde ex fluxu puncti vulgò dicitur oriri.*

III.

Lineæ fines sunt puncta. *Nam non modò latitudine, & profunditate, ad instar ipsius lineæ, verum etiam longitudine carent. Unde punctum definiri quoque potest, terminus lineæ.*

IV.

Superficies autem est id, quod longitudinem, & latitudinem tantum habet. *Sive*

etiam est quantitas, quæ duas tantum dimensiones, longitudinem, & latitudinem, habere concipitur. Unde ex motu lineæ laterali vulgè dicitur oriri.

V.

Superficies verò fines sunt lineæ. Nam longitudinem, seu unicam tantum dimensionem habentes, tum latitudine, cum profunditate carent. Unde linea definiri quoque potest, terminus superficiei.

Cæterum quantitas, in qua omnes tres dimensiones considerantur, corpus, seu solidum appellatur; & generari intelligitur ex motu superficiei vel in altum, vel in profundum. Quumque quantitas ista superficiebus terminetur; fit hinc, ut definiri quoque possit superficies, terminus corporis.

Linea duplex est, una recta, & altera curva.

VI.

Linea recta est, quæ ex æquali suis interficitur punctis. Hoc est, quæ ex æquo jacet inter sua extrema, ita ut ad neutram partem annuat. Unde linea curva erit illa, quæ inter sua puncta, seu extrema, ex æquo non jacet.

Linea recta definiri quoque potest cum Archimede, quod sit brevissima omnium linearum, quæ duci possunt à puncto ad punctum. Atque hac ratione, quæ earum linearum brevissima non est, linea curva dicetur.

Similiter superficies duplex est, una plana, seu recta, & altera curva.

VII.

Superficies plana est, quæ ex æquali suis interficitur lineis. Hoc est, quæ ex æquo jacet inter sua extrema, ita ut nec sursum ascendat, nec descendat deorsum. Unde superficies

cur-

curva erit illa, quæ inter suas lineas ex æqua non jacet.

Superficies plana definiri quoque potest cum Herone, quod sit illa, cui omni ex parte potest aptari recta linea. Atque hac ratione eo, cui non omni ex parte aptari potest recta linea, superficies curva dicetur.

Angulus planus est duarum linearum in plano [hoc est in superficie plana] se mutuo tangentium, & non in directum jacentium, alterius ad alteram inclinatio. Unde ejus quantitas, seu magnitudo, non in longitudine, sed inclinatione linearum consistit.

Dividitur angulus ratione linearum, quæ ipsum continent, in rectilineum, curvilineum, & mixtilineum.

IX.

Quando lineæ, quæ angulum continent, rectæ fuerint, rectilineus ille angulus dicetur. Quum verò fuerint curvæ, dicetur curvilineus. Et denique, quum sub una recta, & altera curva continetur, mixtilineus appellabitur.

Angulus rectilineus ratione inclinationis dividitur in rectum, acutum, & obtusum.

X.

Quum recta linea super aliam insitens rectam lineam efficit angulos deinceps [hoc est hinc inde existentes] æquales; rectus erit uterque æqualium angulorum; & linea insitens dicetur perpendicularis ad eam, cui insistit. Unde definiri potest angulus rectus, quod sit ille, cui, uno latere producto, alter æqualis ex parte altera oritur.

XI.

Angulus acutus est recto minor. Sive

etiam, cui, si unum latus produxeris, alter oritur ex parte altera major.

XII.

Angulus obtusus est recto major. Sive etiam, cui, uno latere producto, alter nascitur ex parte altera minor.

XIII.

Terminus est, quod alicujus est extremum. Sic punctum est terminus lineæ; lineæ est terminus superficiei; superficies verò est terminus corporis.

XIV.

Figura est, quæ sub aliquo, vel aliquibus terminis comprehenditur. Sive clarius, est superficies uno, vel pluribus terminis comprehensa.

XV.

Circulus est figura plana unius lineæ circuitu comprehensa, quæ circumferentia dicitur, ad quam omnes ab uno punctorum intra figuram existentium cadentes rectæ lineæ inter se sunt æquales.

XVI.

Hoc verò punctum centrum circuli dicitur. Unde circuli proprietas hæc est, ut æquales sint omnes rectæ lineæ, quæ ducuntur à centro ad circumferentiam.

Circulus generari intelligitur ex revolutione rectæ lineæ circa unum ejus extremum fixum, & immobile, usque donec redeat ad eum locum, unde cæperat moveri.

Cujuscumque circuli circumferentia dividitur in tercentum sexaginta partes æquales, quæ gradus dicuntur. Unusquisque gradus in sexaginta minuta prima. Unumquodque minutum primum in sexaginta minuta secunda. Atque ita deinceps.

XVII.

XVII.

Diameter circuli est recta linea, quæ ducta per centrum, utrimque ad circumferentiam terminatur. *Dicitur autem diameter, quia transit per medium circuli, eumque secat in duas partes æquales. Hinc.*

XVIII.

Semicirculus est figura plana contenta sub diametro, & dimidia circuli circumferentia.

XIX.

Portio, seu segmentum circuli est figura plana contenta sub qualibet alia recta linea, intra circulum ducta, & portione circumferentiæ, per eam abscissa.

Generaliter autem figure omnes ratione linearum, quibus continentur, dividuntur in rectilineas, curvilineas, & mixtilineas.

XX.

Rectilineæ figure sunt, quæ sub rectis lineis continentur. *Quæ ratione curvilineæ erunt, quæ comprehenduntur sub lineis curvis. Mixtilineæ verò, quæ rectis, & curvis clauduntur.*

Insuper rectilineæ figure pro numero laterum, quibus continentur, dividuntur in trilateras, quadrilateras, & multilateras.

XXI.

Trilateræ sunt, quæ sub tribus lateribus continentur; quæque, quum tres angulos pariter contineant, dici possunt quoque triangula.

XXII.

Quadrilateræ verò, quæ quatuor lateribus clauduntur; quæque dici possunt etiam quadrangula, quia quatuor angulis sunt repleta.

XXIII.

Ac denique multilateræ, quæ sub pluribus, quàm quatuor, lateribus comprehenduntur; quæque dici possunt quoque multangula, quia plures, quàm quatuor, angulos habent.

Triangulum porro considerari potest vel quo ad latera, vel quo ad angulos. Ratione laterum dividitur in æquilaterum, isosceles, & scalenum.

XXIV.

Triangulum æquilaterum est illud, cuius omnia latera sunt æqualia.

XXV.

Triangulum isosceles, seu æquicrurum, cuius duo tantum latera sunt æqualia.

XXVI.

Ac denique triangulum scalenum, quod omnia latera inæqualia habet.

Ratione autem angulorum dividitur triangulum in rectangulum, obtusangulum, & acutangulum.

XXVII.

Triangulum rectangulum, seu orthogonium, est illud, quod habet unum angulum rectum.

XXVIII.

Triangulum obtusangulum, seu amblygonium, quod habet unum angulum obtusum.

XXIX.

Ac denique triangulum acutangulum, seu oxygonium, cuius omnes anguli sunt acuti.

Quantum ad figuras quadrilateras, ea multiplicis etiam speciei sunt, quas sequenti ordine recenset Euclides.

XXX.

XXX.

Quadratum est figura quadrilatera, rectangula simul, & æquilatera. Hoc est, quæ latera omnia æqualia habet, & omnes angulos rectos.

XXXI.

Quæ autem rectangula quidem est, sed non æquilatera, [hoc est angulos habet rectos, sed non latera æqualia] figura altera parte longior appellatur.

XXXII.

Rhombus porro est figura æquilatera, sed non rectangula. Hoc est habet latera omnia æqualia, sed non item angulos rectos.

XXXIII.

Quæ verò nec æquilatera est, hec rectangula, sed tantum habet latera opposita æqualia, Rhomboides appellatur.

XXXIV.

Omnis autem alia figura quadrilatera, quæ ad quatuor species recensitas non refertur, Trapezium dicitur.

XXXV.

Parallelæ, seu æquidistantes rectæ lineæ sunt, quæ in eodem plano existentes, & in infinitum utrimque productæ, in neutram partem conveniunt.

Hec definitio parallelarum, ubi lineæ sunt rectæ, nullo vitio laborat; secus verò, si ad omnes lineas sit extendenda, quia dantur quamplures lineæ, quæ existentes in eodem plano, accedunt semper ad se mutuo, nec unquam conveniunt.

XXXVI.

Parallelogrammum est figura quadrilatera, cujus bina opposita latera sunt parallela. Ejus autem species sunt quadratum, figura

B

s

alto

altera parte longior, rhombus, & rhomboides.

Hinc figurarum quadrilaterarum duo sunt summa genera, parallelogrammum & trapezium. Nam vel habent latera opposita parallela, & dicuntur parallelogramma; vel non habent, & trapezia appellantur.

Parallelogrammi porro vel omnia latera sunt aequalia, vel tantum opposita. Si primum; vel est rectangulum, & dicitur quadratum; vel non est rectangulum, & vocatur rhombus. Si secundum; similiter vel ejus anguli omnes sunt recti, & dicitur figura altera parte longior; vel non sunt recti, & rhomboides appellantur.

POSTULATA.

I.

A Puncto ad punctum rectam lineam ducere. Perficitur in praxi hoc postulatum ope regula, una sui parte iis punctis applicanda,

II.

Rectam lineam terminatam in directum, & continuum protendere. Quod ope ejusdem regula, una sui parte ad datam rectam lineam applicata, in praxi peragitur.

III.

Quovis centro, & quovis intervallo circulum describere. Quod perficitur in praxi ope circini, cujus pes alter ponitur in centro, alter in extremo altero dati intervalli, & fixo illo manente, iste in gyrum agitur.

AXIOMATA.

I.

Quae eidem sunt aequalia, inter se sunt aequalia. Et quod uno aequalium majus

ius est, aut minus, erit etiam majus, aut minus altero æqualium.

II.

Si æqualibus æqualia addas, quæ sunt sunt æqualia.

III.

Si ab æqualibus æqualia demas, quæ remanent sunt æqualia.

IV.

Si inæqualibus æqualia addas, quæ sunt sunt etiam inæqualia.

V.

Si ab inæqualibus æqualia demas, quæ remanent sunt adhuc inæqualia.

VI.

Quæ ejusdem sunt dupla, tripla, aut quadrupla, inter se sunt æqualia.

VII.

Quæ ejusdem sunt dimidia, tertia, aut quarta pars, inter se sunt æqualia.

VIII.

Totum sua parte majus est; omnibus autem suis partibus simul sumptis est æquale.

IX.

Quæ congruunt, sunt æqualia. Congruere autem dicuntur, quorum unum alteri superimpositum, nec illud excedit, nec ab eo deficit.

X.

Duæ rectæ lineæ spatium non comprehendunt. Unde figura rectilinea omnium simplicissima triangulum est.

XI.

Duæ lineæ non habent segmentum commune, sed unico puncto se secant. Hoc est, ubi duarum linearum fit intersectio, ibi li-


ne ipsa nihil habent commune, præter punctum.

XII.

Omnes anguli recti sunt æquales; quia nempe anguli magnitudo consistit non in longitudine, sed in inclinatione linearum, quæ est eadem in omnibus angulis rectis.

PROP. I. PROBL. I.

In data recta linea terminata triangulum æquilaterum constituere.



Sit data recta linea terminata AB. Oportet, in ipsa triangulum æquilaterum constituere.

Centro quidem A, intervallo autem AB, describatur [1] circulus BCD. Rursus centro quidem B, intervallo autem BA describatur alter circulus ACE. Tum ex puncto C, in quo se. secant circumferentiæ horum circularum, ad puncta A, & B, ducantur [2] rectæ CA; CB. Dico, triangulum ACB æquilaterum esse.

Quoniam enim A centrum est circuli BCD, erit [3] AB æquali AC. Et similiter, quoniam B centrum est circuli ACE, erit BA æqualis BC. Eidem itaque AB est æqualis, tum AC, cum BC. Quare & AC ipsi BC [4] æqualis erit; atque adeo triangulum ACB [5] æquilaterum erit.

In

(1) Post. 3.

(2) Post. 1.

(3) Def. 15.

(4) Axi. 1.

(5) Def. 24.

LIBER PRIMUS.

37


In data igitur recta lineâ terminata AB descriptum est triangulum æquilaterum ACB. Quod fecisse oportebat.

SCHOLIUM.

Non dissimili ratione in data recta terminata AB fiet triangulum isosceles, seu æquiterre: nempe si intervalla equalium circulorum sumantur vel æquè majora, vel æquè minora, quàm AB.

PROP. II. PROBL. II.

Ad datum punctum data recta lineæ equalē rectam lineam ponere.



Datum sit punctum A, data verò recta BC. Oportet, ad datum punctum A ponere rectam lineam æqualem ipsi BC.

Ab A ad B ducatur (1) AB, super qua constituitur [2] triangu-

lum æquilaterum ADB; cujus latera DA, DB (3) protrahantur in directum versus E, & F. Tum centro B, intervallo BC describatur, [4] circulus CGH. Denique centro D, intervallo DG describatur alter circulus GLK, Dico; rectam AL æqualem esse ipsi BC.

Quoniam enim D centrum est circuli GLK erit

[1] Post.1.

[2] Prop.1.

[3] Post.2.

[4] Post.3.

erit (1) DG æqualis DL . Sed, ob triangulum æquilaterum ADB , est etiam DB æqualis DA . Itaque si ex DG auferatur DB , & ex DL auferatur DA remanebit [2] BG æqualis AL ; Est autem B centrum circuli CGH ; adedque (3) BG æqualis est ipsi BC . Quare & AL [4] eidem BC æqualis erit.


Ad datum igitur punctum A posita est recta AL æqualis datæ BC . Quod erat faciendum.

S C H O L I U M.

Nonnulli problemati huic satisfieri posse sibi persuadent, si per postulatum tertium centro A , intervallo datæ rectæ BC circulus describatur. Sed perperam; quia tunc demum quovis centro, & quovis intervallo circulum describere licet, quum centrum est in una extremitate intervalli.

PROP. III. PROBL. III.

Datis duabus rectis lineis inæqualibus, de majore minori partem æqualem abscindere.



Datæ sint duæ rectæ inæquales, AB quidem major, CD verò minor. Oportet, ex majore AB abscindere portionem æqualem minori CD .

Po-

(1) Def. 15.

(2) Axi. 3.

(3) Def. 15.

(4) Axi. 1.

Ponatur (1) ad punctum A recta AE æqualis ipsi CD. Tum centro A, intervallo AE describatur circulus (2) EFG. Dico, portionem abscissam AF æqualem esse ipsi CD.

Quoniam enim A centrum est circuli EFG, erit (3) AE æqualis ipsi AF. Est autem ex constructione AE æqualis CD. Quare & AF, ipsi CD (4) æqualis erit.

Ex maiore itaque AB abscissa est portio AF æqualis minori CD. Quod erat faciendum.

S C H O L I U M.


Hoc etiam problema resolvi posse nonnullis visum est, si per tertium postulatum centro A, intervallo rectæ minoris CD statim circulus describatur. Sed falluntur ob eandem rationem, quam paulò superiùs indicavimus.

PROP. IV. THEOR. I.

Si duo triangula duo latera duobus lateribus æqualia habeant, alterum alteri, & angulos sub iis lateribus contentos æquales; habebunt & basim basi æqualem, erit triangulum æquale triangulo, & erunt reliqui anguli reliquis angulis æquales, alter alteri, quibus æqualia latera subtenduntur.

SInt duo triangula ABC, DEF, quæ habeant duo latera AB, AC æqualia duobus lateribus DE, DF, alterum alteri: nempe la-
tus

(1) Prop. 2. (2) Post. 3.
(3) Def. 15. (4) Axi. 1.



tus AB æquale lateri DE, & latus AC æquale lateri DF. Habeant quoque æquales angulos BAC, EDF, sub iis lateribus contentos. Dico, fore basim BC æqualem basi EF, triangulum ABC

æquale triangulo DEF, angulum CBA æqualem angulo FED, & angulum BCA æqualem angulo EFD.

Concipiatur etenim triangulum ABC mente superimpositum triangulo DEF hac lege, ut punctum A incidat in punctum D, latus autem AB in latus DE. Et quoniam æquales ponuntur anguli BAC, EDF, incidet quoque latus AC in latus DF. Quumque ex hypothese latera AB, AC æqualia sint lateribus DE, DF, alterum alteri; incidet etiam & punctum B in punctum E, & punctum C in punctum F. Quare & basis BC incidet in basim EF; quia aliter duæ rectæ lineæ clauderent spatium, quod planè (1) repugnat. Quum igitur congruant inter se tum bases, tum triangula, tum reliqui anguli; consequens est, ut (2) basis BC æqualis sit basi EF, triangulum ABC æquale triangulo DEF, angulus CBA æqualis angulo FED, & angulus BCA æqualis angulo EFD. Quod erat ostendendum.

S C H O L I U M.

Sedulo autem notetur hoc loco velim, ex reliquis triangulorum angulis eos quidem inter se
æqua-

[1] Axi. 10


[2] Axi. 9.

*æquales fieri, quibus æqualia latera subten-
duntur. Sic æquales ostensi sunt anguli CBA,
FED, quibus opponuntur latera æqualia AC,
DF; pariterque æquales anguli BCA, EFD, qui
habent sibi ipsis opposita latera æqualia AB,
DE. Hinc verò liquet, quod si triancula ABC,
DEF fuerint isoscelia, ita ut quatuor latera
ipsorum AB, AC, DE, DF æqualia sint inter
se; tunc quia latus AC est æquale tum DE,
cum DE, erit angulus CBA æqualis tam an-
gulo FED, quàm angulo EFD; pariterque,
quia latus AB æquale est tum DE, cum DF,
erit angulus BCA æqualis tam angulo EFD,
quàm angulo EFD. Unde jam liquet veritas
primæ partis theorematidis subsequenti: nempe,
quod isoscelium triangulorum anguli, qui supra
basim sunt, inter se sint æquales. Nam sem-
per ac eidem angulo CBA æqualis est tam an-
gulus FED, quàm angulus EFD, per axioma
primum æquales erunt inter se duo anguli
FED, EFD, qui sunt supra basim trianguli
isoscelis DEF.*

PROP. V. THEOR. II.

*Isoscelium triangulorum anguli ad basim in-
ter se sunt æquales, & productis æqualibus la-
teribus, anguli infra basim etiam inter se
æquales erunt.*

SIt triangulum isosceles ABC, habens la-
tus AB æquale lateri AC, & producantur
(1) latera æqualia AB, AC in directum versus
D, & E. Dico æquales esse inter se, tam an-
gulos



gulos supra basim
ABC, ACB, quàm
angulos infra ba-
sim CBD, BCE.

Sumatur in BD
quodvis punctum
F, tum ex maiore
AE abscindatur [1]
portio AG æqua-
lis minori AF, jun-
ganturque [2] BG
CF.

Et quoniam ex hypothese latus AB est æ-
quale lateri AC, ex constructione autem la-
tus AG æquatur lateri AF; erunt duo latera
AB, AG trianguli BAG æqualia duobus late-
ribus AC, AF trianguli CAF, alterum alteri.
Est verò angulus BAG, contentus sub lateri-
bus illius, æqualis angulo CAF, contento
sub lateribus istius; quum sit unus idemque
angulus A. Quare erit [3] basis BG æqualis
basi CF, angulus ABG æqualis angulo ACF,
& angulus BGA æqualis angulo CFA.

Et quoniam tota AF est æqualis toti AG,
pars verò AB æqualis parti AC; erit etiam
[4] reliqua BF æqualis reliquæ CG. Osten-
sa est autem CF æqualis BG. Itaque duo latera
BF, CF trianguli BFC æqualia erunt duobus
lateribus CG, BG trianguli CGB, alterum al-
teri. Est verò ex ostensis angulus BFC, con-
tentus sub lateribus illius, æqualis angulo
CGB, contento sub lateribus istius. Quare
erit [5] angulus FBC æqualis angulo GCB,
(qui

[1] Prop. 3.

[2] Post. 1.

[3] Prop. 4.

[4] Axi. 3.

[5] Prop. 4.

(qui quidem anguli sunt infra basim trianguli isoscelis,) & angulus FCB æqualis angulo GBC .

Quum igitur angulus ABG ostensus sit æqualis angulo ACF , & angulus GBC æqualis angulo FCB ; fit hinc, ut si ex angulo ABG auferatur angulus GBC , & ex angulo ACF auferatur angulus FCB , reliqui anguli ABC , ACB etiam inter se (1) sint æquales. Hi autem sunt supra basim trianguli isoscelis ABC ; qui verò sunt infra basim. jam ostensi sunt æquales. Quare isoscelium triangulorum tam anguli supra basim, quàm anguli infra basim inter se æquales sunt. Quod erat ostendendum.

COROLLARIUM.


Hinc patet, triangulum æquilaterum esse etiam æquiangulum, hoc est non modò latera omnia æqualia habere, verùm etiam angulos omnes. Nam triangulum æquilaterum, nihil obstat, quominus velut isosceles consideretur: quod utique si fiat, quodlibet ejus latus velut basis sumi poterit.

PROP. VI. THEOR. III.

Si trianguli duo anguli æquales fuerint, & latera eos angulos subtendentia pariter æqualia erunt.

S It triangulum AEC , in quo angulus CBA æqualis sit angulo BCA . Dico latera AB , AC

(1) *Axi. 3.*



AC angulos illos subtendentia etiam æqualia esse.

Si enim non sint æqualia, alterum ipsorum majus erit. Sit itaque majus AB, ex quo abscindatur [1] portio BD æquali minori AC, & jungatur [2] CD.

Quoniam igitur BD est æqualis AC, BC vero communis; erunt duo latera BD, BC trianguli DBC æqualia duobus lateribus AC, BC trianguli ACB, alterum alteri. Est autem ex hypothese angulus DBC, contentus sub lateribus illius, æqualis angulo ACB, contento sub lateribus istius. Quare (3) triangulum DBC triangulo ACB æquale erit, hoc est pars æqualis toti, quod fieri (4) nequit.

Non itaque latus AB majus est latere AC. Sed ob eandem rationem nec minus esse potest. Quare ei æquale erit: & propterea si trianguli duo anguli æquales fuerint, & latera eos angulos subtendentia pariter æqualia erunt. Quod demonstrare oportebat.

COROLLARIUM.

Ex quo patet, triangulum æquiangulum esse etiam æquilaterum, hoc est non modò angulos omnes, sed & latera omnia inter se æqualia habere.

SCHO.

(1) Prop. 3.

(2) Post. 1.

(3) Prop. 4.


[4] Axi. 8.

S C H O L I U M.

Ceterum hoc theorema convertit primam partem theorematum precedentis. Nam quemadmodum ibi ex aequalitate laterum deducta est aequalitas angulorum; sic per contrarium in theoremate isto ex aequalitate angulorum ostensa est aequalitas laterum.

PROP. VII. THEOR. IV.

Ad eandem rectam lineam duabus eisdem rectis lineis non constituentur alia duæ rectæ lineæ æquales, altera alteri, ad aliud, atque aliud punctum, ad eandem partem, eosdem, quos primæ rectæ lineæ, terminos habentes.



Sit recta linea AB, ex cuius extremis A, & B ducantur duæ rectæ lineæ AC; BC, quæ conveniant in puncto C. Dico, ex iisdem extremis non posse duci alias duas rectas lineas ipsis AC, BC æquales, alteram alteri, ad eandem partem, nisi conveniant in eodem puncto C.

Si enim fieri potest, ducatur AD æqualis AC, & BD æqualis BC, quæ conveniant in puncto D alio, quàm C; & jungatur (1) CD.

Quia igitur ex hypothese AC est æqualis AD, isosceles erit triangulum CAD; proindeque angulus ACD (2) æqualis erit angulo ADC.

(1) Post. I.

(2) Prop. 5.

ADC. Jam verò angulus BDC major est angulo ADC. Quare idem angulus BDC erit etiam (1) major angulo ACD, & consequenter multò major angulo BCD.

Et quoniam ex hypothese BC est æqualis BD, isosceles erit quoque triangulum CBD; adedque angulus BDC æqualis erit (2) angulo BCD. Ostensus est autem major. Itaque idem angulus BDC erit simul major, & æqualis angulo BCD, quod fieri nequit.

Ad eandem igitur rectam lineam duabus eisdem rectis non constituentur aliæ duæ rectæ lineæ æquales, altera alteri, ad aliud, atque aliud punctum, ad eandem partem, eisdem, quos primæ rectæ lineæ, terminos habentes. Quod demonstrare oportebat.

S C H O L I U M.

Hoc theorema est lemma theorematis sequentis: nam ei ostendendo unice inservit, & de cætero alium usum non habet in his Elementis.

PROP. VIII. THEOR. V.


Si duo triangula habeant duo latera duobus lateribus equalia, alterum alteri, & basim basi æqualem; & angulos sub equalibus lateribus contentos pariter æquales habebunt.

Sint duo triangula ABC, DEF, quæ habeant duo latera AB, AC æqualia duobus lateribus DE, DF, alterum alteri, & basim BC æqualem basi EF. Dico, angulum BAC æqualem esse angulo EDF.

Con

(1) Axi. L.

(2) Prop. 5.



Concipiatur etenim triangulum ABC mente superimpositum triangulo DEF hac lege, ut punctum B incidat in punctum E, basis autem BC in basim EF. Et quoniam ex hypothefi æquales sunt bases BC, EF, incidet etiam punctum C in punctum F. Quumque latera AB, AC posita sint æqualia lateribus DE, DF, alterum alteri; necesse est, ut incidat quoque punctum A in punctum D; quia aliter in eadem recta linea EF duabus iisdem rectis lineis DE, DF constituerentur duæ aliæ æquales, altera alteri, ad aliud, atque aliud punctum, ad eandem partem, eosdem, quos primæ, terminos habentes: quod fieri (1) nequit.

Quum igitur puncta A, B, C incidant in puncta D, E, F, incident etiam latera AB, AC in latera DE, DF; atque adeo angulus BAC in angulum EDF. Unde quum congruant inter se duo isti anguli, erunt iidem inter se (2) æquales: & propterea, si duo triangula habeant duo latera duobus lateribus æqualia, alterum alteri, & basim basi æqualem; & angulos sub æqualibus lateribus contentos pariter æquales habebunt. Quod erat ostendendum.

S C H O L I O N.


Hoc theorema priorem tantum partem convertit propositionis quartæ. In utroque enim

(1) Prop. 7. (2) Axi. 9.

enim Theoremate supponitur, quod duo trian-
gula habeant duo latera duobus lateribus aequa-
lia, alterum alteri. Sed ibi ex æqualitate an-
gulorum sub æqualibus lateribus contentorum
ostensa est æqualitas basium; hic verò per con-
trarium ex æqualitate basium deducta est præ-
dictorum angulorum æqualitas.

PROP. IX. PROBL. IV.

*Datum angulum rectilineum bifariam
dividere.*



Esto angulus rectilineus
BAC. Oportet, eum bifa-
riam dividere.

Sumatur in AB quodvis
punctum D. Tum ex majo-
re AC abscindatur (1) por-
tio AE æqualis minori
AD. Jungatur porro (2)
DE, super qua constitua-
tur (3) triangulum æquila-
terum DEF. Denique ab A ad F ducatur (4)
recta AF. Dico, rectam AF dividere angulum
BAC bifariam.

Quoniam enim ex constructione AD est
æqualis AE, communis autem AF; erunt duo
latera AD; AF trianguli DAF æqualia duo-
bus lateribus AE, AF trianguli EAF. Jam ve-
rò æquales etiam sunt bases eorundem trian-
gulorum DF, EF, utpote latera trianguli æ-
quilateri DEF. Quare erit (5) angulus DAF
æqua-

(1) Prop. 3. (2) Post. 1. (3) Prop. 1.

(4) Post. 1. (5) Prop. 8.


æqualis angulo EAF. Et propterea angulus BAC bifariam sectus est per rectam AF, Quod erat faciendum.

S C H O L I U M.

Ex ipsa hujus problematis demonstratione patet, super recta DE non alia ratione constituendum esse triangulum æquilaterum, quàm ut triangulorum DAF, EAF æquales oriantur bases DF, EF. Unde perinde res erit, si loco trianguli æquilateri constituatur super eadem recta DE per scholium propositionis primæ triangulum isosceles.

PROP. X. PROBL. V.

Datam rectam lineam terminatam bifariam dividere.



Sit data recta linea terminata AB. Oportet, eam dividere bifariam.

Constituatur super AB (1) triangulum æquilaterum ACB. Tum angulus ejus ACB secetur (2) bifariam per rectam CD. Dico, rectam CD dividere quoque ipsam AB bifariam in puncto D.

Quoniam enim ex constructione triangulum ACB est æquilaterum, erit latus CA æquale lateri CB. Est autem CD commune. Quare duo latera CA, CD trianguli ACD

C

æqua-

(1) Prop. 1.

(2) Prop. 9.

$\triangle$ equalia erunt duobus lateribus CB, CD
 trianguli BCD, alterum alteri. Jam verò ex
 constructione angulus ACD, contentus sub
 lateribus illius, $\triangle$ qualis est angulo BCD, qui
 sub istius lateribus continetur. Itaque erit
 (1) basis AD $\triangle$ qualis basi BD. Et propterea
 recta AB secta est bisariam in D. Quod erat
 faciendum.

SCHOLIUM.

Hic quoque perspicuum est, non alia ratio-
 ne constitui super AB triangulum $\triangle$ quilate-
 rum ACB, quàm ut latus CA $\triangle$ quale fiat late-
 ri CB, Unde quod præstat triangulum $\triangle$ quila-
 terum, poterit etiam per triangulum isosceles
 obtineri.

PROP. XI. PROBL. VI.

*Ex puncto in recta linea dato perpendicu-
 larem rectam lineam excitare.*



Data sit recta AB, &
 datum in ea punctum C.
 Oportet, ex puncto isto C
 erigere perpendicularem su-
 per AB.

Sumatur in CA quodvis
 punctum D. Tum ex ma-
 jore CB abscindatur por-
 tio CE $\triangle$ qualis (2) minori CD. Porro super
 DE constituatur (3) triangulum $\triangle$ quilate-
 rum

(1) Prop. 4. (2) Prop. 3.

(3) Prop. 1.

LIBER PRIMUS.

55

rum DFE. Ac deum a C ad F ducatur (1) recta CF. Dico, rectam CF perpendicularem esse super AB.

Quoniam enim ex constructione recta CD æqualis est rectæ CE, communis autem CF; erunt duo latera CD, CF trianguli DCF æqualia duobus lateribus CE, CF trianguli ECF; alterum alteri. Jam verò æquales sunt etiam inter se eorundem triangulorum bases DF, EF, utpote latera trianguli æquilateri DEF. Quare angulus DCF, contentus sub lateribus illius, [2] æqualis erit angulo ECF, qui sub istius lateribus continetur. Unde, quum recta CF subinde incidat super AB, ut efficiat angulos deinceps æquales, ea perpendicularis erit (3) ad AB. Et propterea ex puncto C erecta est super AB perpendicularis CF. Quod erat faciendum.

SCHOLIUM.

In hujus etiam problematis constructione præstat observare, triangulum æquilaterum DFE non alia ratione constitui super recta DE, quàm ut triangulorum DCF, ECF æquales oriantur bases DF, EF. Unde perinde res erit, si loco trianguli æquilateri describatur super eadem recta DE triangulum isosceles.

PROP. XII. PROBL. VII.

Super rectam infinitam ex puncto, quod in ea non est, perpendicularem rectam lineam demittere.

Data sit recta infinita AB, & datum extra eam punctum C. Oportet, ex puncto C 2 isto

(1) Post.1. (2) Prop.8. [3] Def.10.:



isto C perpendicularem demittere super AB.

Respectu puncti C ad alteram partem ipsius AB capiatur punctum aliquod G. Tum centro C, intervallo CG describatur [1] circulus GEF, qui secabit rectam AB in punctis E, & F. Secetur porro recta EF [2] bifariam in H. Ac demum jungatur [3] CH. Dico, rectam CH perpendicularem esse super AB.

Nam ductis rectis CE, CF, quia ex constructione EH est æqualis FH communis verò CH; erunt duo latera EH, CH trianguli CHE æqualia duobus lateribus FH, CH trianguli CHF, alterum alteri. Sunt autem æquales etiam inter se eorundem triangulorum bases CE, CF, utpote lineæ ductæ à centro ad circumferentiam. Quare æquales quoque erunt (4) anguli CHE, CHF. Unde, quum recta CH subinde incidat super AB, ut angulos deinceps efficiat æquales; ea erit perpendicularis AB. Et propterea ex puncto C, dato extra rectam infinitam AB, demissa est recta CH perpendicularis ad ipsam AB. Quod erat faciendum.

S C H O L I U M.

Appositè autem dicitur super rectam infinitam AB; quia si sit finita, fieri potest, ut pro-

(1) Post. 3. (2) Prop. 10.
(3) Post. 1. (4) Prop. 8.

producta transeat per datum punctum C: quo casu nulla perpendicularis exinde demitti potest super AB, quia punctum datum in ipsa producta reperitur.

PROP. XIII. THEOR. VI.

Recta linea insistsens super aliam rectam lineam efficit angulos deinceps, vel rectos, vel duobus rectis æquales.



Recta AB insistat super rectam CD. Dico, angulos deinceps ABC, ABD vel esse rectos, vel simul sumptos duobus rectis æquales.

Nam, vel anguli deinceps ABC, ABD sunt æquales, & rectus erit (1) uterque eorum. angulorum; vel non sunt æquales, & erigatur ex puncto B recta BE (2) perpendicularis ad CD, ita ut anguli deinceps EBC, EBD sint recti.

Quoniam itaque angulus EBC æqualis est duobus angulis EBA, ABC simul sumptis; appposito comuni EBD, erunt (3) duo anguli EBC, EBD æquales tribus angulis ABC, EBA, EBD. Jam verò duo anguli EBA, EBD æquales sunt simul angulo ABD; adeoque appposito communi ABC, fiunt tres anguli ABC, EBA, EBD æquales (4) duobus angulis ABC, ABD. Quare erunt duo anguli ABC, ABD (5) æquales duobus angulis

C 3
EBC

[1] Def. 10. [2] Prop. 11.

[3] Axi. 2. [4] Axi. 2. (5) Axi. 1.


EBC, EBD. Unde, quum uterque istorum sit rectus, erunt illi simul duobus rectis æquales. Et propterea recta linea, insistens super aliam rectam lineam, efficiet angulos deinceps, vel rectos, vel duobus rectis æquales. Quod erat ostendendum.

S C H O L I U M.

Alternativa est ista propositio, ob duplicem modum, quo recta AB insistere potest super aliam CD. Vel enim insistit perpendiculariter, & tunc efficiet angulos deinceps ABC, ABD æquales, adeoque rectos. Vel insistit oblique, & tunc unum ex iis angulis efficiet acutum, alterum obtusum. Verum, quia erecta perpendiculari BE, quantum angulus acutus ABC deficit à recto EBC, tantumdem obtusus ABD excedit rectum alium EBD; fit hinc, ut duo anguli deinceps ABC, ABD, etsi unus acutus, alter obtusus, simul tamen æquivalent duobus rectis EBC, EBD.

PROP. XIV. THEOR. VII.

Si è puncto unius rectæ lineæ ducantur ad partes oppositas duæ aliæ rectæ lineæ, quæ constituent cum illa angulos deinceps duobus rectis æquales, in directum erunt duæ illæ rectæ lineæ.



Sit recta aliqua AB, ex cujus puncto B ducantur ad partes oppositas aliæ duæ rectæ lineæ BC, BD, quæ constituent cum ipsa AB angulos deinceps ABC, ABD, duobus rectis æquales. Dico, BD ipsi BC in directum esse.

Si

Si enim ipsi BC non sit BD in directum, ponatur ei in directum BE . Et quoniam super rectam CBE insistit AB , erunt anguli deinceps ABC , ABE (1) duobus rectis æquales. Sed ex hypothese anguli ABC , ABD sunt etiam æquales duobus rectis. Quare erunt (2) duo anguli ABC , ABE æquales duobus angulis ABC , ABD : proindeque ablato communi ABC , supererit [3] angulus minor ABE æqualis majori ABD , quod fieri [4] non potest. Non igitur BE in directum est ipsi BC . Quare erit ei in directum recta BD . Et propterea, si è puncto unius rectæ lineæ ducantur ad partes oppositas duæ aliæ rectæ lineæ, quæ constituent cum illa angulos deinceps duobus rectis æquales, in directum erunt duæ istæ rectæ lineæ. Quod erat ostendendum.

S C H O L I U M.

Hoc theorema est conversum præcedentis. In illo enim ex eo, quod rectæ BC , BD sint in directum, hoc est unicam rectam lineam constituent; ostensum est, angulos deinceps ABC , ABD duobus rectis æquales esse. Vicissim autem in isto ex eo, quod anguli deinceps ABC , ABD sint æquales duobus rectis, ostenditur rectas BC , BD in directum esse.

PROP. XV. THEOR. VIII.

Si duæ rectæ lineæ se mutuo secant, anguli, quos ad verticem faciunt, inter se sunt æquales.

RECTÆ duæ AB , CD se mutuo secant in E . Dico, angulos, qui ad verticem
 C 4 sunt,

(1) Prop. 13. [2] Axi. 1. (3) Axi. 3. [4] Axi. 8.



sunt, inter se æquales esse ; hoc est angulum AEC æqualem esse angulo BED, & angulum AED æqualem angulo BEC.

Nam anguli AEC, AED, velut anguli deinceps, sunt [1] æquales duobus rectis ; &

ob eandem rationem duobus etiam rectis æquales sunt anguli DEB, DEA. Quare duo anguli AEC, AED sunt æquales [2] duobus angulis DEB, DEA : & propterea ablato communi AED, supererit (3) angulus AEC æqualis angulo BED.

Simili modo ostendetur, angulum AED æqualem esse angulo CEB : nempe, quia duobus rectis æquales sunt, tam anguli DEA, DEB, quam anguli BEC, BED. Quare, si duæ rectæ lineæ semutud secant, anguli, quos ad verticem faciunt, inter se æquales sunt. Quod demonstrare oportebat.

S C H O L I U M.


Conuersum huius theorematís etiam obtinet : nempe, quod si in recta AB sumatur punctum aliquod E, ex quo ducantur ad partes oppositas duæ aliæ rectæ lineæ EC, ED, quæ efficiant cum priori angulos ad verticem æquales, in directum sint ipsæ EC, ED. Nam si ipsi EC non sit in directum ED, fit ei in directum EF. Quare per ostensum theorema erit angulus AEC æqualis angulo BEF. Ponitur autem angulus AEC æqualis angulo BED. Quare erit angulus BEF æqualis angulo BED : quod fieri non potest.

PROP.

(1) Prop. 13. (2) Axi. 1. [3] Axi. 3.

PROP. XVI. THEOR. IX.

*Omnis trianguli, uno latere producto;
exterior angulus est major utroque
interiore, & opposito.*



Sit triangulum ABC,
& producat unum
ejus latus BC versus
D. Dico, angulum
exteriorem ACD ma-
jorem esse utroque in-
teriore, & opposito,
hoc est majorem, tum
angulo CAB, cum an-
gulo CBA.

Secetur, namque la-
tus AC (1) bifariam
in E, & juncta (2) BE,
producat (3) ad F, ponatur ipsi BE (4)
æqualis EF. Jungatur porro (5) CF, & AC
producat (6) ad G.

Quoniam igitur ex constructione AE est
æqualis EC, & BE æqualis EF; erunt duo
latera EA, EB trianguli AEB æqualia duo-
bus lateribus EC, EF trianguli CEF. Sed an-
gulus AEB, contentus sub lateribus illius,
æqualis est (7) angulo CEF, qui sub istius la-
teribus continetur; quum sint anguli ad ver-
ticem. Quare & anguli BAE, ECF, oppo-
siti

C 5

[1] Prop. 10.

[2] Post. 1.

(3) Post. 2.

[4] Prop. 3.

(5) Post. 1.

(6) Post. 2.

[7] Prop. 15.

siti lateribus æqualibus BE, EF, similiter (1) æquales erunt; adeoque, quum angulus ACD major sit angulo ACF, erit etiam (2) major angulo CAB.

Quemadmodum autem ostensus est angulus ACD major angulo CAB, ita quoque ostendetur, angulum BCG majorem esse angulo CBA. Sed angulus BCG æqualis est [3] angulo ACD; quum sint anguli ad verticem. atque erit idem angulus ACD major quoque angulo CBA. Et propterea omnis trianguli, uno latere producto, exterior angulus est major utroque interiore, & opposito. Quod erat ostendendum.

S C H O L I U M.


De angulo AGB, qui respectu exterioris ACD dici potest interior deinceps, nihil quidem determinari potest; quum ipse exterior ACD possit esse major, minor, & æqualis angulo ACB. quum enim duo anguli ACD, ACB, velut hinc inde existentes, sint æquales duobus rectis; fit hinc, ut si ACD sit rectus, rectus sit etiam ACB, si verò ACD acutus, obtusus sit ACB; & si idem ACD obtusus, acutus sit ACF.

P R O P. XVII. T H E O R. X.

Omnis trianguli duo anguli simul duobus rectis minores sunt, quomodocumque sumpti.

SIt triangulum ABC. Dico, duos ejus angulos, quomodocumque sumptos, puta CBA,

[1] Prop. 4. (2) Axi. 1. [3] Prop. 15.



CBA, BCA, simul duobus rectis minores esse. Producatur etenim latus BC in directum versus D. Et quoniam angulus exterior ACD est maior (1) interiore, & opposito CBA, appposito communi BCA,

erunt duo anguli ACD, ACB majores (2) duobus angulis CBA, BCA. Jam vero duo anguli ACD, ACB, velut hinc inde existentes, sunt æquales (3) duobus rectis, Quare duo anguli CBA, BCA simul duobus rectis minores erunt. Et propterea omnis trianguli duo anguli simul duobus rectis minores sunt, quomodocumque sumpti. Quod erat demonstrandum.

COROLLARIUM.

Hinc patet, ex puncto A ad lineam BC unicam tantum perpendicularem duci posse. Nam si duci possent duæ perpendiculares AB, AC, forent in triangulo ABC duo anguli CBA, BCA duobus rectis æquales: quod est absurdum. Et ob eamdem rationem, si ex duobus punctis B, C unius ejusdemque rectæ BC erigantur ad rectam istam duæ perpendiculares, hæc nunquam inter se conveniant, atque adeo parallela erunt.

C 6

PROP.


(1) Prop. 16.

(2) Axi. 4.

{3} Prop. 13.

PROP. XVIII. THEOR. XI.

*Omnis trianguli majus latus majorem
angulum subtendit.*



Sit triangulum
ABC, in quo la-
tus AC majus sit
latere AB. Dico,
angulum ABC, op-
positum majori la-
teri, majorem esse
angulo ACB, qui

opponitur lateri minori.

Quoniam enim latus AC majus est latere AB, abscindatur ex eo (1) portio AD æqualis minori AB, jungaturque [2] BD.

Quia igitur AD est æqualis AB, erit triangulum BAD isosceles, adeoque angulus ABD æqualis [3] angulo ADB. Sed angulus ABC major est angulo ABD. Quare idem angulus ABC erit etiam [4] major angulo ADB.

Et quoniam in triangulo BDC latus CD productum est in A, erit angulus exterior ADB (5) major interiori, & opposito ACB. Ostensus est autem angulus ABC major angulo ADB. Quare idem angulus ABC multò major erit angulo ACB. Et propterea omnis trianguli majus latus majorem angulum subtendit. Quod demonstrare oportebat.

SCHO.


-
- (1) Prop. 3. (2) Post. 1.
[3] Prop. 5. (4) Axi. 1.
[5] Prop. 16.

S C H O L I U M.

Hoc theorema supplet casum omissum in theoremate quinta propositionis. Ibi enim ostensum est, quod si triangulum sit isosceles, hoc est habeat duo latera aequalia, anguli, iis lateribus oppositi, sint etiam aequales. Hic autem ostenditur, quod si unum ex iis lateribus sit altero majus, major sit angulus ille, qui majori lateri opponitur.

PROP. XIX. THEOR. XII.

Omnis trianguli major angulus majus latus subtendit.



Sit triangulum ABC, habens angulum ABC majorem angulo ACB. Dico, latus AC, oppositum angulo majori, majus esse latere AB, quod opponitur angulo minori.

Si enim latus AC non est majus latere AB, erit vel ei æquale, vel eodem minus. Æquale autem esse non potest, quia aliter foret (1) angulus ABC æqualis angulo ACB, quod est contra hypothesein. Neque etiam minus; quia esset (2) angulus ABC minor angulo ACB, quod est etiam contra hypothesein. Quare erit latus AC majus latere AB.

Et

(1) Prop. 5.

(2) Prop. 18.


Et propterea in omni triangulo majori angulo majus latus opponitur. Quod erat ostendendum.

S C H O L I U M.

Hoc theorema est conversum precedentis. Nam quemadmodum in eo ostensum est, majori lateri majorem angulum opponi; sic vicissim in isto ostenditur, quod majori angulo majus semper latus sit oppositum. Sed idem theorema supplet quoque casum omissum in theoremate propositionis sextæ. In eo enim ostensum est, æquales angulos trianguli æqualia quoque latera subtendere; in isto autem demonstratur, majori angulo majus semper latus opponi.

. PROP. XX. THEOR. XIII.

In omni triangulo duo latera simul majora sunt reliquo, quomodocunque sumpta.



Sit triangulum ABC. Dico, duo quælibet ipsius latera simul, puta AB, BC, majora esse reliquo AC.

Protrahatur AB (1) versus D, & fiat [2] BD æqualis BC, jungaturque (3) CD.

Et

[1] Post. 2.

[2] Prop. 3.

(3) Post. 1.

Et quoniam BD est æqualis BC , erit BCD triangulum isosceles; adeoque angulus BCD [1] æqualis angulo BDC . Est autem angulus ACD major angulo BCD . Quare idem angulus ACD erit etiam [2] major angulo BDC : atque adeo, quia majori angulo (3) majus semper latus opponitur, erit AD majus, quam AC in triangulo ADC . Sed ex constructione AD est æquale ipsis AB , BC simul sumptis. Duo igitur latera AB , BC simul sumpta reliquo AC majora sunt. Et propterea in omni triangulo duo latera simul majora sunt reliquo; quomodocumque sumpta. Quod erat ostendendum.

S C H O L I U M.

Hoc theorema nulla eget demonstratione, & velut axioma ultro ab omnibus concedi debet, si lineæ rectæ Archimedeam definitionem admittamus. Definitur etenim ab Archimede lineæ rectæ, quod sit brevissima omnium linearum, quæ duci possunt à puncto ad punctum. Itaque, quia AC est lineæ rectæ, AB verd, & BC simul unicam rectam non constituunt, sed angulum continent; erit AC minor ipsis AB , BC simul sumptis.


PROP. XXI. THEOR. XIV.

Si ex terminis unius lateris trianguli ducantur intra triangulum duæ rectæ lineæ; eæ simul minores erunt duobus aliis lateribus trian-

(1) Prop. 5. (2) Axi. 1.

[3] Prop. 19.

trianguli, angulum verò majorem continebunt.



Sit triangulum ABC, & ex punctis A, & B ducantur intra triangulum rectæ duæ AD, BD. Dico, rectas istas AD, BD simul minores esse ipsis AC, BC simul sumptis; at verò angulum ADB majorem esse angulo ACB.

Protrahatur etenim (1) AD usque donec cum BC conveniat in E. Et quoniam in triangulo ACE duo latera AC, CE simul (2) majora sunt reliquo AE; addito communi EB, erunt duo latera AC, CB (3) majora quoque duobus AE, EB.

Rursus, quoniam in triangulo DEB duo latera DE, EB simul (4) majora sunt reliquo DB; appposito communi AD, erunt duo latera AE, EB (5) majora etiam duobus AD, DB. Ostensum est autem, latera duo AC, CB majora esse duobus AE, EB. Quare eadem AC, CB ipsis AD, DB multò majora erunt.

Deinde, quoniam in triangulo BED latus ED productum est in A, erit angulus exterior ADB (6) major interiore, & opposito BED. Atque ita quoque, quoniam in triangulo ACE latus CE productum est in B, erit angulus exterior BED major interiore, & opposito ACE.

Quum

[1] Post. 2. (2) Prop. 20.


(3) Axi. 4. (4) Prop. 20.

(5) Axi. 4. [6] Prop. 16.

Quum itaque angulus ADB major sit angulo BED, & angulus BED major angulo ACB, erit idem angulus ADB multò major angulo ACB. Quare, si ex terminis unius lateris trianguli ducantur intra triangulum duæ rectæ lineæ, eæ simul minores erunt duobus aliis lateribus trianguli, angulum verò majorem continebunt. Quod demonstrare oportebat.

PROP. XXII. PROBL. VIII.

Ex tribus rectis lineis, quæ tribus aliis datis sint æquales, triangulum constituere. Oportet autem, ut ex tribus datis duæ simul reliqua majores sint, quomodocumque sumptæ.



Datae sint tres rectæ lineæ A, B, C, quæ ejusmodi sint, ut duæ simul majores sint reliqua, quomodocumque sumantur.

Oportet, ex tribus rectis lineis, quæ tribus iis datis æquales sint, triangulum constituere.

Exponatur recta quævis DE, terminata versus D, & indefinita verus E, ex qua (1) abscindatur primò DF æqualis A, tum FG æqua-

(1) Prop. 3.

α qualis B, ac denique GH α qualis C. Deinde centro F, & intervallo FD describatur (1) circulus DKL; nec non centro G, & intervallo GH alter circulus HKL. Demum ex puncto K, in quo se secant circumferentiae horum circulorum ducantur [2] ad puncta F, & G rectae KF, KG. Dico, FKG esse triangulum quaesitum.

Quoniam enim F centrum est circuli DKL, erit [3] FD α qualis FK. Sed ex constructione FD est α qualis A. Quare & FK [4] ipsi A α qualis erit. Similiter, quoniam G centrum est circuli HKL, erit GH [5] α qualis GK. Sed ex constructione GH est α qualis C. Quare & GK (6) ipsi C α qualis erit.

Sunt itaque trianguli FKG latera duo FK GK α qualia rectis datis A, & C. Sed & latus FG ex constructione α quale est alteri B. Constitutum est igitur triangulum FKG, cujus latera FK, FG, GK α qualia sunt tribus rectis datis A, B, C. Quod erat faciendum.

S C H O L I U M.

Hoc problema majorem extensionem habet, quam problema primae propositionis. Ibi enim agebatur de construendo triangulo aequilatero, cujus latera equalia datae essent longitudinis. Hic vero agitur de construendo quolibet triangulo, cujus latera singula datam habeant longitudinem. Necessesse est autem, ut datae tres rectae lineae, quibus equalia esse debent tria latera

[1] Post. 3. (2) Post. 1.


(3) Def. 15. (4) Axi. 1.

(5) Def. 15. (6) Axi. 1.

*tera trianguli constituendi, ejusmodi sint, ut
duæ simul reliqua majores sint, quomodocum-
que sumptæ; quia, ut superius ostensum est,
hæc est proprietas essentialis trianguli, ut duo
latera simul majora sint reliquo, quomodocum-
que sumpta.*

PROP. XXIII. PROBL. IX.

*Ad datam rectam lineam, atque ad datum in
ea punctum angulum dato angulo rectili-
nea æqualem constituere.*



Data sit
recta AB, &
datum in ea
punctum A;
datus verò
angulus re-
ctilineus C-
DE. Opor-
tet ad datā

rectam AB, atque ad datum in ea punctum A
constituere angulum æqualem angulo rectili-
neo dato CDE.

In lateribus anguli dati DC, DE sumantur
duo quævis puncta C, & E, quæ jungantur
[1] per rectam CE. Itaque, quia tres rectæ
lineæ DC, DE, CE constituunt triangulum
DCE, eæ ejusmodi erunt [2], ut duæ simul
majores sint reliqua, quomodocumque sum-
ptæ. Quare ad rectam datam AB constitua-
tur (3) aliud triangulum ABF, cujus latera
tria

[1] Post. I. (2) Prop. 20.


(3) Prop. 22.

tria AB, AF, BF æqualia sint tribus rectis DC, DE, CE, Dico, angulum BAF æqualem esse angulo CDE.

Quoniam enim ex constructione AB est æqualis DC, & AF æqualis DE; erunt duo latera AB, AF trianguli BAF æqualia duobus lateribus DC, DE trianguli CDE, alterum alteri. Est etiam ex constructione basis illius BF æqualis basi istius CE. Quare erit (1) angulus BAF æqualis angulo CDE. Et propterea ad datam rectam AB, atque ad datum in ea punctum A constitutus est angulus BAF æqualis angulo dato CDE. Quod erat faciendum.

PROP. XXIV. THEOR. XV.

Si duo triangula habeant duo latera duobus lateribus æqualia, alterum alteri, & angulum sub iis lateribus contentum angulo majorem; & basim basi majorem pariter habebunt.



Sint duo triangula ABC, DEF quæ habeant duo latera AB, AC æqualia duobus lateribus DE, DF, alterum alteri, angulum verò BAC majorem angulo EDF.

(1) Prop. 8.

EDF. Dico, habere quoque basim BC majorem basi EF.

Quoniam enim angulo BAC minor est angulus EDF; fiat ad lineam DF, atque ad datum in ea punctum D (1) angulus FDG æqualis angulo BAC. Tum fiat quoque (2) DG æqualis ipsi AB. Ac denique jungantur [3] GE, GF.

Et quoniam ex constructione AB est æqualis DG, ex hypothese autem AC est æqualis DF; erunt duo latera AB, AC trianguli ABC æqualia duobus lateribus DG, DF trianguli DGF, alterum alteri. Est etiam ex constructione angulus BAC, contentus sub lateribus illius, æqualis angulo GDF, qui sub istius lateribus continetur. Quare & basis BC (4) basi GF pariter æqualis erit.

Rursus, quoniam ex constructione DG est æqualis AB, ex hypothese autem eidem AB æqualis est etiam DE, erit (5) DE æqualis DG: atque adeo, quum isosceles sit triangulum GDE, erit (6) angulus DGE æqualis angulo DEG. Est autem angulus FEG major angulo DEG. Quare, idem angulus FEG (7) major quoque erit angulo DGE; ac propterea multò major angulo FGE.

Quum igitur in triangulo GEF angulus FEG major sit angulo FGE, erit (8) latus GF, oppositum majori angulo, majus latere EF, quod opponitur angulo minori. Ipsi autem GF ostensa est æqualis BC. Quare & BC eadem

[1] Prop. 23.

[2] Prop. 3.

[3] Post. 1.

(4) Prop. 4.

(5) Axi. 1.

(6) Prop. 5.

(7) Axi. 1.

[8] Prop. 19.


eadem EF major quoque erit. Et propterea, si duo triangula habeant duo latera duobus lateribus æqualia, alterum alteri, & angulum sub lateribus iis contentum angulo majorem; & basim basi majorem pariter habebunt. Quod erat ostendendum.

S C H O L I U M.

Hoc theorema supplet casum omissum in theoremate propositionis quartæ. Ibi enim ostensum est, quod duorum triangulorum, duo latera duobus lateribus æqualia habentium, alterum alteri, si æquales fuerint anguli sub lateribus iis contenti, bases etiam sint æquales. In hoc autem ostenditur, quod eorundem triangulorum si angulus angulo major sit, & basis basi etiam major erit.

PROP. XXV. THEOR. XVI.

Si duo triangula habeant duo latera duobus lateribus æqualia, alterum alteri, & basim basi majorem; habebunt & angulum, sub iis lateribus contentum, angulo quoque majorem.



Sint duo triangula A-BC DEF, quæ habeant duo latera A-B, AC æqualia duobus lateribus DE, DF alterum

alteri; habeant verò basim BC majorem basi EF. Dico, habere quoque angulum BAC majorem angulo EDF.

Si

Si enim angulus BAC major non sit angulo EDF, erit vel ei æqualis, vel eodem minor. Æqualis autem esse non potest, quia aliter foret (1) basis BC æqualis basi EF, quod est contra hypothesim. Neque etiam minor, quia esset (2) basis BC minor basi EF, quod est etiam contra hypothesim. Quare consequens est, ut angulus BAC major sit angulo EDF. Et propterea, si duo triangula habeant duo latera duobus lateribus æqualia, alterum alteri, & basim basi maiorem; habebunt & angulum, sub iis lateribus contentum, angulo quoque maiorem. Quod demonstrare oportebat.

S C H O L I U M.

Hoc theorema, convertit, quod precedenti propositione positum est. In utroque enim supponitur, quod duo triangula habeant duo latera duobus lateribus æqualia, alterum alteri; sed in illo ex eo, quod angulus, sub æqualibus lateribus contentus, sit angulo major, ostensum est, & basim basi maiorem esse: in isto verò vicissim ex eo, quod basis sit major basi, ostenditur, angulum angulo maiorem esse. Idem etiam theorema supplet casum omissum in theoremate propositionis octavæ: quum ostensum sit in illo, quod si duo triangula habeant duo latera duobus lateribus æqualia, alterum alteri, & basim basi æqualem, angulos sub æqualibus lateribus contentos etiam æquales sint habitura.


PROP.

(1) Prop. 4.

[2] Prop. 24.

PROP. XXVI. THEOR. XVII.

Si duo triangula habeant duos angulos duobus angulis æquales, alterum alteri, & unum latus uni lateri æquale, sive quod æqualibus adjacet angulis, sive quod uni æqualium angulorum opponitur; omnia alia etiam æqualia habebunt.



Sint duo triangula ABC , DEF , quæ habeant duos angulos CBA , BCA æquales duobus angulis $FEDE$, EDF , alterum alteri.

Et habeant primum æqualia quoque latera BC , EF , quæ adjacent æqualibus angulis. Dico, omnia alia æqualia esse, nempe latus AB æquale lateri DE , latus AC æquale lateri DF , angulum BAC æqualem angulo EDF , ipsumque triangulum ABC æquale triangulo DEF .

Si enim latus AB æquale non sit lateri DE , alterum ipsorum majus erit. Sit itaque majus latus AB , ex quo abscindatur [1] portio BG æqualis minori DE , & jungatur [2] CG .

Quoniam itaque ex constructione GB est æqualis DE , ex hypothese verò BC æqualis EF ; erunt duo latera BG , BC trianguli GBC æqua-

[1] Prop. 3.

(2) Post. 1.

æqualia duobus lateribus DE, EF trianguli DEF, alterum alteri. Est etiam angulus GBC, sub illius lateribus contentus, æqualis ex hypothefi angulo DEF, qui sub lateribus istius continetur; Quare erit (1) angulus BCG æqualis quoque angulo EFD. Sed angulo EFD æqualis est ex hypothefi angulus BCA. Itaque erit angulus BCG (2) æqualis angulo BCA: quod planè [3] repugnat.

Non igitur latus AB majus est latere DE. Sed ob eandem rationem nec etiam minus esse potest. Quare consequens est, ut latus AB æquale sit lateri DE. Quumque ex hypothefi latus BC æquale sit lateri EF, & angulus CBA æqualis angulo FED; habebunt duo triangula ABC, DEF duo latera duobus lateribus æqualia, alterum alteri, & angulos sub æqualibus lateribus contentos æquales. Unde omnia alia etiam (4) æqualia erunt.

Sed eadem triangula ABC, DEF habeant secundò æqualia latera duo AB, DE, quæ opponuntur angulis æqualibus BCA, EFD. Dico quoque, omnia alia æqualia esse; scilicet latus AC æquale lateri DF, latus BC æquale lateri EF, angulum BAC æqualem angulo EFD, ipsumque triangulum ABC æquale triangulo DEF.

Si enim latus BC non sit æquale lateri EF, alterum ipsorum majus erit. Sit itaque majus latus BC, ex quo abscindatur (5) portio BH æqualis minori EF, & jungatur (6) AH.

Quoniam itaque ex hypothefi AB est æ-

D
qua-

(1) Prop. 4. [2] Axi. 1.

[3] Axi. 8. (4) Prop. 4.

[5] Prop. 3. (6) Post. 1.

qualis DE, ex constructione autem BH est æqualis EF, erunt duo latera AB, BH trianguli ABH æqualia duobus lateribus DE, EF trianguli DEF, alterum alteri. Est etiam ex hypothesi angulus ABH, contentus sub lateribus illius, æqualis angulo DEF, qui sub istius lateribus continetur. Quare erit (1) angulus BHA æqualis angulo EFD. Sed ex hypothesi angulo EFD æqualis est angulus BCA. Itaque erit angulus BHA (2) æqualis angulo BCA, hoc est exterior æqualis interiori, & opposito: quod planè [3] repugnat.

Non igitur latus BC majus est latere EF. Sed ob eandem rationem neque etiam minus esse potest. Quare consequens est, ut latus BC æquale sit lateri EF. Quumque ex hypothesi latus AB æquale sit lateri DE, & angulus CBA æqualis angulo FED; habebunt triangula duo ABC, DEF duo latera duobus lateribus æqualia, alterum alteri, & angulos sub æqualibus lateribus contentos pariter æquales. Quare omnia alia (4) etiam æqualia erunt.

Itaque, si duo triangula habeant duos angulos duobus angulis æquales, alterum alteri, & unum latus uni lateri æquale, sive quod æqualibus adjacet angulis, sive quod uni æqualium angulorum opponitur; & omnia alia æqualia pariter habebunt. Quod erat demonstrandum.

SCHO-

(1) Prop.4. [2] Axi.1.

(3) Prop.16. (4) Prop.4.

S C H O L I U M.

Theorematis hujus pars prior perfecte convertit id, quod propositione quarta positum est, Nam quemadmodum ibi ex eo, quod triangula duo ABC, DEF habeant duo latera AB, AC equalia duobus lateribus DE, DF, alterum alteri, & angulum BAC equalem angulo EDF, ostensum est, basim BC equalem esse basi EF, angulum CBA equalem angulo FED, & angulum BCA equalem angulo EFD; sic vicissim in theorematis hujus parte prioris ex eo, quod triangula duo ABC, DEF habeant duos angulos CBA, BCA aequales duobus angulis FED, EFD, alterum alteri, & basim BC equalem basi EF, ostenditur, latus AB aequale esse lateri DE, latus AC aequale lateri DF, & angulum BAC equalem angulo EDF.

PROP. XXVII. THEOR. XVIII.

Si in duas rectas lineas, in eodem plano jascentes, tertia incidat recta linea, & efficiat angulos alternos aequales; parallelae erunt duae illae rectae lineae.



Sint duae rectae lineae AB, CD, quae existant in uno, eodemque plano, & in eas incidat tertia recta linea EF, quae efficiat angulos alter-

nos aequales, hoc est angulum AEF aequalem angulo EFD. Dico, rectas duas AB, CD parallelas esse inter se.


Si enim non sint parallelæ, eæ productæ versus aliquam partem convenient. Producantur itaque, & convenient in G. Figura igitur EFG, velut contenta sub tribus rectis lineis, triangulum est. Unde, quum latus GE productum sit in A, erit [1] angulus exterior major utroque interiore, & opposito, hoc est angulus AEF major tam angulo EGF, quàm angulo EFG. Est autem ex hypothesi angulus AEF æqualis angulo EFG. Idem igitur angulus AEF est major simul, & æqualis angulo EFG: quod fieri non potest. Non igitur rectæ duæ AB, CD productæ convenient inter se. Quare, quum in eodem consistant plano, [2] eædem parallelæ erunt. Et propterea, si in duas rectas lineas, in eodem plano jacentes, tertia incidat recta linea, & efficiat angulos alternos æquales; parallelæ erunt duæ illæ rectæ lineæ. Quod erat demonstrandum.

PROP. XXVIII. THEOR. XIX.

Si in duas rectas lineas, in eodem plano jacentes, tertia incidat recta linea, & efficiat, vel angulum exteriorem æqualem interiori, & opposito ad eandem partem, vel duos angulos interiores ad eandem partem positos, duobus rectis æquales; parallelæ erunt duæ illæ rectæ lineæ.

Sint duæ rectæ lineæ AB, CD, quæ existant in uno, eodemque plano, & in eas incidat tertia recta linea EFG. Dico primò, quod

[1] Prop. 16. [2] Def. 35.



quod si angulus exterior EFB sit æqualis interiori, & opposito ad eandem partem FGD, duæ illæ rectæ lineæ AB, CD inter se sint parallelæ.

Anguli enim AFG, EFB, velut ad verticem positi, inter se (1) sunt æquales. Un-

de semper ac angulus EFB æqualis ponitur angulo FGD; erit etiam (2) angulus AFG æqualis angulo FGD. Jam vero isti duo anguli sunt alterni. Itaque lineæ AB, CD [3] parallelæ erunt inter se.

Dico secundò, quod si duo anguli interiores, ad eandem partem positi, BFG, FGD sint simul duobus rectis æquales, duæ illæ rectæ lineæ AB, CD etiam inter se sint parallelæ.

Nam anguli AFG, BFG, velut hinc inde positi, sunt simul (4) duobus rectis æquales. Sed ex hypothese æquales sunt etiam duobus rectis anguli duo BFG, FGD. Quare erunt duo anguli AFG, BFG æquales [5] duobus angulis BFG, FGD; & propterea, ablato communi BFG, supererit [6] angulus AFG æqualis angulo FGD. Sunt autem anguli isti alterni. Itaque lineæ AB, CD (7) parallelæ erunt inter se. Et propterea, si in duas, rectas

D 3

ctas

(1) Prop. 15. (2) Axi. 1.

(3) Prop. 27. (4) Prop. 13.

(5) Axi. 1. (6) Axi. 3.

(7) Prop. 27.

Etas lineas, in eodem plano jacentes, tertia incidat recta linea, & efficiat vel angulum exteriorem æqualem interiori, & opposito ad eandem partem, vel duos angulos interiores, ad eandem partem positos, duobus rectis æquales; duæ illæ rectæ lineæ parallelæ erunt inter se. Quod demonstrare oportebat.

S C H O L I U M I.

Ex duabus propositionibus præcedentibus perspicuum fit, parallelismum linearum tripliciter cognosci posse. Primum nempe, si in iis anguli alterni sint æquales. Secundò, si angulus exterior sit æqualis interiori, & opposito ad eandem partem. Ac tertio demum, si duo anguli interiores, ad eandem partem positi, sint simul duobus rectis æquales.

S C H O L I U M II.

Rectæ igitur AB, CD , parallelæ sunt inter se, siquidem duo anguli BFG, FGD simul sint duobus rectis æquales. Revolvatur jam recta AB circa punctum F , ita ut positionem accipiat recta ab : & perspicuum est, revolutione ista nec rectas ab, CD esse amplius parallelas, utpote convenientes versus bD , nec angulos bFG, FGD æquales esse simul duobus rectis, utpote minores. Unde nihil obstat, quominus hoc loco tamquam verum agnoscamus sequens axioma Euclidum.


A X I O M A XIII.

Si in duas rectas lineas, in eodem plano

jacentes, tertia incidat recta linea, & efficiat duos angulos interiores, ad eandem partem positos, duobus rectis minores; duæ illæ. rectæ lineæ non erunt parallelæ, sed convenient versus eam partem, in qua fiunt duo illi anguli, qui simul duobus rectis minores sunt.

PROP. XXIX. THEOR. XX.

Si in duas rectas lineas parallelas tertia incidat recta linea; hæc efficiet & angulos alternos æquales; & angulum exteriorem æqualem interiori, & opposito ad eandem partem; & duos angulos interiores, ad eandem partem positos, duobus rectis æquales.



Sint duæ rectæ lineæ parallelæ AB CD, in quas incidat tertia EFG. Dico primò, angulos alternos AFG FGD æquales esse inter se.

Si enim non sint æquales, alter ipsorum major erit. Sit itaque angulus AFG major angulo FGD. Quare appposito communi BFG, erunt (1) duo anguli AFG, BFG majores duobus angulis BFG, FGD. Sunt autem duo anguli AFG, BFG [2] æquales duobus

D 4

re-

(1) Axi. 4. [2] Prop. 13.

rectis. Itaque anguli duo BFG, FGD, qui sunt interiores ad eandem partem positi, duobus rectis minores erunt; & propterea rectæ AB, CD [1] non erunt parallelæ: quod est contra hypothesim. Non itaque angulus AFG major est angulo FGD. Et quoniam ob eandem rationem nec minor etiam esse potest, concludendum est, angulum AFG æqualem esse angulo FGD.

Dico secundò, angulum exteriorem EFB æqualem esse interiori, & opposito ad eandem partem FGD.

Angulus enim AFG ostensus est æqualis angulo FGD. Jam verò idem angulus AFG [2] æqualis est etiam angulo EFB. Quare erit [3] angulus EFB æqualis angulo FGD.

Dico tertio, duos angulos BFG, FGD, qui sunt interiores, ad eandem partem positi, esse simul duobus rectis æquales.

Nam quum angulus AFG ostensus sit æqualis angulo FGD; appposito communi BFG, erunt [4] duo anguli AFG, BFG æquales duobus angulis BFG, FGD. Sed duo anguli AFG, BFG simul (5) sunt æquales duobus rectis. Quare etiam (6) duobus rectis æquales erunt duo anguli BFG, FGD.

Igitur, si in duas rectas lineas parallelas tertia incidat recta linea, hæc efficiet & angulos alternos æquales; & angulum exteriorem æqualem interiori, & opposito ad eandem partem; & duos angulos interiores, ad eandem partem positos, duobus rectis æqua-

(1) Axi. 13. [2] Prop. 15.

(3) Axi. 1. [4] Axi. 2.

(5) Prop. 13. [6] Axi. 1.


æquales. Quod demonstrare oportebat.

S C H O L I U M.

Convertit hæc propositio utramque propositionem præcedentium. In iis enim ex hypothesis, quod vel anguli alterni sint æquales, vel angulus exterior æqualis sit interiori & opposito ad eandem partem, vel duo anguli interiores, ad eandem partem positi, sint æquales duobus rectis, colligitur semper lineas esse parallelas. Viciissim autem in ista, ex supposito parallelismo linearum tria illa necessarii consequi, demonstratur.

PROP. XXX. THEOR. XXI.

Quæ eidem sunt parallelæ, inter se sunt parallelæ.



Eidem rectæ lineæ EF parallela sit tam recta AB, quam recta CD. Dico, rectas AB, CD parallelas esse inter se.

Ducatur enim recta alia, GHI, quæ eas utcumque se-

cet in tribus punctis G, H, I. Et quoniam ex hypothesis rectæ AB, EF, sunt parallelæ; erunt (1) anguli alterni AGI, GIF æquales

D 5


in-

(1) Prop. 29.

inter se. Pariterque quoniam ex hypothesi parallelæ sunt rectæ CD , EF ; erit (1) angulus exterior GHD æqualis interiori, & opposito ad eam dem partem GIF . Eidem igitur angulo GIF æqualis est tam angulus AGH , quam angulus GHD . Quare erit (2) angulus AGH æqualis angulo GHD : qui quum sint alterni, erunt lineæ AB , CD [3] inter se parallelæ. Et propterea, quæ eidem sunt parallelæ, inter se parallelæ sunt. Quod erat demonstrandum.

PROP. XXXI. PROBL. X.

Per datum punctum data rectæ lineæ parallelam rectam lineam ducere.



Datum sit punctum A , data verò recta BC . Oportet, per datum punctum A ducere rectam parallelam datae BC .

Capiatur in BC p punctum quodvis D , & juncta (4) AD , fiat (5) ad rectam istam AD , atque ad datum in ea punctum A angulus DAE æqualis angulo ADB , & extendatur (6) EA versus F . Dico, rectam EF parallelam esse ipsi BC .

Sunt enim ex constructione æquales inter se anguli DAE , ADB . Sed isti anguli sunt al-

(1) Prop. 29. (2) Axi. 1.


(3) Prop. 27. [4] Post. 1.

(5) Prop. 23. [6] Post. 2.

alterni. Quare rectæ EF, CB [1] parallelæ erunt inter se. Et propterea per datum punctum A ducta est recta EF parallela datæ BC. Quod erat faciendum.

PROP. XXXII. THEOR. XXII.

Cujuscumque trianguli, uno latere producto, angulus exterior est æqualis duobus interioribus, & oppositis simul sumptis; & anguli omnes simul duobus rectis sunt æquales.



Sit triangulum ABC, & unum ejus latus BC extendatur versus D. Dico, angulum exteriorem ACD æqualem esse duobus interioribus, & oppositis simul sumptis, CAB, ABC.

Per punctum C ducatur (2) recta CE ipsi AB parallela. Et quoniam parallelæ sunt rectæ lineæ AB, CE, & in ipsas incidit AC; erit [3] angulus ACE æqualis angulo CAB. Similiter, quoniam rectæ AB, CE sunt parallelæ, & in ipsas incidit BD, erit [4] angulus exterior DCE æqualis interiori, & opposito ad eandem partem ABC. Ostensus est autem angulus ACE æqualis angulo CAB. Itaque erit totus angulus ACD æqualis duobus angulis simul sumptis CAB, ABC.

Dico etiam, omnes angulos ejusdem trianguli ABC simul duobus rectis æquales esse

D 6

Osten-

(1) Prop. 27. (2) Prop. 31.

[3] Prop. 29. (4) Prop. 29.

Ostensum est enim, angulum ACD æqualem esse duobus angulis CAB , ABC . Quare appposito communi BCA , erunt [1] duo anguli BCA, ACD æquales tribus angulis CAB, ABC, BCA . Sed duo anguli BCA, ACD simul (2) sunt æquales duobus rectis. Itaque tres anguli CAB, ABC, BCA simul etiam duobus rectis æquales erunt. Et propterea cujuscumque trianguli, non modo uno latere producto angulus exterior est æqualis duobus interioribus, & oppositis simul sumptis, sed & anguli omnes simul duobus rectis æquales sunt. Quod erat demonstrandum.

S C H O L I U M.


Theorematis hujus duæ sunt partes, quarum altera paullo specialius determinat id, quod propositione XVI. positum est; altera specialio-rem continet determinationem ejus, quod propositione XVII. posuimus. In iis enim ostensum est, cujuscumque trianguli, uno latere producto, angulum exteriorem majorem esse unoquoque ex duobus interioribus, & oppositis; necnon duos angulos simul duobus rectis minores esse. Hic autem ostenditur, cujuscumque trianguli angulum exteriorem æqualem esse duobus interioribus, & oppositis simul sumptis, omnesque angulos internos simul duos rectos adæquare.

PROP.

[1] Axi. 2. (2) Prop. 13.

PROP. XXXIII. THEOR. XXIII.

Quæ æquales, & parallelas ad easdem partes conjungunt rectas lineas, sunt etiam æquales, & parallelæ.



Sint rectæ duæ AB, DC æquales, & parallelæ, quæ conjungantur ad easdem partes per duas alias rectas lineas AD, BC. Dico, rectas illas AD, BC,

illas conjungentes ad easdem partes, esse etiam æquales, & parallelas.

Ducatur etenim (1) recta AC: Et quoniam AB, DC sunt parallelæ, & in ipsas incidit AC; erit [2] angulus BAC æqualis angulo ACD. Unde, quum duo triangula BAC, DCA habeant duo latera AB, AC æqualia duobus lateribus CD, CA alterum alteri, nec non æquales angulos, sub iis lateribus contentos; habebunt (3) & basim BG æqualem basi AD, & angulum ACB æqualem angulo DAC. Quare, quum in duas rectas AD, BC incidat tertia AC, & efficiat angulos alternos æquales; eæ erunt [4] inter se parallelæ. Oñsensæ sunt autem æquales. Erunt igitur æ-


(1) Post. 1. [2] Prop. 29.

(3) Prop. 4. (4) Prop. 27.

quales, & parallelæ. Et propterea, quæ æquales, & parallelas ad easdem partes conjungunt rectas lineas, sunt etiam æquales, & parallelæ. Quod erat ostendendum.

PROP. XXXIV. THEOR. XXIV.

Parallelogrammorum spatiorum latera, quæ ex adverso sunt, inter se sunt æqualia; similiter autem & anguli; diagonalis verò ea bifariam dividit.



Sit parallelogrammum $ABCD$. Dico, latera opposita inter se æqualia esse, hoc est latus AB æquale esse lateri DC , & latus

AD æquale lateri BC ; similiter æquales esse inter se angulos oppositos, hoc est angulum BAD æqualem esse angulo BCD , & angulum ABC æqualem angulo ADC ; ac denique diagonalem AC ipsum bifariam, hoc est in duo triangula æqualia, dividere.

Quoniam enim $ABCD$ parallelogrammum est, erunt (1) latera ejus opposita inter se parallelæ: proindeque erit (2) tam angulus BAC æqualis angulo ACD , quàm angulus DAC æqualis angulo ACB . Unde, quum duo triangula ABC , CDA habeant duos angulos BAC , ACB æquales duobus angulis ACD , DAC , alterum alteri, & latus AC , quod

(1) Def. 36. [2] Prop. 29.

quod æqualibus adjacet angulis, commune; omnia alia similiter æqualia (1) habebunt. Quare erit latus AB æquale lateri DC, latus BC æquale lateri AD, angulus ABC æqualis angulo ADC, ipsumque triangulum ABC ipsi triangulo CDA æquale erit. Sed & angulus BAD æqualis etiam est angulo BCD, quum partes illius ostensæ sint æquales partibus istius. Itaque, parallelogrammorum spatiorum latera, quæ ex adverso sunt, inter se sunt æqualia; similiter autem & anguli; diagonalis verò ea bifariam dividit. Quod erat ostendendum.

S C H O L I U M.


Quemadmodum autem, si figura ABCD sit parallelogramma, habebit ea latera, quæ ex adverso sunt, inter se æqualia. Sic vicissim ostendere licet, quod si figuræ ABCD opposita latera sint æqualia, ea sit parallelogramma. Nam semper ac figuræ ABCD opposita latera sunt æqualia, habebunt triangula ABC, CDA singula latera singulis lateribus æqualia. Quare per octavam hujus habebunt etiam singulos angulos singulis angulis æquales; atque adeo per vigesimam septimam erit tam recta AB parallela ipsi DC, quam recta AD parallela ipsi BC.

PROP. XXXV. THEOR. XXV.

Parallelogramma in eadem basi, & in iisdem parallelis constituta inter se sunt æqualia.

Sint duo parallelogramma ABCD, EECF, quæ habeant eandem basim EC, & sint con-

[1] Prop. 26.



constituta in iisdem parallelis BC, AF. Dico, ista duo parallelogramma inter se æqualia esse.

Quoniam enim ABCD parallelogrammum est, erit (1) latus AD æquale lateri BC. Et si-


militer, quoniam EBCF est parallelogrammum, erunt ejus latera opposita EF, BC inter se æqualia. Eidem itaque BC æqualis est, tam recta AD, quàm recta EF. Quare erit (2) AD æqualis EF: & propterea addita communi DE, erit [3] AE æqualis DF, Est autem, propter parallelogrammum ABCD, AB æqualis etiam DC. Quare latera duo AE, AB trianguli BAE æqualia erunt lateribus duobus DF, DC trianguli CDF, alterum alteri. Est etiam propter parallelas AB, DC angulus BAE, contentus sub lateribus illius, æqualis angulo CDF, qui sub istius lateribus continetur. Quare erit [4] triangulum BAE æquale triangulo CDF; atque adeo, ablato communi triangulo DGE, erit (5) trapezium BADG æquale trapezio CGEF; additoque triangulo communi BGC, fiet (6) parallelogrammum ABCD æquale parallelogrammo EBCF. Parallelogramma igitur in eadem basi, & in iisdem parallelis constituta inter se æqualia sunt. Quod erat ostendendum.

PROP.

- [1] Prop. 34. (2) Axi. 1.
 (3) Axi. 2. [4] Prop. 4.
 (5) Axi. 3. [6] Axi. 2.

PROP. XXXVI. THEOR. XXVI.

Parallelogramma in aequalibus basibus, & in iisdem parallelis constituta, inter se sunt aequalia.



Sint duo parallelogramma ABCD, EFGH, quæ constituta in eisdem parallelis AH, BG habeant bases æquales BC, FG. Dico, ista duo parallelogramma inter se æqualia esse.

Ducantur etenim rectæ [1] AF, DG. Et quoniam ABCD est parallelogrammum, erunt (2) latera ejus opposita AD, BC inter se æqualia. Est autem ex hypothese BC æqualis FG. Quare & AD [3] ipsi FG æqualis erit. Quum igitur rectæ duæ AD, FG sint æquales, & parallelæ; erunt etiam [4] æquales, & parallelæ rectæ AF, DG, quæ illas conjungunt ad easdem partes: & propterea ADGF parallelogrammum erit. Et quoniam parallelogramma duo ABCD, ADGF habent eandem basim AD, & sunt in iisdem parallelis, erunt ea [5] æqualia inter se. Pariterque, quoniam parallelogramma duo EFGH, ADGF habent eandem basim FG, & sunt in iisdem parallelis, erunt ea inter se æqualia. Eidem
igi-

(1) Post. 1. [2] Prop. 34.

(3) Axi. 1. (4) Prop. 33. (5) Prop. 35.


igitur parallelogrammo ADGF æquale est tam parallelogrammum ABCD, quàm parallelogrammum EFGH. Quare erit (1) parallelogrammum ABCD æquale parallelogrammo EFGH. Et propterea parallelogramma in æqualibus basibus, & in iisdem parallelis constituta, inter se æqualia sunt. Quod erat ostendendum.

SCHOLIUM.

Perspicuum est igitur ex duabus præcedentibus propositionibus, parallelogramma, quæ in iisdem parallelis sunt constituta, æqualia esse inter se, sive habeant eandem basim, sive bases æquales. Sed hoc idem in duabus sequentibus propositionibus de triangulis etiam ostenditur.

PROP. XXXVII. THEOR. XXVII.

Triangula in eadem basi, & in iisdem parallelis constituta, inter se sunt æqualia.



Sint duo triangula ABC, DBC, quæ habeant eandem basim BC, & sint constituta in iisdem parallelis AD, BC. Dico, ista duo triangula inter se æqualia esse.


Producatur enim AD (2) utrumque versus E, & F; tum per puncta B, & C (3) ducantur rectæ

(1) Axi.1. [2] Post.2. (3) Prop.31.

rectæ BE, CF parallelæ ipsi CA, BD. Sunt igitur ACBE, DBCF parallelogramma duo, quæ quum habeant eandem basim BC, & constituta sint in iisdem parallelis, æqualia erunt (1) inter se. Jam verò diagonalis dividit [2] parallelogrammum bifariam; atque adeo triângula ABC, DBC semisses sunt eorum parallelogrammorum. Itaque triângula ABC, DBC similiter inter se sunt [3] æqualia. Et propterea triângula in eadem basi, & in iisdem parallelis constituta æqualia sunt inter se. Quod erat demonstrandum.

PROP. XXXVIII. THEOR. XXVIII.

Triângula in æqualibus basibus, & in iisdem parallelis constituta inter se sunt æqualia.



Sint duo triângula ABC, DEF, quæ constituta in iisdem parallelis AD, BF, habeant æquales bases BC, EF. Dico, ista duo triângula inter se æqualia esse.

Producatur etenim AD (4) utrimque versus puncta G, & H. Tum per punctum B agatur [5] recta BG parallela ipsi AC, & per punctum F recta FH parallela ipsi DE. Sunt igitur ACEG, DEFH parallelogramma duo, quæ quum habeant bases

-
- [1] Prop. 35. [2] Prop. 34.
 [3] Axi. 7. (4) Post. 2.
 (5) Prop. 31.

ses æquales BC , EF , & sint constituta in iisdem parallelis, æqualia ea erunt (1) inter se. Jam verò diagonalis dividit (2) parallelogrammum bifariam, atque adeo triangula ABC , DEF semisses sunt eorum parallelogrammorum. Itaque triangula ABC , DEF similiter inter se sunt (3) æqualia. Et propterea triangula in æqualibus basibus, & in iisdem parallelis constituta æqualia sunt inter se. Quod erat ostendendum.

S C H O L I U M.

Non solum igitur parallelogramma, verùm etiam triangula, quæ in iisdem parallelis sunt constituta, æqualia inter se sunt, siue habeant eandem basim, siue bases æquales. Unde quatuor præcedentes propositiones sic poterunt in unum contrahi: triangula, & parallelogramma in iisdem parallelis, & in eadem, vel æqualibus basibus constituta, inter se sunt æqualia.

PROP. XXXIX. THEOR. XXIX.


Triangula æqualia, in eadem basi & ad eandem partem constituta, sunt etiam in iisdem parallelis.

Sint duo triangula æqualia ABC , DBC , quæ constituta sint ad eandem partem in eadem basi BC . Dico, duo ista triangula esse
etiam

(1) Prop. 36.

(2) Prop. 34.

[3] Axi. 7.



etiam in iisdem parallelis, hoc est rectam AD parallelam esse ipsi BC.

Si enim recta AD non sit parallela ipsi BC, huic BC per punctum A parallela agatur (1) AE, quæ conveniat cum DB in puncto E, & jungatur (2) CE.

Quoniam igitur triacula duo ABC, EBC, habent eandem basim BC, & sunt constituta in iisdem parallelis AE, BC, æqualia ea erunt [3] inter se. Sed ex hypothesi triangulum ABC æquale est triangulo DBC. Quare erit (4) triangulum EBC æquale triangulo DBC, quod fieri non potest. Non igitur AE, sed AD parallela est ipsi BC. Et propterea triacula æqualia in eadem basi, & ad eandem partem constituta, sunt etiam in iisdem parallelis. Quod erat demonstrandum.

S C H O L I U M.

Hoc theorema, licet non omni ex parte, convertit id, quod propositione trigesima septima positum est. Nimirum ibi ex eo, quod triacula duo habeant eandem basim, & constituta sint in iisdem parallelis, deducitur æqualitas eorum triangulorum. Hæc autem ex eo, quod duo triacula sint æqualia, & ad eandem partem in eadem basi sint constituta, colligitur vicissim, ea triacula esse in iisdem parallelis.


PROP.

[1] Prop. 31. (2) Post. 1.

(3) Prop. 37. (4) Axi. 1.

PROP. XL. THEOR. XXX.

*Triangula æqualia, in æqualibus basibus,
ac in directum jacentibus ad eandem
partem constituta, sunt etiam in
iisdem parallelis.*



Sint duo triangu-
la æqualia ABD,
DEF, quæ constitu-
ta sint ad eandem
partem in basibus
BD, DF, quæ æqua-
les sint, & in dire-
ctum jaceant. Dico,
duo ista triangu-
la esse etiam in iisdem
parallelis, hoc est
rectam AE parallelam esse ipsi BF.

Si enim recta AE non sit parallela ipsi BF,
huic BF per punctum A parallela (1) du-
catur AG, quæ conveniat cum DE in
puncto G, & jungatur (2) FG.

Et quoniam triangu-
la duo ABD, GDF ha-
bent æquales bases BD, DF, & constituta
sunt in iisdem parallelis AG, BF; erunt ea
(3) æqualia inter se. Sed ex hypothese trian-
gulum ABD est æquale triangulo DEF. Qua-
re crit (4) triangulum DEF æquale triangulo
GDF, quod est absurdum. Non igitur AG,
sed AE parallela est ipsi BF. Et propterea
triangula æqualia in æqualibus basibus, & in dire-

(1) Prop. 31. (2) Post. 1.
(3) Prop. 38. (4) Axi. 1.

directum jacentibus ad eandem partem constituta, sunt etiam in iisdem parallelis. Quod erat demonstrandum.

S C H O L I U M.

Hoc theorema, licet non omni ex parte, convertitur id, quod propositione trigesima octava positum est. Ibi enim ex eo, quod triangula duo habeant bases æquales, & constituta sint in iisdem parallelis, deducitur æqualitas eorum triangulorum. Hic autem ex eo, quod duo triangula sint æqualia, & ad eandem partem in basibus æqualibus, ac in directum jacentibus sint constituta, colligitur vicissim, ea triangula in iisdem esse parallelis.


S C H O L I U M.

Ex duabus autem præcedentibus propositionibus liquet, triangula, quæ æqualia sunt, esse quoque in iisdem parallelis, si constituta ad eandem partem habeant, vel eandem basim, v. bases æquales, ac in directum positas. Quod quidem verum est etiam de parallelogrammis; ut cuilibet demonstrationes à præcedentibus non dissimiles instituenti notum fiet.

PROP. XLI. THEOR. XXXI.

Si parallelogrammum, & triangulum habeant eandem basim, & sint in iisdem parallelis constituta, erit parallelogrammum duplum trianguli.

SIt parallelogrammum ABCD, sitque triangulum EBC, quæ constituta in iisdem parallelis



parallelis AE, BC
habeant eandem
basim BC. Di-
co, parallelo-
grammum AB-
CE duplum esse
trianguli EBC.

Ducatur ete-
nim [1] AC. Et
quoniam diagon-

alis dividit (2) parallelogrammum bifariam,
erit parallelogrammum ABCE duplum trian-
guli ABC. Sed triangulum ABC [3] est æ-
quale triangulo EBC, quum sint constituta
in eadem basi, & in iisdem parallelis. Qua-
re erit parallelogrammum ABCE duplum
quoque trianguli EBC. Et propterea, si pa-
rallelogrammum, & triangulum habeant
eamdem basim, & constituta sint in iisdem pa-
rallelis, erit parallelogrammum duplum trian-
guli. Quod demonstrare oportebat.

S C H O L I U M.


Non dissimiliter ostendetur parallelogram-
mum duplum esse trianguli, si constituta in
iisdem parallelis, habuerint non eandem, sed
æquales bases. Sed tam huius, quàm præce-
dētis conversum pariter etiam obtinet: nem-
pe, si parallelogrammum duplum fuerit trian-
guli, & constituta ad eandem partem ha-
buerint, vel eandem basim, vel bases æqua-
les, ac in directum positas, ea erunt etiam
in iisdem parallelis.

PROP.

(1) Post. 1. (2) Prop. 34. [3] Prop. 37.

PROP. XLII. PROBL. XI.

Dato triangulo æquale parallelogrammum constituitur in dato angulo rectilineo.



Datum sit triāgulum ABC , datus verò angulus rectilineus D . Oportet, constituitur parallelogrammum, quod sit æquale dato triangulo ABC , habeat-

que angulum, æqualem dato angulo rectilineo D .

Secetur BC [1] bifariam in E ; tum ad lineam CE , atque ad datum in ea punctum E constituatur [2] angulus CEF æqualis angulo D . Agatur deinde [3] tam per punctum A recta AG ipsi BC parallela, quam per punctum C recta CG parallela ipsi EF , eæque convenient in G . Dico, $CEFG$ esse parallelogrammum quæsitum.

Jungatur enim [4] AE . Et quoniam triangu-
la duo ABE , ACE habent bases æquales
 BE , CE , & constituta sunt in iisdem paralle-
lis BC , AG ; erunt ea [5] æqualia inter se:
proindeque triangulum totum ABC duplum
erit ipsius ACE . Sed ejusdem trianguli ACI .
duplum est [6] etiam parallelogrammum $CEFG$.

E

Qua-

[1] Prop. 10. [2] Prop. 23.

[3] Prop. 31. [4] Post. 1.

[5] Prop. 38. [6] Prop. 41.

Quare erit (1) parallelogrammum $CEFG$ æquale triangulo ABC . Habet autem idem parallelogrammum ex constructione angulum CEF æqualem angulo dato D . Constitutum est igitur parallelogrammum $CEFG$, æquale triangulo ABC , habens angulum æqualem dato angulo D . Quod erat faciendum.

COROLLARIUM.

Ex ipsa autem problematis hujus demonstratione inferre licet, quod si triangulum, & parallelogrammum sint in iisdem parallelis, & basis trianguli dupla sit basis parallelogrammi, ea equalia sint inter se. Ostensum est enim, triangulum ABC æquale esse parallelogrammo $CEFG$, quæ quidem non modò sunt in iisdem parallelis BC , AG , verùm etiam bases habent tales, ut quæ triangulo competit, dupla sit ejus, quæ ad parallelogrammum refertur.


PROP. XLIII. THEOR. XXXIII.

Parallelogrammorum spatiorum, eorum, quæ circa diametrum sunt, complementa, inter se sunt equalia.

Sit parallelogrammum $ABCD$, in cujus diagonali AC sumpto puncto quovis E , agantur per illud (2) rectæ FG , HI parallelæ lateribus AB , BC . Dico, æqualia esse parallelogramma $BGEH$, $EFDI$, quæ sunt supplementa eorum, quæ sunt circa diametrum, seu diagonalem AC .

Quo-

(1) Axi. 6. [2] Prop. 31.



Quoniam diagonalis dividit (1) parallelogrammum in duo triacula æqualia, erit tum triangulum ABC æquale triangulo ADC, cum triangulum AHE æquale triangulo AFE, cum denique triangulum CGE æquale triangulo CIE. Quocirca, si ex triangu-

lo ABC auferantur triacula AHE, CGE, & ex triangulo ADC auferantur triacula AFE, CIE; quia ex æqualibus æqualia auferuntur, remanebit (2) parallelogrammum BGEH æquale parallelogrammo EFDI. Et propterea in parallelogrammis spatiis eorum, quæ circa diametrum sunt, complementa, inter se æqualia sunt. Quod demonstrare oportebat.

PROP. XLIV. PROBL. XII.


Ad datam rectam lineam dato triangulo æquale parallelogrammum constituere in dato angulo.

Data quidem sit recta AB, datum verò triangulum C, & datus denum angulus D. Oportet, ad rectam ipsi AB æqualem constituere parallelogrammum, æquale triangulo C, habens angulum æqualem angulo D.

E 2

Con-

[1] Prop. 34. [2] Axi. 3.



Constituatur parallelogrammum (1) EFGH æquale triangulo C, habens angulum GHE æqualem angulo D; tum extendatur (2) GH versus I,

& ponatur [3] HI æqualis ipsi AB. Ducatur deinde per punctum I (4) recta KL ipsis EH, FG parallela, quæ conveniat cum FE producta in K.

Et quoniam parallelæ sunt rectæ FG, KI, & in ipsas incidit FK, erunt (5) duo anguli GFK, FKI duobus rectis æquales: & propterea, quia, junctæ KH, fiunt duo anguli GFK, FKH duobus rectis minores, conveniet (6) KH producta cum FG similiter producta in puncto aliquo. Conveniant itaque in puncto M, per quod agatur recta ML ipsi FK parallela, quæ conveniat cum EH in N, & cum KI in L. Dico, HILN esse parallelogrammum quæsitum.

Nam parallelogramma duo EFGH, HILN velut supplementa eorum, quæ sunt circa diametrum, æqualia sunt [7] inter se. Sed ex constructione parallelogrammum EFGH est æquale triangulo C. Quare eidem triangulo C erit

(1) Prop. 42. (2) Post. 2.

[3] Prop. 2. (4) Prop. 31.

(5) Prop. 29. (6) Axi. 13.

[7] Prop. 43.

Cerit etiam æquale [1] parallelogrammum $HILN$. Est autem HI æqualis AB , & angulus NHI , velut æqualis angulo EHG , adæquat angulum D , cui ipso EHG ex constructione æqualis est, Constitutum est igitur super rectam HI , ipsi AB æqualem, parallelogrammum $HILN$, æquale triangulo C , habens angulum NHI æqualem angulo D . Quod erat faciendum.

S C H O L I U M.


Hoc problema determinat magis id, quod propositione quadragesima secunda positum est. Ibi enim querebatur parallelogrammum duplici conditione refertum; una, ut æquale esset dato triangulo; altera, ut angulum haberet dato angulo æqualem. Hic autem quaeritur parallelogrammum, quod præter duas illas conditiones debet quoque tertiam habere: scilicet, ut constitutum sit super rectam, alteri data rectæ lineæ æqualem.

PROP. XLV. PROBL. XIII.

Dato rectilineo æquale parallelogrammum constituere in dato angulo.

Data sit figura quævis rectilinea $ABCD$, datus vero angulus E . Oportet, constituere parallelogrammum, quod æquale ipsi $ABCD$, habeat angulum æqualem angulo E .

Dividatur figura $ABCD$ per rectam AC .
 E in



in duo triangu-
la ABD, BCD.
Tum constitua-
tur parallelo-
grammūFGHI
[1] æquale triā-
gulo ABD, ha-
bens angulum
GFI æqualem
angulo E. Con-
stituatur porro

super rectam HI parallelogrammum aliud
[2] HIKL, quod æquale alteri triangulo BC-
D, habeat quoque angulum HIK æqualem
eidem angulo E. Dico, FGLK esse paral-
lelogrammum quæsitum.

Quoniam enim ex constructione eidem an-
gulo E æqualis est tum angulus GFI, cum
angulus HIK, erit (3) angulus GFI æqualis
angulo HIK. Quare, appposito communi
HIF, erunt (4) duo anguli GFI, HIF æqua-
les duobus angulis HIK, HIF. Sunt autem
propter parallelas GF, HI duo anguli GFI,
HIF [5] duobus rectis æquales. Erunt igitur
æquales etiam duobus rectis duo anguli
HIK, HIF: & propterea rectæ duæ IF, IK
(6) erunt in directum.

Simili modo ostendetur in directum esse
rectas duas GH, HL: quandoquidem anguli
GHI, HLK, velut æquales [7] angulis GFI,
HIK, æquales sunt inter se. Unde quum sit
ex

-
- (1) Prop. 42. (2) Prop. 44.
(3) Axi. 1. (4) Axi. 2.
(5) Prop. 19. [6] Prop. 14.
(7) Prop. 34.

ex constructione GH parallela ipsi FI, erit tota GL toti FK pariter parallela. Est autem GF ipsi LK [1] etiam parallela, quum utraque ex constructione parallela sit eidem HI. Parallelogrammum est igitur FGLK, quod quum æquale sit rectilineo ABCD, habeatque angulum GFK æqualem angulo E, ipsum erit illud, quod queritur. Constitutum est itaque parallelogrammum FGLK, æquale rectilineo ABCD, habens angulum æqualem angulo E. Quod facere oportebat.

S C H O L I U M I.

Hoc problema paulò generalius est illo, quod propositum est propositione quadragesima secunda. Ibi enim quarebatur parallelogrammum, quod habens angulum, dato angulo æqualem, æquale esset dato triangulo. Hic vero queritur parallelogrammum, quod habeat quidem angulum æqualem dato angulo, sed æquale sit ipsi data cuilibet figura rectilinea.

S C H O L I U M II.

Cæterum si figura rectilinea data plura habeat latera, quàm quatuor; atque adeo dividenda esset in plura triangula, quàm duo; tum oportet super rectam LK constituere aliud parallelogrammum æquale tertio triangulo, habens in K angulum æqualem angulo E; sicque pergendum erit in infinitum. Demonstratio autem semper est eadem, ut rem attentè considerandi liquidò patet.

E 4

SCHO-


[1] Prop. 30.

S C H O L I U M III.

Sed quemadmodum in propositione quadragesima quarta ex tradita ratione constituendi parallelogrammum, quod æquale dato triangulo habeat angulum dato angulo æqualem, licuit nobis ad datam rectam lineam dato triangulo æquale parallelogrammum constituere in dato angulo; ita quoque ex tradita ratione constituendi parallelogrammum, quod æquale dato rectilineo habeat angulum æqualem angulo dato, licebit nobis methollo non dissimili ad datam rectam lineam dato rectilineo æquale parallelogrammum constituere in angulo dato.

PROP. XLVI. PROBL. XIV.

In data recta linea terminata quadratum constituere.



Sit data recta linea terminata AB. Oportet, in ipsa quadratum constituere.

Ipsi AB ex puncto A [1] perpendicularis erigatur AC, ex qua abscindatur (2) portio AD eidem

AB æqualis. Ducantur deinde (3) per puncta B, & D rectæ BE, DE ipsi AD, AB re.
spe.

[1] Prop. 12. [2] Prop. 3.
[3] Prop. 31.

ſpectivè æquidistantes. Dico, ABED eſſe quadratum quæſitum.

Eſt enim ABED ex conſtructione parallelogrammum. Quare, quum in parallelogrammo latera (1) oppoſita ſint æqualia, erit, tum AB æqualis ipſi DE, cum AD æqualis ipſi BE. Eſt autem ex conſtructione & AB ipſi AD æqualis. Quatuor itaque AB, AD, DE, BE æquales ſunt inter ſe: proindeque figura ABED æquilatera erit.

Et quoniam ex conſtructione rectus eſt angulus BAD, ob parallelas verò AD, BE duo anguli BAD, ABE (2) duobus rectis æquales ſunt; erit etiam rectus angulus ABE. Jam verò in parallelogrammis anguli oppoſiti (3) æquales ſunt inter ſe. Itaque anguli ADE, BED, velut æquales angulis ABE, BAD, recti pariter erunt: proindeque eadem figura ABED non ſolum æquilatera, verùm etiam reſtangula erit; & conſequenter erit [4] quadratum, Conſtitutum eſt igitur in data recta linea terminata AB quadratum ABED. Quod erat faciendum.

COROLLARIUM I.

Ex ipſa autem problematis hujus demonſtratione colligere licet, quod ſi in parallelogrammo unus angulorum ſit rectus, reliqui etiam recti ſint. Ex eo enim quod in parallelogrammo ABED rectus ſit ex conſtructione angulus BAD, oſenſum eſt, reliquos quoque angulos rectos eſſe.

E 5

CO.

[1] Prop. 34.

[2] Prop. 30.

[3] Prop. 34.


[4] Def. 30.

COROLLARIUM II.

Sed ex definitione quadrati, vel etiam ex ipsa problematis constructione perspicuum est quoque, quadrata, super equalibus rectis lineis descripta, equalia esse inter se. Unde & illud facile consequitur, quod si vicissim equalia sint quadrata, equalis etiam esse debeant recte linea, super quibus quadrata illa sunt descripta.

PROP. XLVII. THEOR. XXXIII.

In triangulis rectangulis quadratum, quod fit ex latere, rectum angulum subtendente, æquale est quadratis laterum, rectum angulum continentium.



Sit triangulū ABC rectum habens angulum in B, Dico, quadratum ex latere AC, subtendente angulū rectum, æquale esse quadratis, quæ sunt

ex lateribus BA, BC, eundem angulum rectum continentibus.

De-

Describantur (1) ex singulis trianguli lateribus quadrata. Deinde ducta (2) BL ipsi AE, CD parallela, jungantur tum rectæ BE, BD, cum rectæ CG, AI [3].

Et quoniam ex hypothese rectus est angulus ABC, & ABF, velut angulus quadrati, similiter est rectus; erunt duo anguli ABC, ABF duobus rectis æquales; & propterea in directum erunt [4] rectæ duæ BC, BF. Unde non modo BF, sed & tota CF ipsi AG parallela erit. Simili ratione ostendetur, in directum esse rectas duas AB, BH, atque adeo non modò BH, sed & totam AH ipsi CI parallelam esse.

Rursus, quia, propter quadrata ABFG, AE, DC, æqualia sunt inter se, tum latera AB, AG, cum latera AC, AE; erunt duo latera AB, AE trianguli BAE æqualia duobus lateribus AG, AC trianguli GAC, alterum alteri. Jam verò æquales sunt etiam anguli BAE, GAC, sub lateribus illis comprehensi; quum uterque ipsorum CAE, BAG ex constructione sit rectus, & utrique communis sit angulus BAC. Erit igitur triangulum BAE æquale (5) triangulo GAC. Est autem [6] trianguli BAE duplum parallelogrammum AELK, & trianguli CAG duplum parallelogrammum, seu quadratum ABFG. Quare erit (7) parallelogrammum AELK æquale quadrato ABFG.

Simili modo, ope triangulorum DCB, ACI ostendetur, parallelogrammum CDLK æ-

E 6

quale,

[1] Prop. 46. [2] Prop. 31.

(3) Post. 1. (4) Prop. 14.

(5) Prop. 4. (6) Prop. 41.

(7) Axi. 6.


quale esse quadrato $BCIH$. Unde erit quadratum totum $ACDE$, æquale duobus quadratis simul sumptis $ABFG$, $BCIH$. Et propterea in triangulis rectangulis quadratum ex latere, rectum angulum subtendente, æquale est quadratis, quæ fiunt ex lateribus rectum angulum continentibus. Quod erat demonstrandum.

S C H O L I U M.

Latus, quod in triangulis rectangulis rectum angulum subtendit, græcè dicitur hypotenusa. Unde idem theorema enunciari quoque solet à nonnullis in hunc modum: in triangulis rectangulis quadratum hypotenuse æquale est quadratis laterum simul sumptis.

PROP. XLVIII. THEOR. XXXIV.

Si quadratum ex uno latere trianguli æquale sit quadratis, quæ ex aliis duobus lateribus fiunt; angulus, sub his lateribus contentus, rectus erit.



Sit triangulum ABC , & in eo quadratum ex latere AC æquale sit quadratis, quæ fiunt ex lateribus AB , BC . Dico, angulum ABC rectum esse.

Erigatur [1] ex puncto B , super BC per-

perpendicularis BD, quæ constituatur [1] ipsi AB æqualis, & jungatur [2] DC.

Quoniam igitur ex constructione AB est æqualis BD, erit etiam quadratum ex AB æquale quadrato ex BD. Quare appposito communi quadrato ex BC, erunt quadrata duo; alterum ex AB, alterum ex BC, æqualia [3] duobus quadratis, quæ fiunt ex BD, & BC. Est autem ex hypothesi quadratum lateris AC æquale quadratis laterum AB, BC; & ob triangulum DBC, rectum habens angulum in B, quadratum hypotenusæ DC est æquale (4) quadratis laterum BD, BC. Itaque erit [5] quadratum ex AC æquale quadrato ex DC: & propterea AC ipsi DC æqualis erit.

Quum igitur triangula duo ABC, DBC habeant duo latera BA, BC æqualia duobus lateribus BD, BC, alterum alteri, itemque basim AC æqualem basi DC; habebunt quoque [6] angulum ABC æqualem angulo DBC. Est autem angulus DBC ex constructione rectus: itaque rectus quoque erit angulus ABC. Et propterea, si quadratum ex uno latere trianguli æquale sit quadratis, quæ ex aliis duobus lateribus fiunt, angulus, sub his lateribus contentus, rectus erit. Quod erat ostendendum.

S C H O L I U M.

Hoc theorema est conversum precedentis. Ibi enim ex eo, quod triangulum sit rectangulum, ostend-

[1] Prop. 3. [2] Post. 1.

(3) Axi. 2. (4) Prop. 47.

[5] Axi. 1. [6] Prop. 8.

Ostensum est, quadratum lateris, rectum angulum subtendentis, aequale esse quadratis, quae sunt ex lateribus rectum angulum continentibus. Hic verò per contrarium ex eo, quod quadratum lateris unius aequale sit quadratis, quae sunt ex aliis duobus lateribus, ostenditur, triangulum esse rectangulum, & rectum esse angulum illum, quem latus illud subtendit.



III

GEOMETRIÆ PLANÆ

ELEMENTORUM

LIBER SECUNDUS.

DEFINITIONES.

I.



Omnē parallelogrammum re-
ctangulum dicitur factum, seu
contentum sub duobus late-
ribus, quæ rectum angulum
comprehendunt. Nempe quia
alterum ex iis lateribus designat
longitudinem, alterum latitudinem parallelo-
grammi rectanguli. Quod de parallelogram-
mo obliquangulo dici non potest, quia ex
duobus lateribus, quæ sunt circa ipsius an-
gulum aliquem, etsi unum designet longitu-
dinem ejus, alterum tamen, velut inclinatum
ad primum, ejusdem latitudinem nequaquam
ostendit.

Parallelogrammum rectangulum vocabitur
in posterum simpliciter rectangulum, ejusque
contentum habebitur, multiplicando inter se
mutuè latera, quæ rectum angulum comprehen-
dunt. Unde, si fuerit quadratum, propter æ-
qualitatem laterum, satis erit, unum ex ejus
lateribus in se ipsum ducere, ut quadrati area,
seu contentum habeatur.

Sed notandum hoc loco est aream rectanguli

oriri quidem ex multiplicatione laterum, quæ sunt circa angulum rectum, eamque quadrati ex multiplicatione unius ex ejus lateribus per seipsum; verum aliam esse mensuram laterum, aliam mensuram rectangulorum, vel quadratorum: nempe longitudines laterum mensurantur per pedes lineares, areas vero rectangulorum, vel quadratorum per pedes quadratos, hoc est per quadrata, super pedibus linearibus descripta.

Itaque si ex lateribus, quæ sunt circa angulum rectum alicujus parallelogrammi rectanguli, unum quidem sit pedum trium, alterum pedum quinque, area rectanguli erit pedum quadratorum 15. quia multiplicando 3. per 5. producitur 15. Et similiter si latus quadrati sit pedum sex, quadrati area erit pedum quadratorum 36. quia multiplicando numerum 6. per se ipsum, producitur 36.


I.

Unumquodque parallelogrammorum circa diametrum una cum duobus supplementis, Gnomon vocetur. Unde si Gnomoni addatur parallelogrammum alterum circa diametrum existens, figura tota orietur.

PROP. I. THEOR. I.

Si fuerint duæ rectæ lineæ, una quidem secta in quocumque partes, altera vero infecta, rectangulum, quod fit ex tota, & infecta æquale erit rectangulis, quæ fiunt ex partibus totius, & eadem infecta.

SInt duæ rectæ lineæ A quidem infecta, BE, verò secta in tres partes BC, CD, DE. Di-



Dico, rectangulum, quod fit ex BE in A; æquale esse tribus rectangulis, uni ex BC in A, alteri ex CD in A, tertio ex DE in A.

Erigatur [1] ex puncto B super BE perpendicularis BF, quæ ipsi A

(2) constituatur æqualis. Tum ducta per punctum F recta FI ipsi BE parallela [3], excidentur ex punctis C, D, E perpendiculares aliæ CG, DH, EI, quæ convenient cum FI in punctis G, H, I.

Et quoniam rectæ BF, CG, DH (4) æquales sunt inter se, estque BF ipsi A æqualis ex constructione; erit eidem A æqualis, tam recta CG, quàm recta DH. Jam verò ex quatuor rectangulis EF, CF, DG, EH primum quidem continetur sub lateribus BE, BF, secundum sub lateribus BC, BF, tertium sub lateribus CD, CG, & quartum sub lateribus DE, DH. Quare ex iisdem quatuor rectangulis EF, CF, DG, EH primum quidem fiet ex BE in A, secundum ex BC in A, tertium ex CD in A, & quartum ex DE in A. Est autem rectangulum EF ipsis CF, DG, EH simul sumptis æquale: totum enim omnes suas partes simul sumptas adæquat. Itaque rectangulum, quod fit ex tota BE in A, æquale erit tribus rectangulis, uni ex BC in A, alteri ex CD in A, & tertio ex DE in A. Ac propterea, si duæ fuerint rectæ lineæ, una quidem secta

[1] *Prop. II. lib. I.* (2) *Prop. 3. lib. I.*

(3) *Prop. 31. lib. I.* [4] *Prop. 34. lib. I.*

secta in quocumque partes, altera verò insecta, rectangulum, quod fit ex tota, & insecta, æquale erit rectangulis, quæ fiunt ex partibus totius, & eadem insecta. Quod erat demonstrandum.

S C H O L I U M.

Hac cum sequentibus novem propositionibus potest numeris illustrari. Nempe si *A* sit quatuor pedum, & *BE* pedum quatuordecim, subinde divisa in punctis *C*, & *D*, ut *BC* sit pedum duorum, *CD* quinque, & *DE* septem; erit rectangulum ex *BE* in *A* pedum quadratorum 56; rectangulum ex *BC* in *A* pedum quadratorum 8; rectangulum ex *CD* in *A* pedum quadratorum 20; & rectangulum ex *DE* in *A* pedum quadratorum 28. Unde quia postremi isti tres numeri 8, 20, & 28 simul sumpti adæquant priorem numerum 56; liquet, rectangulum ex tota *BE* in *A* æquale esse tribus rectangulis, uni ex *BC* in *A*, alteri ex *CD* in *A*, & tertio ex *DE* in *A*.


PROP. II. THEOR. II.

Si recta linea secta fuerit utcumque, quadratum, quod fit à tota, æquale erit rectangulis, quæ fiunt ex tota, & partibus.

Sit recta *AB*, secta utcumque in *C*. Dico, quadratum ex *AB* æquale esse duobus rectangulis, uni ex *AB* in *AC*, alteri ex *AB* in *BC*.

Describatur [1] super *AB* quadratū *ABDE*,
& du-

(1) Prop. 46. lib. I.



& ducatur (1) per punctum C recta CF ipsi AE, BD parallela.

Quoniā igitur ABDE quadratum est, erit ipsi AB æqualis, tum AE, cum BD. Jam verò ex duobus rectangulis CE, CD primum quidem continetur sub lateribus AE, AC; alterum

sub lateribus BD, BC. Quare ex iisdem duobus rectangulis CE, CD primum quidem fiet ex AB in AC, alterum ex AB in BC. Est autem quadratum totū ABDE rectangulis CE, CD simul sumptis æquale: totum enim omnes suas partes simul sumptas adæquat. Itaque quadratum, quod fit ex tota AB, æquale erit duobus rectangulis, uni ex AB in AC, alteri ex AB in BC. Et propterea, si recta linea secta fuerit utcumque, quadratum, quod fit à tota, æquale erit rectangulis, quæ fiunt ex tota, & partibus. Quod erat ostendendum.


SCHOLIUM.

Sit AB pedum decem, subinde divisa in C, ut AC sit pedum quatuor, BC pedum sex. Erit igitur quadratum ex AB pedum quadratorum 100; rectangulum ex AB in AC pedum quadratorum 40; & rectangulum ex AB, in BC pedum quadratorum 60. Duo autem isti numeri 40, & 60 simul conficiunt 100. Itaque quadratum ex AB æquale est rectangulis duobus, uni ex AB in AC, alteri ex AB in BC.

PROP.

PROP. III. THEOR. III.

Si recta linea secta fuerit utcumque, rectangulum ex tota, & parte una æquale erit rectangulo sub partibus, una cum quadrato quod fit ex parte prædicta.



Sit recta AB secta utcumque in C. Dico, rectangulum ex tota AB, & parte una BC æquale esse rectangulo sub ipsis partibus AC, BC, una cum quadrato, quod fit ex parte illa BC.

Describatur (1) etenim super BC quadratum BCDF, & ducatur per punctum A recta AE [2] Ipsius CD, BF parallela, quæ conveniat cum FD producta in E.

Quoniam igitur BCDF ex constructione quadratum est, erit ipsi BC æqualis tum recta BF, cum recta CD. Unde, quum rectangulum AF contineatur sub lateribus AB, BF, & rectangulum AD sub lateribus AC, CD; fiet rectangulum quidem AF ex tota AB, & parte una BC, rectangulum verò AD ex ipsis partibus AC, BC. Est autem rectangulum AF ipsis AD, CF simul sumptis æquale. Rectangulum igitur ex tota AB, & parte una BC æquale erit rectangulo sub ipsis partibus AC, BC, una cum quadrato, quod fit ex parte illa BC. Et propterea, si recta linea secetur ut-

(1) Prop. 46. lib. I. [2] Prop. 31. lib. I.

LIBER SECUNDUS. 117.

utcumque, rectangulum, quod fiet ex tota, & parte una, æquale erit rectangulo sub partibus, una cum quadrato, quod fit ex parte prædicta. Quod erat demonstrandum.

S C H O L I U M.

Sit recta tota AB pedum octo, secta subinde in puncto C, ut AC sit pedum trium, BC pedum quinque. Erit igitur rectangulum ex tota AB, & parte una BC pedum quadratorum 40; rectangulum sub ipsis partibus AC, BC pedum quadratorum 15; & quadratum ex parte BC pedum quadratorum 25. Unde, quum duo isti posteriores numeri 15, & 25 simul additiificent priorem 40; erit rectangulum ex tota AB, & parte una BC æquale rectangulo sub ipsis partibus AC, BC, una cum quadrato ex parte illa BC.


PROP. IV. THEOR. IV.

Si recta linea secetur utcumque, quadratum, quod fit à tota; æquale erit quadratis partium, una cum rectangulo, bis sub partibus contento.

SIt recta AB secta utcumque in C. Dico, quadratum ex AB æquale esse quadratis partium AC, BC, una cum rectangulo, quod bis sub ipsis partibus AC, BC continetur.

Describatur etenim [1] super AB quadratum ABDE, & juncta BE, agatur [2] per punctum C recta CF ipsis AE, BD parallela,
quæ

(1) Prop. 46. lib. 1. (2) Prop. 31. lib. 1.



quæ faciet ipsam BE in G. Denique per punctum G ducatur recta HI parallela ipsis AB, ED.

Et quoniam propter quadratum ABDE æqualia sunt latera AB, AE, erit triangulum BAE isosceles; adeoque [1] angulus ABE æqualis erit angulo AEB. Est autem, propter parallelas AE, CF, angulus AEB (2) æqualis angulo CGB. Itaque erit [3] angulus ABE æqualis angulo CGB; atque adeo latera CB, CG, quæ in triangulo BCG angulos illos subtendunt, inter se (4) æqualia erunt. Unde, quum sit [5] CB æqualis GI, & CG æqualis BI, erunt quatuor lineæ BC, CG, GI, IB inter se æquales; & consequenter figura BCGI æquilatera erit. Sed est etiam rectangula: habet enim, propter quadratum ABDE, angulum CBI rectum; & in parallelogrammis ubi unus angulorum est rectus, reliqui etiam recti esse debent. Est igitur figura BCGI æquilatera, & rectangula; adeoque quadratum, & quadratum, quod fit ex parte BC.

Simili ratione ostendetur, figuram EFGH quadratum esse ex HG, seu AC. Nam, propter quadratum ABDE, æqualia sunt latera DB, DE. Quare triangulum BDE isosceles erit; adeoque angulus DBE æqualis erit angulo

(1) Prop. 5. lib. 1. (-) Prop. 29. lib. 1.

[3] Axi. 1.

[4] Prop. 6. lib. 1.

[5] Prop. 34. lib. 1.

gulo DEB. Sed, propter parallelas BD, CF, idem angulus DBE æqualis est angulo FGE: & propterea latera FE, FG, quæ in triangulo, EFG angulos illos subtendunt, pariter æqualia erunt. Est autem EF æqualis HG, & FG æqualis EH. Quatuor igitur EF, FG, GH, HE inter se æquales erunt; atque adeo figura EFGH æquilatera erit. Estque etiam rectangula, quum propter quadratum ABDE habeat angulum FEH rectum. Itaque quadratum erit; & quadratum, quod fit ex parte AC, quæ est æqualis ipsi HG.

Sunt igitur FH, CI quadrata partium AC, BC. Sed rectangulum AG, velut contentum sub lateribus AC, CG, fit ex ipsis partibus AC, BC. Et rectangulum DG, velut æquale (1) ipsi AG, fit similiter ex ipsis partibus AC, BC. Quare, quum quadratum totum ABDE ipsis FH, CI, AG, DG simul sumptis æquale sit; erit quadratum ex tota AB æquale quadratis partium AC, BC, una cum rectangulo, quod bis sub ipsis partibus AC, BC continetur. Et propterea, si recta linea secetur utcumque, quod à tota fit quadratum, æquale erit quadratis partium, una cum rectangulo bis sub partibus contento. Quod erat ostendendum.

COROLLARIUM.

Ex ipsa autem hujus theorematis demonstratione perspicuum est, parallelogramma, quæ sunt circa diagonalem quadrati, esse etiam quadrata. Sunt enim FH, CI parallelogramma, ex si-

[1] Prop. 43. lib. I.

existentia circa diagonalem quadrati ABDE, quorum utrumque ostensum est, quadratum esse.

SCHOLIUM.

Sit recta AB pedum octo, secta subinde in C, ut AC sit pedum quinque, BC pedum trium. Erit igitur quadratum ex tota AB pedum quadratorum 64; quadratum ex parte AC pedum quadratorum 25; quadratum ex parte alia BC pedum quadratorum 9; & rectangulum bis contentum sub ipsis partibus AC, BC pedum quadratorum 30. Unde, quia tres isti posteriores numeri 25, 9, 30 simul additi dant priorem 64; liquidò patet, quadratum ex tota AB æquale esse quadratis partium AC, BC, una cum rectangulo, quod bis sub ipsis partibus AC, BC continetur.


PROP. V. THEOR. V.

Si recta linea secetur bifariam, & non bifariam, erit rectangulum ex partibus inequalibus, una cum quadrato portionis, quæ inter utramque sectionem interficitur, æquale ei, quod à dimidia describitur quadrato.

Sit recta AB secta bifariam in C, & non bifariam in D. Dico, rectangulum ex partibus inequalibus AD, DB, una cum quadrato portionis CD, inter utramque sectionem interjectæ, æquale esse quadrato ex dimidia BC.

Describatur etenim [1] super BC quadratum

[1] Prop. 46. lib. I.



tum BCEF;
& complea-
tur figura,
prout eam
schema re-
præsentat.

Quoniam
igitur CH,
HF sūt sup-
plemēta eo-
rum, quæ

sunt circa diametrum, erunt ea (1) æqualia inter se. Quare, addito communi DI, erit [2] CI æquale ipsi DF. Est autem [3] CI æquale CM: sunt enim parallelogramma, quæ habent bases æquales, & sunt in iisdem parallelis constituta. Et igitur (4) DF ipsi CM æquale erit; adeoque appposito rursus communi CH, erit rectangulum totum AH æquale gnomoni NOR.

Jam rectangulū istud AH continetur sub lateribus AD, DH. Sed parallelogrammum DI, quum existat circa diagonalem quadrati, est etiam quadratum; adeoque DH est æqualis DB. Fiet igitur rectangulum idem AH ex partibus AD, DB; & consequenter rectangulū ex partibus AD, DB æquale erit gnomoni NOR. Addatur cōmune GL, quod est quadratum ex parte intermedia CD; & erit rectangulū ex partibus inæqualibus AD, DB, una cum quadrato portionis intermedix CD æquale gnomoni NOR, una cum GL. Gnomon autem NOR, una cum GL, est
F qua-

(1) Prop. 43. lib. I. (2) Axi. 2.

(3) Prop. 36. lib. I. (4) Axi. 1.

quadratum totum BGEF. Itaque rectangulum sub partibus inæqualibus AD, DB una cum quadrato portionis CD, inter utramque sectionem interjectæ, æquale erit quadrato, quod fit ex dimidia BC. Quod erat ostendendum.

COROLLARIUM.

Ex quo patet, rectangulum ADB æquale esse differentie quadratorum BC, CD. Ostensum est enim, rectangulum ADB, hoc est sub partibus AD, DB, una cum quadrato ex CD, æquale esse quadrato ex CB. Quare dempto communi quadrato ex CD, fiet rectangulum ADB æquale differentie quadratorum, quæ sunt ex BC, & CD.

S C H O L I U M.


Sit recta AB pedum decem, quæ quum secta sit bifariam in C, erit tam AC, quàm BC pedum quinque. Sit autem eadem AB subinde secta non bifariam in D, ut AD sit pedum septem, DB pedum trium: adeo ut portio inter utramque sectionem interjecta CD sit pedum duorum. Erit igitur rectangulum ADB pedum quadratorum 21; quadratum ex CD pedum quadratorum 4; & quadratum ex BC pedum quadratorum 25. Unde, quum priores duo muneri 21, & 4 simul additi dent postremum 25; erit rectangulum ADB, una cum quadrato portionis intermediæ CD, æquale quadrato ex dimidia BC.

PROP.

*dum quinque. Sit portio BD pedum duorum, ita ut ipsa AD, quæ componitur ex tota AB, & adjecta BD, sit pedum duodecim, & ipsa CD, quæ componitur ex dimidia AC, & adjecta BD, sit pedum septem. Erit igitur re-
ctangulum ADB pedum quadratorum 24; qua-
dratum ex BC pedum quadratorum 25; & qua-
dratum ex CD pedum quadratorum 49. Unde,
quia priores duo numeri 24, & 25 simul additi
constituunt proxtremum 49; dicendum est, re-
ctangulum ADB, una cum quadrato ex BC, æ-
quale esse quadrato ex CD.*

PROP. VII. THEOR. VII.


*Si recta linea secetur utcumque, quadrata,
quæ fiunt ex tota, & parte una, equalia
erunt rectangulo bis contento sub tota, & di-
cta parte, una cum quadrato partis alterius.*



Sit recta AB, se-
cta utcumque in
C. Dico, quadrata
duo, alterum ex to-
ta AB, alterum ex
parte BC, simul
sumpta, æqualia es-
se rectangulo bis
contento sub tota
AB, & dicta parte
BC, una cum qua-

drato, quod fit ex parte altera AC.

Describatur etenim (1) super AB quadra-
tum



tum ABDE, & compleatur figura, prout eam schema repræsentat.

Quoniam igitur parallelogramma duo AG, DG, velut supplementa eorum, quæ circa diametrum sunt, inter se sunt (1) æqualia; addito com-

muni CH, erit totum AH toti CD [2] pariter æquale; adeoque utraque simul AH, CD dupla erunt unius AH. Sed AH, CD simul constituunt gnomonem MNO, una cum CH, quod est quadratum ex BC; & rectangulum AH, velut contentum sub lateribus AB, BH, fit ex tota AB, & parte BC. Gnomon igitur MNO, una cum quadrato ex BC, æqualis erit rectangulo bis contento sub tota AB, & parte BC. Addatur rursus IF, quod est quadratum ex AG. Et erit quadratum ex tota AB una cum quadrato ex parte BC æquale rectangulo bis contento sub tota AB, & dicta parte BC, una cum quadrato partis alterius AC. Proindeque, si recta linea secetur utcumque, quæ à tota, & parte una describuntur quadrata, æqualia erunt rectangulo bis contento sub tota, & dicta parte, una cum quadrato partis alterius. Quod erat demonstrandum.

SCHO.


[1] Prop. 43. lib. 1. [2] Axi. 2.

S C H O L I U M


Sit recta AB pedum decem, secta subinde in C , ut AC sit pedum septem, BC pedum trium. Erit igitur quadratum ex tota AB pedum quadratorum 100; quadratum ex parte BC pedum quadratorum 9; rectangulum bis contentum sub tota AB , & dicta parte BC pedum quadratorum 60; & quadratum ex parte altera AC pedum quadratorum 49. Unde, quia priores duo muner 100, & 9 simul tantundem constituunt, quantum posteriores duo 60, & 49; liquet, quadrata, quæ sunt ex tota AB , & parte una BC , æqualia esse rectangulo bis contento sub tota AB , & dicta parte BC , una cum quadrato partis alterius AC .

PROP. VIII. THEOR. VIII.

Si recta linea secetur utcumque, quadratum, quod fit ex tota, & parte una, velut ex unica linea, æquale erit rectangulo quater contento sub tota, & dicta parte, una cum quadrato partis alterius.



Sit recta AB , secta utcumque in C , extendaturque usque in D , ut sit BD æqualis BC . Dico, quadratum ex AD , quæ componitur ex tota AB , & parte una BC , æquale esse rectangulo quater con-



tento sub tota AB,
& dicta parte BC,
una cum quadrato
partis alterius AC.

Describatur ete-
nim [1] super AD
quadratum ADEF,
& compleatur figu-
ra, prout eam sche-
ma exhibet.

Quoniam igitur
ex constructione
BC est æqualis BD,

erit quoque IM æqualis IL, & PK æqualis
PO: unde erit, tum BM æquale BL, cum
PM æquale PL (2). Est autem BM [3] æqua-
le PL. Quatuor igitur BM, PM, PL,
BL inter se mutuo æqualia erunt: & propte-
rea omnia simul, constituentia quadratum
CDOK, æqualia erunt quadruplo unius BM.

Rursus, quia BL quadratum est, erit BD
ipsi DL, seu CM æqualis. Est autem BD æ-
qualis BC, seu PK; & propter quadratum
PM est PK æqualis KM. Itaque erit CM ipsi
KM æqualis: proindeque parallelogramma
duo CN, MQ, velut constituta in æqualibus
basibus, & in iisdem parallelis, inter se æ-
qualia erunt.

Jam ob eandem rationem æqualia sunt
quoque parallelogramma PE, PH. Quum igi-
tur duo MQ, PH, velut supplementa eorum,
quæ circa diametrum sunt, inter se sint æ-
qualia; erunt quatuor CN, MQ, PE, PH æ-
qua-

(1) Prop. 46. lib. 1. [2] Prop. 36. lib. 1.

(3) Prop. 43. lib. 1.

qualia inter se mutud; & propterea omnia simul æqualia erunt quadruplo unius CN'.


Ostensum est autem, quatuor BM, PM, PL, BL simul esse etiam quadrupla unius BM, Octo igitur BM, PM, PL, BL, CN, MQ, PE, PH, constituentia gnomonem RST, quadrupla erunt ipsius AI: atque adeo, quia AI rectangulum est ex AB, & BC, quum BI sit æqualis ipsi BD, seu BC, erit gnomon RST æqualis rectangulo quater contento sub AB, & BC.

Addatur jam commune QH, quod est quadratum ex AC; & erit gnomon RST una cum QH, hoc est quadratum totum ADEF æquale rectangulo quater contento sub AB, & BC, una cum quadrato ipsius AC. Proindeque, si recta secetur utcumque, erit quadratum, quod fit ex tota, & parte una velut ex unica linea, æquale rectangulo quater contento sub tota, & dicta parte, una cum quadrato partis alterius. Quod erat demonstrandum.

S C H O L I U M.

Sit recta AB pedum octo, secta subinde in C, ut AC sit pedum sex, BC pedum duorum. Itaque quia AD fit pedum decem, erit quadratum ex AD pedum quadratorum 100. Est autem rectangulum quater contentum sub AB, & BC pedum quadratorum 64, & quadratum ex AC pedum quadratorum 36. Quum igitur duo isti numeri 64, & 36 simul additi, constituent prorsum 100; evidens est, quadratum ex AD equal esse rectangulo quater contento sub tota AB, & parte una BC, una cum quadrato alterius partis AC.

Si recta linea secetur bifariam, & non bifariam, quadrata partium inæqualium dupla erunt quadratorum, quæ fiunt ex dimidia, & portione inter utramque sectionem interjecta.



Sit recta AB, secta bifariam in C, & non bifariam in D. Dico, quadrata, quæ fiunt ex partibus inæqualibus AD, BD, dupla esse quadratorum, quæ

fiunt ex dimidia AC, & portione inter utramque sectionem interjecta CD.

Erigatur [1] etenim ex puncto C perpendicularis CE, quæ ipsi AC, seu BC constituatur (2) æqualis. Jungantur deinde rectæ AE BE, & erecta ex puncto D perpendiculari alia DF, agatur (3) per punctum F recta FG parallela ipsi AB, jungaturque AF.

Quia igitur ex constructione AC est æqualis CE, isosceles est triangulum ACE, adeoque angulus CAE æqualis [4] erit angulo CEA. Est autem angulus ACE rectus. Itaque, quum omnes anguli cujuscumque trianguli duobus rectis æquales [5] esse debeant, emirectus erit tam angulus CAE, quàm angulus CEA. Eadem ratione ostendetur, semi-

re-

[1] *Prop. 11. lib. 1.* (2) *Prop. 3. lib. 1.*

(3) *Prop. 31. lib. 1.* [4] *Prop. 5. lib. 1.*

[5] *Prop. 32. lib. 1.*

rectum esse, tum angulum CBE, cum angulum CEB: ex quo sequitur, totum angulum AEF rectum esse.

Rursus, quoniam in triangulo BDF, rectangulo in D, angulus DBF; velut æqualis angulo CBE, semirectus est, erit alter angulus DFB pariter semirectus. Quare latera BD, DF, angulos illos subtendentia, etiam (1) æqualia erunt. Atque ita quoque, quoniam in triangulo EGF, rectangulo in G, semirectus est angulus GFE, erit itidem semirectus angulus alter GEF; proindeque latera EG, GF, quæ subtendunt angulos illos, inter se pariter æqualia erunt.

Præterea, quia triangulum ACE est rectangulum in C; erit (2) quadratum ex AE æquale quadratis, quæ fiunt ex AC, & CE. Sed duo ista quadrata sunt æqualia, quum ex constructione æquales sint ipsæ AC, CE. Itaque erit quadratum ex AE duplum quadrati ex AC. Eadem ratione, quia triangulum EGF est rectangulum in G, erit quadratum ex EF æquale quadratis, quæ fiunt ex EG, & GF; atque adeo, quum æqualia sint duo ista quadrata, erit quadratum ex EF duplum quadrati ex GF, seu CD.

Quum igitur ostensum sit, quadratum ex AE duplum esse quadrati ex AC, & quadratum ex EF duplum quadrati ex CD; erunt quadrata ex AE, & EF dupla quadratorum, quæ fiunt ex AC, & CD. Jam verò propter triangulum AEF, rectangulum in E, quadrata ex AE, & EF æqualia sunt quadrato ex

F 6

AF,

(1) Prop. 6. lib. 2.

(3) Prop. 47. lib. 1.

AF; quod rursus propter triangulum ADF, rectangulum in D, æquale est quadratis ex AD, & DF, sive etiam ex AD, & DB. Quadrata igitur ex AD, & DB dupla erunt quadratorum, quæ fiunt ex AC, & CD. Proindeque, si recta linea secta fuerit bifariam, & non bifariam, quadrata partium inæqualium dupla erunt quadratorum, quæ fiunt ex dimidia, & portione inter utramque sectionem interjecta. Quod demonstrare oportebat.


S C H O L I U M.

Sit recta AB pedum decem, quæ quum secta sit bifariam in C, erit tam AC, quam BC pedum quinque. Secetur autem eadem AB subinde non bifariam in D, ut AD sit pedum septem, & DB pedum trium, adeo ut portio inter utramque sectionem interjecta CD sit pedum duorum. Erit igitur quadratum ex AD pedum quadratorum 49; quadratum ex DB pedum quadratorum 9; quadratum ex AC pedum quadratorum 25; & quadratum ex CD pedum quadratorum 4. Unde, quia priores duo numeri 49, & 9 simul additi conficiunt 58, posteriores autem 25, & 4 simul conjuncti dant 29, estque numerus 58 duplus ipsius 29; liquet, quadrata partium inæqualium AD, BD dupla esse quadratorum, quæ fiunt ex dimidia AC, & portione intermedia CD.

PROP. X. THEOR. X.

Si recta linea secetur bifariam, eique alia in directum adjiciatur; quadrata duo, unum ex tota, & adjecta, velut ex unica linea, alterum ex ipsa adjecta, dupla erunt quadratorum, quæ fiunt ex dimidia, & ea, quæ componitur ex dimidia, & adjecta.

Sic




Sit recta AB, secta bifariam in C, eique in directũ sit adjecta alia BD. Dico, quadrata duo, alterum ex AD, quæ componi-

tur ex tota AB, & adjecta BD, alterum ex ipsa adjecta BD, dupla esse quadratorum, quæ fiunt ex AC dimidia, & ex CD, quæ componitur ex dimidia BC, & adjecta BD.

Erigatur etenim (1) ex puncto C perpendicularis CE, quæ ipsi AC, seu CB constitutur (2) æqualis. Jungantur deinde rectæ AE, BE; & erecta ex puncto D perpendiculari alia DF, quæ conveniat cum EB producta in F, jungatur AF; & ducatur (3) per punctum E recta EG, ipsi AB parallela, quæ cum FD producta conveniat in G.

Quia igitur ex constructione AC est æqualis CE , isosceles est triangulum ACE ; adeoque angulus CAE æqualis (4) erit angulo CEA . Est autem angulus ACE rectus. Itaque, quum omnes anguli cujuscumque trianguli simul duobus rectis æquales (5) esse debeant, semirectus erit, tam angulus CAE , quàm angulus CEA . Eadem ratione ostendetur, semirectum esse, tum angulum CBE , cum an-

- (1) Prop. 11. lib. I. (2) Prop. 3. lib. I.
(3) Prop. 31. lib. I. (4) Prop. 5. lib. I.
(5) Prop. 32. lib. I.



angulum CEB;
ex quo sequi-
tur, totum an-
gulum AEF re-
ctum esse.

Rursus, quo-
niam in trian-
gulo BDE, re-
ctangulo in D,

angulus DBF, velut [1] æqualis angulo CBE, semirectus est, erit alter angulus DFB pariter semirectus. Quare latera DB, DF, angulos illos subtendentia, etiam (2) æqualia erunt. Atque ita quoque quoniam in trian-
gulo EGF, rectangulo in G, semirectus est an-
gulus GFE, erit itidem semirectus angulus alter GEF; proindeque latera EG, GF, quæ subtendunt angulos illos, inter se pariter æqualia erunt.

Præterea, quia triangulum ACE est re-
ctangulum in C, erit [3] quadratum ex AE
æquale quadratis, quæ sunt ex AC, & CE.
Sunt autem duo ista quadrata æqualia inter
se, quum ex constructione æquales sint ipsæ
AC, CE. Itaque erit quadratum ex AE du-
plum quadrati ex AC. Eadem ratione, quia
triangulum EGF est rectangulum in G, erit
quadratum ex EF æquale quadratis, quæ
sunt ex EG, & GF; atque adeo, quum æqua-
lia sint duo ista quadrata, erit quadratum ex
EF duplum quadrati ex EG, seu CD.

Quum igitur ostensum sit, quadratum ex
AE duplum esse quadrati ex AC, & quadra-
tum

[1] Prop. 15. lib. 1.

[2] Prop. 6. l. 1.

[3] Prop. 47. l. 1.

LIBER SECUNDUS. 135


tum ex EF duplum quadrati ex CD; erunt quadrata ex AE, & EF simul dupla quadratorum, quæ fiunt ex AC, & CD. Jam verò propter triangulum AEF, rectangulum in E, quadrata ex AE, & EF simul æqualia sunt quadrato ex AF; quod rursus propter triangulum ADF, rectangulum in D, æquale est quadratis ex AD, & DF, sive etiam ex AD, & DB. Quadrata igitur ex AD, & BD dupla erunt quadratorum, quæ fiunt ex AC, & CD. Proindeque, si recta linea secetur bifariam, eique alia in directum adjiciatur: quadrata duo, unum ex tota, & adjecta, velut ex unica linea, alterum ex ipsa adjecta, dupla erunt quadratorum, quæ fiunt ex dimidia, & ex ea, quæ componitur ex dimidia, & adjecta. Quod demonstrare oportebat.

S C H O L I U M.

Sit recta AB pedum octo, quæ quum seceta sit bifariam in C, erit tam AC, quàm BC pedum quatuor. Sit autem adjecta BD pedum duorum; ita, ut AD, quæ componitur ex tota, & adjecta, sit pedum decem; & CD, quæ componitur ex dimidia, & adjecta, sit pedum sex. Erit igitur quadratum ex AD pedum quadratorum 100, quadratum ex BD pedum quadratorum 4; quadratum ex AC pedum quadratorum 16, & quadratum ex CD pedum quadratorum 36. Unde, quia priores duo numeri 100, & 4 simul additi conficiunt 104, posteriores autem 16, & 36 simul conjuncti dant 52, estque numerus 104 duplus ipsius 52; liquet, quadrata ex AD, & BD dupla esse quadratorum, quæ fiunt ex AC, & CD.

PROP.

*Datam rectam lineam subinde dividere, ut
rectangulum, quod fit ex tota, & parte una,
equale fit quadrato partis alterius.*



Data sit recta AB .
Oportet , eam subinde
dividere in puncto ali-
quo , ut rectangulum , sub
tota , & parte una con-
tentum , adæquet quadra-
tum , quod describitur ex
parte altera .

Describatur (1) super AB quadratum ABCD, & secetur [2] latus AD bifariam in E. Jungatur deinde BE, & extendatur DA usque in F, ut sit EF ipsi BE æqualis. Denique super AF describatur quadratum AFGH. Dico, rectam AB subinde divisam esse in H, ut rectangulum ex tota AB, & parte una BH æquale sit quadrato alterius partis AH.

Quoniam enim recta AD secta est bifariam in E, eique in directum est adjecta alia AF, erit rectangulum ex DF in FA, una cum quadrato ex AE æquale (3) quadrato ex EF. Est autem quadratum ex EF æquale quadrato ex EB, quum ex constructione æquales sint ipsæ EB, EF. Itaque erit rectangulum ex DF in FA, una cum quadrato ex AE æquale quadrato, quod fit ex BE.

Jam

[1] Prop. 46. lib. 2.
[3] Prop. 6. hujus.

(2) *Prop. 10 lib. 1.*

Jam quadratum ex BE, propter triangulum BAE, rectangulum in A, est æquale (1) quadratis, quæ fiunt ex AB, & AE. Idem igitur rectangulum ex DF in FA, una cum quadrato ex AE, æquale erit quadratis, quæ fiunt ex AB, & AE. Quare ablato communi quadrato ex AE, supererit rectangulum ex DF in FA æquale quadrato ex AB.

Porro, quia AFGH quadratum est, erit FA ipsi FG æqualis; adeoque rectangulum DG, velut contentum sub lateribus DF, FG, illud erit, quod fit ex DF in FA. Est autem ABCD quadratum ex AB. Erit igitur rectangulum DG æquale ipsi ABCD. Unde ablato communi DH, fiet AG æquale ipsi BI.

Quum itaque AG sit quadratum ex AH, & rectangulum BI, velut contentum sub lateribus CB, BH, fiat ex AB in BH; erit rectangulum ex AB in BH æquale quadrato ex AH. Et propterea recta data AB subinde secta est in puncto H, ut rectangulum, quod fit ex tota AB, & parte una BH, æquale sit quadrato alterius partis AH. Quod erat faciendum.

S C H O L I U M.


Hæc propositio nullis numeris potest illustrari. Neque enim duos numeros licet reperire, qui hujusmodi sint; ut id, quod oritur, multiplicando summam ipsorum per unum eorundem, æquale sit quadrato alterius numeri.

PROP. XI. THEOR. XI.

In triangulis obtusangulis, quadratum, quod fit

(1) Prop. 47. lib. I.

fit ex latere, obtusum angulum subtendente, majus est quadratis; quæ sunt ex lateribus, obtusum angulum continentibus, rectangulo bis contento sub uno dictorum laterum, & portione, quam prope angulum obtusum adjungit ei perpendicularis ex opposito angulo demissa.



Sit triangulum ABC, quod habeat in B angulum obtusum. Dico, quadratum ex latere AC, subtendente angulū obtusum, majus esse quadratis, quæ sunt ex lateribus AB, BC, angulum obtu-

sum continentibus, rectangulo bis contento sub uno eorum laterum AB, & portione BD, quam prope angulum obtusum adjungit ei perpendicularis CD, quæ demittitur ex angulo opposito.

Quoniam enim recta AD secta est utcumque in B, erit (1) quadratum ex tota AD æquale quadratis partium AB, BD, una cum rectangulo bis contento sub ipsis partibus AB, BD. Apponatur commune quadratum ex DC. Et erunt quadrata ex AD, & DC æqualia quadratis ex AB, BD, & DC, una cum rectangulo bis contento sub AB, & BD.

Jam duo quadrata AD, DC, propter triangulum ADC, rectangulum in D, æqualia sunt [2] quadrato ex AC. Itaque erit quadratum ex AC æquale quadratis ex AB, BD, & DC, una cum rectangulo bis contento sub AB, & BD.

(1) Prop. 4. hujus. [2] Prop. 47. lib. I.

BD. Sunt autem propter triangulum BDC, rectangulum in D, quadrata ex BD, & DC æqualia quadrato ex BC. Quare erit quadratum ex AC æquale quadratis ex AB, & BC, una cum rectangulo bis contento sub AB, & BD.

Quum igitur quadratum ex AC æquale sit quadratis ex AB, & BC, una cum rectangulo bis contento sub ipsis AB, BD; erit quadratum ex AC majus quadratis ex AB, & BC eodem illo rectangulo bis contento sub AB, & BD. Proindeque in triangulis obtusangulis quadratum ex latere, obtusum angulum subtendente, majus est quadratis laterum, obtusum angulum comprehendentium, rectangulo bis contento sub uno dictorum laterum, & portione, quam prope angulum obtusum adjungit ei perpendicularis ex opposito angulo demissa. Quod erat demonstrandum.


COROLLARIUM.

Si perpendiculari CD in infinitum diminuta, vertex trianguli C ad basim accedat, fiet AC equalis AD, & BC equalis BD; proindeque propositio ista in quartam hujus vertetur. Nam, quum ostensum sit, quadratum ex AC æquale esse quadratis ex AB, & BC una cum rectangulo bis contento sub ipsis AB, BD; subrogatis loco ipsarum AC, BC lineis AD, BD, fiet quadratum totius AD æquale quadratis partium AB, BD, una cum rectangulo bis contento sub ipsis partibus AB, BD.

PROP. XIII. THEOR. XII.

In triangulis acutangulis quadratum, quod fit ex latere, acutum angulum subtendente,

minus est quadratis, quæ sunt ex lateribus, acutum angulum continentibus, rectangulo iis contento sub uno dictorum laterum, & portione, quam prope angulum acutum abscindit ex eo perpendicularis ex opposito angulo demissa.



Sit triangulū ABC, habens angulum acutum in B. Dico, quadratum ex latere AC, subtendente angulum acutum B, minus esse quadratis late-

rum AB, BC, eundem angulum acutum comprehendentium, rectangulo bis contento sub uno eorum laterum AB, & portione BD, quam prope angulum acutum abscindit ex eo perpendicularis CD ex opposito angulo demissa.

Quoniam enim recta AB secta est utcumque in D, erunt [1] quadrata duo, unum ex tota AB, alterum ex parte BD æqualia rectangulo bis contento sub tota AB, & dicta parte BD, una cum quadrato alterius partis AD. Quare apposito communi quadrato ex CD, erunt quadrata tria, unum ex AB, alterum ex BD, tertium ex DC, æqualia rectangulo bis contento sub AB, & BD, una cum quadratis ipsarum AD, CD. Sunt autem duo ista quadrata, propter triangulum ADC, rectangulum in D, æqualia (2) quadrato ex AC. Itaque eadem tria quadrata ex AB, BD, & CD æqualia erunt rectangulo bis contento
sub

(1) Prop. 7. hujus. (2) Prop. 47. lib. I.

sub AB, & BD, una cum quadrato ex AC.

Quadratum igitur ex AC una cum rectangulo bis contento sub AB, & BD æquale est quadrati, quæ fiunt ex AB, BD, & CD. Jam verò quadrata ex BD, & CD, ob triangulum BDC, rectangulum in D, æqualia sunt quadrato ex BC. Quare erit quadratum ex AC; una cum rectangulo bis contento sub AB, & BD æquale quadratis, quæ fiunt ex AB, & BC: proindeque quadratum ex AC minus erit quadratis, quæ fiunt ex AB, & BC rectangulo bis contento sub AB, & BD. In triangulis igitur acutangulis quadratum ex latere, acutum angulum subtendente, minus est quadratis laterum, acutum angulum comprehendentium, rectangulo bis contento sub uno dictorum laterum, & portione, quam prope angulum acutum abscindit ex eo perpendicularis ex opposito angulo demissa. Quod erat ostendendum.


COROLLARIUM.

Si perpendiculari CD in infinitum diminuta, accedat trianguli vertex ad basim, cadet AC super AD, & BC super BD: quare propositio ista vertetur in septimam hujus. Ostensum est enim, quadrata ex AB, & BC æqualia esse rectangulo bis contento sub AB, & BD, una cum quadrato ex AC. Itaque substitutis loco ipsarum AC, BC portionibus AD, BD, fient quadrata duo, alterum ex tota AB, alterum ex parte BD, æqualia rectangulo bis contento sub tota AB, & dicta parte BD, una cum quadrata alterius partis AD.

PROP.

PROP. XIV. PROBL. II.

Dato rectilineo æquale quadratum constituere.



Data sit figura quævis rectilinea A. Oportet, ei æquale quadratum constituere.

Describatur parallelogrammum BCD æquale (1) datæ figuræ rectilinæ A, habens angulum BCD

rectum. Tum siquidem BC æqualis sit ipsi CD, erit eadem figura non solum rectangula, verum etiam æquilatera; adeoque, quum quadratum sit, ea problemati satisfaciet. Si verò BC non sit æqualis CD, extendatur BC versus E, & constituatur CE æqualis [2] CD. Porro secetur BE [3] bifariam in F, & descripto centro F, intervalloque FB, seu FE semicirculo BGE, extendatur DC usque in G. Dico, quadratum ex CG æquale, esse figuræ rectilinæ datæ A.

Jungatur enim FG. Et quoniam recta BE secta est bifariam in F, & non bifariam in C, erit (4) rectangulum ex partibus inæqualibus BC, CE, una cum quadrato portionis intermedie CF, æquale quadrato dimidiæ FE. Est autem FE æqualis FG, quum sint lineæ ductæ à centro ad circumferentiam. Idem igitur re-

[1] Prop. 45. lib. I.

[2] Prop. 3. lib. I.

[3] Prop. 10. lib. I.

[4] Prop. 5. hujus.

rectangulum ex BC in CE, una cum quadrato ex CF, æquale est quadrato ex FG. Sed, propter triangulum FCG, rectangulum in C, quadratum ex FG æquale est quadratis, quæ fiunt ex CF, & CG. Itaque rectangulum ex BC in CE, una cum quadrato ex CF, æquale erit quadratis, quæ fiunt ex CF, & CG. Auferatur commune quadratum ex CF, & remanebit [1] rectangulum ex BC in CE æquale quadrato ex CG. Est autem BD rectangulum ex BC in CE, quum ex constructione sit CD æqualis CE. Rectangulum igitur BD æquale est quadrato ex CG. Unde, quum idem rectangulum BD factum sit æquale figuræ A, erit eidem A æquale quoque quadratum ex CG. Et propterea datæ figuræ rectilineæ A constitutum est æquale quadratum ex CG. Quod erat faciendum.

COROLLARIUM I.

Ex ipsa autem problematis hujus demonstratione liquet, quod si ex puncto aliquo, in circuli circumferentia sumpto, perpendicularis ad diametrum demittatur, quadratum ejus æquale sit rectangulo, sub diametri segmentis comprehenso. Ostensum est enim, quadratum, quod fit ex CG, æquale esse rectangulo, quod fit ex BC in CE.

COROLLARIUM II.

Vicissim verò, si quadratum ex CG æquale sit rectangulo ex BC in CE, locabitur punctum G, in

[1] Axi. 3.

G in circumferentia circuli, quæ refertur ad diametrum *BE*. Nam, quum quadratum ex *CG* æquale sit rectangulo *BCE*, appposito communi quadrato ex *CF*, erunt quadrata ex *CG*, & *CF* æqualia rectangulo *BCE*, una cum *CF* quadrato. Sed quadrata ex *CG*, & *CF* æqualia sunt quadrato ex *FG*, & rectangulum *BCE*, una cum *CF* quadrato, æquale est quadrato ex *FE*. Quare erit quadratum ex *FG* æquale quadrato ex *FE*: & propterea, quum *FG* æqualis sit ipsi *FE*, locabitur punctum *G* in circumferentia circuli, quæ describitur centro *F*, intervalloque *FE*.



GEOMETRIÆ PLANÆ ELEMENTORUM

LIBER TERTIUS.

DEFINITIONES.

I.

irculi æquales dicuntur illi, quorum radii, vel diametri sunt æquales. Oritur namque circulus ex revolutione radii circa suum centrum. Quare semper ac radii sunt æquales, æquales etiam necesse est, ut sint circuli, qui ex eorum radiorum revolutione describuntur.

II.

Recta linea dicitur tangere circumulum, quum ei ita quidem occurrit, ut producta eum non secet. Quod si autem recta linea subinde circumulum offendat, ut producta illum secet, tunc recta illa dicitur circumulum secare.

III.

Circulus circumulum contingere dicitur, quando ita quidem sibi mutuò occurrunt, ut portio unius non cadat intra portionem alterius. Quod si autem occurrant sibi invicem circuli duo, sed portio unius cadat intra portionem alterius, tunc dicentur duo illi circuli se mutuò secare.

G

IV.

Dux rectæ lineæ dicuntur æqualiter distare à centro circuli, quam perpendiculares, quæ à centro super iis demittuntur, inter se sunt æquales. *Dimetiendæ sunt enim distantie per rectas omnium brevissimæ, i cuiusmodi non aliæ sunt, quàm perpendiculares.*

V.

Quod si autem perpendicularis, quæ à centro super unam demittitur, maior sit perpendiculari, quæ ab eodem centro ducitur super aliam, tunc illa dicetur magis à centro distare, quàm ista.

VI.

Angulus ad centrum vocatur ille, qui habet verticem in ipso centro. Is verò, cuius vertex est in circumferentia, angulus ad circumferentiam vocitatur. *Ostendetur autem in hoc libro, quod quum duo isti anguli super eundem arcum insistant, angulus ad centrum duplus sit anguli ad circumferentiam.*

VII.

Angulus in portione est angulus rectilineus, cuius vertex est in portione, latera verò transeunt per extremitates portionis. *Patebit autem ex inferius ostendendis, eos, qui in eadem portione sunt, angulos inter se æquales esse.*

VIII.

Angulus portionis est angulus mixtilineus, quem arcus ejus portionis constituit cum recta, quæ arcum illum subtendit. *Recta autem, quæ in circulo arcum aliquem subtendit, chorda ejus arcus vocitatur.*

IX.

Similes circulorum portiones dicuntur illæ,


illæ, quæ suscipiunt angulos æquales: hoc est, quando anguli in iis portionibus existentes sunt æquales inter se. In quo autem consistat hæc similitudo, libro sexto ostendetur.

X.

Sector circuli est portio ejus, quam duæ rectæ lineæ, è centro egredientes, & angulum ibidem constituentes, continent cum arcu, quem intercipiunt. Unde si duæ rectæ lineæ non egrediantur è centro, aut etiam angulum ibidem non constituent, portio circuli iis rectis, & intercepto arcu contenta, nequaquam sector appellabitur.

PROP. I. PROBL. I.


Dati circuli centrum invenire.



Datus sit circulus ABC. Oportet, centrum ejus invenire.

Sumantur in ejus circumferentia duo quælibet puncta A, & B, quæ jungantur per rectam AB. Tum secetur (1) AB bifariam in puncto E, ex quo perpendicularis (2) erigatur EF, eaque extendatur usque, donec circuli circumferentiam utrimque secet in C, & in D. Denique secetur ipsa CD bifariam quoque in puncto F. Dico, in E esse centrum circuli, G 2 & esse

[1] Prop. 10. lib. 9. (2) Prop. 11. lib. 1.



& esse propriè punctum F.

Si enim fieri potest, sit centrum circuli extra rectam CD in G, & jungantur AG, EG, BG. Quia igitur ex constructione AE est æqualis BE, communis verò GE erunt duo latera AE, GE trianguli GEA æqua-

lia duobus lateribus BE, GE trianguli GEB, alterum alteri. Est etiam basis unius GA æqualis basi alterius GB, quum sint ductæ à puncto G, quod supponitur esse centrum circuli, ad circumferentiam ipsius. Quare erit (1) angulus GEA æqualis angulo GEB. Unde, quum recta GE efficiat cum AB angulos deinceps æquales, rectus erit (2) uterque æqualium angulorum. Rectus igitur est angulus GEA: Sed ex constructione rectus est angulus FEA. Quare erit angulus GEA æqualis angulo FEA: quod fieri non potest. Non igitur centrum circuli est extra rectam CD; proindeque erit in ipsa CD, eritque propriè punctum F, quod eam dividit bifariam. Et propterea dati circuli ABC inventum est centrum F. Quod erat faciendum.

COROLLARIUM.


hoc perspicuum est, quod si in circulo recta

[1] Prop. 8. lib. 1. [2] Def. 10. lib. 1.

Est quaedam linea secet aliam rectam lineam bifariam, & ad angulos rectos, in secante sit centrum circuli. Ostensum est enim, centrum dati circuli ABC esse in recta CD, qua dividit ex constructione ipsam AB bifariam, & ad angulos rectos in E.

PROP. II. THEOR. I.

Si in circuli circumferentia duo puncta sumantur: qua puncta ista conjungit recta linea, intra circulum cadet.



In circumferentia circuli BCD sumantur duo quævis puncta B, & C, quæ jungantur per rectam BC. Dico, rectam istam BC intra circulum cadere.

Sumatur etenim in ipsa BC punctum aliquod E, & reperto (1) centro circuli A,

jungantur AB, AE, AC.


Quia igitur AB est æqualis AC, erit triangulum BAC isosceles; adeoque angulus ABC æqualis erit (2) angulo ACB. Jam autem in triangulo ABE latus BE productum est in C, atque adeo angulus AEC [3] major est angulo ABE. Idem igitur angulus AEC major erit quoque angulo ACE: & propterea, quia majori lateri [4] major angulus opponitur,

G 3

erit

1] Prop. 1. hujus. [2] Prop. 5. lib. 1.

[3] Prop. 16. lib. 1. [4] Prop. 19. lib. 1.



erit AC major, quam AE. Unde, quum AC pertingat ad circuli circumferentiam, AE ad eam usque pertingere nequit. Cadit igitur punctum E intra circulum. Sed eadem est demonstratio de omnibus aliis punctis ipsius BC. Tota igitur BC intra circulum cadit.

Et propterea, si in circuli circumferentia duo puncta sumantur, quæ puncta ista coniungit recta linea, intra circulum cadet. Quod erat demonstrandum.

COROLLARIUM.

Liquet autem ex hoc theoremate, circuli circumferentiam concavitate sua centrum respicere. Nam omnis curva linea ad eam semper partem est concava, ad quam cadit recta linea, quæ duo ejus puncta contingit: Id, quod ex ipsa circuli generatione liquet etiam abundè.


COROLLARIUM II.

Sed illud etiam ex hoc theoremate licet inferre, tangentem in unico tantum puncto circuli circumferentia occurrere. Nam, si ei occurreret in duobus punctis, caderet intra circulum; adeoque non tangens, sed secans esset.

PROP. III.

PROP. III. THEOR. II.

Si recta linea per centrum ducta aliam rectam lineam non ductam per centrum bifariam secet, secabit ad angulos rectos; & si secet ad angulos rectos, secabit bifariam.



Per centrum circuli A ducatur recta DE, quæ secet aliam BG non ductam per centrum bifariam in F. Dico, secare quoque eam ad angulos rectos.

Jungantur enim rectæ AB, AG. Et quoniam ex hypothese BF est æqualis

GF, communis verò AF; erunt duo latera AF, BF trianguli AFB æqualia duobus lateribus AF, GF trianguli AFG, alterum alteri. Est etiam basis unius AB æqualis basi alterius AG, quum sint lineæ ductæ à centro ad circumferentiam. Quare erit (1) angulus AFB æqualis angulo AFG: & propterea, quum recta DE secet ipsam BG ad angulos æquales, secabit eandem ad angulos rectos (2).

Sed eadem recta DE, ducta per centrum circuli A, secet aliam BG ad angulos rectos in F. Dico, secare quoque eam bifariam.


Nam junctis adhuc rectis AB, AG, ob istam æqualitatem, isosceles erit triangulum

G 4

BAG,

[1] Prop. 8. lib. 1.

[2] Def. 10. lib. 1.



BAG; adeoque angulus ABG æqualis erit angulo AGB. Est autem angulus AFB æqualis quoque angulo AFG, quum uterque ex hypothesi sit rectus. Duo igitur anguli ABF AFB trianguli BAF æquales sunt duobus angulis AGF, AFG trianguli GAF, alter alteri. Unde, quum eadem triangula habeant latus AF commune, habebunt quoque [1] latus BF æquale lateri GF: & propterea recta BG secta erit bifariam in F.

Itaque, si in circulo recta linea, & per centrum ducta, & fecer aliam non ductam per centrum bifariam, secabit eam ad angulos rectos; & si secet ad angulos rectos, secabit bifariam. Quod erat demonstrandum.

S C H O L I U M.

Hujus theorematís, ut vides, due sunt partes, quarum altera alteram convertit. Sed utraque convertit quoque id, quod in Corollario primæ hujus ostensum est. Unde non ab erit hic advertere, quod quum in circulo aliqua recta linea secat aliam non ductam per centrum, tria contingere possint; primum, ut linea secans transeat per centrum circuli; al-


sc-

LIBER TERTIUS. 153

terum, ut secet aliam bifariam; & tertium, ut eandem secet ad angulos rectos. Ex his autem tribus si duo qualibet ponantur, tertium quoque necessarium poni debet. Nempe primò, si transeat per centrum circuli, & secet aliam non transeuntem per centrum bifariam, secabit eam ad angulos rectos. Secundò, si transeat per centrum circuli, & secet aliam ad angulos rectos, secabit bifariam. Et tertio, si secet aliam cum bifariam, tum ad angulos rectos, transibit per centrum circuli.


PROP. IV. THEOR. III.

In circulo si duæ rectæ lineæ sese in centro non secant, utraq; bifariam non secabitur.



In circulo BCDE, cujus centrum sit punctum A, rectæ duæ BD, CE se mutuo secant in puncto F, quod diversum sit puncto A. Dico, utranque earum rectarum bifariam non posse secari.

Si enim fieri potest, secetur utraque ipsarum BD, CE bifariam in F, jungaturque AF. Quia igitur recta AF per centrum ducta secat ipsas BD, CE non ductas per centrum bifariam in F, secabit quoque eas (1) ad angulos rectos. Rectus itaque erit,
G 5 tum



tum angulus AFB
cum angulus AFC.
Quod, quum fieri
non possit, dicen-
dum est, utram-
que ipsarum BD,
CE non posse bi-
fariam secari. Et
propterea, si in
circulo duæ rectæ
lineæ sese in cen-
tro non secant,
utraq; bifariam

non secabitur. Quod demonstrare oportebat.

S C H O L I U M.


*In hac propositione sedulò notare oportet; dua-
rum linearum, quæ in circulo sese in centro non
secant, utramque quidem bifariam non secari.
Nam, quin una secari queat bifariam, nulli
dubium esse potest.*

PROP. V. PROBL. IV.

*Circuli, qui se mutud secant, non possint u-
num, idemque centrum habere.*

Sint duo circuli ABC, ADC, qui se mutud
secant in punctis A, & C. Dico, duos
istos circulos non posse unum, idemque cen-
trum habere.

Si enim fieri potest, habeant unum, idem-
que centrum, & sit punctum E. Tum juncta
AE, ducatur utcumque recta EDB, quæ
utrius-



utriusque circumferentiam secet in punctis D, & B.

Quia igitur E centrum est circuli ABC, erit AE æqualis EB. Et similiter, quia E centrum est

circuli ADC, erit AE æqualis ED. Eadem igitur AE æqualis est tum EB, tum ED. Sed quæ eidem sunt æqualia inter se sunt (1) æqualia. Erit igitur EB æqualis ED, quod fieri non potest. Non igitur duo circuli, qui se mutuo secant, possunt unum idemque centrum habere. Quod erat ostendendum.

PROP. VI. THEOR. V.

Si duo circuli sese intus contingant, non possunt unum, idemque centrum habere.


Sint duo circuli ABC, ADE, qui sese intus contingant in A. Dico, duos istos circulos non posse unum, idemque centrum habere.

Si enim fieri potest, habeant unum, idemque centrum, quod sit punctum F. Tum iuncta AF, ducatur utcumque recta FDB, quæ secet utriusque circumferentiam in punctis D, & B.

G 6

Quia

(1) Axi. 1.




Quia igitur F centrum est circuli ABC , erit AF æqualis FB . Pariterque, quia F centrum est circuli ADE , erit AF æqualis FD . Eidem igitur AF æqualis est, tum FB cum FD . Sed quæ eidem sunt æqualia, inter se sunt [1] æqualia. Erit igitur FB æqualis FD , quod fieri non potest. Non igitur duo circuli, qui intus sese contingunt, possunt unum, idemque centrum habere. Quod erat ostendendum.

PROP. VII. THEOR. VI.

Si in circuli diametro capiatur punctum aliquod, quod non sit Centrum, & ex eo ducantur ad circumferentiam plures aliæ rectæ lineæ; earum omnium maxima quidem erit illa, quæ transeat per centrum; minima verò reliqua portio diametri; aliarum autem, quæ maxima propinquiores sunt, majores erunt semper remotioribus; & ab illa eodem puncto, nonnisi duæ rectæ lineæ æquales duci poterunt.

Si circulus $ABCD$, cujus diameter recta AD , centrum punctum E . Sumatur in diametro AD punctum quodvis aliud F , ex quo ducantur ad circumferentiam plures alie



liæ rectæ lineæ , ut
FB , FC . Dico pri-
mò, omnium illarum
linearum maximam
esse rectam FA , quæ
transit per centrum
circuli E .

Iungantur enim EB,
EC . Et quoniam EB
est æqualis EA , ad-
dita communi EF ,
erunt duæ EF , EB æ-

quales (1) ipsi FA . Sunt autem duæ EF , EB
maiores , (2) quàm FB : nempe , quia in omni
triangulo duo latera sunt reliquo maiora .
Quare EA eadem FB etiam maior erit . Simi-
li ratiocinio , ostendetur FA maiorem esse
quacumque alia recta lideâ , quæ à puncto F
cadit , ad circumferentiam . Igitur FA erit
omnium maxima .


Dico , secundo , reliquam portionem dia-
metri FD esse omnium minimam .

Nam in triangulo CEF duo latera , EF , FC
maiora sunt reliquo EC . Sed propter cir-
culum EC est æqualis ED . Duæ igitur EF ,
FC maiores erunt ipsa ED : proindeque abla-
ta communi EF , erit FC maior quoque quàm
FD (3) . Est igitur FD minor , quàm FC .
Unde , quum simili ratiocinio ostendatur ,
FD minorem esse quacumque alia recta li-
nea , quæ à puncto F cadit ad circumfere-
ntiam , erit FD omnium minima .

Dico

[1] Axi. 2. [2] Prop. 20. lib. 1.

[3] Axi. 3.



Dico tertio, aliarum linearum, quæ ipsi FA propinquiores sunt, majores esse semper remotioribus, nempe FB majorem esse, quam FC.

Nam quum propter circumulum EB sit æqualis EC, communis verò EF; erunt duo latera EB, EF

trianguli BEF æqualia duobus lateribus EC, EF trianguli CEF, alterum alteri. Est autem angulus BEF, contentus sub lateribus illis major angulo CEF, qui sub illius lateribus continetur. Itaque erit basis FB major quæque [1] basi FC. Quumque eadem sit demonstratio de omnibus aliis rectis lineis, quæ a puncto F cadunt ad circumferentiam, dicendum est, rectas ipsi FA propinquiores majores esse remotioribus.

Dico denique, ab eodem puncto F non nisi duas rectas æquales duci posse: nempe ipsæ EC unicam tantum ex parte altera duci posse æqualem, & non plures.

Fiat enim ad rectam AD, atque ad datam in ea punctum E angulus FEG æqualis [2] angulo FEC, & jungatur FG. Quia igitur duo latera EC, EF trianguli CEF æqualia sunt duobus lateribus EG, EF trianguli GEF, alterum alteri, & anguli sub lateribus illis comprehensi ex constructione pariter

[1] Prop. 24. lib. I. [2] Prop. 23. lib. I.


riter sunt æquales ; erunt quoque æquales
 [1] bases eorundem triangulorum FC, FG.
 Ipsi igitur FC ducta est ex parte altera alia
 æqualis FG. Plures autem duci non possunt.
 Nam, vel cadunt supernè, & velut ipsi FA
 propinquiore~~s~~ majores sunt, quàm FG, atque
 adeò majores quoque, quàm FC ; vel cadunt
 inferna, & per contrarium velut magis di-
 stantes ab FA minores sunt, quàm FG, ac
 propterea minores quoque, quàm FC.

Concludamus igitur, quod si in circuli
 diametro sumatur punctum aliquod, quod
 non sit centrum, & ab eo ducantur ad cir-
 cumferentiam plures aliæ rectæ lineæ ; o-
 mnium istarum linearum maxima quidem sit
 illa, quæ transit per centrum circuli ; mini-
 ma verò reliqua portio diametri ; aliarum
 autem, quæ maximæ sunt propinquiore~~s~~,
 majores sint semper remotioribus ; & ab il-
 lo eodem puncto nonnisi duæ rectæ lineæ æ-
 quales duci possint. Quod erat demonstnan-
 dum.

PROP. VIII. THEOR. VII.

*Si extra circulum sumatur punctum ali-
 quod, ex quo ducantur plures rectæ lineæ, tum
 ad concavam, cum ad convexam circuli cir-
 cumferentiam ; earum utique, quæ pertingunt
 ad concavam, maxima quidem erit illa, quæ
 transit per centrum, aliarum verò, quæ ma-
 xima sunt propinquiore~~s~~, majores erunt semper
 per remotioribus ; vicissim autem illarum, quæ
 pertingunt ad convexam, minima quidem erit
 illa,*

illa, quæ producta transit per centrum, aliarum verò, quæ minimæ sunt propinquiore, minores erunt semper remotioribus; & ab illo eodem puncto, tum ad concavam, cum ad convexam circuli circumferentiam nonnisi duæ rectæ lineæ æquales duci poterunt.



Ex puncto A, sumpto extra circulum BCD, ducantur primò ad concavam ejus circumferentiã plures rectæ lineæ AB, AC, AD, quarum prior AB transeat per centrũ circuli E. Dico, omnium istarum linearum maximam quidem esse ipsam AB, aliarum verò, quæ ipsi AB propinquiore sunt,

maiores esse semper remotioribus, nempe AC majorem esse, quàm AD.

Jungantur enim rectæ EG, ED. Et quoniam propter circulum EB est æqualis EC, communis verò AE, erit tota AB æqualis duobus AE, EC. Sed duæ istæ AE, EC majores sunt ipsa AC: in omni enim triangulo (1.) duo latera simul reliquo majora sunt, quomodocumque sumpta. Igitur AB major quoque erit, quàm AC. Et quum eadem ratione ostendatur major quacumque alia recta

Et linea, quæ ab assumpto puncto A cadit ad concavam circuli circumferentiam, erit AB omnium maxima.


Deinde, quia propter circulum EC est æqualis ED, communis verò AE, erunt duo latera AE, EC trianguli AEC æqualia duobus lateribus AE, ED trianguli AED, alterum alteri. Est autem angulus AEC, contentus sub lateribus istius, majori angulo AED, qui sub istius lateribus continetur. Itaque erit [1] basis AC major quoque basi AD. Quumque eadem sit demonstratio de omnibus aliis rectis lineis, quæ à puncto A cadunt ad concavam circuli circumferentiā, dicendum est, rectas ipsi AB propinquiores majores esse semper remotioribus.

Ex eodem puncto A ducantur secundo ad concavam circuli circumferentiam plures rectæ lineæ AF, AG, AH, quarum prior AF transeat producta per centrum E. Dico, omnium aliarum istarum linearum minimam esse rectam AF, reliquarum verò, quæ ipsi AF propinquiores sunt, minores esse semper remotioribus, nempe AG minorem esse, quàm AH.

Jungantur enim rectæ EG, EH. Et quoniam, propter triangulum AGE, duo latera AG, GE majora sunt [2] reliquo AE, estque, propter circulum, GE æqualis FE; erit AG major etiam, quàm AF. Pariterque, quia, propter triangulum AHE, duo latera AH, HE majora sunt reliquo AE, estque propter circulum HE æqualis FE; erit AH major etiam, quàm AF. Quumque eadem ratione

osten-

[1] Prop. 24. lib. I. [2] Prop. 20. lib. I.



ostendatur, omnem
aliā rectā li-
neam, quæ ab as-
sumpto puncto A
cadit ad convexam
circuli circumfer-
entiam, maiorem
esse, quā AF, erit
AF omnium mi-
nima.

Deinde quia
propter circulum
EH est æqualis EG
cōmunis verò AE;
erunt duo latera

AE, EH trianguli AEH æqualia duobus la-
teribus AE, EG trianguli AEG, alterum al-
teri. Est autem angulus AEH, contentus sub
lateribus illius, major angulo AEG, qui sub
istius lateribus continetur. Itaque erit basis
AH major quoque [1] basi AG. Quumque
eadem sit demonstratio de omnibus aliis re-
ctis lineis, quæ à puncto A cadunt ad con-
vexam circuli circumferentiam dicendum
est, rectas ipsi AF propinquiores minores
esse semper remotioribus.

Dico demum, ab eodem puncto A, tum
ad concavam, tum ad convexam circuli
circumferentiam nonnisi duas rectas æqua-
les duci posse: nempe cuique ipsarum AD,
AH unicam tantum ex parte altera duci pos-
se æqualem, & non plures.

Fiat enim ad rectam AB, atque ad datam
in

in ea punctum E Angulus AEK æqualis (1) angulo AED, & jungatur EK. Quia igitur duo latera AE, ED trianguli AED æqualia sunt duobus lateribus AE, EK trianguli AEK, alterum alteri, & anguli sub lateribus illis comprehensi ex constructione pariter sunt æquales; erunt quoque æquales (2) bases eorundem triangulorum AD, AK. Ipsi igitur AD ducta est ex parte altera alia æqualis AK. Plures autem duci non possunt; Nam vel cadunt infernè, & velut ipsi AB propinquiore, majores sunt, quàm AK, atque adeò majores quoque, quàm AD; vel cadunt supernè, & per contrarium velut magis distantes ab eadem AB, minores sunt, quàm AK, & consequenter minores quoque, quàm AD.

Simili ratione hoc idem ostendetur relatè ad rectam AH. Nam siquidem ad rectam AB, atque ad datum in ea punctum E constituitur angulus AEL æqualis angulo AEH, jungaturque AL, æquales erunt inter se rectæ duæ AH, AL; adeoque ipsi AH ducta est ex parte altera alia æqualis AL. Plures autem duci non possunt. Nam eadem omnino ratione vel accedunt ad AF, & velut minores, quàm AL, minores quoque erunt, quàm AH; vel recedunt ab eadem AF, & quia majores sunt, quàm AL, majores etiam erunt, quàm AH.


Concludamus igitur, quod si extra circum-
lum sumatur punctum aliquod, & ex eo du-
cantur, tum ad concavam, cùm ad conve-
xam circuli circumferentiam plures rectæ li-
near,

[1] Prop. 23. lib. I. (2) Prop. 4. lib. I.

neæ, earum quidem, quæ pertingunt ad concavam, maxima sit illa, quæ transit per centrum; aliarum verò, quæ maximæ propinquiores sunt, majores sint semper remotioribus; vicissim autem illarum, quæ pertingunt ad convexam, minima sit illa, quæ producta transit per centrum, aliarum verò, quæ minimæ propinquiores sunt, minores sint semper remotioribus; & ab illo eodem puncto, tam ad concavam, quam ad convexam circuli circumferentiam nonnisi duæ rectæ lineæ æquales duci possint. Quod erat demonstrandum.

PROP. IX. THEOR. VIII.

Si è puncto, intra circulum sumpto, cadant ad ejus circumferentiam plures, quàm duæ, rectæ lineæ æquales; assumptum punctum erit centrum circuli.



Intra circulum ABC capiatur punctum aliquod D, ex quo cadant ad ejus circumferentiam tres rectæ lineæ æquales DA, DB, DC. Dico, assumptum punctum D esse centrum circuli.

Jungantur enim rectæ AB, BC, quæ secantur [1] bifariam in punctis E, & F, jungan-

ganturque DE, DF, quarum utraque extendatur ulterius, illa quidem versus G, & H, ista autem versus k, & L.

Et quoniam ex constructione AE est æqualis BE, communis verò DE; erunt duo latera AE, DE trianguli ADE æqualia duobus lateribus BE, DE trianguli BDE, alterum alteri. Est autem ex hypothese basis illius DA æqualis basi istius DB. Itaque erit quoque (1) angulus DEA æqualis angulo DEB; & propterea, quum GH secet ipsam AB bifariam, & ad angulos rectos in E, in recta GH erit (2) centrum circuli.

Eadem ratione, quoniam ex constructione BF est æqualis CF, communis verò DF, erunt duo latera BF, DF trianguli BDF æqualia duobus lateribus CF, DF trianguli CDF, alterum alteri. Est autem ex hypothese basis illius DB æqualis basi istius DC. Erit igitur angulus DFB æqualis quoque angulo DFC; atque adeo, quum recta KL secet ipsam BC bifariam, & ad angulos rectos in F, in recta KL erit centrum circuli.

Est igitur centrum circuli ABC, tam in recta GH, quam in recta KL. Quare erit in puncto, quod utrique earum linearum commune sit. Jam verò rectæ duæ GH, KL non aliud punctum commune habent, quam D; quandoquidem duæ rectæ lineæ in unico puncto se secant. Punctum igitur D centrum est circuli ABC. Et propterea, si è puncto, intra circulum sumpto, cadant ad ejus circumferentiam plures, quam duæ, rectæ lineæ æquales, assumptum punctum erit cen-


166 ELEM. GEOM. PL.
centrum circuli. Quod demonstrare oportebat.

SCHOLIUM.

Poterat hoc idem ostendi per septimam hujus. Quum enim in ea ostensum sit, duas tantum rectas lineas aequales duci posse ad circumferentiam circuli à puncto, quod non sit centrum ejus; liquidò patet, debere esse centrum circuli punctum illud, ex quo cadunt ad ejus circumferentiam plures, quàm duæ, rectæ lineæ aequales.

PROP. X. THEOR. IX.

Circulus circulum in pluribus, quàm duobus, punctis non secat.



Sint duo circuli ABCDE, AFGE, qui se mutuo interfecent. Dico, eos in pluribus, quàm duobus, punctis non posse secari.


Si enim fieri potest, se mutuo secant in tribus punctis A, C, E. Et invento circuli ABCDE [1] centro H, jungantur rectæ HA, HC, HE, quæ quum ductæ sint à centro ad circumferentiam ipsius ABCDE, erunt eæ æquales inter se.

[1] Prop. I. hujus.

se. Et quoniam intra circulum AFCGE sum-
 ptum est punctum H, & ab eo cadunt ad ejus
 circumferentiam tres rectæ linæ æquales
 HA, HC, HE, erit idem punctum H [1] cen-
 trum quoque circuli AFCGE. Duo igitur
 circuli ABCDE, AFCGE, qui se mutuo se-
 cant, habent unum idemque centrum H.
 Hoc autem fieri non potest: ostensum est
 enim circulos, qui se mutuo secant, non
 posse unum, idemque centrum habere [2].
 Non igitur duo circuli ABCDE, AFCGE se
 secant in tribus punctis A, C, E. Proinde-
 que circulus circumscriptus in pluribus, quam
 duobus, punctis non secat. Quod erat osten-
 dendum.


PROP. XI. THEOR. X.

*Si duo circuli sese intus contingant, recta
 conjungens centra ipsorum transibit per pun-
 ctum contactus.*



Sint duo circuli
 ABC, ADE, qui se-
 se intus contingant
 in A. Sit autem F
 centrū circuli ABC
 & G centrū alte-
 rius ADE. Dico, re-
 ctam FG, conjun-
 gentem centra illa,
 transire per punctū
 contactus A.

Si enim fieri potest, non transeat per pun-
 ctum



Etum A, sed secet
circulum quidem
ABC in punctis B,
& C, circulum ve-
rò ADE in punctis
D, & E. Jungantur
rectæ AF, AG.

Quia igitur F
centrum est circu-
li ABC, erit AF
æqualis CF. Quare apposita communi FG,
erunt duæ AF, FG simul [1] æquales toti CG;
Duæ autem AF, FG majores sunt ipsa AG,
in triangulo enim [2] duo latera simul reli-
quo majora sunt, quomodocumque sumpta.
Itaque CG major quoque erit, quam AG.
Jam verò, quum G centrum sit circuli ADE,
AG est æqualis GE. Eadem igitur CG erit
etiam major, quam GE. Quod fieri non po-
test.

Quod si ponatur, G esse centrum circuli
ABC, F verò centrum alterius ADE, demon-
stratio fiet ex parte altera. Nimirum, quum
G centrum sit circuli ABC, erit AG æqua-
lis BG. Quare apposita communi GF, erant
duæ AG, GF æquales toti BF. Sunt autem
duæ AG, GF majores ipsa AF. Itaque BF
major quoque erit, quam AF: atque adeo,
quum rectæ duæ AF, DF velut duæ a cen-
tro F ad circumferentiam ADC inter se sint
æquales, erit eadem BF major etiam, quàm
DF. Quod adhuc fieri non potest. Igitur si
duo circuli sese intus contingant, recta
con-

conjungens centra ipsorum transibit per punctum contactus. Quod demonstrare oportebat.

PROP. XII. THEOR. XL

Si duo circuli sese extra contingant; recta, conjungens centra ipsorum, transibit per punctum contactus.



Sint duo circuli ABC, ADE, qui se extra contingant in A. Sit autem F centrum circuli ABC, G

verò centrum alterius ADE. Dico rectam FG, conjungentem centra illa, transire per punctum contactus A.

Si enim fieri potest, non transeat per punctum A, sed secet circulum quidem ABC in puncto B, circulum verò ADE in puncto D. Jungantur rectæ AF, AG.

Et quoniam in omni triangulo duo latera simul (1) sunt reliquo majora, quomodo cumque sumpta; erunt duæ AF, AG majores ipsa FG. Sunt autem puncta F, & G centra circulorum, atque adeo rectæ AF, AG æquales ipsis BF, DG. Duæ igitur BF, DG, simul majores sunt quoque ipsa FG: quod quum falsum sit, dicendum est, rectam FG transire per punctum A. Et propterea, si duo circuli sese extra contingant, recta conjungens ipsorum centra per punctum contactus transibit. Quod erat demonstrandum.

H

PROP.

(1) Prop. 20. lib. 1.

Simili ratione ostendetur, omnia alia puncta circuli ABC esse ultra puncta correspondentia alterius circuli ADE: Quare circulus ADE, contingens circumulum ABC intra in puncto A, in solo hoc puncto eum continget.

Sed eundem circumulum ABC contingat secundò extra circulus alter AHI in eodem puncto A. Dico quoque, in solo puncto A eum contingere.

Esto etenim F centrum circuli ABC, & K centrum alterius AHI. Recta igitur KF, jungens centra illa, transibit per punctum contactus A [1]. Ducatur autem ex K utcumque recta KHB, quæ secet circumulum quidem AHI in puncto H, circumulum vero ABC in puncto B.

Et quoniam extra circumulum ABC sumptum est punctum K, & ab eo ductæ sunt ad convexam circuli circumferentiam plures rectæ lineæ KA, KB; erit [2] omnium istarum linearum minima recta KA, quæ producta transit per centrum circuli F. Est igitur KA minor, quàm KB. Jam verò punctum K centrum est circuli AHI, adeoque KA est æqualis KH. Itaque KH minor quoque erit, quàm KB: & propterea punctum B erit infra punctum H. Simili ratione ostendetur, omnia alia puncta circuli ABC esse infra puncta correspondentia alterius circuli AHI. Duo igitur circuli ABC, AHI, sese extra contingentes in A, in solo isto puncto A sese mutuo contingunt: Et propterea circulus circumulum in pluribus, quàm uno puncto, non contingit, sive

H-2


in

(1) Prop. 12. hujus. [2] Prop. 8. hujus.

intra, five extra eum contingat. Quod erat demonstrandum.

PROP. XIV. THEOR. XIII.

In circulo æquales rectæ lineæ aqualiter a centro distant; & quæ aqualiter a centro distant, inter se sunt æquales.



In circulo ABCD, cujus centrum est punctum F, constituentur primò duæ rectæ lineæ æquales AB, DC. Dico, eas æqualiter distare a centro F, hoc est æqualia esse perpendicularia FE, FG, quæ a centro super iis demittuntur.

Quoniam enim rectæ FE, FG transeunt per centrum, & secant alias AB, DC non transeuntes per centrum ad rectos angulos, secabunt eas (1) bisariam. Sunt igitur AE, DG semisses ipsarum AB, DC: & propterea, quum ex hypothesi duæ AB, DC inter se sint æquales, erunt etiam (2) æquales inter se duæ AE, DG. Jungantur AF, DF.

Et quoniam triangulum AFE rectum habet angulum in E, erit quadratum ex AF æquale (3) quadratis, quæ fiunt ex AE, & EF. Pariterque, quia triangulum DGE rectum habet angulum in G, erit quadratum ex DF æquale quadratis, quæ fiunt ex DG, & FG.

Sunt

(1) Prop. 3. hujus.

(2) Axi. 7.

(3) Prop. 47. lib. I.

Sunt autem æqualia inter se quadrata ex AF, & DF, quum ipsæ AF, DF, velut ductæ à centro ad circumferentiam, inter se sint æquales. Quadrata igitur, quæ sunt ex AE, & EF, æqualia quoque erunt quadratis ex DG, & GF: adeoque, quum $\triangle E$ quadratum æquale sit DG quadrato, erit etiam EF quadratum æquale GF quadrato; & consequenter EF, GF æquales erunt inter se.

Sint secundò rectæ duæ AB, DC æqualiter distantes à centro circuli F, ita nempe, ut æqualia sint perpendiculara FE, FG, quæ à centro super iis demittuntur. Dico, & ipsas AB, DC etiam inter se æquales esse.


Ob triangula etenim AFE, DFG rectangula in E, & G, ostendetur rursus, quadrata ex AE, & EF æqualia esse quadratis ex DG, & GF. Est autem modò EF quadratum æquale GF quadrato. Itaque quadratum ex AE etiam æquale erit quadrato ex DG: & propterea, quum æquales sint ipsæ AE, DG, erunt quoque æquales rectæ AB, DC, quæ illarum sunt duplæ.

In circulo igitur æquales rectæ lineæ æqualiter a centro distant; & per contrarium, quæ æqualiter a centro distant, inter se sunt æquales. Quod erat demonstrandum.

PROP. XV. THEOR. XIV.

In circulo maxima linearum in ipso ductarum est diameter, seu quæ transit per centrum; aliarum autem, quæ centro sunt propinquiores majores sunt semper remotioribus.

INtra circumf. ABC ducantur plures rectæ lineæ AB, CD, EF, quarum quidem
H 3 AB



AB transeat per centrum G. Dico primò, rectam AB esse omniū maximam.

Jungantur etenim, tum rectæ CG, DG, cum rectæ EG, FG. Et quoniam propter circulum CG est æqualis AG, & DG æqualis BG, erunt

duæ CG, DG æquales toti AB. Jam verò propter triangulum CGD duæ CG, DG simul majores sunt ipsa CD [1]. Erit igitur AB major quoque, quàm CD. Simili ratione ostendetur, eandem AB majorem esse, quàm EF. Nempe, quum propter circulum sit AG æqualis EG, & BG æqualis FG, erit tota AB æqualis duabus EG, FG. Sed propter triangulum EGF duæ EG, FG simul majores sunt ipsa EF. Erit igitur & AB major quoque, quàm EF: & propterea AB erit omnium maxima.

Dico secundò, quod si CD propinquior sit centro G, quàm EF, CD major sit, quàm EF.

Nam, si ex centro G super ipsis CD, EF perpendicula demittantur GH, GK, quia ex hypothesi EF magis distat à centro G, quàm CD, erit GK major, quàm GH. Quocirca, si ex GK abscindatur portio GL [2] æqualis GH, & per punctum L ducatur recta MN ipsi EF parallela [3]; rectæ duæ CD, MN,

ve-


[1] Prop. 20. lib. 1. (2) Prop. 3. lib. 1.

[3] Prop. 30. lib. 1.

velut æqualiter distantes a centro G, æquales erunt (1) inter se. Est autem MN major, quam EF. [2]: sunt enim bases triangulorum MGN, EGF, quæ habent duo latera MG, NG æqualia duobus lateribus EG, FG alterum alteri, & angulum MGN majorem angulo EGF: quare CD major quoque erit, quam EF: Et propterea in circulo maxima linearum, intra ipsum ductarum, est diameter, seu quæ transit per centrum; aliarum autem, quæ centro propinquiores sunt, majores sunt semper remotioribus. Quod erat ostendendum.

PROP. XXVI. THEOR. XV.

Si ex extremitate diametri perpendicularis ad punctum erigatur, hac tota cadet extra circulum; & in locum ipsa, & circuli circumferentia continentur nulla alia recta linea duci potest.




Sit circulus ABC, cujus centrum sit punctum D, diameter recta AB. Erigatur ex extremitate diametri A perpendicularis, ad eam AE. Dico, rectam istam AE cadere totam extra circulum, adeoque in solo puncto A circulum ipsum contingere.

Ospiat et enim in AE punctum quod-

H 4

vis

[1] Prop. 14. hujus. [2] Prop. 24. lib. I.



vis F, & jungatur DF
Quia igitur in triangulo DAF angulus DAF est rectus, & duo anguli ejusdem trianguli simul duobus rectis minores sunt [1]; erit angulus DFA recto minor. In omni autem triangulo (2) majori angulo majus latus oppo-

nitur. Latus igitur DF, oppositum angulo majori DAF, majus erit latere DA, quod oppositur angulo minori DEA. Sed propter circumulum DA est æqualis DC. Itaque DF major quoque erit, quam DC: & propterea punctum F erit extra circumulum. Quamvis eadem sit demonstratio de omnibus aliis punctis rectæ AE; consequens est, ut recta AE tota cadat extra circumulum: atque adeo, ut in solo puncto A eum contingat.

Disco secundò, in locum contentum tangente AE, & circuli circumferentia ex eodem puncto A aliam rectam lineam duci non posse.

Ducatur etenim ex puncto A supra ipsam AE alia quævis recta linea AH. Et quoniam angulus DAE rectus est, erit angulus DAH recto minor: proindeque, quum DA non sit perpendicularis ad AH, demittatur ex centro D super AH [3] perpendicularis DH. Quia igitur in triangulo DAH angulus DHA

(1) Prop. 17 lib. 1. [2] Prop. 19 lib. 1.

(3) Prop. 12 lib. 1.

LIBER TERTIUS.

177

major est angulo DAH , erit latus DA , oppositum angulo majori, majus latere DH , quod opponitur angulo minori. Est autem propter circulum DA æqualis DC . Itaque DC major quoque erit, quàm DH : & propterea punctum H erit intra circuli circumferentiam. Non igitur recta AH cadit in locum contentum tangentem AE , & circuli circumferentia. Quumque eadem sit demonstratio de qualibet alia recta linea; consequens est, ut in locum contentum tangentem AE , & circuli circumferentia nulla recta linea duci possit ex puncto A .

Igitur, si ex extremitate diametri perpendicularis ad eam erigatur, hæc tota extra circulum cadet; & in locum ipsa, & circuli circumferentia contentum nulla alia recta linea duci poterit. Quod erat ostendendum.

COROLLARIUM.

Atque hinc nullo negotio ducetur tangens ad punctum in circuli circumferentia datum. Si enim A sit punctum datum, satis erit ex eo per Centrum ducere rectam ADB , & ad istam perpendicularem erigere ex eodem puncto A . Quod si autem ducenda sit tangens ad circulum ex puncto dato extra ipsum, id sequens propositio, quo pacto fieri possit, nobis ostendet.

SCHOLIUM.

In hac propositione, præter ea, quæ posuimus, adungi solent hæc alia duo: unum, quod angulus contactus, hoc est tangente, & circuli

H 5

est

circumferentia contentus, minor sit quocumque angulo acuto rectilineo: alterum, quod angulus semicirculi, hoc est diametro, & circuli circumferentia comprehensus, quocumque angulo acuto rectilineo sit major. Horum autem utrumque exinde deducitur, quod in locum tangente, & circuli circumferentia contentum alia recta linea ex puncto, contactus duci non possit. Nam profecto semper ac ex puncto A non potest duci alia recta linea inter tangentem AE , & circuli circumferentiam AC ; necesse est, ut tam angulus, contentus sub tangente AE , & circuli circumferentia, minor sit quocumque angulo acuto rectilineo, quam angulus, contentus sub diametro AB , & eadem circuli circumferentia major sit quocumque angulo acuto rectilineo.

S C H O L I U M.

Inde verò nolim inferatur, angulum contactus nullius esse quantitatis. Et si enim angulus ille, velut minor quocumque angulo acuto rectilineo, sit indefinite parvus respectu anguli BAE , usque adeo, ut angulus semicirculi BAC considerari possit, tamquam sensibilibiter non differens ab ipso angulo BAE ; attamen, quin suam is habeat quantitatem, nemo ibit inficias, si sedulo attendat ad hæc duo. Primum, quod quantitatis nomine veniat apud Mathematicos id omne, quod plus, minusve suscipiens, augeri potest, ac minui. Et deinde, quod angulus contactus, etsi minui nequeat per rectam lineam, minui tamen optime possit per aliam circuli circumferentiam descriptam per punctum A intervallo maiore, quam AD .

PROP.

Ex dato extra circulum puncto tangentem
ad circulum ducere.



Sit punctum A da-
tum extra circulum
BC. Oportet, ex pun-
cto A ducere tangen-
tem ad ipsam circu-
lum BC.

Circuli B.C. inveniatur [1] centrum, & sit punctum D. Tum juncta DA, describa-

turi centro D, intervalloque DA circulus
alter AF. Porro ex puncto B, in quo recta
DA secat circulum BC, erigatur (2) super
DA perpendicularis BF, quæ secet circulum
AF in puncto F. Denique, ducta recta DF
quæ secet circulum BC in C, jungatur AC.
Dico, rectam istam AC esse tangentem quæ
sitam. A puncto C.

Quoniam enim punctum D centrum est, tam circuli BC, quam circuli AF; erit tum DC æqualis DB, cum DF æqualis DA. Quare duo latera DA, DE trianguli ADC æqualia sunt duobus lateribus DF, DB alterius trianguli FDB, altetum alteri. Est autem utriusque triangulo communis angulus D, qui sub æqualibus ipsorum lateribus continetur. Itaque erit $\angle$ angulus DBF æqualis angulo DCA; adeoque, quum ex constructione rectus sit angulus DBF, erit etiam rectus an-

42-1

H 6

gu-


[1] *Prap. II. 107. 108*. [2] *Prap. II. 110. 111*.

(2) Prop. 4 lib. I,

gulus DCA. Unde, quum ex puncto C, extremitate semidiametri DC, erecta sit perpendicularis CA, hæc tota extra circulum (1) cadet; & consequenter tangens erit. Quare ex puncto A, dato extra circulum BC, ducta est ad circulum ipsum tangens AC. Quod erat faciendum.

PROP. XVIII. THEOR. XVI.

Si circulum recta contingat linea, quæ centrum cum puncto contactus coniungit, perpendicularis erit ad tangentem.



Sit circulus AB, cujus centrum sit punctum C, eumque contingat in A recta DE. Dico, lineam CA, coniungentem centrum C cum puncto contactus A, perpendicularem esse ad tangentem DE.

Si enim CA non sit perpendicularis super DE, demittatur (2) ex centro C perpendicularis ad ipsam DE, & sit CD, quæ faciat circulum in puncto aliquo B, propterea quod recta DE, velut tangens, tota cadit extra circulum.

Quia igitur angulus CDA rectus est, & duo anguli cuiusque trianguli simul duobus rectis (3) minores sunt; erit angulus CAD rectus


(1) Prop. 16. Ap. ius. [2] Prop. 12. lib. I.

[3] Prop. 17. lib. I.

recto minor. Jam autem majori angulo majus quodvisque latus (1) opponitur. Latus itaque CA, oppositum angulo majori CDA, majus est latere CD, quod opponitur angulo minori CAD. Est autem propter circulum CA æqualis CB. Itaque CB major quoque erit, quam CD. Quod, quum fieri non possit, consequens est, ut non quidem CD, sed CA perpendicularis sit super DE. Et propterea, si circulum recta contingat linea, quæ centrum cum puncto contactus conjungit, perpendicularis erit ad tangentem. Quod erat ostendendum.

PROP. XIX. THEOR. XVII.

Si circulum recta contingat linea, & ex puncto contactus perpendicularis ad tangentem erigatur, hæc transibit per centrum circuli.



Circulum AB contingat in puncto A recta DE, ex quo erigatur ad ipsam DE perpendicularis AB. Dico, lineam istam AB transire per centrum circuli: adeo ut si ea secetur bisariam in C, erit punctum C centrum ipsius circuli.

Sit enim, si fieri potest, centrum circuli extra rectam AB, velut in F, & ducatur ex F ad A recta FA. Quia igitur FA conjungit cen-

(1) Prop. 19. lib. 1. Geom. 31.

centrum circuli cum puncto contactus, ea
axe (1) perpendicularis ad rectam DE. Qua-
re rectus erit angulus EAD. Ex hypothefi
autem rectus est angulus BAD. Itaque angu-
lus EAD aequalis erit (2) angulo BAD. Quod
quum fieri non possit, consequens est, ut in
ipsa AB sit centrum circuli. Et propterea
si circulum recta contingat linea, & ex pun-
cto contactus perpendicularis ad tangentem
erigatur; hæc transibit per centrum circuli.
Quod erat demonstrandum.

S C H O L I U M.


Si intra circulum ponatur aliqua recta li-
nea, & ex uno ejus extremo alia extra circuli
ducatur, & contingens passetur: primo,
ut linea intra circulum posita sit diameter, seu
transeat per centrum: secundo, si ea, quæ du-
citur extra circulum, sit tangens: ac tertio
demum, ut hæc alteri ad angulos rectos insi-
stat. Jam per ea, quæ ostensa sunt in proposi-
tione decimasexta, & duabus precedentibus,
si duo ex hisce tribus supponantur, tertium etiam
habebitur. Itaque primo, si una earum linea-
rum sit diameter, & altera ei insistat ad an-
gulos rectos, verò ista tangens. Secundo, si una
sit diameter, & altera tangens, hæc illi ad re-
ctos angulos insistet. Et denique, si secunda sit
tangens, & eique prior insistat ad angulos rectos,
erit hæc altera diameter.

PROP.

[1] Prop. 18. hujus. (2) Ibidem: 1819 (1)

PROP. XX. THEOR. XVIII.

Angulus ad centrum duplus est anguli ad circumferentiam, quum super eodem arcu insistant.



Esto circulus ABC , ejusque centrum sit punctum D . Ad centrum hujus circuli D constituatur angulus BDC , ponaturque angulus alter ad circumferentiam BAC , qui insistant super eodem arcu BC . Dico, angulum ad centrum


BDC duplum esse anguli ad circumferentiam BAC .

Jungatur recta AD , quæ producta versus E cadat primò intra angulum BDC . Quia igitur AD est æqualis DB , erit triangulum ADB isosceles; adeoque angulus DAB (1) æqualis erit angulo DBA . Jam verò in triangulo ADB latus AD productum est in E ; atque adeo angulus exterior BDE (2) æqualis est duobus interioribus, & oppositis DAB , DBA . Quum igitur duo anguli DAB , DBA æquales sint inter se, erit angulus BDE duplus unius DAB . Simili ratione ostenderetur, angulum CDE duplum esse anguli DAC : ex quo sequitur, totum angulum ad centrum BDC duplum esse totius anguli ad circumferentiam BAC .

Ca.

[1] Prop. 5. lib. 1.

[2] Prop. 32. lib. 1.



Cadat secundo
recta AD producta
versus E extra an-
gulum BDC. Et ea-
dem omnino ratio-
ne ostendetur, tum
angulum BDE du-
plum esse anguli
DAB, cum angu-
lum CDE duplum anguli DAC. Quare, si ex
angulo CDE auferatur angulus BDE, & ex
angulo DAC auferatur angulus DAB, rema-
nebit angulus ad centrum BDC duplus quo-
que anguli ad circumferentiam BAC. Erit
igitur in omni casu angulus ad centrum du-
plus anguli ad circumferentiam, quum super
eodem arcu insistant. Quod erat demonstnan-
dum.

PROP. XXI. THEOR. XIX.

*Qui in eadem portione sunt anguli, inter se
sunt aequales.*



Esto circulus ABCDE,
in quo capiatur portio
aliqua AEDC. Ponan-
tur autem in ista por-
tione duo anguli AEC,
ADC. Dico, angulos
istos æquales esse in-
ter se.

Inveniatur etenim
(1) centrū circuli, cujus
sit

(1) Prop. I. hujus.

At punctum F , junganturque rectæ AF , CF .
 Quia igitur AFC est angulus ad centrum, &
 AEC est angulus ad circumferentiam, quo-
 rum uterque insistit super eodem arcu ABC ;
 erit angulus ad centrum AFC (1) duplus an-
 guli ad circumferentiam AEC . Similiter,
 quia AFC est angulus ad centrum, & ADC
 est angulus ad circumferentiam, quorum u-
 terque insistit super eodem arcu ABC ; erit
 angulus ad centrum AFC duplus anguli ad
 circumferentiam ADC . Eiusdem igitur an-
 guli AFC semissis est tum angulus AEC , tum
 angulus ADC . Sed quæ ejusdem sunt dimi-
 dia, inter se sunt (2) æqualia. Erit igitur an-
 gulus AEC æqualis angulo ADC . Et pro-
 pterea qui in eadem portione sunt anguli, in-
 ter se æquales sunt. Quod erat demonst-
 randum.

SCHOLIUM.



Fieri autem potest, ut re-
 ctæ AF , CF , nullum an-
 gulum constituent, in cen-
 tro F , sed in directum
 jaceant. Hoc igitur quum
 contingit, ostendatur an-
 gulus AEC æqualis an-
 gulo ADC in hunc mo-
 dum. Capiatur in altera

portione ABC punctum aliquod B , & jungan-
 tur rectæ BF , BD , BE . Quia igitur angulus
 AFB est ad centrum, & angulus ADB est ad
 circumferentiam; erit angulus ad centrum
 AFB

[1] Prop. 20. hujus. (2) Axi. 7.


AFB duplus anguli ad circumferentiam ADB. Unde duo anguli AFB, BFC simul dupli erunt totius anguli ADC. Simili ratiocinio ostenditur, eosdem angulos AFB, BFC simul duplos esse anguli AEC: ex quo sequitur, angulum ADC equalem esse angulo AEC. Sed fieri quoque potest, ut eadem recta AF, CF constituent



quidem angulum in centro F, sed versus eam partem, in qua sunt ipsi anguli AED, ADC. Quae rursus in casu, poterit eadem, ac praecedentis casus, demonstratio adhaerere.

PROP. XXII. THEOR. XX.

Quadrilaterum in circulo, inscriptorum anguli oppositi duobus rectis sunt aequales.



Est circulus ABCD, in quo inscribatur figura aliqua quadrilatera ABCD. Dico, angulos ejus oppositos duobus rectis aequales esse.

Jungantur etenim rectae AC, BD. Et quoniam anguli ABD, ACD sunt in eadem portione, erunt ii aequales inter se. Pariterque, quia anguli ADB, ACB sunt in eadem

per-

portione, isti etiam inter se æquales erunt. Est igitur, angulus ABD æqualis angulo ACD, & angulus ADB æqualis angulo ACB. Quare erunt duo anguli ABD, ADB simul æquales toti angulo BCD: & propterea appposito communi BAD, erunt tres anguli ABD, ADB, BAD æquales duobus angulis BCD, BAD. Sunt autem tres anguli ABD, ADB, BAD (1) æquales duobus rectis. Erunt igitur duobus rectis pariter æquales anguli duo BCD, BAD. Simili ratione ostendetur, duobus rectis æquales esse duos angulos ABC, ADC. Quare quadrilaterorum in circulo inscriptorum anguli oppositi duobus rectis æquales erunt. Quod erat demonstrandum.

PROP. XXIII. THEOR. XXI.

In eadem recta linea duæ circularum portiones similes, & inæquales constitui non possunt.



Sit recta AB, in qua constituatur aliqua circuli portio ACB. Dico, in eadem recta AB non posse consti-

tui aliam circuli portionem, quæ sit similis ipsi ACB, eidem autem inæqualis.

Si enim fieri potest, constituatur hæc altera portio circuli, & sit ADB. Ducatur autem ex puncto A recta ACD quæ utramque




que portionem
cet in punctis C
& D ; jungantur
que rectæ BC
BD.

Quia igitur portiones ACB, ADB ponuntur similes, & similes circularum portiones sunt illæ, quæ suscipiunt angulos æquales; erit angulus ACB, quem suscipit portio ACB, æqualis angulo ADB quem suscipit altera portio ADB. Hoc autem fieri non potest: in triangulo enim BDC latus DC productum est in A, adeoque angulus exterior ACB major est [1] interiore, & opposito ADB. Non igitur portio ADB similis est portioni ACB. Et propterea in eadem recta linea duæ circularum portiones similes, & inæquales constitui non possunt. Quod erat demonstrandum.

PROP. XXIV. THEOR. XXII.

In æqualibus rectis lineis similes circularum portiones constituta, sunt etiam æquales.



Sint duæ rectæ lineæ æquales AB, CD, in quibus constitutæ sint duæ circularum portiones AEB, CFD

similes inter se. Dico, easdem portiones esse etiam æquales.


Ca-

(1) Prop. 16. lib. 1.

Capiatur etenim cogitatione portio AEB, & ponatur super portione CFD hac lege, ut punctum A incidat in punctum C, recta verò AB in rectam CD. Et quoniam ex hypothesi æquales sunt rectæ AB, CD, incidet quoque punctum B in punctum D. Unde necesse est, ut ipsa portio AEB incidat in portionem CFD: aliter enim in eadem recta linea constitui possent duæ circularum portiones similes, & inæquales: quod fieri (1) nequit. Congruit itaque portio AEB cum portione CFD. Quæ autem congruunt, inter se [2] sunt æqualia. Aequalis est igitur portio AEB portioni CFD. Et propterea in æqualibus rectis lineis similes circularum portiones constitutæ, sunt etiam æquales. Quod erat demonstrandum.

PROP. XXV. PROBL. III.

Circuli portione data, invenire centrum circuli, cujus ea est portio, & circumulum perficere.




Data sit circuli portio ABC. Oportet, invenire centrum circuli, cujus ea est portio, ipsumq; circumulum perficere.

Ex puncto A ad punctum C ducatur recta AC, quæ secetur [3] bifariam in D. Excitetur porro super AC [4] perpendicularis DB, & jungatur AB. Et
figu-


(1) Prop. 23. hujus. (2) Axi. 8.

(3) Prop. 10. lib. 1. (4) Prop. 11. lib. 1.



liquidē angulus ABD
æqualis sit angulo
DAB. Erit D cen-
trum circuli, cuius
ABC est portio.

Nam semper ac an-
gulus ABD æqualis
est angulo DAB, erit
etiam (1) DA æqualis DB. Est autem ex con-
structione DA æqualis DC. Tres igitur DA,
DB, DC æquales erunt inter se. Unde, quum
intra circulum ABC sumptum sit punctum
D, ex quo cadunt ad ejus circumferentiam
plures, quàm duæ, rectæ lineæ æquales, erit
D centrum (2) ipsius circuli.




Quod si autem
angulus ABD non
sit æqualis angulo
DAB; tunc fiat ad
lineam AB, atque
ad datum in ea pun-
ctum A angulus
BAE æqualis an-
gulo ABD, & pun-
ctum E, in quo re-
cta AE ipsi BD oc-

curret, centrum erit circuli, cuius ABC est
portio.

Nam, quum ex constructione æquales sint
anguli ABE, BAE; erunt etiam æqualia la-
tera EA, EB, quæ in triangulo AEB angulos
illos subtendunt. Sunt autem duo latera
AD, DE trianguli ADE æqualia duobus la-
te-

[1] Prop. 6. lib. I. (2) Prop. 9. hujus.



Interibus CD, DE
 alterius trianguli
 CDE, alterum al-
 teri, itemque angu-
 lus ADE, conten-
 tus sub lateribus
 illius, æqualis est
 angulo CDE, qui sub istis lateribus contine-
 tur, quum uterque ex constructione sit rectus.
 Itaque erit EA æqualis (1) etiam ipsi EC. &
 propterea tres EA, EB, EC æquales erunt in-
 ter se. Unde nullus, quum intra circulum
 ABC sumptum sit punctum E, ex quo cadunt
 ad ejus circumferentiam plures, quam duæ,
 rectæ lineæ æquales, erit E. centrum ipsius
 circuli.

Data itaque circuli portione ABC, inven-
 tum est centrum circuli, cujus ea est portio.
 Quod erat faciendum.


S C H O L I U M.

Patet igitur, problematis hujus tres esse ca-
 sus. Vel enim angulus ABD æqualis est angulo
 DAB, & tunc centrum circuli erit in recta AC,
 datam circuli portionem subtendente. Vel an-
 gulus ABD minor est angulo DAB; & in isto ca-
 su locabitur centrum circuli intra datam por-
 tionem. Vel denique angulus ABD major est
 angulo DAB; & quum id contingit, extra da-
 tam portionem circuli centrum repetietur. Di-
 stinguendæ sunt autem tres isti casus, quia data
 circuli portio ABC potest esse vel semicirculus,
 vel semicirculo major, vel denique semicirculo
 minor.

PROP.

PROP. XXVI. THEOR. XXIII.

In circulis equalibus aequales anguli equalibus arcubus insistant, sive ad centra, sive ad Circumferentias sint positi.



Sint duo circuli æquales ABC , DEF , quorum centra sint puncta G , & H . Ponantur autem

ad centra istorum circularum duo anguli æquales BGC , EHF ; vel etiam ponantur ad circumferentias, & sint BAC , EDF . Dico, arcus BC , EF , quibus anguli isti insistant, esse etiam æquales inter se.

Jungantur etenim rectæ BC , EF . Et quoniam propter æqualitatem circularum ABC , DEF duo latera BG , CG trianguli BGC sunt æqualia duobus lateribus EH , FH alterius trianguli EHF , alterum alteri, suntque etiam ex hypothese æquales anguli BGC , EHF sub iis lateribus contenti; erit quoque [1] basis BC æqualis basi EF . Jam vero portiones BAC , EDF sunt similes inter se, quia ex hypothese æquales sunt anguli BAC , EDF , quos illæ suscipiunt. Quum igitur eadem illæ portiones constitutæ sint in rectis æqualibus BC , EF , eæ non modo similes, verum etiam

[1] Prop. 4. lib. 1.

etiam æquales(1) erunt inter se: adeoque, quia integræ circulorum circumferentiæ positæ sunt inter se æquales, erunt & reliquæ portiones BC, EP (2) pariter æquales inter se. Et propterea in circulis æqualibus æquales anguli æqualibus arcubus insistant, sive ad centra, sive ad circumferentias sint positi. Quod erat ostendendum.

S C H O L I U M.


Notetur autem hoc loco velim, quod etsi propositio disjunctiva sit, & loquatur vel de angulis positis ad centra circulorum æqualium, vel de angulis constitutis ad circumferentias eorundem circulorum; attamen si æquales ponantur illi, æquales quoque sint isti, & vice versa si isti ponantur æquales, illi etiam æquales esse debeant: quum ostensum sit superius, angulum ad centrum duplum esse anguli ad circumferentiam, quotiescumque super eodem arcu insistant. Id verò notare sedulo oportet, quia in demonstratione tum angulorum ad centra, cum eorum, qui sunt ad circumferentias, æqualitas adhibetur.

PROP. XXVII. THEOR. XXIV.

In circulis æqualibus anguli, qui sive ad centra, sive ad circumferentias positi, æqualibus arcubus insistant, sunt etiam æquales inter se.

Sint duo circuli æquales ABC, DEF, quorum centra sint puncta G, & H. Capian-

[1] Prop. 24. hujus. [2] Axi. 3.



tur autem
in circum-
ferētiis eo-
rum circu-
lorum duo
arcus æ-
quales BC,
EF, quibus
insistant

tum anguli BGC, EHF constituti ad centra,
cum anguli BAC, EDF positi ad circumfe-
rentias eorum circulorum. Dico, æquales esse
inter se, tam angulos BGC, EHF, quam an-
gulos BAC, EDF.

Si enim anguli BGC, EHF non sint æqua-
les inter se, alter ipsorum major erit. Sit
itaque major angulus BGC, & fiat ad rectam
BG, atque ad datum in ea punctum G (1)
angulus BGK æqualis angulo EHF. Quia
igitur anguli BGK, EHF, constituti ad cen-
tra circulorum æqualium, inter se ex con-
structione sunt æquales, erunt etiam æqua-
les [2] arcus BK, EF, quibus ii insistant. Est
autem, ex hypothesi arcus EF æqualis arcui
BC. Itaque erit BC [3] æqualis BK. Quod
quum fieri non possit, dicendum est, angu-
lum BGC æqualem esse angulo EHF. Est au-
tem angulus BGC duplus [4] anguli BAC,
itemque angulus EHF duplus anguli EDF.
Quare erit angulus BAC (5) æqualis quoque
angulo EDF. Et propterea in circulis æqua-
libus.

[1] Prop. 23. libi.

(2) Prop. 26. hujus.

(3) Axi. 1.

(4) Prop. 20. hujus.

[5] Axi. 7.

libus anguli, qui sive ad centra, sive ad circumferentias positi, æqualibus arcubus insistent, sunt etiam æquales inter se. Quod erat demonstrandum.

S C H O L I U M.


Hæc propositio est conversa præcedentis. Ibi enim ostensum est, in circulis æqualibus æquales angulos æqualibus arcubus insistere, sive ad centra, sive ad circumferentias sint positi. Hic verò per contrarium demonstratur, in circulis æqualibus angulos, qui sive ad centra, sive ad circumferentias positi, æqualibus arcubus insistent, æquales etiam esse inter se.

PROP. XXVIII. THEOR. XXV.

In circulis æqualibus æquales rectæ lineæ æquales arcus abscindunt, majorem quidem æqualem majori, minorem verò minori. Vide eandem Figuram.

Sint duo circuli æquales ABC , DEF , quorum centra sint puncta G , & H . Ponantur autem in iis duæ rectæ BC , EF æquales inter se. Dico, rectas istas æquales abscindere etiam arcus æquales, nempe majorem ABC æqualem majori DEF , minorem verò BC æqualem minori EF .

Jungantur etenim tum rectæ BG , CG , cum rectæ EH , FH . Et quoniam ex hypothesis æquales sunt circuli ABC , DEF , erunt duo latera BG , CG trianguli BGC æqualia duobus lateribus EH , FH alterius trianguli EHF , alterum alteri. Sunt autem bases eorundem triangulorum BC , EF ex hypothesis



etiam æ-
quales in-
ter se. Ita-
que erit (1)
angulus B-
GC æqua-
lis angulo
EHF. Jam
verò in cir-
culis æqua-

libus æquales anguli [2] æqualibus insistant
circumferentiis, sive ad circumferentias, sive
ad centra sint positi. Erit igitur arcus BC æ-
qualis arcui EF; atque adeo, quum æquales
sint integræ circulorum circumferentiæ, erit
quoque arcus BAC æqualis arcui EDF. Et
propterea in circulis æqualibus æquales re-
ctæ lineæ æquales arcus abscindunt, majorem
quidem majori, minorem verò minori. Quod
erat demonstrandum.

PROP. XXIX. THEOR. XXVI.

*In circulis æqualibus æquales arcus æquales
rectæ lineæ subtendunt. Vide supra positam
Figuram.*

Sint duo circuli æquales ABC, DEF, quo-
rum centra sint puncta G, & H. Abscin-
dantur autem ex iis duo arcus æquales BC,
EF. Dico, rectas BC, EF arcus illos æquales
subtendentes esse etiam æquales inter se.

Jungantur etenim, tum rectæ BG, CG,
cum rectæ EH, FH. Et quoniam ex hypo-
thesi arcus BC æqualis est arcui EF, & in
cir-

[1] Prop. 8. lib. 1. (2) Prop. 26. hujus.


circulis æqualibus anguli, qui sive ad centra, sive ad circumferentias positi, æqualibus arcubus insistant, æquales (1) sunt etiam inter se; erit angulus BGC æqualis angulo EHF. Unde, quum duo triangu- la BGC, EHF habeant duo latera BG, CG æqualia duobus lateribus EH, FH, alterum alteri, itemque æquales angulos sub lateribus illis comprehensos; habebunt quoque [2] basim BC æqualem basi EF. Et propterea in circulis æqualibus æquales arcus æquales rectæ lineæ subtendunt. Quod erat demonstrandum.

S C H O L I U M.

Hæc propositio est conversa præcedentis. Ibi enim ostensum est, in circulis æqualibus æquales rectas lineas æquales quoque arcus abscindere. Hæc verò per contrarium demonstratur, in circulis æqualibus æquales arcus æquales quoque rectas subtendere.

PROP. XXX. PROBL. IV.

Datam circuli portionem bifariam dividere.




Data sit circuli portio ABC. Oportet, portionem istam bifariam dividere.

Ex puncto A ad punctum C ducatur recta AC, quæ secetur bifariam

I 3

riam

[1] Prop. 27. hujus. [2] Prop. 4. lib. I.



riam [1] in D. Erigatur deinde (2) super AC perpendicularis DB, quæ secet datam circuli portionem in B. Dico, portionem ABC sectam esse bifariam in B.

Jungantur enim rectæ AB, CB. Et quoniam ex constructione AD est æqualis CD, communis verò DB; erunt duo latera AD, DB trianguli ADB æqualia duobus lateribus CD, DB alterius trianguli CDB. Est etiam angulus ADB, contentus sub lateribus illius, æqualis angulo CDB, qui sub lateribus istius continetur, quum uterque ex constructione sit rectus. Itaque erit basis unius AB (3) æqualis quoque basi alterius CB. Ostensum est autem, in æqualibus circulis, & consequenter eò magis in eodem circulo, æquales rectas lineas æquales quoque arcus abscindere [4]. Erit igitur arcus AB æqualis arcui CB. Et propterea data circuli portio ABC secta est bifariam in B. Quod erat faciendum.


PROP. XXXI. THEOR. XXVII.

Angulus in semicirculo est rectus; qui verò est in portione majore, est recto minor; & qui in portione minore, est recto major,

ESto circulus ABCDE, habens pro centro punctum F. Ducatur in eo diameter BD,

(1) Prop. 10. lib. 1. [2] Prop. 11. lib. 1.

[3] Prop. 4. lib. 1. (4) Prop. 28. hujus.



BD, quæ eundem dividat in duos semicirculos; & in altero eorum, ut BAED, ponatur angulus BAD. Dico, angulum istum BAD rectum esse.

Jungatur etenim AF, & extendatur BA versus G. Quia igitur

propter circulum AF est æqualis BF, triangulum AFB isosceles erit; atque adeo angulus BAF æqualis erit (1) angulo ABF. Similiter ratione, quia propter circulum AF est æqualis DF, erit triangulum AFD isosceles; & consequenter angulus DAF æqualis erit angulo ADF. Quum itaque sit angulus quidem BAF æqualis angulo ABF, angulus vero DAF æqualis angulo ADF; erit totus angulus BAD æqualis duobus ABF, ADF. Sed, quum in triangulo BAD latus BA productum sit in G, iisdem duobus angulis ABF, ADF æqualis est etiam (2) angulus DAG. Erit igitur (3) angulus BAD æqualis angulo DAG; & propterea, quum sint deinceps, uterque rectus erit. Rectus itaque est angulus BAD, qui existit in semicirculo BAED.

Ponatur secundo in portione ABCD, semicirculo majore, angulus alter ACD. Dico, angulum istum ACD esse acutum, sem minorem recto.


Quoniam enim in triangulo ABD angulus

I 4

BAD

[1] Prop. 5. lib. I. (2) Prop. 32. lib. I.

(3) Ax. 1.



BAD est rectus, erit alter ABD acutus, seu recto minor; quum in omni triangulo duo quilibet anguli simul duobus rectis minores sint (1). Est autem angulus ABD æqualis angulo ACD, quum sint in eadem

portione ABCD (2). Quale erit angulus ACD etiam acutus, seu recto minor.

Denique in portione AED, semicirculo minore, ponatur angulus AED. Dico, angulum istum AED esse obtusum, seu majorem recto.

Quoniam enim quadrilaterorum in circulo inscriptorum anguli oppositi sunt [3] æquales duobus rectis, & ACDE est figura quadrilatera inscripta in circulo ABCDE, erunt anguli ejus oppositi ACD, AED simul æquales duobus rectis. Ostensum est autem, angulum ACD esse acutum, seu minorem recto. Erit igitur alter AED obtusus, seu recto major.

Quo circa angulus in semicirculo est rectus; qui verò est in portione majore, est recto minor; & qui in portione minore, est recto major. Quod erat demonstrandum.

SCHO-

[1] Prop. 17. lib. 1. (2) Prop. 21. hujus.

[3] Prop. 22. hujus.

SCHOLIUM I.

In hac propositione solent etiam apponi hæc alia duo. Primum, quod majoris quidem portionis angulus sit recto major. Et alterum, quod angulus minoris portionis sit recto minor. Horum autem utrumque ex eo vulgò deduci solet, quod anguli deinceps, quos recta AD facit cum BG , prout ostensum est in prima parte hujus propositionis, sint recti. Inde enim sequitur, angulum, quem ipsa AD constituit cum portione $ABCD$, semicircula majore, esse recto majorem; angulum verò, quem eadem AD constituit cum portione AED , semicirculo minore, esse recto minorem. Quorsum autem hæc adjiciantur, & ostendantur nescio, num omnibus perequè notum sit. Nimirum, quum alibi ostensum sit, angulum contactus minorem esse quocumque angulo acuto rectilineo; sequitur exinde, angulum portionis, quæ semicirculum adæquat, majorem esse omni angulo acuto rectilineo, atque adeo posse velut angulum rectum considerari. At verò, quum ostenditur hæc, majoris quidem portionis angulum esse recto majorem, angulum autem minoris portionis esse recto minorem; ostenduntur hæc in hunc finem, ut sciamus, utrumque eorum angulorum ita quidem differre ab angulo recto, ut neuter possit unquam velut rectus considerari.

SCHOLIUM II.

Hinc ea, de quibus est quæstio, congruentius ostendentur in hunc modum. Estò circulus $ABCDE$, qui dividatur per rectam AD in




duas portiones inaequales, quarum altera $ABCD$ sit semicirculo major, altera AED semicirculo minor. Ducatur ad punctum A tangens FG , cui perpendicularis erigatur AC , quae quæ transeat per centrum circuli, erit dia-

meter, dividetque adeo eundem circulum in duos semicirculos. Itaque, quia ex A duci possunt intra angulum CAD , non una, sed infinita rectæ lineæ; multum abest, ut ipse angulus CAD minor sit quocunque angulo acuto rectilineo: proindeque angulus majoris portionis DAB sensibilibiter major erit angulo semicirculi CAB . Quare etsi, ob angulum contactus BAF omni angulo acuto rectilineo minorem, angulus semicirculi CAB non differat sensibilibiter ab angulo recto CAF ; ipse tamen majoris portionis angulus DAB sensibilibiter major erit angulo recto CAF . Simili ratione angulus minoris portionis DAE sensibilibiter minor est angulo semicirculi CAE . Itaque etsi, ob angulum contactus EAG omni angulo acuto rectilineo minorem, angulus semicirculi CAE non differat sensibilibiter ab angulo recto CAG ; ipse tamen minoris portionis angulus DAE sensibilibiter minor erit angulo recto CAG .

PROP. XXXII. THEOR. XXVIII.

Si circulum recta contingat linea, & ex puncto contactus alia utcumque circulum secans duca-

ducatur; anguli sub tangente, & secante contenti aequales erunt iis, qui in alternis circuli portionibus constituentur.



Circulum ABCD contingat recta FG in puncto A, ex quo ducatur recta, alia AD, quæ dividit circulum in duas portiones ABC, CD, AED. Dico, angulos tangente, & secante contentos æquales esse eis, qui in iis circuli portionibus alternatim constituentur: nempe angulum DAF æqualem esse angulo ABD constituto in portione ABCD; & angulum DAG æqualem angulo AED constituto in portione AED.


Ex puncto etenim contactus A erigatur [1] super FG perpendicularis AC, quæ quum [2] transeat per centrum circuli, erit diameter, atque adeo dividet circulum in duobus semicirculis. Quia igitur CDEA semicirculus est, juncta CD, erit (3) angulus CDA rectus. Sunt autem cujuscunque trianguli anguli omnes simul (4) duobus rectis æquales. Erunt itaque alii duo anguli ACD, DAC simul uni recto æquales: & propterea, quum rectus sit ex constructione angulus CAF, erit angulus CAF æqualis duobus angulis ACD, DAC; & consequenter, ablato communi DAC, erit angulus DAF [5] æqualis angulo

I 6

[1] Prop. 11. lib. 1. [2] Prop. 19. hujus.

[3] Prop. 31. hujus. [4] Prop. 32. lib. 1.

[5] Axi. 3.



lo ACD. Jam vero
 angulus ACD æqualis
 est [1] angulo ABD,
 quum sit in eadem
 portione ABCD. Qua-
 re idem angulus DAF
 æqualis quoque erit
 angulo ABD.

Rursus, quia ABDE
 est figura quadrilatera
 inscripta in circulo ABCDE, & quadrilate-
 rorum in circulo inscriptorum anguli op-
 positi simul (2) duobus rectis sunt æquales;
 erunt duo anguli ABD, AED simul duobus
 rectis æquales. Sunt autem duo anguli DAF,
 DAG simul etiam (3) æquales duobus rectis.
 Erunt igitur duo anguli DAF, DAG æqua-
 les duobus angulis ABD, AED: & propte-
 rea, quum ostensum sit, angulum DAF æqua-
 lem esse angulo ABD, erit alter angulus
 DAG æqualis alteri angulo AED. Quocir-
 ca, si circumulum recta contingat linea, & ex
 puncto contactus alia utcumque circumulum
 secans ducatur; anguli tangente, & secante
 contenti æquales erunt iis, qui in alternis
 circuli portionibus constituuntur. Quod
 erat demonstrandum.

SCHOLIUM


*Fieri autem potest, ut recta, que circumulum
 secat, sit perpendicularis ipsa AC, quo casu,
 an-*

[1] Prop. 21. hujus. [2] Prop. 22. hujus.
 (3) Prop. 13. lib. I.

angulos tangente, & secante contentos æquales esse eis, qui in alternis circuli portionibus constituantur, nullo negotio ostendetur. Est enim uterque eorum angulorum rectus ex hypothesis, & profecto recti sunt etiam anguli, qui constituuntur in portionibus ABC, ADC: quandoquidem recta AC, velut perpendicularis ad tangentem FG, transibit per centrum circuli; adeoque, tamquam diameter, dividet circulum in duos semicirculos, in quibus angulos, qui constituuntur, rectos esse, jam superius ostensum fuit.

PROP. XXXIII. PROBL. V.


In data recta linea describere portionem circuli, que suscipiat angulum æqualem angulo dato.



Data sit recta AB, datus verò angulus C. Oportet, in data recta AB describere portionem circuli, que suscipiat angulum, æqualem dato angulo C.

Ad rectam AB, atque ad datum in ea punctum A constituantur [1] angulus BAD æqualis angulo C. Tum super AD erigatur [2] ex puncto A perpendicularis AE; & recta AB [3] bifariam in F, erigatur super AB perpendicularis altera FE.

[1] Prop. 23. lib. 1. [2] Prop. 11. lib. 1.
[3] Prop. 10. lib. 1.



FE, conveniens cum
AE in puncto E, jun-
gaturque BE.

Quia igitur ex con-
structione AF est æ-
qualis BF, commu-
nis verò FE; erunt
duo latera AF, FE
trianguli AFE æqua-
lia duobus lateribus

BF, FE trianguli BFE, alterum alteri. Sunt
etiam æquales anguli, qui sub lateribus iis
continentur, quum uterque ex constructio-
ne sit rectus. Erit igitur basis unius AE (1)
æqualis basi alterius BE: & propterea si cen-
tro E, intervalloque EA circulus describa-
tur AGH, transibit circulus iste per punctum
B. Sed descripto hoc circulo, dico, portionem
ejus AHB suscipere angulum æqualem dato
angulo C.

Quoniam enim AE est circuli semidiamet-
ter, eique ad rectos angulos insitit AD, erit
AD circuli tangens (2). Est autem AB se-
cans. Quare angulus tangente, & secante
contentus BAD æqualis (3) erit ei, qui con-
stituitur in altera circuli portione AHB.
Jam verò ex constructione angulus BAD æ-
qualis est angulo C. Angulus igitur, qui con-
stituitur in portione AHB, æqualis quoque
erit angulo C. Et propterea in data recta AB
descripta est circuli portio AHB, quæ suscipit
angulum, æqualem dato angulo C. Quod erat
faciendum.

SCHO-

[1] Prop. 4. lib. 1. (2) Prop. 16. hujus.

[3] Prop. 32. hujus.

S C H O L I U M.

Quia recta AE, perpendiculariter erecta super AD, cadit intra angulum BAD, quum est obtusus, & extra eundem angulum, quum est acutus; liquet, centrum descripti circuli E esse extra portionem AHB, quotiescumque datus angulus C est obtusus, & intra portionem, ubi idem angulus C est acutus. Quod si autem angulus C fuerit rectus, tunc, quia rectus est etiam angulus BAD, cadet AE super AB, & coincidentibus punctis E, & F, fiet F centrum circuli, quod proinde erit in ipsa recta AB, quæ subtenet portionem AHB. Unde hoc casu, ut problemati fiat satis, satis erit, rectam AB dividere bisariam in F, & centro F, intervalloque FA, vel FB describere semicirculum AHB. Nam, quum angulus in semicirculo sit rectus, suscipiet semicirculus iste angulum æqualem dato angulo C.

PROP. XXXIV. PROBL. VI.


Ex dato circulo abscindere portionem, quæ suscipiat angulum æqualem angulo dato.

Datus sit circulus ABC, datus verò angulus D. Oportet, ex circulo ABC abscindere portionem, quæ suscipiat angulum, æqualem dato angulo D.

Ducatur recta EF, [1] quæ circulum contingat in puncto aliquo A. Tum ad rectam AF, atque ad datum in ea punctum A constituatur (2) angulus EAC æqualis angulo D.

Dico,

(1) Prop. 17. hujus. (2) Prop. 23. lib. 1.



Dico , portionem ABC , abscissam ex circulo per rectam AC ad partem alteram anguli EAC , suscipere angulum æqualem angulo D .

Quoniam enim ex constructione EF est tangens circuli , AC verò secans , erit angulus EAC tangente , & secante contentus æqualis [1] angulo , qui constituitur in altera circuli portione , ABC . Est autem ex constructione angulus EAC æqualis angulo D . Angulus igitur , qui constituitur in portione ABC , æqualis est quoque angulo D . Et propterea ex dato circulo abscissa est portio , quæ suscipit angulum æqualem angulo dato D . Quod erat faciendum .


SCHOLIUM.

Hoc problema est conversum precedentis . Ibi enim querebatur circulus , in quo si data recta ponatur , abscindat ex eo portionem , quæ suscipiat angulum , æqualem angulo dato . Hic verò queritur per contrarium recta , quæ posita in dato circulo , abscindat ex eo portionem , quæ dati anguli sit capax .

PROP.


[1] Prop. 32. hujus.

*Si in circulo duæ rectæ lineæ se mutuo secant;
 erit rectangulum sub segmentis unius æquale re-
 ctangulo sub segmentis alterius.*



In circulo ABCD
 rectæ duæ AC, BD se
 secant in E. Dico, re-
 ctangulum contentum
 sub segmentis unius
 AE, EC æquale esse ei,
 quod sub segmentis
 alterius BE, ED con-
 tinetur.


Transseat primò utra-
 que linearum per centrum circuli, vel quod
 idem est, sit punctum E, in quo duæ rectæ
 AC, BD se mutuo secant, ipsius circuli cen-
 trum. Et quoniam æquales sunt rectæ omnes,
 quæ ducuntur a centro ad circumferentiam,
 æqualia erunt inter se earum rectarum seg-
 menta omnia: & propterea rectangulum con-
 tentum sub segmentis unius AE, EC æquale
 erit quoque rectangulo, quod sub segmentis
 alterius BE, ED continetur.



Transseat secundò
 earum linearum una
 quidem AC per cen-
 trum circuli F, alte-
 ra verò BD nequa-
 quam. Et siquidem
 AC secat BD ad an-
 gulos rectos, seca-
 bit [1] eandem bifa-
 riam: adeoque, quum rectangulum sub ipsis
 BE,

(1) Prop. 3. hujus.

BE, ED idem sit, ac BE quadratum; eò res re-
redit, ut ostendamus, BE quadratum æquale
esse rectangulo, quod sit ex AE in EC. Id,
quod jam alibi a nobis ostensum est: nempe,
quum ex ultima propositione libri præceden-
tis velut corollarium deduximus, quod si ex
puncto aliquo in circuli circumferentia sum-
pto perpendicularis ad diametrum demitta-
tur, quadratum ejus æquale sit rectangulo sub
diametri segmentis comprehenso.



Quod si verò recta
AC transiens per cē-
trum circuli F non
secet ad angulos re-
ctos allam BD non
transeuntem per cen-
trum; tum ex centra
F super BD (1) per-
pendicularis demit-
tatur FG, quæ eame-

dem secabit bisariam in G, & jungatur BF:
Quia igitur recta AC secta est bisariam in F;
& non bisariam in E; erit [2] rectangulum
sub partibus inæqualibus AE, EC, una cum
quadrato portionis intermediæ EF, æquale
quadrato, quod sit ex dimidia CF, seu BF. Est
autem propter angulum rectum BGF qua-
dratum quidem ex EF [3] æquale quadratis
ex EG, & GF; quadratum verò ex BF æqua-
le quadratis ex BG, & GF. Quare erit re-
ctangulum ex AE in EC; una cum quadratis
ex EG, & GF, æquale quadratis ex BG, &
GF:

(1) Prop. 12. lib. 1.

(2) Prop. 5. lib. 2.

(3) Prop. 47. lib. 1.

GE: proptereaque dempto communi quadrato ex GF, erit rectangulum ex AE in EC, una cum EG quadrato, æquale quadrato ex BG. Jam vero, quum recta BD secta sit bifariam in G, & non bifariam in E, quadratum ex BG æquale est rectangulo ex BE in ED, una cum EG quadrato. Itaque erit rectangulum ex AE in EC, una cum EG quadrato, æquale rectangulo ex BE in ED, una cum eodem quadrato, quod fit ex EG. Auferatur commune. illud quadratum. Et erit rectangulum ex AE in EC, æquale rectangulo ex BE in ED.




Denique, si neutra linearum AC, BD transeat per centrum circuli F, tunc jungatur EF, quæ extendatur usque donec circumferentiam sedet in punctis G, & H. Quia igitur recta GH transit per centrum circuli F, & secat in E aliam AC

non transeantem per centrum; erit rectangulum ex GE in EH æquale rectangulo ex AE in EC. Et similiter, quia recta GH transiens per centrum circuli F secat in E aliam BD non transeantem per centrum, erit rectangulum ex GE in EH æquale rectangulo ex BE in ED. Eidem igitur rectangulo ex GE in EH æquale est, tum rectangulum ex AE in EC, cum rectangulum ex BE in ED. Sed quæ eidem sunt æqualia, inter se sunt æqualia. Rectangulum igitur ex AE in EC æquale est rectangulo ex BE in ED. Et propterea

pterea si in circulo duæ rectæ lineæ se mutuo secent, erit rectangulum sub segmentis unius æquale rectangulo sub segmentis alterius. Quod erat ostendendum.

PROP. XXXVI. THEOR. XXX.

Si extra circulum sumatur punctum aliquod, & ex eo ducantur duæ rectæ lineæ, quarum una circulum contingat, altera eundem utcumque secet; rectangulum sub secante tota, & portione extra circulum existente contentum æquale erit quadrato, quod fit ex tangente.



Extra circulū BCD, cuius centrū est punctum E, sumatur punctum aliquod A, ex quō ducantur duæ rectæ lineæ AC, AD, quatum ista circulum tangat in D, illa verò circulum utcumque secet in punctis B, &


C. Dico, rectangulum, quod fit ex AC in AB, æquale esse quadrato tangentis AD.

Transseat namque primò secans AC per centrum circuli E, & jungatur DE. Quia igitur BC secta est bifariam in E, eique in directum adjecta alia AB, erit rectangulum ex AC in AB, una cum quadrato ex BE, æquale (1) quadrato ex AE. Est autem ob tangentem [2] AD angulus ADE rectus; adeoque quadratum ex AE æquale (3) quadratis, quæ fiunt

(1) Prop. 6 lib. 2. [2] Prop. 18. hujus.

[3] Prop. 47 lib. 2.

funt ex AD, & DE. Quare erit rectangulum ex AC in AB, una cum quadrato ex BE, æquale quadratis, quæ funt ex AD, & DE. Unde, quum propter circulum BE quadratum æquale fit DE quadrato, iis ablatis, supererit rectangulum ex AC in AB æquale quadrato tangentis AD.



Quod si verò secans AC non transeat per cētrum circuli E, tunc demittatur super AC (1) perpendicularis EF, quæ secabit BC [2] bifariam in F, junganturque AE, BE, DE. Et quoniam BC secta est bifariam in F, eique in directum adjecta alia AB; erit rursus rectangulum ex AC in

AB, una cum BF quadrato, æquale quadrato, quod fit ex AF: proindeque appposito communi quadrato ex EF, erit rectangulum ex AC in AB, una cum quadratis ex BF, & EF, æquale quadratis, quæ fiunt ex AF, & EF. Sunt autem propter angulum rectum AFE quadrata quidem ex BF, & FE æqualia quadrato ex BE, quadrata vero ex AF, & FE æqualia quadrato ex AE, Erit igitur rectangulum ex AC in AB, una cum BE quadrato, æquale quadrato, quod fit ex AE. Jam verò propter tangentem AD angulus ADE est rectus; adeoque quadratum ex AE æquale est quadratis, quæ fiunt ex AD, & DE. Quare erit rectangulum ex AC in AB, una cum BE qua-

(1) Prop. 12 lib. I. [2] Prop. 3 hujus.

quadrato, æquale quadratis, quæ fiunt ex AD, & DE. Unde rursus, quum propter circulum BE quadratum æquale sit DE quadrato; his ablatis, supererit rectangulum ex AC in AB æquale quadrato tangentis AD. Et propterea, si extra circulum capiatur punctum aliquod, ex quo ducantur duæ rectæ lineæ, quarum altera circulum contingat, altera eum utcumque secet; rectangulum subsecante tota, & portione extra circulum existente contentum æquale erit quadrato, quod sit ex tangente. Quod erat demonstrandum.

COROLLARIUM.

Hinc si extra circulum BCD capiatur punctum aliquod A, & ex eo ducantur duæ rectæ lineæ AC, AH, quæ circulum secant; erit rectangulum ex AC in AB æquale rectangulo ex AH in AG. Nam, si ex eodem puncto A ducatur recta AD, quæ circulum contingat in D; erit per istam propositionem quadrato ex AD æquale, tum rectangulum ex AC in AB, cum rectangulum ex AH in AG. Jam verò æqualia sunt inter se, quæ eidem sunt æqualia. Rectangulum igitur ex AC in AB æquale erit rectangulo ex AH in AG.


SCHOLIUM.

Unde non abs re erit hoc loco animadvertere id, quod propositione antecedenti ostensum est de rectis, quæ intra circulum se invicem secant, Verum esse etiam de rectis, quæ extra circulum sibi invicem occurrunt. Nempe,

quemadmodum quum duæ rectæ lineæ se mutuo intra circulum secant, & utrimque ad circumferentiam terminantur, æqualia sunt rectangula, quæ fiunt ex earum segmentis, hoc est ex partibus puncto sectionis, & circuli circumferentia interceptis; ita quoque si rectæ duæ utrimque ad circumferentiam circuli terminatæ, sibi mutuo extra circulum occurrant, æqualia erunt rectangula, quæ fiunt ex earum portionibus, sumptis a puncto occursis, & ad circuli circumferentiam terminatis.

PROP. XXXVII. THEOR. XXXI.

Si extra circulum sumatur punctum aliquod, & ex eo ducantur duæ rectæ lineæ, quarum una circulum secet, altera incidat in eum, sitque rectangulum sub secante tota, & portione extra circulum existente contentum æquale quadrato incidentis; incidens ista recta linea tangens erit.



Extra circulum BCD capiatur punctum aliquod A, ex quo ducantur duæ rectæ lineæ AC, AD, quarum ista circulum secet in punctis B, & C, ista incidat in eum, ipsi occurrens in D. Dico, quod si rectangulum ex AC in AB æquale sit quadrato ipsius AD, recta ista AD circulum contingat in D.

Ducatur etenim ex puncto A, recta AE, quæ

tionem extra circulum existente, æquale quadrato incidentis; incidens ista recta linea tangens erit. Quod demonstrare oportebat.

COROLLARIUM.

Patet autem ex hac propositione, æquales esse tangentes, quæ ex eodem puncto ad circulum ducuntur. Ostensum est enim, æquales esse rectas AD, AE, quarum utraque circulum contingit: id, quod etiam ostendi potest in hunc modum. Quoniam AD, AE sunt tangentes, rectus erit uterque angulorum ADF, AEF. Unde, quum sit AF quadratum æquale tum quadratis, quæ sunt ex AD, & DF, cum quadratis, quæ fiunt ex AE, & EF; erunt quadrata ex AD, & DF æqualia quadratis ex AE, & EF. Est verò propter circulum DF quadratum æquale EF quadrato. His igitur ablatis, supererit AD quadratum æquale AE quadrato: & propterea AD ipsæ AE æqualis erit.

SCHOLIUM.

Ceterum hæc propositio est conversa præcedentis. Quemadmodum enim ibi ex eo, quod AD sit tangens, ostensum est, rectangulum ex AC in AB æquale esse quadrato, quod sit ex AD; ita hinc per contrarium ex eo, quod rectangulum ex AC in AB æquale sit quadrato ex AD, ostenditur, ipsam AD circulum contingere in puncto D.

218
GEOMETRIÆ PLANÆ
ELEMENTORUM
LIBER QUARTUS.

DEFINITIONES.

I.



Figura rectilinea in figura rectilinea describi dicitur, quando unusquisque figuræ, quæ describitur, angulus unumquodque figuræ, in qua describitur, latus contingit.

II.

Vicissim verò figura rectilinea circa figuram rectilineam describi dicitur, quando unumquodque figuræ, quæ describitur, latus unumquemque figuræ, circa quam describitur, angulum contingit.

III.

Similiter autem figura rectilinea in circulo describi dicitur, quando unusquisque figuræ, quæ describitur, angulus contingit circumferentiam circuli, in quo describitur.

IV.

Atque ita quoque figura rectilinea circa circumulum describi dicitur, quando unumquodque figuræ, quæ describitur, latus contingit circumferentiam circuli, circa quem describitur.

V.

Ad hæc: circulus in figura rectilinea describi dicitur, quando circumferentiam ejus
con-

contingit unumquodque latus figuræ, in qua describitur.

VI.


Vicissim verò circulus circa figuram rectilineam describi dicitur, quando circumferentiam ejus contingit unusquisque angulus figuræ, circa quam describitur.

VII.

Recta linea in circulo aptari dicitur, quando ita quidem ponitur intra circulum, ut extrema ejus in circuli circumferentia reperiuntur.

PROP. I. PROBL. I.

In dato circulo aptare rectam lineam, quæ alteri data sit æqualis. Oportet autem, ut data recta linea non sit major diametro dati circuli.



Datus sit circulus ABC, data verò recta DE, non major diametro dati circuli. Oportet, in circulo ABC aptare rectam lineam, quæ sit æqualis ipsi DE.

Ducatur in circulo diameter AB. Et siquidem AB sit æqualis datæ DE, quoniam extrema ipsius AB sunt in circuli circumferentia, ea problemati satisfaciet. Quod si verò illa non sit æqualis, abscindatur ex AB portio AF (1) æqualis DE. Tum centro A, intervalloque AF circulus describatur FCG, qui alium secet in C, jungaturque AC. Dico, AC esse rectam quæsitam.

K 2

Quam

(1) Prop. 3. lib. 1.


Quum enim A centrum sit circuli **FCG**, erit AF æqualis AC. Est autem ex constructione AF æqualis DE. Erit igitur AC æqualis DE. Sunt verò extrema ejusdem AC in circumferentia circuli ABC. Aptata est igitur in circulo ABC recta AC æqualis datæ DE. Quod erat faciendum.

SCHOLIUM.

Neceſſe eſt autem, ut data recta linea, cui æqualis altera aptari debet in dato circulo, major non ſit diametro dati circuli, ob id, quod oſtenſum eſt propoſitione decima quinta libri præcedentis, nempe quod diameter ſit maxima omnium rectarum, quæ intra circumlum aptari poſſunt.

PROP. II. PROBL. II.

In dato circulo deſcribere triangulum æquiangulum alteri triangulo dato.



Datus ſit circulus ABC, datum verò triângulum DEF. Oportet, in circulo ABC deſcribere triangulum, quod ipſi DEF ſit æquiangulum, ita nempe, ut ſinguli anguli unius æquales ſint ſingulis angulis alterius.

Ducatur [1] GH, quæ circumlum contingat

[1] Prop. 17. lib. 3.

gat in A. Tum ad rectam GH, atque ad datum in ea punctum A constituitur (1) primò angulus GAC æqualis angulo DEF, deinde angulus HAB æqualis angulo DFE. Denique jungantur puncta B, & C, in quibus rectæ AB, AC secant circumferentiam dati circuli, per rectam BC. Dico, ABC esse triangulum quæsitum.

Quoniam enim GH est tangens, AC verò secans, erit [2] angulus GAC tangente, & secante contentus æqualis angulo ABC, constituto in alterna circuli portione. Est autem ex constructione angulus GAC æqualis angulo DEF. Erit igitur angulus ABC æqualis quoque angulo DEF.

Simili ratione, quoniam GH est tangens, AB verò secans, erit angulus BAH tangente, & secante contentus æqualis angulo ACB, constituto in alterna circuli portione. Est autem ex constructione angulus BAH æqualis angulo DFE. Itaque erit angulus ACB æqualis quoque angulo DFE.

Rursus, quia omnes anguli cujuscunque trianguli simul [3] duobus rectis æquales sunt; erunt anguli omnes simul sumpti trianguli ABC æquales angulis omnibus simul sumptis trianguli DEF. Ostensum est autem, angulum quidem ABC æqualem esse angulo DEF, angulum verò ACB æqualem angulo DFE. Erit igitur reliquus angulus BAC æqualis reliquo angulo EDF.

Est itaque triangulum ABC æquiangulum triangulo DEF. Estque etiam descriptum

K 3 in


(1) *Prop. 23. lib. 1.* [2] *Prop. 32. lib. 3.*

[3] *Prop. 32. lib. 1.*

in dato circulo : omnes etenim anguli ejus circumferentiam dati circuli contingunt . In dato igitur circulo ABC descriptum est triangulum ABC æquiangulum dato triangulo DEF . Quod erat faciendum.

PROP. III. PROBL. III.

**Circa datum circulum describere triangulum
equiangulum alteri triangulo dato.**



Datus sit circulus ABC, datum verò triangulum DEF. Oportet, circa datū circulum ABC describere triangulum, quod ipsi DEF sit æquiangulum; ita nempe, ut singuli unius

anguli æquales sint fingulis angulis alterius.

Extendatur EF utrimque versus G, & H. Tum invento [1] circuli centro K, a quoque radio KA, fiat (2) tam angulus AKB æqualis angulo DEG, quàm angulus BKC æqualis angulo DFH. Deinde ex punctis A, B, C ipsi KA, KB, KC perpendiculares respectivè erigantur [3] LM, MN, NL convenientes in punctis L, M, N. Dico, LMN esse triangulum quæsitum.

Quoniam enim quadrilaterum $AKBM$ per diagonalem AB , vel KM dividitur in duo trian-

[1] Prop. I. lib. 3. (2) Prop. 23. lib. I.
 (3) Prop. II. lib. I.

(3) Prop. II. lib. I.

triangula, erunt quatuor ejus anguli simul sumpti rectis totidem æquales, quum omnes anguli cujuscumque trianguli simul duos rectos (1) adæquent. Est autem ex constructione rectus; tum angulus KAM , cum angulus KBM . Itaque alii duo anguli AKB , AMB simul duobus rectis æquales erunt: & propterea, quum duo anguli DEG , DEF pariter duobus rectis æquales sint; erunt duo anguli AKB , AMB æquales duobus angulis DEG , DEF : atque adeo, quia ex constructione angulus AKB æqualis est angulo DEG , erit alter angulus AMB æqualis alteri angulo DEF . Simili ratione, ope quadrilateri $KBNC$, ostendetur angulus BNC æqualis angulo DFE : ex quo fit, ut tertius angulus EDF etiam sit æqualis tertio angulo ALC . Quare triangulum LMN æquiangulum erit triangulo DEF . Est autem idem triangulum LMN descriptum circa circulum ABC ; quandoquidem latera ejus LM , MN , NL contingunt ejus circuli circumferentiam, propterea quod ex constructione radiis KA , KB , KC ad rectos angulos insistant. Circa datum itaque circulum ABC descriptum est triangulum LMN æquiangulum dato triangulo DEF . Quod erat faciendum.


S C H O L I U M.

Perpendiculares LM , MN , NL , quæ ex punctis A , B , C super radiis KA , KB , KC respectivè eriguntur, debere sibi invicem occurrere, haud difficile erit ostendere. Quum enim ex constructione recti sint anguli KAM , KBM , si jungantur puncta A , & B per rectam AB ,

K 4

an-

(1) Prop. 32. lib. 1.



anguli, quos perpendiculara AM , BM cum recta ista AB constituunt, erunt simul duobus rectis minores; atque adeo per axioma decimum tertium eadem perpendiculara


producta convenient tandem in puncto aliquo M , similiter, quum rectus sit ex constructione uterque angulorum KBN , KCN , junctis punctis B , & C per rectam BC , erunt anguli, quos perpendiculara BN , CN constituunt cum recta ista BC , simul duobus rectis minores; adeoque per idem axioma decimum tertium eadem perpendiculara producta convenient tandem in puncto aliquo N . Major est difficultas de perpendicularibus ML , NL . Verum, quum ostensum sit, angulum AMB equalem esse angulo DEF , & angulum BNC equalem angulo DFE ; erunt duo anguli AMB , BNC aequales duobus angulis DEF , DFE . Sunt autem per decimam septimam primi duo anguli DEF , DFE simul duobus rectis minores. Quare erunt etiam minores duobus rectis anguli duo AMB , BNC : proptereaque per axioma decimum tertium perpendiculares ML , NL producta convenient, tandem in puncto aliquo L . Quum igitur perpendiculara tria LM , MN , NL sibi mutuo occurrant, eadem mutuo ipsorum occursum quæsitum triangulum constituere, nemo non videt.

PROP. IV. PROBL. IV.

In dato triangulo circulum describere.

ESto triangulum ABC . Oportet, in triangulo isto ABC describere circulum.

Se-



Secentur anguli ABC, BCA (1) bifariam per rectas BD, CD, quæ occurrant sibi mutuo in D. Tum ex puncto D ipsi AB, BC, CA perpendiculares respectivè [2] demittantur DE, DF, DG. Dico,

circulum, qui describitur centro D, intervalloque DE, esse circulum quæsitum,

Quoniam enim ex constructione æquales sunt tum anguli DEB, DFB, cum anguli DBE, DBF; erunt duo anguli DEB, DBE trianguli BDE, æquales duobus angulis DFB, DBF trianguli BDF, alter alteri. Est autem latus BD utrique triangulo commune. Itaque æqualia quoque erunt (3) latera DE, DF. Simili ratione, ope triangulorum CDF, CDG, ostendentur æqualia latera DF, DG. Tres igitur DE, DF, DG æquales sunt inter se. Et propterea circulus, qui describitur centro D, intervalloque DE, transibit etiam per puncta F, & G. Contingunt autem circuli hujus circumferentiam latera trianguli AB, BC, CA: idem igitur circulus descriptus erit in triangulo ABC. Adeoque in dato triangulo ABC descriptus est circulus EFG. Quod erat faciendum.

K 5


PROP.

(1) Prop. 9. lib. 1. [2] Prop. 12. lib. 1.

(3) Prop. 26. lib. 1.

PROP. V. PROBL. V.

Circa datum triangulum circulum describere.



Esto tria ngulū ABC. Oportet, circa tria ngulū istud ABC describere circulum.

Secentur latera AB, AC [1] bifariam in punctis D, & E, ex quibus erigantur (2)

super iisdem AB, AC perpendiculares DF, EF, sibi mutuū occurrentes in F. Dico, circulum, qui describitur centro F, intervalloque FA, esse circulum quæsitum.



Jungantur etenim rectæ FA, FB, FC. Et quoniam ex constructione AD est æqualis BD, communis verò DF; erunt duo latera AD, DF trianguli ADF æqualia duobus lateribus BD, DF trianguli BDF, alterum alteri. Sunt autem æquales quoque anguli sub lateribus iis comprehensi, quum uterque ex constructione sit rectus. Quare erit (3) basis unius FA æqualis basi alterius FB. Simili ratione, ope triangulorum AEF, CEF, ostendetur FA æqualis FC. Tres igitur FA, FB, FC æquales sunt inter se: & propterea circulus, qui describitur centro F, intervalloque FA, quum transeat quoque per puncta B, & C, descriptus erit circa triangulum ABC. Quod erat faciendum.

SCHO.

[1] Prop. 10. lib. 1. [2] Prop. 11. lib. 1.

(3) Prop. 4. lib. 1.

SCHOLIUM.



Perpendiculares DF , EF , quæ ex punctis D , E super ipsis AB , AC eriguntur, debere si mutuo occurrere in puncto aliquo F , nemo non videt. Sunt enim anguli ADF , AEF recti. Quare si jungantur puncta D , E per rectam DE , anguli, quos cum recta ista DE eadem perpendiculares efficiunt, erunt duobus rectis minores: atque adeo per axioma decimum tertium productæ tandem convenient in-

ter se. Jam punctum F , in quo perpendiculares illæ sibi mutuo occurrunt, potest esse vel intra triangulum, vel in basi ipsius, vel denique extra triangulum: nempe prout angulus BAC vel est acutus, vel rectus, vel obtusus.

PROP. VI. PROBL. VI.


In dato circulo quadratum describere.

DATUS sit circulus $ABCD$. Oportet, in eo quadratum describere.

Ducantur in circulo duæ diametri AC , BD , quæ in centro E se secant ad angulos rectos.

K 6

Tum



Tum jungantur rectæ
AB, BC, CD, DA.
Dico, ABCD esse qua-
dratum quæsitum.

Quoniam enim E cen-
trum est circuli ABCD,
erit AE æqualis CE. Est
autem BE communis.
Erunt igitur duo latera

AE, BE trianguli AEB æqualia duobus late-
ribus CE, BE trianguli CEB, alterum alteri.
Sunt etiam æquales anguli sub lateribus iis
contenti, quum uterque ipsorum ex con-
structione sit rectus. Quare erit [1] basis
unius AB æqualis basi alterius BC. Simili
ratione ostendetur & BC æqualis CD, & CD
æqualis DA. Quatuor igitur AB, BC, CD,
DA æquales erunt inter se: proptereaque
figura ABCD æquilatera erit. Est etiam re-
ctangula. Sunt enim AC, BD diametri;
adeoque quum unaquæque ipsarum dividat
circulum in duos semicirculos, erit quilibet
angulus figuræ ABCD in semicirculo, &
consequenter (2) rectus. Figura igitur ABCD,
quum æquilatera sit, & rectangula, qua-
dratum erit. Proindeque in dato circulo de-
scriptum est quadratum ABCD. Quod erat
faciendum.


PROP. VII. PROBL. VII.

Circa datum circulum quadratum describere.

Esto circulus ABCD. Oportet, circa
ipsum quadratum describere.

Du-

[1] Prop. 4. lib. 1. [2] Prop. 31. lib. 3.




Ducantur etiam binæ diametri AC, BD, quæ in centro E se secant ad angulos rectos. Tum ex punctis A, B, C, D ipsis AC, BD perpendiculares [1] respectivè erigantur FG, GH, HI, IF, quæ convenient in punctis F, G, H, I. Dico, FGHI esse quadratum quæsitum.

Quoniam enim rectæ GF, BD, HI insistant ad angulos rectos super AC, et parallelæ erunt inter se. Et similiter quoniam rectæ FI, AC, GH insistant ad angulos rectos super BD, istæ quoque inter se parallelæ erunt. Quum igitur CF, CG parallelogramma sint, erit (2) ipsi AC æqualis tam FI, quàm GH. Quumque similiter parallelogramma sint BF, BI, erit ipsi BD æqualis utraque ipsarum GF, HI. Sunt autem AC, BD, tanquam diametri ejusdem circuli, æquales inter se. Quatuor itaque FG, GH, HI, IF etiam inter se æquales erunt: proptereaque figura FGHI æquilatera erit. Est etiam rectangula, quum propter parallelogramma EF, EG, EH, EI anguli ejus æquales sint iis, quos binæ diametri AC, BD mutua sectione constituunt in centro E. Erit igitur figura FGHI æquilatera simul, & rectangula; adeoque quadratum erit. Itaque circa datum circulum descriptum est quadratum FGHI. Quod erat faciendum.

PROP.

[1] Prop. 11 lib. 1. (2). Prop. 34 lib. 1.

In dato quadrato circulum describere.

Datum sit quadratum $ABCD$. Oportet, in ipso circulum describere.

Secentur latera AB, BC bisariam[1] in E , & F , ex quibus super iisdem AB, BC perpendiculares excitentur [2] EG, FH ,

se mutuo secantes in I . Dico, circulum, qui describitur centro I , intervalloque IE , esse circulum quaesitum.

Quoniam enim $ABCD$ quadratum est, erit AB æqualis BC . Sunt autem ex constructione duæ AB, BC sectæ bisariam in E , & F . Quatuor igitur AE, EB, BF, FC æquales erunt inter se. Jam verò unumquodque ipsorum AI, BI, CI, DI parallelogrammum est; adeoque [3] AE est æqualis HI , EB æqualis IF , BF æqualis EI , & FC æqualis IG . Itaque quatuor HI, IF, EI, IG etiam inter se æquales erunt. Et propterea circulus, qui describitur centro I , intervalloque IE , transibit etiam per puncta F, G, H . Contingunt autem circuli hujus circumferentiam latera dati quadrati AB, BC, CD, DA , quum diametris EG, FH ad rectos angulos insistant. Quare in dato quadrato $ABCD$ descriptus est circulus $EFGH$. Quod erat faciendum.


PROP.

(1) Prop. 10. lib. 1. [2] Prop. 11. lib. 1.

[3] Prop. 34. lib. 1.

PROP. IX. PROBL. IX.

Circa datum quadratum circulum describere.



Esto quadratum ABCD . Oportet, circa ipsum describere circulum.

Ducantur diagonales AC , BD , se mutuo secantes in E . Dico , circulum , qui describitur centro E , intervalloque EA ,

esse circulum quaesitum.


Quoniam enim ABCD quadratum est, erit AB æqualis BC ; adeoque , quum isosceles sit triangulum ABC , erit (1) angulus BAC æqualis angulo BCA . Sunt autem anguli omnes cujuscumque trianguli simul [2] duobus rectis æquales . Quum igitur propter quadratum rectus sit angulus ABC , semirectus erit tum angulus BAC , cum angulus BCA . Simili ratione ostendetur semirectos esse angulos ABD , ADB : ex quo sequitur, angulos quadrati sectos esse bisariam per diagonales AC , BD ; adeoque non modò ipsos, verum etiam & eos , in quos secti sunt, æquales esse inter se . Quum igitur anguli BAE , ABE æquales inter se sint , erunt etiam (3) æqualia latera EA , EB , quæ angulos illos

[1] Prop. 5. lib. 1. (2) Prop. 32. lib. 1.
[3] Prop. 6. lib. 1.

los subtendunt. Quumque eadem ratione ostendatur EB æqualis EC , & EC æqualis ED ; erunt quatuor EA, EB, EC, ED æquales inter se; atque adeo circulus, qui describitur centro E , intervalloque EA , transibit etiam per puncta B, C, D . Unde, quum anguli dati quadrati contingant circuli hujus circumferentiam, idem descriptus erit circa quadratum. Quod erat faciendum.

PROP. X. PROBL. X.

Equicrurē triangulum constituere, cuius
uterque angulorum ad basim duplus sit angulo
verticalis.



Exponatur recta
quævis AB, quæ
secetur subinde in
C, [1] ut rectangu-
lum ex AB in BC
æquale sit quadra-
to ex AC. Tum
centro A, inter-
valloque AB descri-
pto circulo BDE, applicetur (2) in circulo
isto recta BD æqualis ipsi AC, jungaturque
AD. Dico, ABD esse triangulum isosceles,
seu æquicrurum quæsitum.

Jungatur etenim CD , & circa triangulum ACD (3) circulus describatur. Quia igitur rectangulum ex AB in BC æquale est quadrato ex AC , estque ex constructione AC æqualis

[1] Prop. 11. lib. 2.

[2] Prop. 1. hujus.

[3] Prop. 5. Hujus.


his BD ; erit idem rectangulum ex AB in BC æquale quadrato ex BD . Unde, quum extra circulum ACD sumptum sit punctum B , ex quo cadunt ad ejus circumferentiam duæ rectæ lineæ BA , BD , & rectangulum ex AB in BC æquale sit quadrato ex BD ; erit recta ista BD (1) tangens ejus circuli: adeoque angulus BDC , tangente, & secante contentus, æqualis erit (2) angulus CAD , in alterna circuli portione constituto; & consequenter appposito communi CDA , erit totus angulus BDA , sive etiam DBA , æqualis duobus angulis CAD , CDA . Jam verò in triangulo ACD latus AC productum est in B ; atque adeo iisdem duobus angulis CAD , CDA æqualis est etiam angulus exterior BCD (3). Itaque erit angulus DBA æqualis angulo BCD . Et propterea latera BD , CD , quæ subtendunt angulos illos, æqualia erunt (4) inter se. Est verò BD æqualis AC . Quare & CD ipsi CA æqualis erit. Unde, quum isosceles sit triangulum ACD , erit angulus CDA æqualis angulo CAD . Ostensus est autem angulus CDB æqualis eidem angulo CAD . Totus itaque angulus BDA , sive DBA duplus erit ipsius CAD . Et propterea constitutum est triangulum isosceles BAD , cujus uterque angulorum ad basim duplus est anguli verticalis. Quod erat faciendum.

PROP.

- [1] *Prop. 37. lib. 3.* [2] *Prop. 32. lib. 3.*
 [3] *Prop. 32. lib. 1.* [4] *Prop. 6 lib. 1.*

PROP. XI. PROBL. XI.

*In dato circulo pentagonum æquilaterum,
& æquiangulum describere.*



Datus sit circulus ABCDE. Oportet, in eo describere pentagonum æquilaterum, & æquiangulum, hoc est figuram, quæ habeat tum quinque latera, ex quibus constet, æqualia, cum angu-

los, quos latera illa mutuo occurſu conſtituunt, æquales.

Conſtituatur triangulum iſoſceles GFH, cujus uterque angulorum ad baſim duplus ſit anguli verticalis (1). Tum in dato circulo ABCDE deſcribatur (2) triangulum CAD æquiangulum ipſi GFH, quod proinde ſimiliter iſoſceles erit, eritque etiam in eo uterque angulorum ad baſim duplus anguli verticalis. Deinde ſecentur anguli ACD, ADC biſariam (3) per rectas CE, DB, junganturque puncta A, B, C, D, E per rectas, AB, BC, CD, DE, EA. Dico, ABCDE eſſe figuram quaſitam.

Quoniam enim uterque angulorum ACD, ADC duplus eſt anguli CAD, iidemque anguli

(1) Prop. 10. hujus. [2] Prop. 2. hujus.

[3] Prop. 9. lib. 1.

guli ACD , ADC secti sunt bifariam per rectas CE , DB ; erunt quinque anguli ADB , BDC , CAD , DCE , ECA æquales inter se. Sed in æqualibus circulis, atque adeo eò magis in eodem circulo, æquales anguli æqualibus arcubus insistant, sive ad centra, sive ad circumferentias sint positi [1]. Quinque igitur arcus AB , BC , CD , DE , EA , quibus insistant ii quinque anguli, æquales erunt inter se. Quare æqualia quoque erunt inter se ipsa quinque figuræ latera AB , BC , CD , DE , EA ; quum in æqualibus circulis, & consequenter eò magis in eodem circulo, æquales arcus æquales quoque rectæ subtendant (2). Est igitur figura $ABCDE$ æquilatera. Sed est etiam æquiangula. Quum enim arcus BC æqualis sit arcui EA , appposito communi CDE , erit arcus $BCDE$ æqualis quoque arcui $CDEA$. In æqualibus autem circulis anguli, qui sive ad centra, sive ad circumferentias positi, æqualibus arcubus insistant, æquales (3) sunt inter se. Erit igitur angulus BAE æqualis angulo CBA . Eademque ratione & reliqui figuræ anguli inter se æquales ostendentur. In dato itaque circulo $ABCDE$ descriptum est pentagonum æquilaterum, & æquiangulum. Quod erat faciendum.


PROP. XII. PROBL. XII.

Circa datum circulum pentagonum æquilaterum, & æquiangulum describere.

Datus sit circulus $ABCDE$. Oportet, circa eum pentagonum æquilaterum, & æquian-

(1) Prop. 26 lib. 3. (2) Prop. 29 lib. 3.

[3] Prop. 27 lib. 3.



& æquiangulum describere.

Describatur (1) primum in eo pentagonum equilaterum, & æquiangulum; sintque A, B, C, D, E puncta circumscriptionis, quæ illud determinant, ita, ut æquales sint

arcus AB, BC, CD, DE, EA. Tum invento [2] circuli centro F, ducantur radii AF, BF, CF, DF, EF, quibus ex punctis A, B, C, D, E perpendiculares (3) respectivè erigantur GH, HI, IK, KL, LG, quæ convenient inter se in punctis G, H, I, K, L. Dico GHIKL esse figuram quæsitam.

Jungantur etenim rectæ FG, FH, FI, FK, FL. Et quoniam triangula FAH, FBH sunt rectangula ex constructione, erit [4] quadratum ex FH æquale, tum quadratis, quæ sunt ex AF, & AH, cum quadratis, quæ sunt ex BF, & BH. Quare quadrata ex AF, & AH æqualia erunt quadratis ex BF, & BH. Est autem AF quadratum æquale BF quadrato. His igitur demptis, supererit AH quadratum æquale BH quadrato. Et propterea AH ipsi BH æqualis erit. Unde, quum sint duo latera AF, AH trianguli FAH æqualia duobus lateribus BF, BH trianguli FBH, alterum alteri, & æquales quoque anguli sub
iis

[1] Prop. 11. hujus. (2) Prop. 1. lib. 3.
[3] Prop. 11. lib. 1. [4] Prop. 74. lib. 1.

his lateribus contenti, utpote recti ex constructione; erit (1) tum angulus AFH æqualis angulo BFH, cum angulus AHF æqualis angulo BHF: adeoque uterque ipsorum AFB, AHB sectus erit bifariam per rectam FH. Nec dissimiliter ostendetur, sectum esse bifariam per rectam FI utrumque angulorum BFC, BIC.

Et quoniam æquales sunt arcus AB, BC, erunt (2) etiam æquales anguli AFB, BFC, qui arcubus illis insistant. Ex ostensis autem anguli illi secti sunt bifariam per rectas FH, FI. Erit igitur angulus BFH æqualis angulo BFI. Sed æquales pariter sunt anguli FBH, FBI, quum uterque ex constructione sit rectus. Duo igitur triangula BFH, BFI habent duos angulos duobus angulis æquales, alterum alteri. Unde, quum habeant latus BF commune, habebunt quoque [3] latus BH æquale lateri BI, & latus FH æquale lateri FI. Est igitur HI secta bifariam in B. Similiter autem ostendetur, & GH sectam esse bifariam in A. Quare, quum sit AH æqualis BH, erit tota GH toti HI pariter æqualis. Quumque eadem ratione ostendantur æqualia inter se reliqua figuræ latera; figura GHIKL æquilatera erit.

Rursus, quum duæ FH, FI ostensæ sint æquales inter se, triangulum HFI isosceles erit. Quare angulus FHI æqualis erit (4) angulo FIH. Ostensum est autem, angulos AHB, BIC sectos esse bifariam per rectas FH, FI, atque adeo duplos esse angulorū FHI, FIH.

Itaque


[1] Prop. 4. lib. 1. [2] Prop. 27. lib. 3.

(3) Prop. 26. lib. 1. (4) Prop. 5. lib. 1.

Itaque & ipsi anguli AHB, BIC inter se æquales erunt. Quumque eadem ratione ostendantur æquales inter se reliqui figuræ anguli; erit figura GHIKL æquiangula. Ostensum autem est, eandem figuram esse etiam æquilateram. Erit igitur figura GHIKL æquilatera simul, & æquiangula. Et propterea circa datum circulum ABCDE descriptum est pentagonum æquilaterum, & æquiangulum. Quod erat faciendum.

PROP. XIII. PROBL. XIII.

In dato pentagono æquilatero, & æquiangulari circulum describere.



Datum sit pentagonum æquilaterum, & æquiangulum ABCDE. Oportet, in eo circulum describere.

Secentur (1) anguli ABC, BCD bisariam per rectas BF, CF, quæ inter se convenient in F, & super BC perpendicularis (2) demittatur FG. Dico, circulum, qui describitur centro F, intervalloque FG, esse circulum quæsitum.

Jungantur etenim rectæ AF, EF, DF, & super aliis pentagoni lateribus CD, DE, EA, AB perpendicula respectivè demittantur FH, FI, FK, FL. Quia igitur ex hypothese pentagonum est æquilaterum, erit AB æqualis

(1) Prop. 9 lib. I. [2] Prop. 12 lib. I.

sis BC. Est verò communis BF. Quare duo latera BA, BF trianguli ABF æqualia erunt duobus lateribus BC, BF trianguli CBF, alterum alteri. Sunt autem æquales quoque anguli sub iis lateribus contenti, quum ex constructione angulus ABC sectus sit bifariam per rectam BF. Erit igitur [1] angulus BAF æqualis angulo BCF. Et propterea, quemadmodum angulus BCF semissis est ipsius BCD, ita quoque erit angulus BAF semissis ipsius BAE; quum propter pentagonum æquilaterum simul, & æquiangulum æquales sint anguli BDC, BAE. Ex quo sequitur, angulum BAE etiam sectum esse bifariam per rectam AF.


Simili autem ratiocinio ostendetur, sectos esse quoque bifariam per rectas EF, DF angulos AED, CDE. Unde facile erit ostendere, æqualia esse inter se demissa perpendicularia FG, FH, FI, FK, FL. Si enim considerentur, exempli gratia, triangula duo CGF, CHF, hæc habere comperientur duos angulos duobus angulis æquales, alterum alteri, & latus CF commune. Quare erit etiam (2) FG æqualis FH. Ita igitur quoque ostendetur FH æqualis FI, FI æqualis FK, & FK æqualis FL: proindeque, quum omnes FG, FH, FI, FK, FL inter se sint æquales; circulus, qui describitur centro F, intervalloque FG, transibit non modò per punctum G. verum etiam per puncta H, I, K, L. Contingunt autem circuli hujus circumferentiam latera BC, CD, DE, EA, AB, quum radiis FG, FH, FI, FK, FL ad rectos

[1] Prop. 4. lib. 1. [2] Prop. 26. lib. 1.

rectos angulos insistant. Itaque circulus GHIKL descriptus erit in dato pentagono æquilatero, & æquiangulo ABCDE. Quod erat faciendum.

PROP. XIV. PROBL. XIV.

Circa datum pentagonum æquilaterum, & æquiangulum circulum describere,



Datum sit pentagonum æquilaterum, & æquiangulū ABCDE. Oportet, circa ipsum circulum describere.

Secentur anguli (1) ABC, BCD bisariam per rectas BF, CF, quæ inter se conveniant in

F. Dico, circulum, qui describitur centro F, intervalloque FB, esse circulum quæsitum.


Jungantur etenim rectæ AF, EF, DF. Et perinde, ac in antecedente, ostendetur quoque sectos esse bisariam per rectas istas angulos BAE, AED, EDC. Ex quæ sequitur, æquales esse inter se, non modo angulos pentagoni dati, verum etiam eos, in quos ii secti sunt. Unde facile erit ostendere, æquales esse inter se rectas AF, BF, CF, DF, EF: nempe, quia triângula AFB, BFC, CFD, DFE, EFA ob angulos, quos ad bases habent æquales, sunt (2) isoscelia. Quum autem æquales sint rectæ AF, BF, CF, DF, EF, circulus, qui describitur centro F, inter-

(1) Prop. 9. lib. I. (2) Prop. 6 lib. I.

tervalloque FB, transibit non modò per punctum B, verum etiam per puncta C, D, E, A; & consequenter descriptus erit circa datum pentagonum æquilaterum, & æquiangulum. Quod erat faciendum.

PROP. XV. PROBL. XV.

In dato circulo hexagonum æquilaterum, & æquiangulum describere.



Datus sit circulus ABCDEF. Oportet, in eo describere hexagonum æquilaterum, & æquiangulum, hoc est figuram, quæ habeat æqualia, tum sex


latera, ex quibus constat, cum sex angulos, quos latera illa mutuo occurſu conſtituunt.

Per centrum circuli G ducatur diameter AD. Tum centro D, intervalloque DG describatur circulus alius GCE, priorem secans in punctis C, & E. Jungantur porro rectæ CG, EG, quæ producantur usque donec dati circuli circumferentiam secent in F, & B. Denique puncta A, B, C, D, E, F jungantur per rectas totidem AB, BC, CD, DE, EF, FA. Dico, figuram ABCDEF, his rectis comprehensam, esse hexagonum quæsitum.

Quum enim G centrum sit circuli ACE, rectæ GC, GD, GE, velut ductæ à centro ad circumferentiam, æquales erunt inter se. Et similiter, quia D centrum est circuli CGE, erunt rectæ DC, DG, DE etiam ductæ a centro ad circumferentiam, atque adeo pariter

L

æqua-



æquales inter se. Eadem igitur DG æqualis est tam utraque ipsarum GC, GE, quàm utraque ipsarum DC, DE. Quare & omnes DC, CG, GD, GE, DE

inter se æquales erunt. Et propterea utrumque triangulorum CDG, DEG æquilaterum erit.

Jam triangulum æquilaterum est etiam æquiangulum: adeoque, quum omnes anguli cujuscunque trianguli simul [1] duos rectos adæquent, uterque angulorum CGD, DGE duorum rectorum tertia pars erit. Sunt autem duo anguli BGC, CGE simul (2) duobus rectis æquales. Quare duorum rectorum tertia quoque pars erit angulus BGC. Et propterea tres anguli BGC, CGD, DGE æquales erunt inter se, quibus quum sint æquales [3] totidem alii anguli EGF, FGA, AGB, velut ad verticem cum iis constituti; erunt sex anguli AGB, BGC, CGD, DGE, EGF, FGA omnes inter se æquales: & consequenter æquales quoque erunt inter se, tum arcus AB, BC, CD, DE, EF, FA (4), quibus insistent anguli illi; cum rectæ AB, BC, CD, DE, EF, FA, quæ [5] arcus illos subten-

Est igitur figura ABCDEF æquilatera. Sed est etiam æquiangula. Nam quum arcus CD

(1) Prop. 32. lib. 1. (2) Prop. 13. lib. 1.

(3) Prop. 15. lib. 1. [4] Prop. 26. lib. 3.

(5) Prop. 29. lib. 3.

α qualis sit arcui AB; appposito communi DEFA, erit arcus CDEFA α qualis arcui DEFAB. Et propterea, quia α qualibus arcubus (1) α quales quoque anguli insistant, sive ad centra, sive ad circumferentias sint positi; erit angulus ABC α qualis angulo BCD. Nec dissimiliter ostendetur, α quales esse inter se reliquos figuræ angulos. Itaque in dato circulo descriptum est hexagonum α quilaterum, & α quiangulum ABCDEF. Quod erat faciendum.

COROLLARIUM.

Patet autem, latus prædicti hexagoni CD α quale esse radio ipsius circuli DG; atque adeo in praxi longe facilius describi posse in dato circulo hexagonum α quilaterum, & α quiangulum: nempe, si sumpto radio circuli, is circino ex uno circumferentiæ puncto eousque intra circumferentiam aptetur, donec ad primum illud punctum perveniat. Sed liquet etiam, circuli circumferentiam magis, quàm ter, diametrum continere. Sex enim latera hexagoni triplum diametri constituunt, quæ tamen simul minora sunt circumferentia circuli.

SCHOLIUM.

Quemadmodum post problema de describendo pentagono α quilatere, & α quiangulo in dato circulo subjunxit Euclides tria alia problemata, unum de eo describendo circa datum

L. 2

cir-

(1) Prop. 27. lib. 3.

*circulum ; alterum de circulo in ipso describendo ; & tertium de circulo circa idem describendo : ita quoque post appositum problema de describendo hexagono æquilatèro , & æquiangu-
lo in dato circulo , subnectenda erant tria alia
ejusdem generis problemata ; hoc est unum de
descriptione ejus circa datum circulum ; alte-
rum de descriptione circuli in data illa figura ;
& tertium de descriptione circuli circa eandem
datam figuram . At hæc omisit Euclides , non
quod de iis non cogitaverit , sed fortè quia no-
vit , ea facili negotio solvi posse eadem omnino
ratione , qua eadem soluta sunt , quum de pen-
tagono æquilatèro , & æquiangulo quæstio erat .
Unde monitum Lectorem hîc velim , in hac ma-
teria problema , quod omnem involuit difficul-
tatem , esse de describenda figura , quæ æquila-
tera , & æquiangula sit , in dato circulo . Nam
quantum ad problemata de descriptione ejus-
dem figuræ circa datum circulum , vel de descri-
ptione circuli in ipsa , vel circa ipsam , hæc nul-
lam habent difficultatem ; quum methodus ea
solvendi sit ipsissima illa , qua soluta fuerunt ,
quum de pentagono agebatur .*

PROP. XVI. PROBL. XVI.

*In dato circulo quindecagonum æquilatèrum ,
& æquiangulum describere .*

Datus sit circulus ABCDE . Oportet , in
eo describere quindecagonum æquilate-
rum , & æquiangulum , hoc est figuram quin-
decim laterum æqualium , & totidem angu-
lorum similiter æqualium .

Res



Res igitur eo redit, ut datam circumferentiā in quindecim partes æquales dividamus. Quod quidem obtinebimus hæc ratione. Describatur primò in dato circulo (1) triangulum æ-

quilaterum, sitque AD unum ex ejus lateribus. Quindecim itaque partium, in quas dividenda est tota circuli circumferentia, quinque continebit arcus AD. Describatur deinde in eodem circulo dato (2) pentagonum æquilaterum, & æquiangulum, sitque AB unum ex ejus lateribus. Et earumdem quindecim partium tres erunt in arcu AB; atque adeo duæ in arcu reliquo BD. Et propterea, si arcus iste BD (3) secetur bifariam in C, erit BC, aut CD una ex quindecim illis partibus. Unde, si cæteræ omnes capiantur, & in iis subtensæ ducantur, figura subtensis istis contenta erit quindecagonum æquilaterum, & æquiangulum quæsitum.

L 3

GEO

(1) Prop. 2. hujus. (2) Prop. 11. hujus.
(3) Prop. 30. lib. 3.

²⁴⁶
G E O M E T R I Æ P L A N Æ
E L E M E N T O R U M

L I B E R Q U I N T U S .

D E F I N I T I O N E S .

I.



Ars est magnitudo magnitudinis, minor majoris, quando minor majorem metitur; hoc est, quando minor aliquoties sumpta majorem adæquat. Sic numerus 2 est pars numeri 10; quia quinquies sumptus, conficit 10. Et numerus 3 est pars numeri 12; quia quater acceptus adæquat 12.

Hujuscemodi pars, quæ totum, ad quod refertur, exacte metitur, vocatur speciatim pars aliquota: idque ad differentiam partis aliquantæ, quæ totum suum nequaquam metitur exacte, sed aliquoties sumpta, vel illud excedit, vel ab eo deficit; veluti est numerus 2 respectu alterius 9; vel numerus 3 relate ad alium 13.

Quod si contingat; magnitudinem aliquam minorem duas, aut plures alias majores metiri; tunc magnitudo illa minor vocabitur pars communis aliarum. Sic numerus 2 est pars communis numerorum 6, 8, 10; quia usumque istorum exacte metitur.

Sed si fuerint duæ magnitudines minores, quæ æque metiantur duas alia majores; tunc

tunc ex dicentur partes similes, aut æquæ partes istarum; veluti sunt numeri 2, & 3 respectu numerorum 8, & 12: nam sicuti 2 quater metitur 8, ita 3 quater etiam metitur 12.

II.

Multiplex verò est magnitudo magnitudinis, major minoris, quando majorem metitur minor; hoc est, quando majorem adæquat minor aliquoties sumpta. Sic numerus 10 est multiplex numeri 2; quia si iste quinquies sumatur, prodibit 10. Atque ita quoque numerus 12 est multiplex numeri 3; quia iste quater acceptus conficit 12.

Hujusmodi totum, quod a parte, ad quam refertur, exacte mensuratur, vocari quoque potest totum aliquorum: idque ad differentiam alterius totius, quod a parte sua nequam mensuratur exacte, quodque proinde totum aliquantum potest appellari; veluti est numerus 9 respectu alterius 1; vel numerus 12 relate ad alium 3.

Quod si contingat, magnitudinem aliquam majorem a duabus, aut pluribus aliis minoribus mensurari; tunc magnitudo illa major vocabitur multiplex communis aliarum. Sic numerus 12 est multiplex communis numerorum 2, 3, 4, 6; quia ab horum unoquoque exacte mensuratur.

Sed si fuerint duæ magnitudines majores, quas æque metiantur duæ aliæ magnitudines minores; tunc illæ dicentur multiplices similes, aut æque multiplices istarum; velut sunt numeri 8. & 12 respectu numerorum 2, & 3: nam sicuti 2 quater metitur 8, sic 3 quater etiam metitur 12.

III.

Ratio est duarum magnitudinum ejusdem generis mutua quædam secundum quantitatem habitudo. Nempe, si comparantur inter se magnitudines duæ ejusdem generis, & in earum comparatione non ad aliud attendatur, quàm ad ipsarum quantitates; ejuscemodi comparatio rationis vocabulo appellabitur.

Ex quo colliges, comparationem duarum magnitudinum vocandam esse rationem, quotiescumque habentur hæc duo. Primum, ut magnitudines, quæ comparantur inter se, sint ejusdem generis: quæ quidem quales sint, sequens ostendet definitio. Et deinde, ut in iis comparandis non ad aliud, quàm ad proprias ipsarum quantitates attendatur.

Cæterum ex magnitudinibus, inter quas ratio subsistit, ea, quæ confertur, vocatur antecedens; illa verò, cum qua confertur, consequens rationis nuncupatur. Ita si ratio sit inter duas magnitudines, quas voco A, & B, conferaturque A cum B; dicetur A antecedens rationis, & B consequens appellabitur.

IV.

Magnitudines dicuntur esse ejusdem generis, quum multiplicata [hoc est aliquoties acceptæ,] *possunt se mutuo superare.* Unde non inter alias magnitudines ratio subsistere potest, quàm inter eas, quæ ejusmodi sunt, ut si minor ipsarum aliquoties capiatur, valeat tandem majorem superare.

Linea igitur est ejusdem generis cum alia linea, & consequenter comparatæ inter se ratione quantitatis, possunt rationem habere: quandoquidem linea minor, si aliquoties su-

LIBER QUINTUS. 249

sumatur, hoc est bis, ter, quater, &c. poterit tandem lineam majorem superare. Et eadem ratione, tam duz superficies, quàm corpora duo dici debent magnitudines ejusdem generis.

Linea autem cum superficie nequaquam est ejusdem generis, nec proinde comparatæ inter se mutud ratione quantitatis, possunt inter se rationem habere: nam tantum abest, ut linea aliquoties sumpta superficiem excedat, ut neque etiam in superficiem verti possit. Atque ita quoque nec linea, nec superficies est ejusdem generis cum corpore.

V.

Proportio autem est duarum rationum æqualitas, seu identitas. Nempe, si habeantur duz rationes, quæ sint eadem, seu æquales inter se; æqualitas, seu identitas ista earum rationum proportionis vocabulo appellabitur. Quæ verò rationes dicendæ sint eadem, seu æquales inter se, sequens definitio nobis explicabit.

Ex eo autem, quod proportio sit æqualitas, seu identitas duarum rationum, fit, ut in omni proportionem sint duo antecedentes, & duo consequentes. Ita si ratio, quam habet A ad B, æqualis sit rationi, quam habet C ad D; adeo, ut A sit ad B, veluti est C ad D: erunt A, & C duo antecedentes, B autem, & D duo consequentes.

VI.

Duz rationes dicuntur eadem, seu æquales inter se, quum antecedentium æque multiplicia quævis vel una deficiunt, vel una adæquant, vel una superans æque multiplicia consequentium

zium utcumque sumpta. Sic ratio, quam habet A ad B, dicetur æqualis rationi, quam habet C ad D, si antecedentium A, & C æquemultiplicia quælibet M, & N vel una deficient, vel una adæquent, vel una superent consequentium B, & D æquemultiplicia ut cumque sumpta P, & Q.

Sedulo autem notare hoc loco oportet, quod ut duæ rationes juxta hanc definitionem dicantur eædem, seu æquales inter se; haud quidem satis sit, aliqua antecedentium æquemultiplicia, vel una deficere, vel una adæquare, vel una excedere aliqua consequentium æquemultiplicia: sed necesse sit, ut id de omnibus omnino æquemultiplicibus, quæ sumi possunt, tam respectu antecedentium, quàm respectu consequentium, verum sit. Nam si utique vel in uno casu id locum non habuerit, procul est, ut duæ rationes dici possint eædem, seu æquales inter se.

VII.

Una ratio dicitur altera major, quum talia reperire licet æquemultiplicia antecedentium, & consequentium, ut multiplex antecedentis prioris rationis excedat multiplex sui consequentis, sed multiplex antecedentis alterius rationis non excedat multiplex sui consequentis. Ita ratio, quàm habet A ad B, dicetur major ratione, quam habet C ad D, si utique reperiri possint antecedentium A, & C talia æquemultiplicia M, & N, nec non & consequentium B, & D talia æquemultiplicia, P, & Q, ut M superet P, sed N non superet Q.

Atque hic quoque notare sedulo oportet, quod,

quod, ut una ratio juxta hanc definitionem dicatur altera major, haud quidem necesse sit, omnia, tum antecedentium, cum consequentium æquemultiplicia esse talis naturæ, ut multiplex antecedentis prioris rationis excedat multiplex sui consequentis, multiplex verò antecedentis alterius rationis non excedat multiplex sui consequentis; sed satis sit, si id vel in uno tantum casu reperiat-
tur.

VIII.

Magnitudines, quæ eandem rationem inter se habent, dicuntur proportionales. Ita si ratio, quam habet A ad B, æqualis sit rationi, quam habet C ad D; quatuor magnitudines A, B, C, D dicuntur proportionales. Quod si autem ratio, quæ est inter A, & B, non sit æqualis rationi, quæ est inter C, & D; tunc quatuor magnitudines A, B, C, D nequaquam dicendæ sunt proportionales.

IX.

Proportio autem in tribus paucissimis terminis consistit. Et si enim proportio, velut duarum rationum æqualitas, natura sua quatuor terminos exigit, hoc est duos antecedentes, & duos consequentes; attamen, ut ista docet definitio, potest in tribus quoque consistere: scilicet, quum terminus medius fungitur munere consequentis in prima ratione, & munerem antecedentis in secunda.

Ita, si ratio, quam habet A ad B, æqualis sit rationi, quam habet B ad C; harum rationum æqualitas consistet in tribus terminis, qui sunt A, B, C. Sed perspicuum est, id exinde contingere, quia terminus medius B tenet locum consequentis in prima ratione, & vi-

Hinc autem colliges , proportionem duplicem esse posse , discretam unam , continuam alteram. Erit enim proportio discreta , quæ quatuor habet terminos distinctos; veluti , si ratio , quam habet A ad B , æqualis fuerit rationi , quæ est inter C , & D . Erit verò proportio continua , quæ in tribus tantum terminis subsistit ; ut , si ratio , quam habet A ad B , æqualis sit ei , quæ est inter B , & C .

X.

Homologa , seu *similes ratione magnitudines dicuntur* , antecedentes quidem antecedentibus , & consequentes consequentibus . Ita , si quatuor magnitudines A , B , C , D proportionales fuerint , adeo ut A ad B habeat eandem rationem , quam C ad D ; dicentur magnitudines homologæ , seu similes ratione , cum antecedentes A , & C , cum consequentes B , & D .

XI.

Permutata ratio est sumptio antecedentis cum antecedente , & consequentis cum consequente . Ita , si A ad B habeat eandem rationem , quam C ad D ; erit permutando , ut A ad C , ita B ad D .

XII.

Inversa ratio est sumptio antecedentis ut consequentis , consequentis verò ut antecedentis . Ita , si A sit ad B , ut est C ad D ; erit invertendo , ut B ad A , ita D ad C .

XIII.

Compositio rationis est sumptio antecedentis cum consequente ad ipsam consequentem . Ita , si A ad B habeat eandem rationem , quam C ad D ; erit componendo , ut A & B simul ad B , ita C & D simul ad D .

XIV.

XIV.

Divisio rationis est sumptio excessus, quo antecedens superat consequentem ad ipsam consequentem. Ita, si A sit ad B, ut est C ad D; erit dividendo, ut excessus, quo A superat B, ad B, ita excessus, quo C superat D, ad D.

XV.

Conversio rationis est sumptio antecedentis ad excessum, quo antecedens superat consequentem. Ita, si A ad B habeat eandem rationem, quam C ad D; erit convertendo, ut A ad excessum, quo C superat D.

XVI.

Plures magnitudines dicuntur esse in ordinata ratione cum aliis totidem magnitudinibus, quum illarum rationes directe correspondent rationibus istarum. Ita magnitudines A, B, C, D dicuntur esse in ordinata ratione cum magnitudinibus E, F, G, H, si fuerit, ut A ad B, ita E, ad F; ut B ad C, ita F ad G; & ut C ad D, ita G ad H.

XVII.

Vicissim verò plures magnitudines dicuntur esse in perturbata ratione cum aliis totidem magnitudinibus, quum rationes illarum in verse correspondent rationibus istarum. Qua ratione eadem magnitudines A, B, C, D dicuntur esse in perturbata ratione cum iisdem magnitudinibus E, F, G, H- si fuerit, ut A ad B, ita G ad H; ut B ad C; ita F ad G; & ut C ad D, ita E ad F.

XVIII.

*Quum plures magnitudines sunt in eadem, sive ordinata, sive perturbata ratione cum aliis totidem magnitudinibus, sumptio extremarum per subtractionem mediarum dicitur
aqua-*

æqualitas rationis. Ita, si magnitudines A, B, C, D sint in eadem, siue ordinata, siue perturbata ratione cum magnitudinibus E, F, G, H; erit ex æquali, siue ordinando, siue perturbando, ut A ad D, ita E ad H.

PROP. I. THEOR. I.

Si fuerint quocumque magnitudines quocumque magnitudinum, æqualium numero, singula singularum æquemultiplices; quotuplex est una unius, totuplices erunt & omnes omnium.



Sint quocumque magnitudines AB, CD æquemultiplices totidẽ magnitudinum E, F. Dico, magnitudines AB, CD simul tam esse multiplices magnitudinum E, F simul, quàm est multiplex AB ipsius E, vel CD ipsius F.


Quum enim AB, CD sint ex hypothese æquemultiplices ipsarum E, F, quoties E metitur AB, toties F metietur CD. Et propterea quot partes sunt in AB æquales ipsi E, totidem erunt in CD æquales ipsi F. Dividatur itaque AB in partes AG, GB, æquales ipsi E; pariterque CD dividatur in partes CH, HD æquales ipsi F. Et quoniam multitudo partium, quæ sunt in AB æquales ipsi E, est æqualis multitudini partium, quæ sunt in CD æquales ipsi F; erunt etiam in ipsis AB, CD simul tot partes æquales ipsis E, & F simul, quot sunt in AB æquales ipsi E, vel in CD æquales ipsi F. Quare E, & F simul toties metientur AB, & CD simul, quoties E

me-

metitur AB, vel F metitur CD. Et propterea magnitudines AB, CD simul tam multiplices erunt magnitudinum E, F simul, quàm est multiplex AB ipsius E, vel CD ipsius F. Quod erat demonstrandum.

PROP. II. THEOR. II.

Si prima secundæ fuerit tam multiplex, quàm tertia quartæ; fuerit autem & quinta secundæ tam multiplex, quàm sexta quartæ; erit composita ex prima, & quinta tam multiplex secundæ, quàm composita ex tertia, & sexta multiplex quartæ.



Sit prima AB tam multiplex secundæ C, quàm est tertia DE multiplex quartæ F. Rursus quinta BG sit etiam tam multiplex secundæ C, quàm est sexta EH multiplex quartæ F. Dico, compositam ex prima, & quinta AG tam multi-


plicem esse secundæ C, quàm est composita ex tertia, & sexta DH multiplex quartæ F.

Quoniam enim ex hypothese AB, DE sunt æquemultiplices ipsarum C, F; erunt in AB tot partes æquales ipsi C, quot sunt in DE æquales ipsi F. Et similiter, quoniam ex hypothese earundem C, F sunt etiam æquemultiplices BG, EH; erunt in BG tot partes æquales ipsi C, quot sunt in EH æquales ipsi F. Unde etiam in tota AG erunt tot partes æquales ipsi C, quot sunt in DH æquales ipsi F. Et propterea AG tam multiplex erit ipsius C, quàm est DH multiplex ipsius F. Quod erat demonstrandum.

PROP.

PROP. III. THEOR. III.

Si prima secundæ tam multiplex fuerit, quàm tertia quartæ; æquemultiplices primæ, & tertia erunt etiam æquemultiplices secundæ & quartæ.



Prima A secundæ B tam multiplex sit, quàm tertia C quartæ D. Sint autem EF, GH æquemultiplices primæ A, & tertiæ C. Dico, easdem EF, GH esse quoque æque-

multiplices secundæ B, & quartæ D.

Quoniam enim EF, GH sunt æquemultiplices ipsarum A, & C; erunt in EF tot partes æquales ipsi A, quot sunt in GH æquales ipsi C. Dividatur itaque tam EF in partes EK, KF æquales ipsi A, quam GH in partes GL, LH æquales ipsi C. Et quoniam KF, LH æquales sunt ipsis A, & C; atque sunt A, & C æquemultiplices ipsarum B, & D; erunt KF, LH earundem B, & D etiam æquemultiplices. Pariterque, quia EK, GL æquales sunt ipsis A, & C, quæ sunt æquemultiplices ipsarum B, & D; erunt EK, GL earundem B, & D similiter æquemultiplices. Et propterea (1) tota EF tam multiplex erit ipsius B, quàm est tota GH multiplex ipsius D. Quod demonstrare oportebat.

PROP.

[1] Prop. 2. hujus.

Si prima ad secundam eandem habuerit rationem, quam tertia ad quartam; æquemultiplices primæ, & tertiæ ad æquemultiplices secundæ, & quartæ eandem quoque rationem habebunt.

Prima A ad secundam B habeat eandem rationem, quam tertia C ad quartam D. Sint autem E, & F æquemultiplices primæ A, & tertiæ C; atq; G, & H æquemultiplices secundæ B, & quartæ D. Dico, E ad G habere quoque eandem rationem, quam F ad H.

Sumantur etenim ipsarum E, & F æquemultiplices K, & L; nec non ipsarum G, & H æquemultiplices M, & N. Et quoniam E, & F sunt æquemultiplices magnitudinum A, & C; sumptæ sunt autem K, & L æquemultiplices ipsarum E, & F: erunt K & L æquemultiplices quoque [1]

primarum magnitudinum A, & C. Atque ita quoque, quia G, & H sunt æquemultiplices magnitudinum B, & D; sumptæ sunt autem M & N æquemultiplices ipsarum G, & H: erunt M, & N æquemultiplices etiam primarum magnitudinum B, & D.

Et

[1] Prop. 3. hujus.

Et quoniam ex hypothesi prima A est ad secundam B , ut est tertia C ad quartam D ; suntque K , & L æquemultiplices primæ, & tertiæ; itemque M , & N æquemultiplices secundæ, & quartæ: fiet hinc (1) ut si K superet M , etiam L superet N ; vel si K deficiat ab M , etiam L deficiat ab N ; vel denique si K sit æqualis M , etiam L sit æqualis N . Unde, quum habeantur quatuor magnitudines E , G , F , H , & ostensum sit K , & L , quæ sunt æquemultiplices primæ, & tertiæ, vel una excedere, vel una deficere, vel una adæquare M & N , quæ sunt æquemultiplices secundæ, & quartæ: habebit (2) E ad G eandem rationem, quam F ad H . Quod erat demonstrandum.

C O R O L L A R I U M.


Ex hac propositione manifestum est, quod si quatuor magnitudines A , B , C , D proportionales sint, eadem invertendo etiam sint proportionales. Nam, quemadmodum K , & L , quæ sunt æquemultiplices primæ A , & tertiæ C , vel una superant, vel una deficiunt, vel una adæquant M , & N , quæ sunt æquemultiplices secundæ B , & quartæ D ; sic per contrarium M , & N vel una majores, vel una minores, vel una æquales erunt ipsis K , & L : proindeque erit, ut B ad A ita D ad C .

PROP.

[1] Def. 6. hujus. (2) Def. 6. hujus.

PROP. V. THEOR. V.

*Si tota totius tam multiplex sit, quàm ablata
ablatæ; erit reliqua reliquæ tam multiplex; quàm
tota totius.*



Tota AB tam multiplex sit totius CD, quàm ablata AE est multiplex ablatæ CF. Dico, reliquam EB reliquæ FD esse quoque tam multiplicem, quàm tota AB, est multiplex totius CD.

Ponatur enim EB tam multiplex ipsius CG, quàm est AB ipsius CD, vel AE ipsius CF. Et

quoniam AE, EB æquemultiplices sunt ipsarum CF, CG; erit [1] tota AB totius FG tam multiplex, quàm est AE ipsius CF. Ex hypothesi autem AE est tam multiplex ipsius CF, quàm tota AB totius CD. Quare eadem AB tam erit multiplex ipsius FG, quam est ipsius CD: atque idcirco æquales erunt CD, FG. Unde ablata comuni CF, æquales quoque erunt CG, FD. Posita est autem EB tam multiplex ipsius CG, quàm est AB ipsius CD. Erit igitur eadem EB tam multiplex quoque ipsius FD, quàm est AB ipsius CD. Quod demonstrare oportebat.

PROP.

[1]. Prop. I. huius.

PROP. VI. THEOR. VI.

Si dua magnitudines æquemultiplices fuerint duarum magnitudinum, & ex iis ablata quædam sint earumdem æquemultiplices: erunt & reliquæ, vel iisdem æquales, vel earumdem æquemultiplices.



Sint AB , CD æquemultiplices ipsarum E , F , quarum quoque æquemultiplices sint detractæ quædam ex iis AG , CH . Dico, reliquas GB , HD , vel esse æquales ipsis E , F ; vel esse earumdem æquemultiplices.

Quoniam enim ejusdem E multiplex est tam tota AB , quàm ablata AG ; erit reliqua GB , vel æqualis ipsi E , vel multiplex ejusdem. Sit itaque primum GB æqualis E . Dico, & HD esse etiam æqualem F .

Ponatur namque CK æqualis F . Et quoniam ex hypothese AG , CH sunt æquemultiplices ipsarum E , F , quibus quoque æquales sunt GB , CK ; erunt AB , KH earumdem E , F etiam æquemultiplices. Erit igitur AB tam multiplex ipsius E , quàm est KH ipsius F . Ex hypothese autem AB tam est multiplex ipsius E , quàm est CD ipsius F . Quare ejusdem F æquemultiplices erunt CD , KH ; ideoque æquales erunt inter se. Unde ablata communiqui CH , remanebunt HD , CK etiam inter se æqua-

æquales. Posita est autem CK æqualis F. Quare & HD eidem F pariter æqualis erit.

Sit secundò GB multiplex ipsius E. Dico, & HD esse æquemultiplicem ipsius F.

Ponatur namque CK tam multiplex ipsius F, quàm est GB ipsius E. Et quoniam ipsarum E, F æquemultiplices sunt tam AG, CH, quàm GB, CK; erunt [1] AB, KH earundem E, F etiam æquemultiplices. Unde, quum adhuc oriantur æquales CD, KH, ablata rursus communi CH, remanebit quoque HD æqualis CK, Posita est autem CK tam multiplex ipsius F, quàm est GB ipsius E. Quare & HD ipsius F erit quoque tam multiplex, quàm est GB ipsius E.

Si igitur duæ magnitudines æquemultiplices fuerint duarum magnitudinum, & ex iis ablatae quædam sint earundem æquemultiplices; erunt & reliquæ, vel iisdem æquales, vel earundem æquemultiplices. Quod erat demonstrandum.

PROP. VII. THEOR. VII.

Æquales ad eandem eandem habent rationem: & eadem ad æquales.

Sint A, & B duæ æquales magnitudines, sitque tertia quævis C. Dico primò, quod A ad C habeat eandem rationem, quam B ad C.

Sumantur enim ipsarum A, & B æquemultiplices D, & E; ipsius verd C multiplex utcumque capiatur, & sit F. Quia igitur A, &
B po-

(1) Prop. 2. hujus.



B ponuntur æquales inter se; ipsarum æquemultiplices D, & E inter se etiam æquales erunt. Et propterea vel una excedent, vel una deficient, vel una adæquabunt F. Quum ergo habeantur quatuor magnitudines. A prima, C secunda, B tertia, C quarta, & æquemultiplices primæ, & tertiæ vel una excedant, vel una deficient, vel una adæquent æquemultiplices secundæ, & quartæ; habebit [1] A ad C eandem rationem, quam B ad C.

Dico secundò, quod C ad A habeat quoque eandem rationem, quam C ad B.

Nam sumptis rursus, tum ipsarum A, & B æquemultiplicibus D, & E, cum ipsius C multiplice quovis F; quia propter æquales A, & B, æquales sunt etiam D, & E, perspicuum est, F vel una excedere, vel una deficere, vel una adæquare ipsas D, & E. Unde, quum etiam habeantur quatuor magnitudines, C prima, A secunda, C tertia, B quarta, & æquemultiplices primæ & tertiæ, vel una excedant, vel una deficient, vel una adæquent æquemultiplices secundæ, & quartæ; habebit (2) C ad A eandem rationem, quam C ad B.


Æquales igitur ad eandem eandem habent rationem: & eadem ad æquales. Quod erat demonstrandum.

PROP.

[1] Def. 6. hujus. [2] Def. 6. hujus.

PROP. VIII. THEOR. VIII.

Inæqualium magnitudinum major ad eandem majorem habet rationem : & eadem ad minorem .




Sint AB, & C duæ magnitudines inæquales, AB major, & C minor ; sitque D tertia quævis magnitudo . Dico primò, quòd AB ad D majorem habeat rationem, quàm C ad D.

Quoniã enim AB major est, quàm C, abscindatur ex AB portio aliqua AE, ita ut reliqua EB sit æqualis ipsi C. Tum ipsarum AE, EB æquemultiplices capiantur FG, GH hac lege, ut FG multiplex ipsius AE major sit, quàm D. Ipsius vero D multiplex sumatur IK, excedens GH magnitudine non majore, quàm D.

Et quoniam FG, GH æquemultiplices sunt ipsarum AE, EB ; erit (1) FH tam multiplex ipsius AB, quàm est GH multiplex ipsius EB, seu C. Et rursus, quoniam IK excedit GH magnitudine non majore, quàm D, atque est FG major, quàm D ; erit FH major, quàm IK. Quum ergo habeantur quatuor magnitudines, AB prima, D secunda, C ter-

(1) Prop. I. hujus.



C tertia, D quarta;
& sumptæ sint ta-
les æquemultiplici-
ces primæ, & ter-
tiæ, & tales secun-
dæ, & quartæ, ut
multiplex primæ
superet multipli-
cem secundæ, at
multiplex tertiæ
non superet mul-
tiplicem quartæ;

habebit (1) AB ad D maiorem rationem,
quàm C ad D.

Dico secundò, quòd D ad C maiorem
habeat rationem, quàm D ad AB.

Fiat etenim eadem constructio, & rursus
ostendetur, quòd IK multiplex ipsius D exce-
dat quidem GH multiplicem ipsius C, sed
non excedat FH multiplicem ipsius AB. Un-
de, quum habeantur quatuor magnitudines, D
prima, C secunda, D tertia, AB quarta; &
sumptæ sint tales æquemultiplices primæ,
& tertiæ, & tales secundæ, & quartæ, ut
multiplex primæ superet multiplicem se-
cundæ, at multiplex tertiæ non superet mul-
tiplicem quartæ; habebit (2) D ad C maio-
rem rationem, quàm D ad AB.

Inæqualium igitur magnitudinum major
ad eandem maiorem habet rationem; & ea-
dem ad minorem. Quod demonstrare oport-
tebat.

PROP.

[1] Def. 7. hujus. [2] Def. 7. hujus.]

Quæ ad eandem eandem habent rationem, inter se sunt æquales : & ad quas eandem eandem rationem habet, etiam inter se æquales sunt.

A |
B | C

Habeat primò A ad C eandem rationem, quam B ad C. Dico, A, & B æquales esse inter se.

Si enim inter se non sint æquales, altera ipsarum major erit. Sit igitur A major. Et quoniam inæqualium magnitudinum major ad eandem majorem (1) habet rationem; habebit A ad C majorem rationem, quam B ad C. Sed hoc est contra hypothesein: positum est enim, quod A ad C habeat eandem rationem, quam B ad C. Non igitur A, & B inter se sunt inæquales, sed æquales.

Habeat secundò C ad B eandem rationem, quam C ad B. Dico, A, & B esse etiam æquales inter se.

Si enim inter se non sint æquales, altera ipsarum minor erit. Sit igitur A minor. Et quoniam eadem majorem habet rationem (2) ad minorem, quàm ad majorem; habebit C ad A majorem rationem, quam C ad B. Sed hoc est contra hypothesein: positum est enim, quòd C ad A habeat eandem rationem, quàm C ad B. Non igitur A, & B inter se sunt inæquales, sed æquales.

M

Quæ

[1] *Prop. 8. hujus.*

[2] *Prop. 8. hujus.*

Quæ igitur ad eandem eandem habent rationem inter se sunt æquales, & ad quas eandem eandem rationem habet, etiam inter se æquales sunt, Quod erat ostendendum.

PROP. X. THEOR. X.

Ad eandem magnitudinem rationem habentiam, quæ majorem rationem habet, illa major est: ad quam verò eadem majorem habet rationem, illa est minor.



Habeat primò A ad C majorem rationem, quàm B ad C. Dico, A majorem esse, quàm B.

Si enim non est major, erit vel ei æqualis, vel eadem minor. Sit igitur primò A æqualis B. Et quoniam æquales (1) ad eandem eandem habent rationem; habebit A ad C eandem rationem, quàm B ad C; quod est contra hypothesim. Sit deinde A minor, quàm B. Et quoniam (2) minor ad eandem minorem habet rationem; habebit A ad C minorem rationem, quàm B ad C: quod etiam est contra hypothesim. Quare reliquum est, ut A major sit, quàm B.

Habeat secundò C ad B majorem rationem, quàm C ad A. Dico, B minorem esse, quàm A.

Si enim non est minor, erit vel ei æqualis, vel eadem major. Sit igitur primò B æqualis A. Et quoniam eadem ad æquales (3) eam-

(1) Prop. 7. hujus. (2) Prop. 8. hujus.

(3) Prop. 7. hujus.

eandem habet rationem; habebit C ad B eandem rationem, quàm C ad A : quod est contra hypothesim. Sit deinde B major, quàm A. Et quoniam eadem ad maiorem (1) minorem habet rationem; habebit C ad B minorem rationem, quàm C ad A : quod etiam est contra hypothesim. Quare reliquum est, ut B minor sit, quàm A.

Ad eandem itaque magnitudinem rationem habentium, quæ maiorem rationem habet, illa major est : ad quàm verò eadem maiorem habet rationem, illa est minor. Quod erat demonstrandum.

PROP. XI. THEOR. XI.

Rationes, quæ eidem sunt æquales, inter se sunt etiam æquales.




Rationi, quæ est inter B, & E, æqualis sit, tum ea, quæ est inter A, & D, cum illa, quæ est inter C, & F : aded nempe, ut A sit ad D; veluti est B ad E; & B sit ad E, ut est C ad F. Dico, rationem, quæ est inter A, & D esse æqualem rationi, quæ est inter C & F; hoc est A esse ad D, ut est C ad F.

Sumantur etenim æquemultiplices, tum antecedentium A, B, C, quæ sint G, H, I; cum consequentium D, E, F, quæ sint K, L, M. Et quoniam

M 2
A est

(1) Prop. 8. hujus.



A est ad D, ut B ad E; fiet hinc (1), ut G, & H, æquemultiplices ipsarum A, & B, vel una superent, vel una deficient, vel una adæquent K, & L, æquemultiplices ipsarum D, & E. Atque ita quoque, quia B est ad E, ut C ad F; fiet hinc, ut H, & I, æquemultiplices ipsarum B, & C, vel una majores, vel una minores, vel una æquales sint L, & M, æquemultiplicibus ipsarum E, & F. Unde etiam, sublatis mediis H, & L, erunt G, & I vel una majores, vel una minores, vel una æquales K, & M. Quum ergo habeantur quatuor magnitudines, A prima, D secunda, C tertia, F quarta, & ostensum sit, æquemultiplices primæ, & tertiæ, vel una excedere, vel una deficere, vel una adæquare æquemultiplices secundæ, & quartæ; erit (2) ut A ad D, ita C ad F. Quod erat demonstrandum.

PROP. XII. THEOR. XII.

Si fuerint quocumque magnitudines proportionales; erit, ut una antecedentium ad unam consequentium, ita omnes antecedentes ad omnes consequentes.

Sint quocumque magnitudines proportionales A, D, B, E, C, F: ita nempe, ut
A sit

(1) Def. 6. hujus. (2) Def. 6. hujus.

A sit ad D, veluti est B ad E. & B sit ad E, ut est C ad F. Dico omnes antecedentes A, B, C ad omnes consequentes D, E, F habere eandem rationem, quàm habet una antecedentium ad unam consequentium, hoc est vel A ad D vel B ad E, vel C ad F.

Capiantur etenim æquemultiplices tam antecedentium A, B, C, quæ sint G, H, I, quàm consequentium D, E, F, quæ sint K, L, M. Et quoniam A est ad D, ut B ad E; æquemultiplices ipsarum A, & B, quæ sunt G, & H, erunt (1) vel una majores, vel una minores, vel una æquales æquemultiplicibus ipsarum D, & E, quæ sunt K, & L. Atque ita quoque, quia B est ad E, ut C ad F; æquemultiplices ipsarum B, & C, quæ sunt H, & I, erunt vel una majores, vel una minores, vel una æquales æquemultiplicibus ipsarum E. & F, quæ sunt L, & M. Unde etiam omnes G, H, I perinde excedent, deficient, vel adæquabunt omnes K, L, M, ac una G excedit, deficit, vel adæquat unam K.

Rursus, quia G, H, I sunt æquemultiplices ipsarum A, B, C; erunt omnes G, H, I tam multiplices omnium A, B, C quàm est [2] una G multiplex unius A. Atque ita quoque, quia K, L, M sunt æquemultiplices ipsarum D, E, F; erunt omnes K, L, M tam multiplices omnium D, E, F, quàm est una K multiplex unius D. Unde quum habeantur quatuor magnitudines, prima, quæ componitur ex A, B, C, secunda, quæ componitur ex D, E, F, tertia A, & quarta D, & ostensum sit æquemultiplices primæ, & ter-

M 3


tiz

(1) Def 6. hujus. [2] Prop. 1. hujus.

tia vel una excedere, vel una deficere, vel una adæquare æquemultiplices secundæ, & quartæ; habebunt omnes A, B, C [1] ad omnes D, E, F eandem rationem, quàm habet una A ad unam D. Quod erat ostendendum.

PROP. XIII. THEOR. XIII.

Si prima habuerit ad secundam eandem rationem, quam tertia ad quartam: tertia autem ad quartam habuerit rationem majorem, quam quinta ad sextam; & prima ad secundam majorem quoque rationem habebit; quam quinta ad sextam.



Prima A ad secundam B habeat eandem rationem, quam tertia C ad quartam D. Tertia verò C ad quartam D habeat majorem rationem, quàm quinta E ad sextam F. Dico, & primam A ad secundam B habere quoque rationem majorem, quàm quinta E ad sextam F.

Quoniam enim C ad D habet majorem rationem, quàm E ad F; sumi poterunt (2) tales æquemultiplices ipsarum C, & E, & tales ipsarum D, & F, ut si ea, quæ refertur ad C, excedat illam, quæ refertur ad D, vicissim ea, quæ refertur ad E, non exce-

(1) Def. 6. hujus. [2] Def. 7. hujus.

excedat illam, quæ refertur ad F. Sumantur itaque hujusmodi æquemultiplices; & ipsarum quidem C, & E sint G, & H; ipsarum verò D, & F sint K, & L. Deinde fiat, ut M tam multiplex sit ipsius A, quàm est multiplex G ipsius C, vel H ipsius E; & ut N tam sit multiplex ipsius B, quàm est K ipsius D, vel L ipsius F.

Ex constructione igitur G superat K, sed H non superat L. Jam vero ex hypothesi C est ad D, ut A ad B; atque aded [1] si G superat K, etiam M superat N. Quare M superante N, H non superat L. Quum ergo habeantur quatuor magnitudines A prima, B secunda, E tertia, F quarta; & sumptæ sint tales æquemultiplices primæ, & tertiæ, & tales secundæ, & quartæ, ut multiplex primæ superet multiplicem secundæ, sed multiplex tertiæ non superet multiplicem quartæ; habebit A ad B majorem [2] rationem, quàm E ad F. Quod erat ostendendum.

PROP. XIV. THEOR. XIV.

Si quatuor magnitudines proportionales fuerint; prima, & secunda erunt vel una æquales, vel una majores, vel una minores tertia, & quarta.


Sint A, B, C, D quatuor magnitudines proportionales. Dico primò, quodd si A sit æqualis C, etiam B sit æqualis D.

Quum enim A sit æqualis C, habebit (3)

M 4

A ad

-
- (1) Def. 6. hujus. (2) Def. 7. hujus.
(3) Prop. 7. hujus.



A ad B eandem rationem, quam C ad B. Sed A est ad B, ut C ad D. Quare C ad B habebit (1) eandem rationem, quam C ad D : proindeque B [2] æqualis erit D.

Dico secundo, quòd si A major sit, quàm C, etiàm B major sit, quàm D.

Quoniam enim A major est, quàm C ; habebit (3) A ad B majorem rationem, quàm C ad B. Sed A est ad B, ut C ad D. Quare C ad D majorem quoque [4] habebit rationem, quàm C ad B : proindeque B (5) major erit, quàm D.

Dico denique, quòd si A minor sit, quàm C, etiàm B minor sit, quàm D.

Quoniam enim A minor est quàm C ; habebit C ad B [6] majorem rationem, quàm A ad B. Sed A est ad B, ut C ad D. Quare C ad B (7) majorem quoque rationem habebit, quàm C ad D : proindeque B (8) minor erit, quàm D.

Si igitur quatuor magnitudines proportionales fuerint; prima, & secunda erunt vel una æquales, vel una majores, vel una minores tertia, & quarta. Quod erat ostendendum.

PROP.

- | | |
|-----------------------------|-----------------------------|
| (1) <i>Prop. 11. hujus.</i> | (2) <i>Prop. 9. hujus.</i> |
| (3) <i>Prop. 8. hujus.</i> | [4] <i>Prop. 12. hujus.</i> |
| [5] <i>Prop. 10. hujus.</i> | (6) <i>Prop. 8. hujus.</i> |
| [7] <i>Prop. 13. hujus.</i> | [8] <i>Prop. 10. hujus.</i> |

PROP. XV. THEOR. XV.

Partes cum suis æquemultiplicibus comparatæ eandem cum iis servant rationem.



Partium A, B æquemultiplices sint CF, GK. Dico, A esse ad B, ut est CF ad GK.

Quoniam enim CF, GK sunt æquemultiplices ipsarum A, B; quot partes sunt in CF æquales A, tot erunt in GK æquales B. Dividatur ergo tam CF in partes CD, DE, EF æquales A, quàm GK in partes GH, HL, LK æquales B. Et quoniam æquales (1) ad eandem, vel etiam ad æquales eandem habent rationem; erit ut CD ad GH, ita DE ad HL; & ut DE ad HL, ita EF ad LK. Et propterea omnes CD, DE, EF ad omnes GH, HL, LK habebunt (2) eandem rationem, quàm una CD ad unam GH. Est igitur, ut CF ad GF, ita CD ad GH. Sed CD est æqualis A, & GH æqualis B. Quare erit etiam, ut CF ad GH, ita A ad B. Quod erat demonstrandum.

M 5

PROP.

(1) Prop. 7. hujus. (2) Prop. 12. hujus.

PROP. XVI. THEOR. XVI.

Si quatuor magnitudines proportionales fuerint; & permutando etiam proportionales erunt.



Sit A ad B, ut C ad D:
Dico, permutando A esse
ad C, ut est B ad D.

Sumantur enim ipsarum
A, & B æquemultiplices
E, & F; ipsarum verò C,
& D æquemultiplices G,
& H; eritque (1) tum E ad
F, ut A ad B; cum G ad
H, ut C ad D. Sed ex hy-
pothesi A est ad B, ut C
ad D. Quare erit (2) ut E
ad F, ita G ad H. Et pro-
pterea (3) E, & F erunt vel una æquales, vel
una majores, vel una minores ipsis G, & H.
Quum ergo habeantur quatuor magnitudines,
A prima, C secunda, B.tertia, D quarta, &
ostensum sit æquemultiplices primæ, & ter-
tiæ vel una excedere, vel una deficere, vel
una adæquare æquemultiplices secundæ, &
quartæ; habebit (4) A ad C eamdem ratio-
nem, quàm B ad D. Quod erat ostenden-
dum.


PROP.

[1] Prop. 12. hujus. (2) Prop. 15. hujus.

(3) Prop. 11. hujus. (4) Def. 6. hujus.

PROP. XVII. THEOR. XVII.

Si quatuor magnitudines proportionales fuerint ; & dividendo etiam proportionales erunt .



Habeat AB ad BC eamdem rationem, quàm DE ad EF. Dico, dividendo AC esse ad CB, ut est DF ad FE.

Ipsarum AC, CB, DF, FE capiantur eodem ordine æquemultiples : & sint GH, HI, LM, MN. Ipsarum autem CB, FE aliæ quævis æquemultiples sumantur, & sint IO, NP.


Quia igitur ipsarum AC, CB æquemultiples sunt GH, HI; crit (1) tota GI tam multiplex totius AB, quàm est una GH unius AC. Atque ita quoque, quia ipsarum DF, FE æquemultiples sunt LM, MN; erit tota LN tam multiplex totius DE, quàm est una LM unius DF. Est autem ex constructione GH tam multiplex ipsius AC, quàm est LM ipsius DF. Quare & GI tam quoque multiplex erit ipsius AB, quàm est LN ipsius DE.

Rursus quia earundem CB, FE æquemultiples sunt ex constructione, tam HI, MN, quàm IO, NP; erit (2) & HO tam mul-

M 6

tiple

[1] Prop. 1. hujus. (2) Prop. 2. hujus.



tiplex ipsius CB, quàm est
 MP ipsius FE. Sunt igitur
 GI, LN æquemultiplices
 ipsarum AB, DE, & HO, MP
 æquemultiplices ipsarum CB, FE. Est
 autem ex hypothesi, ut AB ad BC,
 ita DE ad EF. Quare (1) GI, LN
 erunt vel una majores, vel una
 minores, vel una æquales HO, MP;
 atque adeo demptis communibus HI, MN
 erunt etiam reliquæ GH, LM
 vel una majores, vel una minores,
 vel una æquales reliquis IO, NP.
 Sunt autem GH, LM æquemultiplices
 ipsarum AC, DF; suntque etiam IO, NP
 æquemultiplices ipsarum CB, FE. Quum
 ergo habeantur quatuor magnitudines AC
 prima, CB secunda, DF tertia, FE quarta, &
 ostensum sit æquemultiplices primæ, & ter-
 tiæ, vel una excedere, vel una deficere, vel una
 adæquare æquemultiplices secundæ, & quar-
 tæ; habebit (2) AC ad CB eandem ratio-
 nem, quàm DF ad FE. Quod erat ostenden-
 dum.

PROP.

(1) Def. 6. hujus. (2) Def. 6. hujus.

PROP. XVIII. THEOR. XVIII.

Si quatuor magnitudines proportionales fuerint ; & componendo etiam proportionales erunt .



Habeat AB ad BC eandem rationem , quàm DE ad EF . Dico, componendo AC esse ad CB, ut est DF ad FE.

Si enim AC non sit ad CB, ut est DF ad FE ; sit ut AC ad CB, ita DF ad FG . Et quoniam AC est CB, ut DF ad FG ; erit dividendo [1] ut AB ad BC, ita DG ad GF . Ex hypothese autem AB est ad BC, ut DE ad EF . Quare erit (2) ut DG ad GF, ita DE ad EF : quod quidem est absurdum ; quum si quatuor magnitudines proportionales fuerint, prima & secunda debeant (3) esse vel una æquales, vel una majores tertia, & quarta . Non igitur AC est ad CB, ut DF ad FG . Et propterea erit ut AC ad CB, ita DF ad FE . Quod demonstrare oportebat.

PROP. XIX. THEOR. XIX.

Si fuerit, ut tota ad totam, ita ablata ad ablatam ; erit & reliqua ad reliquam, ut tota ad totam.

TOta AB ad totam CD habeat eandem rationem, quàm ablata AE ad ablatam CF.

(1) Prop. 14. hujus. [2] Prop. 11. hujus.
(3) Prop. 16. hujus.



CF. Dico, & reliquam EB ad reliquam FD habere quoque eandem rationem, quàm habet tota AB ad totam CD.

Quoniam enim ex hypothefi AB est ad CD, ut AE ad CF; erit [1] permutando, ut AB ad AE, ita CD ad CF; atque adeò dividendo (2), ut EB ad AE, ita FD ad CF. Unde, quum rursus permutando sit ut EB ad FD, ita AE ad CF; atque ex hypothefi AE sit ad CF, ut est AB ad CD; erit tandem [3], ut EB ad FD, ita AB ad CD. Quod erat demonstrandum.

C O R O L L A R I U M.

Atque hinc facile colligi potest, quòd si quatuor magnitudines proportionales fuerint, eadem convertendo etiam proportionales sint. Sit enim, ut AB ad AE, ita CD ad CF. Dico, convertendo esse, ut AB ad EB, ita CD ad FD. Quum enim AB sit ad AE, ut CD ad CF; erit permutando, ut AB ad CD, ita AE ad CF; atque adeo per hanc propositionem erit, ut EB ad FD, ita AB ad CD; sive etiam, ut AB ad CD, ita EB ad FD. Unde rursus permutando erit, ut AB ad EB, ita CD ad FD.

PROP. XX. THEOR. XX.

Si tres magnitudines fuerint in ordinata ratione cum aliis totidem; primæ ipsarum erunt

(1) Prop. 16. hujus. (2) Prop. 17. hujus.

[3] Prop. 11. hujus.

erunt vel una æquales, vel una majores, vel una minores ultimis earumdem.



Sint tres magnitudines A, B, C in ordinata ratione cum aliis tribus magnitudinibus D, E, F: ita nempe, ut A sit ad B, veluti est D ad E; & B sit ad C, ut est E ad F. Dico primò, quod si A sit æqualis C, etiam D sit æqualis F.

Quoniam enim A est æqualis C; habebit [1] A ad B eandem rationem, quàm C ad B. Sed A est ad B, ut est D ad E; & ex eo, quodd B sit ad C, ut E ad F, est invertendo, ut C ad B, ita F ad E. Quare erit (2) ut D ad E, ita F ad E: proindeque [3] D æqualis erit F.

Dico secundò, quodd si A major sit, quàm C, etiam D sit major, quàm F.

Quoniam enim A est major, quàm C; habebit [4] A ad B majorem rationem, quàm C ad B. Sed A est ad B, ut D ad E; & ex eo, quodd B sit ad C, ut E ad F; est invertendo, ut C ad B, ita F ad E. Quare D ad E (5) majorem quoque habebit rationem, quàm F ad E: proindeque [6] D major erit, quàm F.

Dico denique, quodd si A minor sit, quàm C, etiam D sit minor, quàm F.

Quoniam enim A minor est, quàm C; ha-
be-

(1) Prop. 7. hujus. (2) Prop. 11. hujus.

(3) Prop. 9. hujus. [4] Prop. 8. hujus.

[5] Prop. 13. hujus. (6) Prop. 10. hujus.



bebit (1) C ad B majorem rationem, quàm A ad B. Sed A est ad B, ut D ad E; & ex eo, quòd B sit ad C, ut E ad F, est invertendo, ut C ad B, ita F ad E. Quare F ad E majorem [2] quoque rationem habebit, quàm D ad E. Et propterea (3) D minor erit, quàm F.

Si igitur tres magnitudines fuerint in ordinata ratione cum aliis tribus magnitudinibus; primæ ipsarum erunt, vel una æquales, vel una majores, vel una minores ultimis earundem. Quod erat ostendendum.

PROP. XXI. THEOR. XXI.

Si tres magnitudines fuerint in perturbata ratione cum aliis tribus magnitudinibus; primæ ipsarum quoque erunt, vel una æquales, vel una majores, vel una minores ultimis earundem.

Sint tres magnitudines A, B, C in perturbata ratione cum aliis tribus magnitudinibus D, E, F: ita nempe, ut A sit ad B, veluti est E ad F; & B sit ad C, ut est D ad E. Dico primò, quòd si A sit æqualis C, etiam D sit æqualis F.

Quoniam enim A est æqualis C; erit (4) ut

(1) Prop. 8. hujus. (2) Prop. 13. hujus.
(3) Prop. 10. hujus. [4] Prop. 7. hujus.

ut A ad B, ita C ad B. Sed A est ad B, ut E ad F; & ex eo, quod B sit ad C, ut D ad E, est invertendo, ut C ad B, ita E ad D. Quare erit (1), ut E ad F, ita E ad D: proindeque (2) D æqualis erit F.

Dico secundò, quod si A sit major, quàm C, etiam D major sit, quàm F.

Quoniam enim A major est, quàm C; habebit (3) A ad B majorem rationem, quàm C ad B. Sed A est ad B, ut E ad F; & ex eo, quod B sit ad C, ut D ad E, est invertendo, ut C ad B, ita E ad D. Quare E ad F majorem (4) quoque rationem habebit, quàm E ad D: proindeque (5) D major erit, quàm F.

Dico denique, quod si A sit minor, quàm C, etiam D minor sit, quàm F.

Quoniam enim A minor est, quàm C; habebit (6) C ad B majorem rationem, quàm A ad B. Sed A est ad B, ut E ad F; & ex eo, quod B sit ad C, ut D ad E, est invertendo, ut C ad B, ita E ad D. Quare E ad D habebit quoque (7) majorem rationem, quàm E ad F. Et propterea (8) D minor erit, quàm F.


Si igitur tres magnitudines fuerint in perturbata ratione cum aliis tribus magnitudinibus; primæ ipsarum erunt, vel una æquales, vel una majores, vel una minores ultimis earundem. Quod erat demonstrandum.

PROP.

-
- | | |
|-----------------------------|-----------------------------|
| (1) <i>Prop. 11. hujus.</i> | (2) <i>Prop. 9. hujus.</i> |
| (3) <i>Prop. 8. hujus.</i> | (4) <i>Prop. 13. hujus.</i> |
| (5) <i>Prop. 10. hujus.</i> | (6) <i>Prop. 8. hujus.</i> |
| (7) <i>Prop. 13. hujus.</i> | (8) <i>Prop. 10. hujus.</i> |

PROP.XXII. THEOR.XXII.

Si tres magnitudines fuerint in ordinata ratione cum aliis tribus magnitudinibus ; prima ipsarum ad ultimas ex æquali in eadem ratione erunt.



Sint tres magnitudines A, B, C in ordinata ratione cum aliis tribus magnitudinibus D, E, F : ita nempe , ut A sit ad B , veluti est D ad E ; & B sit ad C , ut E ad F . Dico , ex æquali A esse ad C , ut est D ad F .

Capiantur enim ipsarum quidem A, & D æquemultiples G, & L ; ipsarum vero B , & E æquemultiples H, & M ; ac denique ipsarum C, & F æquemultiples K, & N . Quia ergo A est ad B , ut D ad E ; erit etiam (1) ut G ad H , ita L ad M . Pariterque , quia B est ad C , ut E ad F ; erit quoque ut H ad K , ita M ad N . Unde tres magnitudines G, H, K erunt etiam in ordinata ratione cum aliis tribus magnitudinibus L, M, N . Et propterea G , & L erunt (2) vel una æquales , vel una majores , vel una minores K , & N . Quum itaque habeantur quatuor magnitudines , A prima , C secunda , D tertia , F quarta , & ostensum sit , æquemultiples primæ , & tertiæ vel una

(1) Prop. 4. hujus. [2] Prop. 20. hujus.

una excedere, vel una deficere, vel una aequare æquemu tiplices secundæ, & quartæ; habebit (1) A ad C eamdem rationem, quam D ad F. Quod erat demonstrandum.

COROLLARIUM.

Quod si magnitudines, quæ sunt in ordinatæ ratione cum a iis totidem. plures fuerint, quàm tres; adhuc primæ ipsarum ad ultimas ex æquali in eadem ratione erunt. Ponatur enim, quod non modo A sit ad B, ut D ad E; & B ad C, ut E ad F; verum etiam, quod C sit ad aliam quæ vocetur N, ut F ad aliam quæ vocetur O. Dico, ex æquali A esse ad N, ut est D ad O. Nam in tribus magnitudinibus ostensum jam est, A esse ad C, ut est D ad F. Quum ergo C sit ad N, ut est F ad O; erunt tres magnitudines A, C, N in ordinata ratione cum aliis tribus magnitudinibus D, F, O. Et propterea per hanc propositionem A erit ad N, ut est D ad O.


PROP. XXIII. THEOR. XXIII.

Si tres magnitudines fuerint in perturbata ratione cum aliis totidem magnitudinibus; primæ ipsarum ad ultimas ex æquali in eadem ratione erunt.

Sint tres magnitudines A, B, C in perturbata ratione cum aliis tribus magnitudinibus D, E, F: ita nempe, ut A sit ad B, veluti est E ad F; & B sit ad C, ut D ad E. Dico, ex æquali A esse ad C, ut est D ad F.

Su-

[1] Def. 6. hujus.



Sumantur etenim, ipsarum quidem A, B, D æquemultiplices G, H, L; ipsarum verò C, E, F æquemultiplices K, M, N. Et quoniam G, & H sunt æquemultiplices ipsarum A, & B; erit, ut G ad H (1), ita A ad B. Pariterque, quia M, & N sunt æquemultiplices ipsarum E, & F; erit, ut M ad N, ita E ad F. Est autem

ex hypothesis, ut A ad B, ita E ad F. Quare erit (2) quoque, ut G ad H, ita M ad N.

Rursus, quia ex hypothesis B est ad C, ut D ad E, & ipsarum quidem B, & D æquemultiplices sunt H, & L, ipsarum verò C, & E æquemultiplices sunt K, & M; erit quoque (3) ut G ad K, ita L ad M. Ostensum est autem, G esse ad H, ut est M ad N. Tres ergo magnitudines G, H, K sunt etiam in perturbata ratione cum aliis tribus magnitudinibus L, M, N; & idcirco G, & K erunt (4) vel una æquales, vel una majores, vel una minores L, & N.

Quum ergo habeantur quatuor magnitudines, A prima, C secunda, D tertia, F quarta, atque primæ, & tertiæ æquemultiplices G, & K vel una excedant, vel una deficient, vel una adæquent æquemultiplices

[1] Prop. 15. hujus. (2) Prop. 11. hujus.

[3] Prop. 4. hujus.

(4) Prop. 21. hujus.

ces secundæ, & quartæ L, & N; habebit [1]
 A ad C eandem rationem, quàm D ad F.
 Quod erat ostendendum.

COROLLARIUM.

Quod si magnitudines, quæ sunt in perturbata ratione cum aliis totidem, plures fuerint, quàm tres; adhuc primæ ipsarum ad ultimas ex aequali in eadem ratione erunt. Sint enim quatuor magnitudines A, B, C, N in perturbata ratione cum quatuor magnitudinibus D, E, F, O; ita nempe, ut A sit ad B, veluti est F ad O; B ad C, ut E ad F; & C ad N, ut D ad E. Dico, ex aequali esse, ut A ad N, ita D ad O. Nam in tribus magnitudinibus ostensum jam est, A esse ad C, ut est E ad O. Quum ergo C sit ad N, ut est D ad E; erunt tres magnitudines A, C, N in perturbata ratione cum tribus magnitudinibus D, E, O. Et propterea per hanc propositionem A erit ad N, ut est D ad O.

PROP. XXIV. THEOR. XXIV.

Si prima ad secundam habuerit eandem rationem, quam tertia ad quartam: fuerit autem, ut quinta ad secundam, ita sexta ad quartam; erit composita ex prima, & quinta ad secundam, ut composita ex tertia, & sexta ad quartam.

Prima AB ad secundam C habeat eandem rationem, quàm tertia DE ad quartam F.
 Quin-

(1) Def. 6. hujus.



Quinta autem BG ad secundam C habeat quoque eandem rationem, quam sexta EH ad quartam F. Dico, compositam esse primam, & quinta AG esse ad secundam C, ut est composita tertia, & sexta DH ad quartam F.


Quoniam enim BG est ad C, ut EH ad F; erit invertendo, ut C ad BG, ita F ad EH. Unde quum sit ut AB ad C, ita DE ad F; erunt tres magnitudines AB, C, BG in ordinata ratione cum tribus magnitudinibus DE, F, EH: proindeque ex æquali ordinando [1] erit, ut AB ad BG, ita DE ad EH; atque aded, componendo (2), ut AG ad BG, ita DH ad EH. Est autem, ut BG ad C, ita EH ad F. Tres itaque magnitudines AG, BG, C erunt etiam in ordinata ratione cum aliis tribus magnitudinibus DH, EH, F. Unde rursus ex equali ordinando erit, ut AG ad C, ita DH ad F. Quod erat demonstrandum.

PROP.XXV. THEOR.XXV.

Si quatuor magnitudines proportionales fuerint; maxima, & minima simul reliquis duabus majores erunt.

Habeat AB ad CD eandem rationem, quam E ad F; sitque AB omnium maxima,

[1] Prop.22.hujus. (2) Prop.18.hujus.



xima, & F omnium minima. Dico, duas AB, & F simul sumptas majores esse reliquis duabus CD, & E simul etiam acceptis.

Auferantur ex AB quidem portio AG æqualis E, ex CD verò portio CH æqualis F. Et quoniam ex hypothefi AB est ad CD ut E ad F, atque est AG æqualis E, & CH æqualis F; erit etiam, ut AB ad CD, ita AG ad CH. Unde,

quum sit, ut tota AB ad totam CD, ita ablata AG ad ablatam CH; erit quoque (1) ut tota AB ad totam CD, ita reliqua GB ad reliquam HD. Et propterea, quemadmodum AB, velut omnium maxima, major est, quàm CD, ita [2] erit GB major, quàm HD. Sunt autem ex constructione æquales inter se, tum AG, & E, cum F, & CH. Quare, si istæ iis addantur, fient AB, & F majores, quàm CD, & E: ac proinde, si quatuor magnitudines proportionales fuerint; maxima, & minima reliquis duabus majores erunt. Quod erat demonstrandum.

MONITUM.

Quæ sequuntur Propositiones Euclidis non sunt, sed a Campano, & aliis adjectæ, quæ apud

(1) Prop. 19. hujus. (2) Prop. 14. hujus.

apud gravissimos Auctores frequens est usus ipsarum, nec minus, quàm præcedentes, quasi Euclidis essent, citari solent.

PROP.XXVI. THEOR.XXVI.

Si prima ad secundam habuerit maiorem rationem, quàm tertia ad quartam; habebit invertendo secunda ad primam minorem vicissim rationem, quàm quarta ad tertiam.



Habeat A ad B maiorem rationem, quàm C ad D. Dico, invertendo B ad A habere vicissim minorem rationem, quàm D ad C.

Intelligatur etenim E esse ad B, ut est C ad D. Et quoniam ex hypothesis A ad B habet maiorem rationem, quàm C ad D; habebit (1) etiam A ad B maiorem rationem, quàm E ad B: proindeque A major (2) erit, quàm E. Quò igitur A major sit, quàm E, habebit (3) B ad E maiorem rationem, quàm B ad A. Sed invertendo B est ad E (4) ut D ad C. Quare D ad C (5) maiorem quoque rationem habebit, quàm B ad A. Et propterea, si prima ad secundam habuerit maiorem rationem, quàm tertia ad quartam; habebit invertendo secunda ad primam minorem vicissim rationem, quàm quarta ad tertiam. Quod erat demonstrandum.

SCHO-

-
- (1) Prop. 1. hujus. [2] Prop. 10. hujus.
 (3) Prop. 8. hujus. [4] Coroll. 4. hujus.
 (5) Prop. 15. hujus.

Simili autem ratione ostendetur, quod si prima ad secundam habuerit minorem rationem, quam tertia ad quartam; invertendo secunda ad primam habeat vicissim majorem rationem, quam quarta ad tertiam.

PROP. XXVII. THEOR. XXVII.

Si prima ad secundam habuerit majorem rationem, quam tertia ad quartam; habebit permutando prima ad tertiam majorem quoque rationem, quam secunda ad quartam.

Habeat A ad B majorem rationem, quàm C ad D. Dico, permutando A ad C habere quoque majorem rationem, quàm B ad D.

Intelligatur etenim E esse ad B, ut est C ad D. Et quoniam ex hypothesi A ad B majorem rationem habet, quàm C ad D; habebit etiam (1) A ad B majorem rationem, quàm E ad B: proindeque A

major (2) erit, quàm E. Quum igitur A major sit, quàm E; habebit (3) A ad C majorem rationem, quàm E ad C. Est autem permutando (4) ut E ad C, ita B ad D. Quare A ad C (5) majorem quoque rationem habebit, quàm B ad D. Et propterea, si prima ad secundam habuerit majorem rationem, quàm tertia ad quartam; habebit permutando prima ad tertiam majorem quoque rationem, quàm se-

N

cun-

(1) Prop. 1. hujus. [2] Prop. 10. hujus.

(2) Prop. 8. hujus. [4] Prop. 16. hujus.

(3) Prop. 13. hujus.


cunda ad quartam , Quod erat demonstrandum ,

SCHOLIUM.

Simili autem ratione ostendetur, quod si prima ad secundam habuerit minorem rationem, quam tertia ad quartam; permutando prima ad tertiam minorem quoque rationem habeat, quam secunda ad quartam.

PROP. XXVIII. THEOR. XXVIII.

Si prima ad secundam habuerit maiorem rationem, quam tertia ad quartam; habebit componendo prima cum secunda ad secundam maiorem quoque rationem, quam tertia cum quarta ad quartam,



Habeat AB ad BC maiorem rationem, quam DE ad EF. Dico, componendo AC ad BC habere quoque maiorem rationem, quam DF ad EF.

Intelligatur etenim, GB esse ad BC, ut DE ad EF. Et quoniam ex hypothesi AB ad BC maiorem rationem habet, quam DE ad EF; habebit [1] etiam AB ad BC maiorem rationem, quam GB ad BC: proindeque AB major [2] erit quam GB; additaque communi BC, erit etiam AC major quam GC. Quum igitur AC major sit, quam GC; habebit [3] AC ad BC maiorem rationem, quam

[1] Prop. 13. hujus. [2] Prop. 10. hujus.

[3] Prop. 8. hujus.

quàm GC ad BC. Sed componendo GC est ad BC, ut (1) DF ad EF. Quare AC, ad BC (2) majorem quoque rationem habebit, quàm DF ad FE. Et propterea, si prima ad secundam habuerit majorem rationem, quàm tertia ad quartam; habebit componendo prima cum secunda ad secundam majorem quoque rationem, quàm tertia cum quarta ad quartam. Quod erat demonstrandum.

S C H O L I U M.

Simili autem ratione ostendetur, quòd si prima ad secundam habuerit minorem rationem, quam tertia ad quartam: componendo prima cum secunda ad secundam minorem quoque rationem habeat, quam tertia cum quarta ad quartam.

PROP.XXIX. THEOR.XXIX.

Si prima ad secundam habuerit majorem rationem, quam tertia ad quartam; habebit dividendo excessus, quo prima superat secundam ad secundam majorem quoque rationem, quam excessus, quo tertia superat quartam ad quartam.

HAbeat AC ad BC majorem rationem, quàm DF ad EF. Dico, dividendo AB ad BC habere quoque majorem rationem quàm DE ad EF.

Intelligatur etenim GC esse ad BC, ut est DF ad EF. Et quoniam ex hypothese AC

N 2

est

(1) Prop.18.bujus. (2) Prop.13.bujus.

est ad BC in maiore ratione, quàm DF ad EF; habebit etiam (1) AC ad BC maiorem rationem, quàm GC ad BC : proindeque AC (2) maior erit, quàm GC; & idè ablata communi BC, erit etiam AB maior, quàm CB. Quum igitur AB maior sit, quàm CB; habebit AB ad BC (3) maiorem rationem, quàm GB ad BC. Est autem dividendo (4), ut GB ad BC., ita DE ad EF; quare AB ad BC [5] maiorem quoque rationem habebit, quàm DE ad EF. Et propterea, si prima ad secundam habuerit maiorem rationem, quàm tertia ad quartam; habebit dividendo excessus, quo prima superat secundam ad secundam maiorem quoque rationem, quàm excessus, quo tertia superat quartam ad quartam. Quod demonstrare oportebat.

S C H O L I U M,

Simili autem ratione ostendetur, quòd si prima ad secundam habuerit minorem rationem, quàm tertia ad quartam; dividendo excessus, quo prima superat secundam ad secundam minorem quoque habeat rationem, quàm excessus, quo tertia superat quartam ad quartam.

PROP.XXX. THEOR.XXX.

Si prima ad secundam habuerit maiorem rationem, quàm tertia ad quartam; habebit
con-

-
- (1) Prop. 13. hujus (2) Prop. 10. hujus.
 (3) Prop. 8. hujus. (4) Prop. 17. hujus.
 (5) Prop. 23. hujus.

convertendo prima ad excessum, quo prima superat secundam, minorem vicissim rationem, quam tertia ad excessum, quo tertia superat quartam.

AGBC
DEEF

Habet AC ad BC majorem rationem; quàm DF ad EF. Dico, con-

vertendo AC ad AB habere vicissim minorem rationem, quàm DF ad DE.

Quoniam enim ex hypothese AC ad BC habet majorem rationem, quàm DF ad EF; habebit (1) dividendo AB ad BC majorem quoque rationem, quàm DE ad EF. Unde, quum invertendo (2) BC ad AB habeat vicissim minorem rationem, quàm EF ad DE; habebit componendo [3] AC ad AB minorem quoque rationem, quàm DF ad DE: proindeque, si prima ad secundam habuerit majorem rationem, quàm tertia ad quartam; habebit convertendo prima ad excessum, quo prima superat secundam minorem vicissim rationem, quàm tertia ad excessum, quo tertia superat quartam. Quod erat ostendendum.

SCHOLIUM.

Simili autem ratione ostendetur, quod si prima ad secundam habuerit minorem rationem: quam tertia ad quartam; convertendo prima ad excessum, quo prima superat secundam, habeat vicissim majorem rationem quàm

N

3


ter-

-
- [1] Prop. 19. hujus. [2] Prop. 26. hujus.
[3] Prop. 28. hujus.

tertia ad excessum, quo tertia superat quartam.

PROP.XXXI. THEOR.XXXI.

Si tres magnitudines habuerint cum aliis tribus rationem ordinatam majorem; habebit ex æquali ordinando prima priorum ad ultimam majorem quoque rationem, quam prima posteriorum ad ultimam.



Tres magnitudines A, B, C cum aliis tribus D, E, F servant rationem ordinatam majorem: ita nempe, ut A ad B habeat majorem rationem, quàm D ad E; & B ad C majorem, quàm E ad F. Dico, ex æquali ordinando A ad C habere quoque majorem rationem, quam D ad F.

Intelligatur etenim G esse ad C, ut est E ad F. Et quoniam ex hypothese B ad C majorem rationem habet, quàm E ad F; habebit quoque (1) B ad C majorem rationem, quàm G ad C: proindeque (2) B major erit, quàm G. Quum igitur B major sit, quàm G; habebit (3) A ad G majorem rationem, quàm ad B: ex hypothese autem A ad B majorem rationem habet, quam D ad E. Quare A ad G multò majorem rationem habebit, quàm D ad E.

In-

-
- (1) Prop. 13. hujus. (2) Prop. 10. hujus.
(3) Prop. 8. hujus.

Intelligatur rursus H esse ad G, ut est D ad E. Et quoniam ex ostensis A ad G maiorem rationem habet, quàm D ad E; habebit A ad G maiorem quoque rationem, quàm H ad G: proindeque A maior erit, quàm H; eritque propterea A ad C in maiore ratione, quàm H ad C. Jam verò ex æquali ordinando H ad C habet eandem rationem, quàm D ad F[1]. Quare A ad C maiorem quoque rationem (2) habebit, quàm D ad F. Et propterea, si tres magnitudines servant cum aliis tribus rationem ordinatam maiorem; habebit ex æquali ordinando prima priorum ad ultimam maiorem quoque rationem, quàm prima posteriorum ad ultimam. Quod erat ostendendum.

SCHOLIUM I.

Quod si magnitudines servantes rationem ordinatam maiorem cum aliis totidem plures fuerint, quàm tres; ostendetur, primam priorum ad ultimam habere quoque maiorem rationem, quam prima posteriorum ad ultimam, idque eadem methodo, qua usi sumus in Scholio propositionis vigesimæ secundæ.

SCHOLIUM II.

Simili autem ratione ostendemus, quod si plures magnitudines cum aliis totidem fuerint in ratione ordinata minore, ex æquali ordinando prima priorum ad ultimam minorem quoque rationem habeat, quam prima posteriorum ad ultimam.

N 4

PROP.

[1] Prop. 22. hujus. (2) Prop. 13. hujus.

PROP.XXXII. THEOR.XXXII.

Si tres magnitudines servant cum aliis tribus rationem perturbatam majorem; habebit ex aequali perturbando prima priorum ad ultimam majorem quoque rationem, quam prima posteriorum ad ultimam.



Tres magnitudines A, B, C servant cum aliis tribus D, E, F rationem perturbatam majorem: ita nempe, ut A ad B habeat majorem rationem, quàm E ad F: & B ad C majorem, quàm D ad E. Dico; ex æquali perturbando A ad C habere quoque majorem rationem, quàm D ad F.

Intelligatur enim G esse ad C, ut est D ad E. Et quoniam ex hypothese B ad C majorem rationem habet, quàm D ad E; habebit quoque (1) B ad C majorem rationem, quàm G ad C; proindeque (2) B major erit, quàm G. Quum igitur B major sit, quàm G; habebit [3] A ad G majorem rationem, quàm A ad B. Ex hypothese autem A habet ad B majorem rationem, quàm E ad F. Quare A ad G multò majorem rationem habebit, quàm E ad F.

Intelligatur rursus H esse ad G, ut est E ad F. Et quoniam ex ostensis A ad G habet majorem rationem, quàm E ad F; habebit A ad

(1) Prop. 13. hujus. [2] Prop. 10. hujus.

(3) Prop. 8. hujus.

A ad G majorem quoque rationem, quàm H ad G: proindeque A major erit, quàm H; eritque propterea A ad C in majore ratione, quàm H ad C. Jam verò ex æquali perturbando (1) H est ad C, ut D ad F. Quare A ad C (2) majorem quoque rationem habebit, quàm D ad F: proindeque, si tres magnitudines cum aliis tribus fuerint in ratione perturbata majore; ex æquali perturbando prima priorum ad ultimam majorem quoque rationem habebit, quàm prima posteriorum ad ultimam. Quod erat ostendendum.

SCHOLIUM I.

Quod si magnitudines servantes rationem perturbatam majorem cum aliis totidem fuerint plures, quàm tres; ostendemus primam priorum ad ultimam majorem quoque rationem habere, quam prima posteriorum ad ultimam, idque eadem omnino methodo, qua usi sumus in Scholio propositionis vigesima tertiae.

SCHOLIUM II.

Simili autem ratione ostendemus, quod si plures magnitudines cum aliis totidem fuerint in ratione perturbata minore, ex æquali perturbando prima priorum ad ultimam minorem quoque habeat rationem, quam prima posteriorum ad ultimam.

N 5

PROP.

[1] Prop. 23. hujus. (2) Prop. 15. hujus.

PROP. XXXIII. THEOR. XXXIII.

Si tota ad totam habeat maiorem rationem, quam ablata ad ablatam; & reliqua ad reliquam maiorem quoque rationem habebit, quam tota ad totam.



Habeat tota AB ad totam CD maiorem rationem, quàm ablata AE ad ablatam CF. Dico, reliquam EB ad reliquam FD maiorem quoque rationem habere, quàm tota AB ad totam CD.

Quoniam enim ex hypothesi AB ad CD habet maiorem rationem, quàm AE ad CF; habebit permutando AB ad AE maiorem quoque rationem (1), quàm CD ad CF. Jam verò convertendo (2) AB ad EB minorem rationem habet, quàm CD ad FD. Quare rursus permutando AB ad CD habebit minorem quoque rationem, quàm EB ad FD. Et propterea ratio, quàm habet EB ad FD, major erit ratione, quàm habet AB ad CD. Si igitur tota ad totam habuerit maiorem rationem, quàm ablata ad ablatam; & reliqua ad reliquam maiorem quoque rationem habebit, quàm tota ad totam. Quod erat demonstrandum.

S C H O L I U M.

Ex ipso autem demonstrandi modo patet, quod si tota ad totam habuerit minorem ratio-


tionem

(1) Prop. 27. hujus. (2) Prop. 30. hujus.

tionem, quam ablata ad ablatam; reliqua ad reliquam minorem quoque rationem habeat, quam tota ad totam.

PROP. XXXIV. THEOR. XXXIV.

Si quotcumque magnitudines comparatae cum aliis totidem constituent rationes, quarum antecedens subsequente semper major sit; habebunt omnes priores ad omnes posteriores maiorem quidem rationem, quam ultima priorum ad ultimam posteriorum; minorem vero, quam prima priorum ad primam posteriorum.




Sint magnitudines A, B, C, & aliæ iis numero æquales D, E, F; habeatque A ad D maiorem, rationem quàm B ad E; itemque B ad E maiorem, quàm C ad F. Dico primo, quod omnes A, B, C ad omnes D, E, F habeant maiorem rationem, quàm C ad F.

Quoniam enim ex hypothesi A ad D maiorem habet rationem, quàm B ad E; habebit permutando (1) A ad B maiorem quoque rationem, quàm D ad E; & consequenter componendo [2] A, & B simul ad B maiorem adhuc rationem habebunt, quàm D, & E simul ad E. Et quoniam ex hypothesi B ad E maiorem habet rationem, quàm C ad F; habebit permutando B ad C maiorem quoque rationem, quàm E ad F. Unde ex

N 6

æqua-

[1] Prop. 27. hujus. (2) Prop. 28. hujus.



æquali ordinando (1) A, & B simul ad C habebunt majorem adhuc rationem, quàm D, & E simul ad F. Quumque rursus componendo habeant A, B; C simul ad C majorem rationem, quàm D, E, F simul ad F; habebunt tandem permutando omnes A, B, C ad omnes D, E, F majorem quoque rationem, quàm C ad F.

Dico secundò, quod omnes A, B, C ad omnes D, E, F minorem habeant rationem, quàm A ad D.

Quoniam enim ex hypothefi B ad E majorem habet rationem, quàm C ad F; habebit permutando B (2) ad C majorem quoque rationem, quàm E ad F; & consequenter componendo (3) B, & C simul ad C majorem adhuc rationem habebunt, quàm E, & F simul ad F. Unde, quum convertendo (4) B, & C simul ad B minorem habeant rationem, quàm E, & F simul ad E, & invertendo (5) B ad A minorem habeat rationem, quàm E ad D; habebunt ex æquali ordinando [6] B, & C simul ad A minorem quoque rationem, quàm E, & F simul ad D. Quare, quum rursus componendo omnes A, B, C ad A minorem habeant rationem, quàm omnes D, E, F ad D; habebunt tandem per-

-
- (1) *Prop. 31. hujus.* (2) *Prop. 27. hujus.*
 (3) *Prop. 28. hujus.* [4] *Prop. 30. hujus.*
 (5) *Prop. 26. hujus.* (6) *Prop. 31. hujus.*

LIBER QUINTUS. 301

mutando omnes A, B, C ad omnes D, E, F
minorem adhuc rationem, quam A ad D.

Si igitur quotcumque magnitudines comparatæ cum aliis totidem constituent rationes, quarum antecedens subsequente semper major sit; habebunt omnes priores ad omnes posteriores maiorem quidem rationem, quam ultima priorum ad ultimam posteriorum; minorem verò quam prima priorum ad primam posteriorum. Quod erat demonstrandum.

S C H O L I U M.

Non dissimiliter autem ostendetur, quod si quotcumque magnitudines comparatæ cum aliis totidem constituent rationes, quarum antecedens subsequente semper minor sit; omnes priores ad omnes posteriores minorem quidem rationem habeant, quam ultima priorum ad ultimam posteriorum; maiorem verò, quam prima priorum ad primam posteriorum.

SCHOLIUM GENERALE.

In tradenda proportionum doctrina, ab Euclidis methodo eam per æquemultiplicia ostendentis, nihil quidem recessimus: quod sane nemo, opinor, vitio nobis vertet; quum, si res attentè perpendatur, ejusmodi proportionum doctrina Euclidea nullo vitio laborare compariatur. Neque enim alia ratione doctrinam istam putant communiter Recentiores mancā esse, ac imperfectā, quā quia lex illa æquemultiplicium, qua cognoscuntur magnitudines proportionales, velut principium ab Eu-
cli-

elide fuit assumpta, quum tamen ex ipsorum sententia sua deberet ratione fulciri. Sed immeritò ab Euclide id exigunt, ut qui magno mentis acumine talem cuderit rationis definitionem, ut sine illa lege quæ sint quatuor magnitudines proportionales, seu eandem rationem habentes in systemate suo nemo cognoscere queat. Jure id autem exigent ab iis, qui vocantes rationem, comparisonem duarum magnitudinum ejusdem generis, factam ratione continentiae, sine ulla demonstratione eandem illam legem usurparent. Nam, qui ita se gererent, jam quatuor magnitudinum proportionalium duas notas diversas assumerent, unam nempe, quum prima toties continet secundam, quoties tertia continet quartam; & alteram, quum æquemultiplicia prima, & tertia, vel una superant, vel una deficiunt, vel una adæquant æquemultiplicia secunda, & quarta. Itaque quum apud Recentiores jam invaluerit, rationem definire, comparisonem duarum magnitudinum ejusdem generis institutam ratione continentiae; atque aded vocare magnitudines proportionales, quæ ejusmodi sunt, ut quoties prima continet secundam, toties tertia contineat quartam: proinde, ut doctrina Euclidea etiam juxta has rationis, ac proportionis definitiones subsistere possit, visum est sequentia theoremata hoc loco subungere.

T H E O R. I.

Si prima toties contineat secundam, quoties tertia continet quartam; æquemultiplices primæ, & tertiæ, vel una excedent, vel una deficiunt, vel una adæquabunt æquemultiplices secundæ, & quartæ.

Bri-



Prima *A* toties continet secundam *B*, quoties tertia *C* continet quartam *D*. Sumantur autem ipsarum quidem *A*, et *C* æquemultiples *E*, et *F*; ipsarum verò *B*, et *D* æquemultiples *G*, et *H*. Dico, *E*, et *F* vel una excedere, vel una deficere, vel una adæquare *G*, & *H*.

Ponamus etenim primò, quod *E* major sit, quàm *G*. Jamque, si *F* non sit major, quàm *H*; sed vel minor, vel æqualis; continebit *E* magis *G*, quàm *F* continet *H*. Sed *G*, & *H* sunt æquemultiples ipsarum *B*, et *D*; atque aded *G* toties continet *B*, quoties *H* continet *D*. Quare etiam *E* magis continebit *B*, quàm *F* continet *D*. Ex hypothesi autem *B* toties continetur in *A*, quoties *D* continetur in *C*. Quare rursus *E* magis continebit *A*, quàm *F* continet *C*: quod quidem est falsum; quum *E*, et *F* sint æquemultiples ipsarum *A*, et *C*.

Ponamus secundò, quod *E* minor sit, quàm *G*. Jamque si *F* non sit minor, quàm *H*, sed vel major, vel æqualis; continebit *E* minus *G*, quàm *F* continet *H*. Sed *G*, et *H* sunt æquemultiples ipsarum *B*, et *D*; atque aded *G* toties continet *B*, quoties *H* continet *D*. Quare etiam *E* minus continebit *B*, quàm *F* continet *D*. Ex hypothesi autem *B* toties continetur in *A*, quoties *D* continetur in *C*. Quare rursus *E* minus continebit *A*, quàm *F* continet *C*: quod quidem adhuc est falsum; quum *E*, et *F* sint æquemultiples ipsarum *A*, et *C*.

Ponamus denique, quod E sit æqualis G . Jamque, si F non sit æqualis H ; erit vel major, vel minor. Unde, quum in primo casu E minus contineat G , quam F continet H , & in in secundo E magis contineat G , quàm F continet H ; semper ostendetur, E non perinde continere A , ac F continet C : quod quum falsum sit, concludendum est, quod si prima toties contineat secundam, quoties tertia continet quartam; æquemultiplices primæ, & tertiæ vel una excedant, vel una deficiant, vel una adequent æquemultiplices secundæ, & quartæ. Quod erat demonstrandum.

T H E O R. II.

Si prima magis contineat secundam, quam tertia continet quartam, sumi poterunt tales æquemultiplices primæ, & tertiæ, itemque tales secundæ, & quartæ, ut si multiplex primæ excedat multiplicem secundæ, multiplex tertiæ non excedat multiplicem quartæ.

Prima AB magis contineat secundam D , quàm tertia E continet quartam F . Dico, tales æquemultiplices sumi posse ipsarum AB , & E , itemque tales ipsarum D , & F , ut si multiplex ipsius AB excedat multiplicem ipsius D , multiplex ipsius E non excedat multiplicem ipsius F .

Quoniam enim ex hypothesi AB magis continet D , quàm E continet F , abscindi potest ex AB portio aliqua BC , ita ut reliqua CA toties contineat D , quoties E continet F . Tum ipsarum BC , CA , & E æquemultiplices capiantur GH , HI , & L , hac tamen lege, ut GH multiplex ipsius BC major sit, quàm D . Denique ipsarum D , & F sumantur æquemultiplices M , & N , hac rursus lege, ut M multiplex ip-
sius

sius D superet HI magnitudine non maiore, quàm D, sed vel aequali, vel minore.


Et quoniam GH, HI sunt aquemultiplices ipsarum BC, CA; erit per primam huius GI tam multiplex ipsius AB, quam est GH ipsius BC, vel HI ipsius CA, vel denique L ipsius E. Sunt igitur GI, & L aquemultiplices ipsarum AB, & E. Suntque etiam ex constructione M, & N aquemultiplices ipsarum D, & F. Dico itaque, quod GI excedat M, sed vicissim

L non excedat N.

Quod enim GI excedat M, id liquet abundè. Nam, ex constructione, M superat HI magnitudine non maiore, quàm D. Sed posuimus GH maiorem esse quàm D. Itaque M superat HI magnitudine minore, quàm GH: & propterea tota GI excedet M. Quod verò vicissim L non excedat N, demonstrabimus id quidem hoc pacto.

Si fieri potest L excedat N. Et quoniam HI minor est, quàm M, continebit L magis N, quàm HI continet M. Sed M, & N sunt aquemultiplices ipsarum D, et F; atque aded M toties continet D, quoties N continet F. Quare etiam L magis continebit F, quàm HI continet D. Ex constructione autem D toties

con-



continetur in CA , quoties F continetur in E . Quare rursus L magis continebit E , quàm HI continet CA : quod quidem est falsum: quum HI , & L sint equemultiplices ipsarum CA , & E .

Concludamus igitur, quod si prima magis contineat secundam, quam tertia continet quartam; tales equemultiplices sumi possint prima, & tertia, itemq; tales secunda, & quarta, ut si multiplex prima excedat, multiplicem secundam, multiplex tertia non excedat multiplicem quartam. Quod erat demonstrandum.

T H E O R. III.

Si equemultiplices prima, & tertia vel una excedant, vel una deficient, vel una adequens equemultiplices secunda, & quarta; continebit prima toties secundam, quoties tertia continet quartam.

Nam si ita non sit, sed prima magis contineat secundam, quam tertia continet quartam; jam per theorema secundum sumi poterunt tales equemultiplices prima, & tertia, itemque tales secunda, & quarta, ut si multiplex prima excedat multiplicem secundam, multiplex

plex tertia non excedat multiplicem quarta :
Posuimus autem, æquemultiplices prima, &
tertia vel una excedere, vel una deficere, vel
una adæquare æquemultiplices secunda, &
quarta. Necesse est igitur, ut prima toties
contineat secundam, quoties tertia continet
quartam. Quod erat demonstrandum.

T H E O R. IV.

Si sumi possunt tales æquemultiplices prima,
& tertia, itemque tales secunda, & quarta, ut
multiplex prima excedat multiplicem secunda,
sed multiplex tertia non excedet multiplicem
quarta; prima magis continebit secundam,
quam tertia continet quartam.

Sint quatuor magnitudines, AB prima, D
secunda, E tertia, & F quarta, Dico, quod si
sumi possint tales æquemultiplices prima, &
tertia, itemque tales, secunda, & quarta, ut
multiplex prima superet multiplicem secunda,
at multiplex tertia non superet multiplicem
quarta, prima AB magis contineat secundam
D, quam tertia E continet quartam F.

Sumantur enim ejusmodi æquemultiplices;
& ipsarum quidem AB, & E, sint GI, & L;
ipsarum vero D, & F sint M, & N. Quo-
niam igitur ex hypothesi GI superat M, sed L
non superat N; continebit GI magis M, quam
L continet N. Jam vero M, & N sunt æque-
multiplices ipsarum D, & F; atque adeo quo-
ties M continet D, toties N continet F. Qua-
re etiam GI magis continebit D, quam L con-
tinet F. Sunt autem GI, & L æquemultipli-
ces ipsarum AB, & E; ac proinde quoties GI
continet AB, toties L continet F. Quare
etiam

etiam *AB* magis continebit *D*, quam *E* continet *F*. Et propterea, si fuerint quatuor magnitudines, & sumi possint tales æquemultiplices primæ, & tertiæ, itemque tales secundæ, & quartæ, ut multiplex primæ superet multiplicem secundæ, sed multiplex tertiæ non superet multiplicem quartæ; prima magis continebit secundam, quàm tertia continet quartam. Quod erat demonstrandum.



GEOMETRIÆ PLANÆ ELEMENTORUM LIBER SEXTUS.

DEFINITIONES.

I.



*Similes figura rectilinea sunt, quæ
& angulos, singulos singulis,
æquales habent, & latera circum
æquales angulos proportionalia.*

Unde ad adstruendam duarum
figurarum rectilinearum simili-
tudinem, duo quidem ostendi debent. Pri-
mum, ut habeant angulos, singulos singulis,
æquales. Deinde, ut habeant latera, quæ cir-
cum æquales angulos sunt proportionalia.
Quocirca, si anguli unius figuræ, æquales fue-
rint angulis alterius figuræ, singuli singulis,
at latera circa æquales angulos existentia non
fuerint proportionalia; vel contra latera
unius figuræ proportionem respondeant la-
teribus alterius figuræ, sed anguli, circa
quos sunt latera proportionalia; non fuerint
æquales: ejuscemodi figuræ nequaquam si-
miles dici possunt.

II,

*Reciproca autem figura sunt, quum in utra-
que ipsarum sunt antecedentes, & consequen-*

des rationum. Vel clarius, quum in una quidem figura est antecedens primæ rationis, & consequens secundæ; in altera verò figura est consequens primæ rationis; & antecedens secundæ. Num autem termini isti diversarum rationum debeant esse circum æquales angulos; id nec ipsa definitio indicat, nec Interpretum quisquam advertit. Sed crediderim, hanc quoque conditionem requiri, ut figuræ dicantur reciproæ; quemadmodum colligere licet ex propositionibus decima-quarta, & decimaquinta hujus libri, in quibus de his figuris differitur.

III.

Recta linea, dicitur secari extrema ac media ratione, quum ita quidem dividitur, ut tota recta linea sit ad majus segmentum, ut est majus ad minus. Patebit autem inferius, secari quidem rectam lineam extrema, ac media ratione, si per undecimam secundi ita quidem dividatur, ut rectangulum, quod fit ex tota, & uno segmentorum, æqualæ sit quadrato alterius segmenti. Coeterum lineæ hoc modo divisæ utilitates innumeræ penè sunt: unde nonnulli rationem, qua linea hoc pacto dividitur, divinam appellarunt. Sed dicitur vulgò divisa extrema, ac media ratione; quia unum segmentorum, in quæ dividitur, fit medius terminus proportionis continuæ, alterum terminus extremus.

IV.

Altitudo cujuscumque figuræ; est perpendicularis, quæ a vertice ad basim demittitur: nempe quia perpendicularis est minima omnium rectarum, quæ à vertice ad basim duci possunt; & utpote talis, est certæ, ac
de-

determinatæ longitudinis; cujusmodi profectò debent esse rerum mensuræ. Hinc itaque patet, duas figuras æquales altitudines habere, si utique æquales fuerint perpendiculares, quæ ex ipsarum verticibus ad bases demittuntur. Erunt verò dictæ perpendiculares æquales, quum bases figurarum, & vertices vel sunt in iisdem parallelis, vel saltem in iisdem parallelis constitui possunt.

V.

Quantitas, seu exponens, vel denominator rationis est id, quod indicat, quoties antecedens continet consequentem. Sic quantitas rationis, quam habet 10 ad 2, est 5; quia 10 quinquies continet 2. Pariterque quantitas rationis, quàm habet 12 ad 3, est 4; quia 12 quater continet 3. Unde patet, rationes æquales eandem quantitatem habere. Nam vocantur rationes æquales, quum antecedentium æquemultiplicia quævis vel una deficiunt, vel una adæquant, vel una superant æquemultiplicia consequentium utcumque sumpta: quod profectò quum accidit, ostensum fuit à nobis, antecedentem unius rationis toties continere suum consequentem, quoties consequentem suum continet antecedens alterius rationis.

VI.

Ratio dicitur componi ex duabus, aut pluribus rationibus, quum ejus quantitas prodit ex multiplicatione quantitatum illarum rationum. Sic ratio, quàm habet 18 ad 3, componitur ex ratione, quàm habet 4 ad 2, & ex ratione, quàm habet 12 ad 4; nam quantitas illius est 6, quantitates verò istarum sunt 2, & 3: profectò autem, si 2 mul-

tiplicetur per 3, prodibit 6. Atque ita quoque ratio, quam habet 48 ad 2, componitur ex ratione, quàm habet 4 ad 2, ex ratione, quàm habet 9. ad 3, & ex ratione, quàm habet 12 ad 3, nam quantitas illius quæ est 24, oritur multiplicando inter se quantitates istarum, quæ sunt 2, 3, & 4.

Ex quo patet, quod si fuerint plures magnitudines, ratio, quam prima habet ad ultimam, componatur ex rationibus, quas ex, excepta ultima, habent ad suas subsequentes. Ut si fuerint plures magnitudines 48, 12, 6, 2; habebit 48. ad 2 rationem compositam ex rationibus, quas habent 48 ad 12, 12 ad 6. & 6 ad 2, Nam quantitas rationis, quàm habet 48 ad 2, est 24: quæ quidem oritur, multiplicando inter se quantitates rationum, quas habent 48 ad 12, 12 ad 6, & 6 ad 2, quæ sunt 4, 2, & 3.

VII.

Ratio, quæ componitur ex duabus rationibus equalibus, dicitur duplicata cujusque illarum; quemadmodum triplicata quum componitur ex tribus rationibus equalibus; quadruplicata, quum ex quatuor; atque ita deinceps. Ita ratio, quàm habet 18 ad 2, componitur ex rationibus, quas habent 6 ad 2, & 12 ad 4. Unde, quia duæ istæ rationes sunt æquales inter se; dicetur illa duplicata cujusque istarum. Atque ita quoque, quia ratio, quàm habet 54 ad 2, componitur ex tribus rationibus æqualibus, quas habent 6 ad 2, 2 ad 4, & 15 ad 5; dicetur illa triplicata cujusque istarum.

Ex quo patet, quod si fuerint tres magnitudines continuè proportionales A, B. C, ita
nempe,


LIBER SEXTUS. 313

nempe ut A sit ad B, veluti est B ad C; ratio, quam habet prima A ad tertiam C duplicata sit ejus, quam habet vel prima A ad secundam B, vel secunda B ad tertiam C. Nam ratio, quam habet A ad C, componitur ex rationibus, quas habent A ad B, & B ad C. Unde quum ex hypothese duæ istæ rationes sint æquales inter se; erit cujusque ipsarum duplicata ratio, quam habet A ad C.

Similiter autem, si fuerint quatuor magnitudines continuè proportionales A, B, C, D, ita nempe, ut A sit ad B, veluti est B ad C, & B sit ad C, veluti est C ad D; ratio, quam habet prima A ad quartam D triplicata erit ejus, quam habet vel prima A ad secundam B, vel secunda B ad tertiam C, vel tertia C ad quartam D. Nam ratio, quam habet A ad D componitur ex rationibus, quas habent A ad B, B ad C, & C ad D. Unde quum tres istæ rationes sint æquales inter se; erit cujusque ipsarum triplicata ratio, quam habet A ad D.

PROP. I. THEOR. I.


Triangula, & parallelogramma eandem altitudinem habentia inter se sunt ut bases.



Sint primum duo triangula ABC, ACD, quæ posita super eandem rectam BD habeant eundem verticem A, & consequenter eandem altitudinē: dico triangulum ABC esse ad trian-

O

gu-



gulum ACD ut est
basis BC ad basim
 CD .

Extendatur enim
tum BC in directum
versus H , quum DC
in directum versus
 I : deinde super
 CH capiantur por-
tiones BG , GH

æquales ipsi BC , & super CI portio DI æqua-
lis CD . Denique jungantur AG, AH, AI .

Et quoniam ex constructione æquales inter
se sunt tum rectæ CB , BG , GH , quum rectæ
 CD , DI : erunt æqualia etiam inter se tum
triangula ACB , ABG , AGH , quum triangu-
la ACD , ADI ; quare quoties BC , CD me-
tiuntur CH , CI , toties triangula ABC , ACD
metientur triangula ACH , ACI . Jam vero
triangulum ACH est æquale, majus, vel mi-
nus triangulo ACI pro ut basis CH est æqua-
lis, major, vel minor basi CI . Itaque quum
habeantur quatuor magnitudines triangulum
 ABC prima, triangulum ACD secunda, basis
 BC tertia, & basis CD quarta; & ostensum sit
æquemultiplices primæ, & tertiæ vel una ex-
cedere, vel una deficere, vel una adæquare
æquemultiplices secundæ, & quartæ, erit ut
triangulum ABC ad triangulum ACD ita ba-
sis BC ad basim CD .

Sint secundò duo parallelogramma AB ,
 AD , quæ sint constituta inter easdem parallas
 BD , EF , & consequenter, non secus ac trian-
gula, eandem habeant altitudinem. Dico,
parallelogrammum AB ad parallelograme-
mum


num AD esse etiam, ut basis BC ad basim CD.

Quoniam enim diagonalis dividit parallelogrammum [1] in duo triangula æqualia; erit tam parallelogrammum AB duplum trianguli ABC, quàm parallelogrammum AD duplum trianguli ACD. Quare erit, ut parallelogrammum AB ad parallelogrammum AD; ita triangulum ABC ad triangulum ACD. Oñsum est autem, triangulum ABC esse ad triangulum ACD, ut est basis BC ad basim CD. Erit igitur quoque (2) ut parallelogrammum AB ad parallelogrammum AD, ita basis BC ad basim CD.

Triangula igitur, & parallelogramma, quæ eandem habent altitudinem, inter se sunt ut bases. Quod erat demonstrandum.

PROP. II. THEOR. II.

Si uni laterum trianguli parallela recta linea ducatur, ea secabit alia duo latera proportionaliter; & vicissim si secet proportionaliter duo latera trianguli, ea tertio lateri parallela erit.



Sit triangulum ABC, in quo ducatur recta DE, quæ secans latera AB, AC in punctis D, & E parallela sit ipsi BC. Dico, rectam istam DE proportionaliter secare latera AB, AC: ita nempe, ut AD sit ad DB, ut est AE ad EC.

O 2

Jun-

[1] Prop. 34. lib. 1. (2) Prop. 11. lib. 5.

Jungantur etenim rectæ BE, CD. Et quoniam triangula BDE, CDE habent eandem basim DE, & constituta sunt in iisdem parallelis DE, BC; erit triangulum BDE [1] æquale triangulo CDE. Quare erit (2), ut triangulum ADE ad triangulum BDE, ita idem triangulum ADE ad triangulum CDE. Jam verò triangulum ADE est ad triangulum BDE (3), ut est AD ad BD; itemque triangulum ADE est ad triangulum CDE, ut est AE ad EC. Quare erit [4] ut AD ad DB, ita AE ad EC.

Sed secet vicissim recta DE proportionaliter latera AB, AC in punctis D, & E. Dico rectam DE parallelam esse ipsi BC.

Jungantur similiter rectæ BE, CD. Et quoniam ex hypothese AD est ad DB, ut AE ad EC; atque est AD ad DB [5], ut triangulum ADE ad triangulum BDE; & AE ad EC, ut triangulum ADE ad triangulum CDE; erit ut triangulum ADE ad triangulum BDE (6), ita idem triangulum ADE ad triangulum CDE: proindeque triangulum BDE (7) æquale erit triangulo CDE. Unde, quum duo ista triangula habeant eandem basim DE, & sint ad eandem partem posita; erunt etiam (8) in iisdem parallelis. Et propterea DE parallela erit ipsi BC.

Si igitur uni laterum trianguli parallela recta linea ducatur, ea secabit alia duo latera proportionaliter; & vicissim si secet pro-

por-

(1) Prop. 37. lib. I. (2) Prop. 7. lib. 5.

(3) Prop. I. hujus. (4) Prop. II. lib. 5.


(5) Prop. I. hujus. (6) Prop. II. lib. 5.

(7) Prop. 9. lib. 5. (8) Prop. 39. lib. I.

portionaliter duo trianguli latera, ea parallela erit lateri tertio. Quod erat demonstrandum.

PROP. III. THEOR. III.

Recta, quæ secat angulum, verticalem aliquus trianguli bifariam, secabit basim in ratione laterum; & vicissim recta, quæ secat basim aliquus trianguli in ratione laterum, secabit angulum verticalem bifariam.



Sit triangulum ABC, ejusque angulus verticalis BAC secetur bifariam per rectam AD. Dico, rectam istam AD secare basim BC in ratione laterum AB, AC: ita nempe, ut BD sit ad DC velut


ti est latus AB ad latus AC.

Ducatur enim (1) per punctum C recta CE ipsi AD parallela, quæ conveniat cum latere AB producto in E. Et quoniam rectæ AD, CE sunt parallelæ, & in ipsas incidit AC; erunt (2) anguli alterni DAC, ACE æquales inter se. Est autem ex hypothese angulus DAC æqualis angulo BAD. Quare eidem angulo BAD æqualis quoque erit angulus ACE. Jam verò, propter easdem parallelas AD, CE, angulus BAD æqualis est angulo AEC. Quare erit angulus AEC

O 3

æqua-

[1] Prop. 31. lib. 1. (2) Prop. 29. lib. 1.



$\angle$ æqualis angulo A-
CE. Et propterea
latera AC, AE an-
gulos illos subten-
dencia [1] æqualia
erunt inter se.
Quum igitur AC
sit æqualis AE, ha-
bebit [2] AB ad AC
eamdem rationem,

quàm AB ad AE. Sed AB est ad AE (3), ut
BD ad DC. Erit itaque (4) ut AB ad AC, ita
BD ad DC.

Sed recta AD secet vicissim basim BC in
ratione laterum AB, AC. Dico, eamdem
rectam AD secare quoque bisariam angulum
verticalem BAC.

Nam ex hypothefi BD est ad DC, ut AB
ad AC. Sed [5] BD est ad DC, ut AB ad AE.
Quare erit (6) ut AB ad AC, ita AB ad AE. Et
propterea AC, AE æquales erunt inter se (7).
Quum itaque triangulum CAE isosceles sit,
erit (8) angulus ACE æqualis angulo AEC.
Sed propter parallelas AD, CE [9] angulus
ACE æqualis est angulo CAD, & angulus
AEC æqualis est angulo BAD. Quare erit
angulus CAD æqualis quoque angulo BAD:
& ided angulus BAC scetus erit bisariam per
rectam AD.

Re-


-
- | | |
|-----------------------|-----------------------|
| (1) Prop. 6. lib. 1. | (2) Prop. 7. lib. 5. |
| (3) Prop. 2. hujus. | [4] Prop. 11. lib. 5. |
| (5) Prop. 2. hujus. | [6] Prop. 11. lib. 5. |
| (7) Prop. 9. lib. 5. | (8) Prop. 5. lib. 1. |
| (9) Prop. 29. lib. 1. | |

LIBER SEXTUS. 319

Recta igitur, quæ secat angulum verticalem alicujus trianguli bifariam, secabit basim in ratione laterum; & vicissim recta, quæ secat basim alicujus trianguli in ratione laterum, secabit angulum verticalem bifariam.

PROP. IV. THEOR. IV.

Triangula æquiangula habent latera circum æquales angulos proportionalia; & homologa sunt latera illa, quæ æquales angulos subtendunt.



Sint ABC, DCE duo triangula æquiangula, quæ nempe habeant angulum ABC æqualem angulo DCE, angulum BCA æqualem an-


gulo CED, & angulum CAB æqualem angulo EDC. Dico, eadem triangula habere quodque latera circum æquales angulos proportionalia, & illa quidem latera, proportionem sibi correspondere, quæ angulos æquales subtendunt; hoc est esse, ut AB ad BC, ita DC ad CE; ut BC ad CA, ita CE ad ED; & ut CA ad AB, ita ED ad DC.

Disponantur etenim triangula ABC, DCE ita quidem, ut latera BC, CE jaceant in directum. Et quoniam duo anguli [1] ABC, BCA sunt minores duobus rectis, atque est ex hypothese angulus BCA æqualis angulo CED; erunt duo anguli ABC, CED simili-

O 4

ter

[1] Prop. 17. lib. I.



ter duobus rectis
minores. Quum igitur
in rectas AB,
DE incidat tertia
BE, & efficiat angulos
internos ad
eamdem partem

duobus rectis minores; rectæ AB, DE nequaquam (1) erunt parallelæ, sed convenient productæ ad eam partem, in qua fiunt anguli minores duobus rectis. Producantur itaque rectæ AB, DE, & convenient in F.

Et quoniam ex hypothese in rectas BF, CD tertia incidens BE efficit angulum exteriores DCE æqualem interiori, & opposito ad eamdem partem ABC; erunt (2) rectæ BF, CD inter se parallelæ. Similiter, quia in rectas CA, EF tertia incidens BE efficit ex hypothese angulum exteriores BCA æqualem interiori, & opposito ad eamdem partem CED; erunt rectæ CA, EF etiam inter se parallelæ. Quare parallelogrammum erit ACDF; eritque adeo [3] tum AC æqualis FD, cum AF æqualis CD.

Et quoniam in triangulo BFE ducta est AC ipsi EF parallela, erit (4) ut AB ad AF, ita BC ad CE. Est autem AF æqualis CD. Quare erit quoque, ut AB ad CD, ita BC ad CE. Et propterea permutando erit [5] ut AB ad BC, ita DC ad CE. Similiter, quia in eodem triangulo BEF ducta est CD ipsi BF

(1) *Axiom. 13.*

(3) *Prop. 32 lib. 1.*

[5] *Prop. 16 lib. 5.*

[2] *Prop. 28 lib. 1.*

[4] *Prop. 2 huius.*

BF parallela, erit ut BC ad CE, ita DF ad DE. Est autem DF æqualis AC. Quare erit quoque ut BC ad CE, ita AC ad DE; atque adeò permutando erit, ut BC ad CA, ita CE ad ED. Quum igitur ostensum sit, AB esse ad BC, ut est DC ad CE, & BC esse ad CA, ut est CE ad ED; erit etiam ex æquali ordinando [1] ut AB ad AC, ita DC ad DE; atque adeò invertendo, ut CA ad AB, ita ED ad DC. Quod erat demonstrandum.

Triangula igitur æquiangula habent etiam latera circum æquales angulos proportionalia, & homologa sunt latera illa, quæ angulos æquales subtendunt.

COROLLARIUM.

Ex quo patet, triangula æquiangula esse etiam similia inter se. Nam figura similes dicuntur illæ, quæ habent angulos angulis æquales, singulos singulis; & latera circum æquales angulos proportionalia. Quum igitur ostensum sit, triangula æquiangula habere quoque latera circa angulos æquales proportionalia; consequens est, ut triangula æquiangula sint etiam inter se similia.

PROP. V. THEOR. V.


Triangula, quæ latera habent proportionalia, erunt etiam æquiangula; & æquales habebunt eos angulos, quos homologa latera subtendunt.

Sint duo triangula ABC, DEF, quæ habeant latera proportionalia; hoc est AB sit ad BC, ut

O 5

BC, ut

[1] Prop. 21 lib. I.



BC, ut DE ad EF; & BC sit ad Ca, ut EF ad FD. Dico, eadem triangu-
la esse etiam æqui-
angula, & æqua-
les habere angu-
los illos, qui ab
homologis late-

ribus subtenduntur: nempe angulum BAC æ-
qualem esse angulo EDF, angulum ABC æ-
qualem angulo DEF, & angulum ACB æqua-
lem angulo DFE.

Fiat enim (1) angulus FEG æqualis angulo
ABC, & angulus EFG æqualis angulo ACB,
convenientque rectæ EG, FG in G, eritque
reliquus angulus EGF, æqualis quoque reliquo
angulo BAC. Quum igitur duo triangu-
la ABC, GEF sint æquiangulara; erit [2] ut AB
ad BC, ita GE ad EF; & ut BC ad CA, ita EF
ad FG. Sed ex hypothesi AB est ad BC, ut DE
ad EF; & BC est ad CA, ut EF ad FD. Quare
erit [3], ut DE ad EF, ita GE ad EF; & ut EF
ad FD, ita EF ad FG. Quum itaque DE, GE
habeant ad EF eandem rationem; erunt [4]
DE, GE æquales inter se. Pariterque, quum
eadem EF habeat eandem rationem ad FD,
quàm ad FG; erunt FD, FG etiam inter se
æquales. Quare, quum duo triangu-
la DEF, GEF habeant duo latera DE, DF æqualia
duobus lateribus GE, GF, alterum alteri, nec
non

(1) Prop. 23. lib. 1. (2) Prop. 4. hujus.
(3) Prop. 11. lib. 5. (4) Prop. 9. lib. 5.

non basim EF communem; habebunt quoque [1] angulum EDF æqualem angulo EGF; atque aded æquales pariter (2) reliquos angulos; singulos singulis, hoc est angulum DEF æqualem angulo GEF, & angulum DFE æqualem angulo GFE. Est autem ex constructione angulus EGF æqualis angulo BAC, angulus GEF æqualis angulo ABC, & angulus GFE æqualis angulo ACB. Quare erit angulus BAC æqualis angulo EDF, angulus ABC æqualis angulo DEF, & angulus ACB æqualis angulo DFE. Et propterea triangula, quæ latera habent proportionalia, erunt etiam æquiangula, & æquales habebunt angulos illos, quos homologa latera subtendunt. Quod erat demonstrandum.

COROLLARIUM.

Ex quo patet, triangula, quæ latera habent proportionalia, esse etiam similia inter se. Nam figura similes dicuntur illæ, quæ non modo latera habent proportionalia, verum etiam æquales angulos, circa quos sunt latera proportionalia. Quum igitur ostensum sit, triangula, quæ latera proportionalia habent, esse etiam æquiangula, & æquales habere angulos illos, quos homologa latera subtendunt; consequens est, ut triangula, quæ latera proportionalia habent, sint etiam similia inter se.

PROP. VI. THEOR. VI.


Triangula, quæ unum angulum uni angulo æqualem habent, & latera circum illos angulos

O 6

gulos

[1] Prop. 8. lib. 1. [2] Prop. 4. lib. 1.

gulos proportionalia, sunt etiam æquiangula, & æquales habent angulos illos, quos homologa latera subtendunt.



Sint duo trian-
gula ABC, D-
EF, quæ ha-
beant angulum
BAC æqualem
angulo EDF,
nec non latera
circum istos
angulos pro-
portionalia: ita
nempe, ut BA
sit ad AC, ut est
ED ad DF. Di-
co, eadē trian-
gula esse etiam
æquiangula, &
æquales habere
angulos illos,
quos homolo-

ga latera subtendunt; hoc est angulum ABC
æqualem esse angulo DEF, angulum verò
ACB æqualem angulo DFE.

Fiat enim (1) angulus FDG æqualis angulo BAC, seu EDF, & angulus DFG æqualis angulo ACB; convenientque rectæ DG, FG in G; eritque reliquus angulus DGF æqualis quoque reliquo angulo ABC. Quum igitur duo triângula ABC, DGF ex constructione sint æquiangula; erit (2) ut AB ad AC, ita DG ad DF. Est autem ex hypothese, ut

(1) *Prop. 22 lib. 1.* (2) *Prop. 4. hujus.*

ut AB ad AC, ita DE ad DF. Quare erit [1] ut DE ad DF, ita DG ad DF. Et propterea, quum duæ DE, DG habeant ad DF eamdem rationem, erunt (2) DE, DG æquales inter se. Unde, quia duo triangula DEF, DGF habent duo latera DE, DF æqualia duobus lateribus DG, DF, alterum alteri, nec non æquales angulos sub æqualibus lateribus contentos; habebunt quoque [3] reliquos angulos reliquis angulis æquales, singulos singulis, hoc est angulum DGF æqualem angulo DEF, & angulum DFG æqualem angulo DFE. Jam verò ex constructione angulus DGF æqualis est angulo ABC, & angulus DFG æqualis est angulo ACB. Quare erit angulus ABC æqualis angulo DEF, & angulus ACB æqualis angulo DFE: proindeque triangula, quæ unum angulum uni angulo æqualem habent, & latera circum istos angulos proportionalia, erunt etiam æquiangula, & æquales habebunt angulos illos, quos homologa latera subtendunt, Quod erat ostendendum.

COROLLARIUM.


Ex quo patet, triangula, quæ habent unum angulum uni angulo æqualem, & latera circum istos angulos proportionalia, esse etiam similia inter se. Nam hujusmodi triangula ostensa sunt inter se æquiangula. Sed triangula æquiangula sunt pariter similia. Quare & ipsa ista triangula similia erunt inter se.

PROP.

[1] Prop. 11. lib. 5. [2] Prop. 9. lib. 5.
[3] Prop. 4. lib. 1.

PROP. VII. THEOR. VII.

Triangula, quæ unum angulum uni angulo æqualem habent, latera verò circum alios angulos proportionalia, & reliquos angulos proportionalia, & reliquos angulos ejusdem speciei inter se, hoc est vel utrumque acutum, vel utrumque obtusum, erunt etiam æquiangulara, & æquales habebunt angulos illos, circa quos sunt latera proportionalia.



Sint duo triangula ABC, DEF quæ habeant angulum BAC æqualem angulo EDF. Sint

deinde proportionalia latera, quæ sunt circa angulos ABC, DEF; hoc est AB sit ad BC, ut est DE ad EF. Denique reliqui anguli ACB, DFE sint ejusdem speciei inter se; hoc est, vel ambo acuti, seu recto minores, vel ambo obtusi, seu recto majores. Dico, eadem triangula esse etiam æquiangulara inter se, & æquales habere angulos illos, circa quos sunt latera proportionalia, nempe angulum ABC æqualem esse angulo DEF.

Si enim angulus ABC non sit æqualis angulo DEF, alter ipsorum major erit. Sit itaque major angulus ABC. Quare fiat angulus ABG [1] æqualis angulo DEF. Quumque

[1] Prop. 23 lib. 1.

que angulus BAC positus sit æqualis angulo EDF; erit reliquus angulus AGB æqualis reliquo angulo DFE; atque aded duo triangula ABG, DEF quum æquiangula sint, erit [1] ut AB ad BG, ita DE ad EF. Est autem ex hypothesis, ut AB ad BC, ita DE ad EF. Quare erit [2], ut AB ad BC, ita AB ad BG. Et propterea, quum eadem AB habeat eandem rationem ad BC, quam ad BG; erunt [3] CB, BG æquales inter se. Isosceles est itaque triangulum BCG; eritque aded [4] angulus BCG æqualis angulo BGC. Jam verò ex hypothesis angulus BCG est ejusdem speciei cum angulo EFD, qui ex constructione adæquat angulum BGA. Quare angulus CGB erit etiam ejusdem speciei cum angulo BGA; eruntque aded ambo vel recto minores, vel recto majores. Sed hoc fieri non potest: debent enim simul [5] duos rectos adæquare. Non igitur angulus ABC major est, sed æqualis angulo DEF. Et propterea triangula, quæ unum angulum uni angulo æqualem habent, latera verò circum alios angulos proportionalia; & reliquos angulos ejusdem speciei inter se, erunt etiam æquiangula, & æquales habebunt angulos illos, circa quos sunt latera proportionalia. Quod erat demonstrandum.

COROLLARIUM.

Ex quo patet, triangula, quæ unum angulum uni angulo æqualem habent, latera verò circum alios

[1] Prop. 4. hujus. [2] Prop. 11. lib. 5.

[3] Prop. 9. lib. 5. [4] Prop. 5. lib. 1.

[5] Prop. 13. lib. 1.

alios angulos proportionalia, & reliquos angulos ejusdem speciei inter se, esse etiam similia. Nam hujusmodi triangula ostensa sunt inter se equi-angula. Sed triangula equiangulara sunt pariter similia. Quare & ipsa illa triangula similia erunt inter se.

SCHOLIUM.

Vides igitur, similitudinem duorum triangulorum quatuor modis ostendi posse. Primum nempe, si triangula sint equiangulara. Secundò, si habeant latera proportionalia. Tertio, si habeant unum angulum uni angulo aequalem, & latera circum istos angulos proportionalia. Et quartò demum, si habeant unum angulum uni angulo aequalem, latera verò circum alios angulos proportionalia, & reliquos angulos ejusdem speciei inter se.

PROP. VIII. THEOR. VIII.

Si in triangulo rectangulo ex angulo recto ad basim perpendicularis demittatur; hac dividet triangulum in duo alia triangula, quæ tum toti, quum inter se similia erunt.



Sit triangulum ABC, rectum habens angulum in A, ex quo demittatur ab basim BC perpendicularis AD. Dico, perpendicularem istam
AD

AD dividere triangulum ABC in duo alia triangula ABD, ACD, quæ similia sunt, tum toti triangulo ABC, quum etiam inter se.

Quoniam enim in triangulis ABC, ABD anguli BAC, ADB sunt recti, itemque angulus B communis; erunt & reliqui anguli ACB, BAD etiam æquales inter se. Quare triangula ABC, ABD æquiangula erunt; atque aded similia. Similiter, quia in triangulis ACB, ACD anguli BAC, ADC sunt recti, itemque angulus C communis; erunt & reliqui anguli ABC, CAD etiam æquales inter se: proindeque triangula ACB, ACD æquiangula erunt; atque aded similia. Denique, quum in triangulis ADB, ADC ostensi sint æquales, tum anguli ABD, CAD, quum anguli BAD, ACD, sintque reliqui anguli ADB, ADC recti; erunt triangula ADB, ADC etiam æquiangula; atque aded pariter similia inter se. Quare, si in triangulo rectangulo demittatur ex angulo recto ad basim perpendicularis, hæc dividet triangulum in duo alia triangula, quæ tum toti, quum inter se similia erunt. Quod erat demonstrandum.

COROLLARIUM I.

Hinc patet primò, unumquodque latus trianguli rectanguli medium esse proportionale inter hypotenusam, & segmentum, quod ei adjacet: nempe latus AB medium esse proportionale inter hypotenusam BC, & segmentum BD; latus verò AC medium esse proportionale inter hypotenusam BC, & segmentum CD. Quum enim triangula ABC, ABD ostensa sint æquiangula; habebunt latera circa æquales angulos propor-
tiona-


tionalia; eritque aded, ut BC ad AB , ita AB ad AD . Atque ita quoque, quum ex ostensis equi-
angula sint triangu-
la ACB, ACD ; erit ut BC ad
 AC , ita AC ad CD .

COROLLARIUM II.

Liquet secundò, demissam perpendicularem
 AD mediam esse proportionalem inter segmenta
 BD, CD . Triangu-
la enim ADB, ADG
ostensa sunt inter se equi-
angula. Quare late-
ra habebunt circum aequales angulos propor-
tionalia. Et propterea erit, ut BD ad AD , ita
 AD ad CD .

PROP. IX. PROBL. I.

*A data recta linea optatam partem abscin-
dere.*



Data sit re-
cta AB . O-
portet ab ea
optatāquam-
vis partem,
puta tertiā,
abscindere.

Ex puncto

A ducatur recta AC , quæ efficiat cum AB
quemvis angulum BAC . Tum super AC
capiantur tot partes æquales cujusvis ma-
gnitudinis, quota pars abscindenda est ex
 AB : nempe in proposito exemplo capian-
tur tres partes æquales, quæ sint $AD, DE,$
 EF . Denique, juncta BE , ei per punctum

D pa-

D parallela (1) agatur DG. Dico, AG esse tertiam partem ipsius AB.

Quoniam enim in triangulo ABF ducta est recta DG parallela lateri BF, ea [2] secabit latera AB, AF proportionaliter in punctis G, & D; eritque propterea, ut AG ad GB, ita AD ad DF, sive etiam invertendo, ut GB ad AG, ita DF ad AD. Est autem componendo, (3) ut AB ad AG, ita AF ad AD. Quare quemadmodum AF tripla est ipsius AD, ita & AB tripla erit ipsius AG. Ex data igitur recta AB abscissa est tertia pars AG, Quod erat faciendum.

S C H O L I U M.

Quod, sit ex AB abscindenda sit portio, qua sit ad AB, non ut unitas ad datum numerum, sed ut unus numerus ad alium, puta, ut 2 ad 3; tunc ducta similiter recta AC faciente cum AB angulum BAC, & sumptis adhuc super AC tribus portionibus equalibus AD, DE, EF, ducenda erit per punctum E recta EH parallela ipsi BF. Nam quemadmodum AE ad AF est, ut 2 ad 3; ita in hac eadem ratione erit quoque AH ad AB.


P R O P. X. P R O B L. II.

Datam rectam lineam secare in partes proportionales partibus, in quas secta est alia data recta linea.

SIt recta AB infecta, AC verò secta in partes AD, DE, EC. Oportet, rectam
AB

(1) Prop. 31. lib. 5. (2) Prop. 2. hujus.

[3] Prop. 18. lib. 5.



AB secare in partes, quæ proportionales sint partibus AD, DE, EC.

Jungantur duæ datæ rectæ lineæ

AB, AC ita, ut faciant angulum BAC, & à B ad C ducatur recta BC. Tum huic BC (1) parallelæ agantur DF, EG. Dico partes AF, FG, GB proportionales esse partibus AD, DE, EC.

Agatur enim per punctum D recta DH ipsi AB parallela. Et quoniam parallelogramma sunt DG, IB; erit (2) tum DI æqualis FG, cum IH æqualis GB; quare erit, ut DI ad IH [3] ita FG ad GB. Est autem (4) DI ad IH, ut DE ad EC. Erit igitur [5] ut FG ad GB ita DE ad EC. Et propterea partes FG, GB proportionales sunt partibus DE, EC. Sed partes AF, FG proportionales quoque sunt partibus AD, DE; quum sit ut AF ad FG, ita AD ad DE. Divisa est igitur AB in partes AF, FG, GB proportionales partibus AD, DE, EC, in quas secta est altera AC. Quod erat faciendum.

SCHOLIUM.


Hoc problema viam nobis aperit, dividendi datam rectam AB in quocumque partes æqua-

-
- (1) Prop. 31. lib. 1. [2] Prop. 34. lib. 1.
 (3) Prop. 7. lib. 5. [4] Prop. 2. hujus.
 (5) Prop. 11. lib. 5.

æquales. Si enim alteram ei adjungamus AC, facientem cum ipsa angulum BAC, super qua capiamus tot partes æquales AD, DE, EC, &c. in quot ipsa AB est dividenda; eò res redibit, ut dividamus AB in partes proportionales partibus AD, DE, EC, &c. Quod qua fiat ratione, jam in hoc problemate ostensum est.

PROP. XI. PROBL. III.

Duabus datis rectis lineis, tertiam proportionalem invenire.



Sint datæ duæ rectæ lineæ AB, BC. Oportet, invenire tertiam, ad quam BC ita se habeat, quemadmodum est AB ad BC.

Datæ rectæ lineæ AB, BC disponantur in directum. Tum ipsi AC alia addatur AE, quæ faciat cum ea angulum CAE. Super AE porro capiatur portio AD æqualis ipsi BC. Ac denique, juncta BD, huic per punctum C (1) parallela agatur CE, conveniens cum AE in puncto E. Dico, DE esse tertiam proportionalem quaesitam.

Quoniam enim in triangulo CAE ducta est recta BD parallela lateri CE; erit quidem (2) ut AB ad BC, ita AD ad DE. Est autem ex constructione AD æqualis BC. Quare erit, ut AB ad BC, ita BC ad DE.


Da-

(1) Prop. 31 lib. I. (2) Prop. I. hujus.

Datis igitur duabus rectis lineis AB, BC inventa est tertia DE, ad quam BC ita se habet, quemadmodum est AB ad BC. Quod erat faciendum.

PROP. XII. PROBL. IV.

Tribus datis rectis lineis, quartam proportionalem invenire.



Sint datæ tres rectæ lineæ, AB prima, BC secunda, AD tertia. Oportet, invenire quartam, ad quam AD ita se habeat, quemadmodum est AB ad BC.

Disponantur in directum duæ primæ AB, BC. Dum ipsi AG addatur tertia AD, quæ faciat cum ea angulum CAD. Jungatur porro BD. Ac denique per punctum C ducatur (1) recta CE parallela ipsi BD, quæ conveniat cum AD in puncto E. Dico, DE esse quartam proportionalem quæsitam.


Quoniam enim in triangulo CAE ducta est recta BD parallela lateri CE; erit (2) ut AB ad BC, ita AD ad DE. Quare datis tribus rectis lineis AB, BC, AD inventa est quarta DE, ad quam AD eandem habet rationem, quam AB ad BC. Quod erat faciendum.

PROP.

(1) Prop. 31 lib. 1. (2) Prop. 2. hujus.

PROP. XIII. PROBL. V.

Duabus datis rectis lineis, mediam proportionalem invenire.



Datæ sint duæ rectæ AB, BC. Oportet, invenire mediā proportionalem, hoc est aliam rectam lineam, ad quam AB habeat eandem rationem, quam ipsa habet ad BC.

Disponantur in directum duæ datæ rectæ lineæ AB, BC. Tum secta AC [1] bifariam in D, describatur centro D, & intervallo DA, seu DC semicirculus AEC. Ac denique ex puncto B erigatur perpendicularis BE (2), quæ occurrat circumferentiæ descripti semicirculi in E. Dico perpendicularem istam BE esse mediā proportionalem quæsitam.

Jungantur enim rectæ AE, CE; & rectus erit [3] angulus AEC, velut in semicirculo existens. Unde, quum in triangulo rectangulo AEC ex angulo recto ad hypotenusam demissa sit perpendicularis EB; erit [4] ut AB ad BE, ita BE ad BC, Et propterea datis duabus rectis lineis AB, BC inventa est media proportionalis BE. Quod erat faciendum.


PROP.

(1) Prop. 10. lib. 1. (2) Prop. 11. lib. 1.

[3] Prop. 31. lib. 3. (4) Coroll. 2. prop. 8. hujus.

PROP. XIV. THEOR. IX.

Parallelogramma, quæ equalia sunt, & habent unum angulum uni angulo æqualem, habent quoque latera circum æquales angulos reciproce proportionalia. Et vicissim parallelogramma, quæ circum æquales angulos latera habent reciproce proportionalia, sunt etiam equalia inter se.



Sint duo parallelogramma æqualia AC, BF, quæ habeant angulum ABC æqualem angulo EBG. Dico, eadem parallelogramma habere quoque latera circum æquales angulos reciproce pro-

portionalia, hoc est esse, ut AB ad BG, ita EB ad BC.

Conjungantur parallelogramma ad angulos æquales, ita ut latera AB, BG jaceant in directum. Et quoniam æquales sunt anguli ABC, EBG; erunt [1] etiam in directum latera EB, BC. Extendantur denique DC, FG usque donec conveniant in H, tertiumque constituent parallelogrammum BH.

Quia igitur parallelogramma AC, BF æqualia sunt inter se; erit (2) ut AC ad BH, ita BF ad BH. Sed AC est ad BH [3], ut AB ad

[1] *Eccl. prop. 15. lib. 1.* [2] *Prop. 7. lib. 1.*

[3] *Prop. 1. hujus.*

ad BG ; itemque BF est ad BH , ut EB ad BC. Quare erit [1] ut AB ad BG, ita EB ad BC.

Sed eadem parallelogramma AC, BF habeant per contrarium circa æquales angulos ABC, EBG latera reciproçè proportionalia ; aded nempe, ut AB sit ad BG, veluti est EB ad BC. Dico parallelogrammum AC æquale esse parallelogrammo BF.

Fiat enim eadem constructio ; eritque ut AB ad BG, ita parallelogrammum AC ad parallelogrammum BH [2] ; pariterque ut EB ad BC, ita parallelogrammum BF ad parallelogrammum BH. Est autem ex hypothesi, ut AB ad BG, ita EB ad BC. Quare erit [3] ut parallelogrammum AC ad parallelogrammum BH, ita parallelogrammum BF ad idem parallelogrammum BH. Et propterea, quum parallelogramma duo AC, BF habeant eandem rationem ad tertium BH; erit (4) parallelogrammum AC æquale parallelogrammo BF.

Parallelogramma igitur, quæ æqualia sunt, & habent unum angulum uni angulo æqualem, habent quoque latera circum æquales angulos reciproçè proportionalia. Et vicissim parallelogramma, quæ circum æquales angulos latera habent reciproçè proportionalia, sunt etiam æqualia inter se. Quod erat demonstrandum.

PROP. XV. THEOR. X.

Triangula, quæ æqualia sunt, & habent unum angulum uni angulo æqualem, habent quoque latera circum æquales angulos recipro-


P

cè

[1] Prop. 11. lib. 5. [2] Prop. 1. hujus.

[3] Prop. 11. lib. 5. [4] Prop. 9. lib. 5.

cè proportionalia. Et vicissim triangula, quæ circum æquales angulos latera habent reciproçè proportionalia; sunt etiam equalia inter se.



Sint duo tri-
gula æqualia
ABC, DBE,
quæ habeant
angulum ABC
æqualē angulo
DBE. Dico,
eadem triangu-
la habere quo-
que latera cir-
cum æquales
angulos pro-
portionalia re-
ciprocè; hoc

est esse, ut AB ad BE, ita DB ad BC.

Conjungantur triangula ad angulos æqua-
les, ita ut latera AB, BE jaceant in directum.
Et quoniam æquales sunt anguli ABC, DBE;
erunt [1] etiam in directum latera CB, BD.
Denique jungatur AD ita ut oriatur tertium
triangulum ABD.

Quia igitur triangula ABC, DBE æqualia
sunt inter se; erit (2) ut triangulum ABC
ad triangulum ABD, ita triangulum DBE
ad idem triangulum ABD. Sed triangulum
ABC est ad triangulū ABD, ut CB ad BD [3];
itemque triangulum DBE est ad triangulum
ABD, ut EB ad BA, Quare erit (4) ut CB
ad BD ita EB ad BA,

Sed

(1) Sch. prop. 15. lib. 1. [2] Prop. 7. lib. 5.

(3) Prop. 1. hujus. [4] Prop. 11. lib. 5.

Sed eadem triângula ABC, DBE habeant per contrarium circa æquales angulos ABC, DBE latera reciproçè proportionalia : aded nempe, ut AB sit ad BE, veluti est DB ad BC. Dico, triângulum ABC æquale esse triângulo DBE.

Fiat enim eadem constructio ; eritque ut AB ad BE, ita triângulum ABD ad triângulum DBE [1] ; pariterque, ut DB ad BC, ita triângulum ABD ad triângulum ABC. Est autem ex hypothesi, ut AB ad BE, ita DE ad BC. Quare erit [2] ut triângulum ABD ad triângulum DBE, ita idem triângulū ABD ad triângulum ABC. Et propterea, quum ad triângula ABC, DBE habeat eandem rationem idem triângulum ABD; erit (3) triângulum ABC æquale triângulo DBE.

Triângula igitur, quæ æqualia sunt, & habent unum angulum uni angulo æqualem, habent quoque latera circum æquales angulos reciproçè proportionalia. Et vicissim triângula, quæ circum æquales angulos latera habent reciproçè proportionalia, sunt etiam æqualia inter se, Quod erat demonstrandum.


PROP. XVI. THEOR. XI.

Si sint quatuor rectæ lineæ proportionales; erit rectangulum ex mediis æquale rectangulo ex extremis. Et vicissim, si rectangulum ex mediis æquale sit rectangulo ex extremis, quatuor rectæ lineæ proportionales erunt.

Sint quatuor rectæ lineæ proportionales
AB prima, CD secunda, GE tertia, & AF
P 2 quar-

(1) Prop. 1. hujus. [2] Prop. 11. lib. 5.

(3) Prop. 9. lib. 5.



quarta
ita nē-
pe, ut
AB sit
ad CD,
ut est
CE ad
AF. Di-
co, re-
ctangu-

lum contentum sub mediis CD, CE æquale esse rectangulo contento sub extremis AB, AF. Esto enim AG rectangulum contentum sub extremis AB, AF, & CH rectangulū contentum sub mediis CD, CE. Quia igitur AG, CH sunt duo parallelogrāma, quæ rectos habent angulos FAB, ECD, & in quibus AB est ad CD, ut CE ad AF; habebunt ea circum æquales angulos latera reciproce proportionalia. Quare parallelogrammum AG æquale (1) erit parallelogrammo CH; hoc est rectangulum sub extremis AB, AF æquale erit rectangulo sub mediis CD, CE.

Sed vicissim sint æqualia inter se parallelogramma duo rectangula AG, CH. Dico, proportionales esse quatuor rectas lineas AB, CD, CE, AF; hoc est AB esse ad CD, ut est CE ad AF. Quoniam enim parallelogramma duo AG, CH sunt æqualia, & habent etiam angulos FAB, ECD rectos, adedque æquales; habebunt quoque [2] latera circum æquales angulos reciproce proportionalia. Quare erit, ut AB ad CD, ita EC ad AF.

Si igitur sint quatuor rectæ lineæ propor-
tio-

(1) Prop. 14. hujus. [2] Prop. 14. hujus.

tionales; erit rectangulum ex mediis æquale rectangulo ex extremis. Et vicissim si rectangulum ex mediis æquale sit rectangulo ex extremis; quatuor rectæ lineæ proportionales erunt. Quod erat demonstrandum.

S C H O L I U M.

Vera est etiam hæc propositio, si parallelogramma facta ex mediis, & extremis non sint rectangula, sed utcumque equiangulara: dummodo tamen æquales sint anguli illi, qui sub ipsis rectis lineis continentur. Nam perspicuum est eandem demonstrationem etiam in hoc casu sibi locum vindicare.

PROP. XVII. THEOR. XII.

Si sint tres rectæ lineæ proportionales; erit rectangulum ex extremis æquale quadrato, quod describitur à media. Et vicissim, si rectangulum ex extremis æquale sit quadrato à media descripto; tres rectæ lineæ proportionales erunt.

Sint tres rectæ lineæ proportionales, AB prima, CD secunda, AF tertia: ita nempe, ut AB sit ad CD, ut est CD ad AF. Dico, rectangulum AG contentum sub extremis AB, AF æquale esse quadrato CH descripto super media CD.

Quoniam enim AG, CH sunt duo parallelogramma, quæ rectos habent angulos FAB, ECD, & in quibus AB est ad CD, ut CE, seu CD ad AF; habebunt ea circum æquales angulos latera reciproce proportionalia. Quare parallelogrammum AG (1) æquale erit parallelogrammo CH; hoc est rectangulum sub extremis AB, AF æquale erit quadrato,

P 3

quod

(1) Prop: 14. hujus.

quod describitur à media CD.

Sed vicissim sit rectangulum AG contentum sub extremis AB, AF æquale quadrato CH, quod describitur à media CD. Dico, proportionales esse tres rectas lineas AB, CD, AF; hoc est AB esse ad CD, ut est CD ad AF.

Quoniam enim parallelogramma duo AG, CH sunt æqualia, & habent etiam angulos FAB, ECD rectos, adedque æquales; habebunt quoque latera circum æquales angulos [1] reciproce proportionalia. Quare erit, ut AB ad CD, ita CE ad AF. Est autem CH, quadratum descriptum ex CD; adedque CE est æqualis CD. Erit igitur, ut AB ad CD, ita CD ad AF.

Si igitur sint tres rectæ lineæ proportionales; erit rectangulum ex extremis æquale quadrato, quod describitur à media; & vicissim, si rectangulum ex extremis æquale sit quadrato à media descripto; tres rectæ lineæ proportionales erunt. Quod erat demonstrandum.

S C H O L I U M.


Vera est etiam hæc propositio, si parallelogrammum factum ex extremis, non sit rectangulum, sed utcumque obliquangulum; & à media non quadratum, sed rhomboides ei æquiangula describatur. Nam eandem demonstrationem etiam in hoc casu sibi locum vindicare, nemo non videt

PROP. XVIII. PROBL. VI.

A data recta linea dato rectilineo simile similiterque positum rectilineum describere.

Da-

[1] Prop. 14. hujus.



Data sit recta linea AB, datum verò rectilineum CDEF. Oportet, super AB describere rectilineum, quod sit simile, similiterque positum rectilineo dato CDEF.

Dividatur rectilineum datum per rectam CF in duo triacula CDE, CEF. Deinde fiat an-

gulus (1) ABH æqualis angulo CDF, & angulus BAH æqualis angulo DCF; coeantque rectæ AH, BH in H, ubi efficient angulum AHB æqualem angulo CFD; ipsumque aded triangulum ABH æquiangulum erit triangulo CDF. Similiter autem fiat angulus GAH æqualis angulo ECF, & angulus AHG æqualis angulo CFE; coeantque rectæ AG, HG in G, ubi constituent angulum AGH æqualem angulo CEF; eritque aded triangulum AGH æquiangulum triangulo CEF. Hoc facto, dico, rectilineum ABGH esse simile, similiterque positum rectilineo dato CDEF.

Quum enim ex constructione angulus BAH æqualis sit angulo DCF, & angulus GAH æqualis angulo ECF; erit totus angulus BAG æquatis toti angulo DCE. Atque ita quoque, quia ex constructione angulus AHB æqualis est angulo CFD, & angulus AHG æqualis angulo CFE; erit totus angulus BHG æqualis toti angulo DFE. Est autem & angulus ABH

P 4

æqua-

[1] Prop. 23. lib. 1.

$\angle$ qualis angulo CDF, nec non angulus AGH
 $\angle$ qualis angulo CEF. Quare rectilineum
 ABGH $\angle$ quiangulum erit rectilineo CDEF.

Rursus, quum triangula ABH, CDF $\angle$ -
 quiangula sint, erit ut AB ad BH (1), ita CD
 ad DF; & ut BH ad HA, ita DF ad FC. Sed,
 propter triangula AGH, CEF similiter $\angle$ -
 quiangula, AH est ad GH, ut GF ad EF, &
 GH est ad GA, ut EF ad EC. Quare erit (2)
 ut BH ad GH, ita DG ad EF, & ut GA ad
 AB, ita QC ad CD. Unde, quum rectilinea
 duo ABGH, CDEF, non modo sint $\angle$ quiangu-
 lula, verum etiam latera habeant circum
 $\angle$ quales angulos proportionalia; erunt ea
 similia, similiterque descripta. Et propte-
 rea super datam rectam AB descriptum est
 rectilineum ABGH simile, similiterque posi-
 tum dato rectilineo CDEF. Quod erat fa-
 ciendum.

S C H O L I U M.


Nè Tyrones hìc hæreant, monendi sunt,
 quod duo rectilinea, super rectas duas descri-
 pta, dicantur à Geometris similia, similiter-
 que posita, quando super ipsas rectas consti-
 tuuntur anguli æquales, & reliqui æquales
 eodem semper ordine sese consequuntur: ita,
 ut & latera homologa ab iisdem rectis inci-
 piant, eodemque quoque ordine semper subse-
 quantur. Cæterùm, si datum rectilineum con-
 tineat plura latera, quàm quatuor; tunc ex
 aliquo ejus angulo ad omnes angulos oppositos
 ducendæ sunt totidem rectæ lineæ. Nam, quum
 adhuc

[1] Prop. 4. hujus. [2] Prop. 22. lib. 5.

*adhuc rectilineum in plura triangula divisum
oriatur ; fiet problemati satis , si singulis illis
triangulis alia equiangula totidem eadem or-
dine disposita describantur .*

PROP. XIX. THEOR. XIII.

*Triangula similia sunt inter se in ratione du-
plicata laterum homologorum .*



Sint ABC ,
 DEF duo trian-
gula similia, quæ
nempe habeant
angulum ABC
æqualem angu-
lo DEF , angulû
 BCA æqualem
angulo EFD , &
angulum CAB

æqualem angulo FDE , & in quibus sit etiam
ut AB ad BC , ita DE ad EF ; ut BC ad CA ,
ita EF ad FD ; & ut CA ad AB , ita FD ad
 DE . Dico, triangula ABC , DEF habere
inter se rationem duplicatam ejus, quam hab-
ent latera homologa BC , EF .

Ponatur enim BG (1) tertia proportiona-
lis in ordine duarum BC , EF : adeo nempe,
ut BC sit ad EF ut est EF ad BG ; jungatur-
que AG . Et quoniam AB est ad BC , ut DE ,
ad EF ; erit (2) permutando, ut AB ad DE ,
ita BC ad EF . Est autem ex constructione
ut BC ad EF , ita EF ad BG . Quare erit, ut
 AB ad DE , ita EF ad BG (3). Et propterea,
quum duo triangula ABG , DEF habeant la-

P 5

tera

[1] Prop. 11. hujus. [2] Prop. 16. lib. 5.

(3) Prop. 11. lib. 5.

tera circum æquales angulos reciproce proportionalia, erit triangulum ABG [1] æquale triangulo DEF .

Jam triacula ABC, ABG habent eandem altitudinem. Quare erit (2) ut triangulum ABC ad triangulum ABG ; ita basis BC ad basim BG . Ostensum est autem triangulum ABG æquale triangulo DEF . Erit igitur quoque, ut triangulum ABC ad triangulum DEF , ita BC ad BG . Sed, ob rectas BC, EF, BG in continua proportionem existentes, ratio, quam habet BC ad BG , duplicata est ejus, quam habet BC ad EF . Quare triangulum ABC ad triangulum DEF [3] erit etiam in duplicata ratione ejus, quam habet BC ad EF . Similia igitur triacula inter se sunt in duplicata ratione laterum homologorum. Quod erat demonstrandum.

C O R O L L A R I U M.

Patet hinc, quod si tres rectæ lineæ fuerint proportionales; triacula similia, similiterque descripta super primam, & secundam habere inter se eandem rationem, quam habet prima ad tertiam. Tres etenim rectæ lineæ BC, EF, BG sunt proportionales ex constructione: & ostensum est in hoc theoremate triangulum ABC esse ad triangulum DEF , ut est BC ad BG .


PROP. XX. THEOR. XIV.

Polygona similia dividuntur in triacula numero æqualia similia, & homologa totis; duplicatamq; habent rationem laterum homologorum.

Sint $ABCDE, FGHIK$ duo polygona similia, habentia angulum ABC æqualem angulo

(1) Prop. 27. hujus [2] Prop. 30. hujus.

(3) Prop. 4. lib. 1.




gulo FGH , angulum BCD æquale angulo GHI , atque ita deinceps; & in quibus AB sit ad BC , ut FG ad GH ; BC sit ad CD , ut GH ad HI ; atque ita de aliis. Dico primo, polygona ista dividi in triangula numero æqualia.

Ex punctis enim A , & F , in quibus consistunt anguli æ-

quales BAE , GFK , ducantur ad angulos oppositos rectæ totidem. Et quoniam, propter similitudinem polygonorum, quot anguli in polygono $ABCDE$ oppositi sunt angulo BAE totidem in polygono $FGHIK$ opponuntur angulo GFK ; fiet hinc, ut si in uno duci possint ex puncto A duæ rectæ AC , AD , in altero ex puncto F duæ etiam FH , FI duci queant & non plures; & propterea, quemadmodum polygonum $ABCDE$ per ductas rectas scinditur in tria triangula ABC , ACD , ADE ; ita quoque polygonum $FGHIK$ per ductas rectas dividetur in tria, & non plura triangula, quæ erunt FGH , FHI , FIK .

Dico secundo, triangula ista esse similia inter se; hoc est triangulum ABC simile triangulo FGH , triangulum ACD simile triangulo FHI , & triangulum ADE simile triangulo FIK .

Nam in triangulis ABC , FGH ex hypothesi



angulus ABC æqualis est angulo FGH, & latera AB, BC proportionalia sūt lateribus FG, GH. Quare, quū ea habeant unū angulū uni angulo æqualē, & latera circum æquales angulos proportionalia; habebūt quoque reliquos angulos BAC, BCA æquales reliquis GFH, GHF; & ipsa adeo triangu-
la ABC,

FGH similia erunt inter se (1). Simili ratione ostendentur similia triangu-
la ADE, FIK; quum habeant ex hypothese angulum DEA æqualem angulo IKF, & latera DE, EA proportionalia lateribus IK, KF: propter quorum triangulorum similitudinem erit angulus DAE æqualis angulo IFK, & angulus ADE æqualis angulo FIK. Quum autem anguli BCD, CDE ex hypothese æquales sint angulis GHI, HIK, & anguli ACB, ADE ostensi sint æquales angulis FGH, FIK; erunt reliqui anguli ACD, ADC æquales reliquis angulis FHI, FIH. Quare triangu-
la ACD, FHI æquiangu-
la erunt, habebuntque latera circum æquales angulos proportionalia, atque adeo similia (2) erunt inter se.

Dico tertio, triangu-
la ista esse homologa
polygoni totis; hoc est, quodlibet trian-
gulorum unius polygoni esse ad triangulum
sibi correspondens alterius polygoni, ut est
pri-

(1) Prop. 6. hujus. (2) Prop. 4. hujus.

primum polygonum ad secundum.

Quum enim triangula ABC , FGH ostensa sint similia inter se; erit (1) triangulum ABC ad triangulum FGH in duplicata ratione laterum homologorum AC , FH . Et similiter, quia ex ostensis similia sunt triangula ACD , FHI ; erit triangulum ACD ad triangulum FHI in duplicata ratione eorundem laterum homologorum AC , FH . Quare erit (2) ut triangulum ABC ad triangulum FGH , ita triangulum ACD ad triangulum FHI . Non dissimili autem ratione ostendetur, triangulum ACD esse ad triangulum FHI , ut est triangulum ADE ad triangulum FIK . Erunt igitur triangula unius polygoni proportionalia triangulis alterius: ita quidem, ut triangula unius sint antecedentia, triangula alterius consequentia. Jam verò, si fuerint quocumque magnitudines, quocumque magnitudinibus proportionales, ut est una antecedentium ad unam consequentium, ita sunt omnes antecedentes ad omnes consequentes [3]. Erit igitur, ut quodlibet triangulum polygoni $ABCDE$ ad correspondens sibi triangulum polygoni $FGHIK$, ita polygonum $ABCDE$ ad polygonum $FGHIK$.

Dico denique, polygona ipsa habere inter se duplicatam rationem ejus, quam habent inter se duo ipsorum latera homologa AB , FG .

Ostensum est enim, polygonum $ABCDE$
esse

[1] *Prop. 19. hujus.*

(2) *Prop. 11. lib. 5.*

(3) *Prop. 12. lib. 5.*

esse ad polygonum $FGHIK$, ut est triangulū ABC ad triangulum FGH . Sunt autem ex ostensis trianguła ABC , FGH similia inter se; atque aded triangulum ABC est ad triangulum FGH in duplicata ratione laterum homologorum AB , FG . Quare in eadem duplicata ratione erit etiam polygonum $ABCDE$ ad polygonum $FGHIK$. Et propterea polygona similia, non modò dividuntur in trianguła numero æqualia, similia, & homologa totis, verum etiam duplicatam habent rationem laterum homologorum. Quod erat demonstrandum.

C O R O L L A R I U M.


Atque hinc modò patet, quod si fuerint tres rectæ lineæ proportionales, polygona similia, similiterque descripta super primam, & secundam habeant inter se eandem rationem, quam prima habet ad tertiam. Sunt enim per hoc theorema in duplicata ratione ejus, quæ est inter primam, & secundam. Sed in hac eadem duplicata ratione est etiam prima ad tertiam; quum tres rectæ lineæ ponantur proportionales: Quare & ipsa polygona erunt inter se, ut prima ad tertiam.

PROP. XXI. THEOR. XV.

Quæ eidem rectilineo sunt similia, & inter se similia sunt.

E Idem rectilineo A simile sit tam rectilineum B , quam rectilineum C . Dico, rectilinea B , & C similia esse inter se.

Quum enim, propter similitudinem, angulis rectilinei A æquales sint tum anguli rectilinei B , cum anguli rectilinei C ; erunt anguli rectilinei B æquales angulis rectilinei C . Et rursus, quia, ob eandem similitudinem,




dinem, lateribus rectilinei A proportionalia sunt, tum latera rectilinei B, cum latera rectilinei C; erunt [1] latera rectilinei B proportionalia lateribus rectilinei C. Unde, quum duo rectili-

nea B, & C sint æquiangula, habeantque latera circum æquales angulos proportionalia; similia ea erunt inter se. Et propterea, quæ eidem rectilineo sunt similia, & inter se similia sunt. Quod erat demonstrandum.


PROP. XXII. THEOR. XVI.

Si quatuor rectæ lineæ proportionales fuerint; erunt rectilinea similia, similiterq; ab eis descripta etiam proportionalia. Et vicissim, si rectilinea proportionalia sunt; ipsa rectæ lineæ etiam proportionales erunt.



Sint quatuor rectæ lineæ proportionales A B prima, CD secunda, EF tertia, GH quarta. Describantur autem super primam, & secundam duo quæcumque rectilinea AIB, CKD
simi-

(1) Prop. XI. lib. 5.



similia, similiterque posita; & alia duo ELMF, GNOH itidem similia, similiterque posita super tertiam, & quartam. Dico, rectilineum AIB esse ad rectilineum CKD, ut est re-

ctilineum ELMF ad rectilineum GNOH.

Inveniatur enim, tum rectis AB, CD tertia proportionalis, quæ dicatur P, cum rectis EF, GH tertia proportionalis, quæ dicatur Q (1). Erit igitur, ut AB ad CD, ita CD ad P; & ut EF ad GH, ita GH ad Q. Est autem ex hypothesi, ut AB ad CD, ita EF ad GH. Quare erit etiam [2] ut CD ad P, ita GH ad Q; atque aded ex æquali ordinando (3) erit ut AB ad P, ita EF ad Q. Jam verò rectilineum AIB est ad rectilineum CKD, ut AB ad P (4); itemque rectilineum ELMF est ad rectilineum GNOH, ut EF ad Q. Quare erit (5) ut rectilineum AIB ad rectilineum CKD, ita rectilineum ELMF ad rectilineum GNOH.

Per contrarium autem ponantur proportionalia quatuor rectilinea similia, similiterque descripta à rectis AB, CD, EF, GH. Dico, rectas istas etiam inter se proportionales esse aded nempe, ut AB sit ad CD, veluti est EF ad GH.

In-

(1) Prop. 11. hujus. (2) Prop. 11. lib. 5.

(3) Prop. 12. lib. 5. (4) Corol. prop. 20. hujus.

(5) Prop. 11. lib. 5.

Inveniatur enim tribus rectis lineis AB, CD, EF quarta proportionalis RS (1), super quam describatur rectilineum RTVS simile, similiterque positum rectilineo ELMF [2]. Et quoniam AB est ad CD, ut EF ad RS; per ea, quæ jam ostensa sunt, erit ut rectilineum AIB ad rectilineum CKD, ita rectilineum ELMF ad rectilineum RTVS. Ex hypothese autem, ut est rectilineum AIB ad rectilineum CKD, ita est rectilineum ELMF ad rectilineum GNOH. Erit igitur, ut rectilineum ELMF ad rectilineum RTVS (3), ita idem rectilineum ELMF ad rectilineum GNOH: proindeque rectilinea duo RTVS, GNOH æqualia erunt inter se (4). Sunt autem duo ista rectilinea similia, similiterque descripta à rectis RS, GH; quum utrumque sit simile, similiterque positum rectilineo ELMF, descripto à recta EF. Quare æquales quoque erunt rectæ RS, GH. Et propterea, quum sit AB ad CD, ut EF ad RS; erit etiam AB ad CD, ut EF ad GH.

Si igitur quatuor rectæ lineæ proportionales fuerint; erunt rectilinea similia, similiterque ab eis descripta etiam proportionalia. Et vicissim, si rectilinea proportionalia sunt; ipsæ rectæ lineæ etiam proportionales erunt. Quod ostendere oportebat.

S C H O L I U M.

Quod autem æqualia rectilinea similia similiterque descripta, æqualia sunt RTVS, GNOH, consistant super rectas æquales RS, GH, ostendetur in hunc modum. Quoniam enim duo il-
la


(1) Prop. 12. hujus. [2] Prop. 18. hujus.

(3) Prop. 11. lib. 5. (4) Prop. 9. lib. 5.

la rectilinea sunt similia, similiterque descripta à rectis RS , GH ; erunt ea inter se in duplicata ratione ipsarum RS , GH . Sed ratio rectilineorum est equalitatis; quum eadem rectilinea ponantur etiam equalia. Quare duplicata ratio rectarum RS , GH pariter equalitatis erit: quod fieri non potest, nisi ipsa recta RS , GH fuerint equalles.

PROP. XXIII. THEOR. XVII.

Parallelogramma equiangulara habent inter se rationem ex lateribus compositam.



Sint parallelogramma duo AC , BG , quæ habeant angulum ABC æqualem angulo EBF . Dico, eam habere rationem inter se duo ista parallelogramma, quæ componitur ex lateribus eorundem, hoc est

ex AB ad BE , & ex CB ad BF .

Conjungantur parallelogramma ad angulos æquales, ita ut AB , BE jaceant in directum. Et quoniam æquales sunt anguli ABC , EBF ; erunt etiam (1) in directum rectæ CB , BF . Producantur deinde latera DC , GE usque donec conveniant in H , & constituent tertium parallelogrammum BH .

Sumatur jam rectæ quælibet M ; & fiat (2), ut AB ad BE , ita M ad N ; itemque ut CB ad BF , ita N ad O . Quia igitur AC est ad BH ,
ut


[1] Sch. Prop. 15. lib. I. (2) Prop. 12. hujus.

ut AB ad BE; & AB est ad BE, ut M ad N: erit
(1) ut AC ad BH, ita M ad N. Rursus quia BH
est ad BG, ut CB ad BF; & CB est ad BF,
ut N ad O: erit, ut BH ad BG, ita N ad O.

Et quoniam AC est ad BH, ut M ad N; &
BH est ad BG, ut N ad O: erit ex æquali ordi-
nando [2], ut AC ad BG, ita M ad O. Jam
verò M est ad O in ratione composita ex Mad
N, & ex N ad O; sive etiam in ratione com-
posita ex AB ad BE, & ex CB ad BF, qua-
re AC ad BG (3) erit etiam in ratione com-
posita ex AB ad BE, & ex CB ad BF. Et
propterea parallelogramma æquiangula ha-
bent inter se rationem ex lateribus compo-
sitam. Quod erat ostendendum.

PROP. XXIV. THEOR. XVIII.

*Parallelogramma, quæ sunt circa diametrum
alterius, cum toti, cum inter se similia sunt.*



Sit parallelogram-
mum ABCD, in quo
ducatur diameter AC,
& per quodlibet ejus
punctum I agantur re-
ctæ EF, GH parallelæ
lateribus parallelo-
grammi. Dico, pa-
rallelogramma circa

diametrum EG, FH, similia esse, cum toti
BD, cum etiam inter se.

Quoniam enim rectæ EF, BC sunt paral-
læ; erit (4) angulus exterior AEI æqualis
interiori, & opposito ad eandem partem
ABC. Pariterque, quia rectæ GH, DC sunt
pa-


(1) Prop. 11. lib. 5. (2) Prop. 22. lib. 5.
(3) Prop. 11. lib. 5. (4) Prop. 29. hujus.

parallelæ; erit angulus exterior AGI æqualis interiori, & opposito ad eandem partem ADC. Unde, quum duo parallelogramma EG, BD habeant communem angulum A & præterea duos alios angulos æquales duobus aliis angulis, alterum alteri; habebunt quoque quartum æqualem quarto. Et propterea æquiangula erunt inter se. Sed habent etiam latera circum æquales angulos proportionalia, quam sit (1) ut AB ad EI, ita AB ad BC; & ut AG ad GI, ita AD ad DC. Quare parallelogramma duo EG, BD similia erunt inter se.

Eadem ratione ostendetur, parallelogrammum FH esse etiam simile parallelogrammo BD. Sed quæ eidem rectilineo sunt similia, & inter se (2) similia sunt. Quare parallelogramma EG, FH etiam similia erunt inter se. Et propterea parallelogramma, quæ sunt circa diametrum alterius, cum toti, tum inter se similia sunt. Quod demonstrare oportebat.

PROP. XXV. PROBL. VII.

Rectilineum constituere, quod sit simile uni dato, & æquale alteri dato.



Data sint duo rectilinea C, & D. Oportet, constituere tertium, quod simile quidem sit ipsi C, æqua-

(1) Prop. 2. huius. (2) Prop. 21. huius.

æquale verò alteri D.

Super AB unum latus rectilinei C (1) constitutatur parallelogrammum AF in quovis angulo, æquale ipsi rectilineo C. Et super BF constitutatur aliud parallelogrammum BH, æquale alteri rectilineo D, quod tamen habeat angulum FBG æqualem angulo EAB. Inveniatur deinde inter AB, & BG (2) media proportionalis X, super quam constitutatur rectilineum X (3) simile, similiterque positum ipsi C. Dico X esse rectilineum quælitum.

Quum enim rectæ AB; X, BG sint proportionales, erit rectilineum C ad rectilineum X (4), ut AB ad BG. Sed AB est ad BG [5], ut parallelogrammum AF ad parallelogrammum BH, sive etiam ut rectilineum C ad rectilineum D. Quare erit (6) ut rectilineum C ad rectilineum X, ita idem rectilineum C ad rectilineum D. Et propterea rectilineum X æquale erit (7) rectilineo D. Est autem idem rectilineum X simile ipsi C. Datis igitur duobus rectilincis C, & D, constitutum est tertium X, simile quidem ipsi C, æquale verò ipsi D. Quod erat faciendum.

PROP. XXVI. THEOR. XIX.


Si ex parallelogrammo aliud auferatur, quod communem cum eo angulum habens, sit eidem simile, similiterque positum; consistet etiam cum illo circa eandem diagonalem.

S It parallelogrammum ABCD, ex quo auferatur aliud parallelogrammum AEFG, quod

(1) Prop. 13. hujus. (2) Prop. 18. hujus.

(3) Coroll. prop. 20. hujus. [4] Prop. 1. hujus.

(5) Prop. 11. lib. 5. (6) Prop. 9. lib. 5.



quod habens cum
eo communem an-
gulum A, sit ei-
dem simile, simili-
terque positum,
Dico, ablatum pa-
rallelogrammum
EG consistere cir-
ca eandem diago-

nalem cum toto BD.

Sit enim AC diagonalis ipsius BD, quæ si non transeat per punctum F, secet latus GF, productum si opus in I; ex quo ducatur (1) IH ipsi EF parallela. Et quoniam BD, HG sunt parallelogramma, quæ consistunt circa eandem diametrum AIC; erunt ea (2) similia similiterque posita inter se. Sed eidem parallelogrammo BD est etiam ex hypothese simile, similiterque positum parallelogrammum EG. Quare parallelogramma duo EG, HG erunt similia (3) similiterque posita inter se. Et propterea erit, ut AG ad AE, ita AG ad AH: unde sequitur (4) AE, AH æquales esse inter se: quod est absurdum. Non igitur diagonalis AC transit per aliud punctum, quam F: & proinde si ex parallelogrammo aliud auferatur, quod communem cum eo angulum habens, sit eidem simile, similiterque positum; consistet etiam cum illo circa eandem diagonalem. Quod ostendere oportebat.


PROP. XXVII. THEOR. XX.

*Omniū parallelogrammorum, quæ ad eam-
dem*

[1] Prop. 3. lib. 1. [2] Prop. 24. hujus.

[3] Prop. 21. hujus. [4] Prop. 9. lib. 3.

dem rectam applicata, deficiunt parallelogrammis alicui dato similibus, maximum est illud, quod applicatur super dimidiam.



Detur recta AB, & intelligatur mente parallelogrammū aliquod Z.

Dico, omnium parallelogrammorum, quæ applicata ad rectam AB deficiunt parallelogrammis ipsi

Z similibus, maximum esse illud, quod applicatur super dimidiam ipsius AB.

Secetur enim recta AB bisariam in C, & super BC constitutur parallelogrammum BCED simile ipsi Z. Ducatur deinde in hoc parallelogrammo diagonalis BD, per cuius, etiam si vis productæ, punctū aliquod G, vel K ducantur rectæ OR, LQ, IH, KT, ijs sis AB, BE parallelæ; eritque tum parallelogrammum BRGQ quum parallelogrammum BHKT simile quoque ipsi Z, quum sint circa eandem diagonalem parallelogrammi BCDE. Quocirca, si compleantur parallelogramma duo AG, AK; ambo applicata ad eandem rectam AB, ea deficient parallelogrammis similibus dato Z: proindeque eo res redit, ut ostendamus parallelogramma AG, AK maiora esse parallelogrammo AD.

Et quidem, quum punctum G est in ipsa diagonali BD, ostendetur id in hunc modum.

Quo-

Quoniam CG est æquale [1] GE ; appposito communi QR , erit CR æquale QE . Est autem CR [2] æquale AP , quum sint parallelogramma duo in æqualibus basibus, & in iisdem parallelis constituta. Quare erit AP æquale QE . Et propterea appposito rursus communi CG , erit AG æquale gnomoni KGS . Sed AD est æquale CE , quod majus est gnomone KGS . Quare erit AD majus quoque, quàm AG .

Quotiescunque verò punctum K est in diagonali producta, idem ostenditur hoc pacto. Producat DE usque donec cum AI in F conveniat. Et quoniam AC est æqualis CB , erit etiam FD æqualis DE ; & propterea parallelogramma duo FM , DH inter se æqualia erunt. Est autem DH æquale DT ; quum sint supplementa in parallelogrammo TH . Quare erit FM æquale DT ; atque adeo DT majus, quàm Fk : Unde addito communi AN , erit AD majus quoque quàm Ak .


Omnium itaque parallelogrammorum, quæ ad eandem rectam lineam applicata deficiunt parallelogrammis alicui dato similibus, maximum est illud, quod applicatur super dimidiam. Quod erat demonstrandum.

PROP. XXVIII. PROBL. VIII.

Ad datam rectam lineam dato rectilineo æquale parallelogrammum applicare, deficiens parallelogrammo, quod alteri dato sit simile. Oportet autem, ut datum rectilineum non majus sit eo parallelogrammo, quod applicatum super dimidiam datæ rectæ lineæ, deficit parallelogrammo, quod eidem dato sit simile.

Data

(1) Prop. 43. lib. I. [2] Prop. 36 lib. I.



Data sit
recta AB,
datum re-
ctilineum
C, & datū
parallelo-
grammū
D. Sit au-
tem recti-
lineum C
non majus
parallelo-
grāmo AF
quod ap-

plicatum super AE dimidiam ipsius AB, de-
ficiat parallelogrammum EG, simili dato
D. Oportet, super AB applicare parallelo-
grammum æquale dato rectilineo C, & defi-
ciens parallelogrammo alio, quod sit simile
dato D, vel etiam ipsi EG.

Quoniam enim datum rectilineum C non
est majus parallelogrammo AF; proinde erit,
vel ei æquale, vel eodem minus. Itaque, si
rectilineum C sit æquale parallelogrammo
AF, quia idem est applicatum super rectam
AB, & deficit parallelogrammo EG, quod est
simile dato D; erit AF parallelogrammum
quæsitum. Quod si verò rectilineum C mi-
nus sit parallelogrammo AF, inveniatur istius
super illud excessus, qui vocetur X. Tum
constituatur parallelogrammum KLMN (1)
æquale excessui invento X, & simile ipsi D,
vel EG: ita, ut propter similitudinem sit, ut
EF ad FG, ita NK ad KL. Abcendantur de-
inde

(1) Prop. 25. hujus.

inde (1) ex EF, & EG portiones OF, FQ æquales ipsis NK, KL; & completo parallelogrammo OFQP, erit hoc æquale parallelogrammo superius constituto KLMN, itemque simile, similiterque positum ipsi EG: quare cum eodem EG (2) consistet etiam circa eandem diametrum BF. Denique producatur tum recta PO in directum versus R, & S cum recta QP in directum versus Z. Et dico, AZPS esse parallelogrammum quælitum.

Nam, quod ita sit applicatum super rectam AB, ut deficiat parallelogrammo simili dato D; id quidem patet. Est enim ejus defectus parallelogrammum ZR, quod est simile [3], similiterque positum ipsi EG, quum consistant circa eandem diametrum BF. Quod vero sit æquale dato rectilineo C, id ostendetur in hunc modum. Quoniam parallelogrammum OQ, velut æquale ipsi NL, seu X, est excessus, quo parallelogrammum AF, seu EG superat datum rectilineum C; erit Gnomon reliquus ipsi C æqualis. Sed, propter æqualitatem supplementorum PE, PG, est EO, seu AO æquale BQ; atque adeo AP æquale gnomoni. Quare erit parallelogrammum AP æquale rectilineo C. Et propterea ad datam rectam lineam dato rectilineo æquale parallelogrammum applicatum est, deficiens parallelogrammo simili alteri dato. Quod erat faciendum.

S C H O L I U M.

*Conditio illa, ut datum rectilineum non sit
ma-*

[1] Prop. 31. lib. I. [2] Prop. 26. hujus.
[3] Prop. 24. hujus.

maius eo parallelogrammo, quod applicatum super dimidiam data rectæ lineæ, deficit parallelogrammo simili eidem dato, non est frustra ab Euclide appositum. Quum enim per propositionem præcedentem ejusmodi parallelogrammum sit maximum omnium applicatorum, dummodo defectus sint similes; perspicuum est ad datam rectam lineam non posse ullum applicari, quod æquale sit dato rectilineo, sed omnia minora fore.

S C H O L I U M.

Excessus duorum rectilineorum facile invenitur, si super eandem rectam lineam, ad eandem partem, & ad eundem angulum constituantur per propositionem quadragesimam quintam libri primi parallelogramma duo æqualia datis rectilineis; nam excessus horum parallelogrammorum, qui ex ipsa constructione habetur, erit etiam excessus rectilineorum.

PROP. XXIX. PROBL. IX.

Ad datam rectam lineam dato rectilineo æquale parallelogrammum applicare, excedens parallelogrammo, quod alteri dato sit simile.

Data sit recta AB, datum rectilineum C, & datum parallelogrammum D. Oportet, super AB applicare parallelogrammum, æquale dato rectilineo C, excedens parallelogrammo alio, quod sit simile ipsi D.

Secetur AB bifariam in E, & super EB (1) constituatur parallelogrammum EG, simile ipsi D. Tum addantur in unum, datum rectilineum C, & constitutum parallelogrammum EG, voceturque X summa ipsorum. Fiat deinde parallelogrammum IKSH

Q 2

æqua-

(1) Prop. 18. hujus.

num LM, velut æquale ipsi HK, seu X, est summa rectilinei C, & parallelogrammi EG; dempto communi parallelogrammo EG, erit gnomon reliquus æqualis rectilineo C. Sed, quum BM sit æquale ipsi BL, seu AL, erit idem gnomon æquale parallelogrammo AN. Quare erit parallelogrammum AN æquale rectilineo C. Et propterea ad datam rectam lineam dato rectilineo æquale parallelogrammum applicatum est, excedens parallelogrammo simili alteri dato. Quod erat faciendum.

S C H O L I U M.

Summa duorum rectilineorum facile invenietur, si super eandem rectam lineam ad contrarias partes in angulis, qui simul duobus rectis sint æquales, constituentur per propositionem quadragesimam quintam libri primi parallelogramma duo equalia datis rectilineis. Nam summa horum parallelogrammorum, quæ ex ipsa constructione habetur, erit etiam summa rectilineorum.

PROP. XXX. PROBL. X.

Datam rectam lineam terminatam extrema, ac media ratione dividere.


Data sit recta terminata AB. Oportet, eam extrema, ac media ratione dividere; hoc est ea lege, ut tota recta linea sit ad majus segmentum, ut est majus segmentum ad minus.

Describatur super AB (1) quadratum ABCD. Tum super rectam AD (2) constituatur parallelogrammum DH, æquale quadrato AC, & excedens alia figura quadrata AH. Dico, re-

Q 3

etiam

(1) Prop. 46. lib. 1. (2) Prop. 29. hujus.



etiam AB
secta esse
extrema,
ac media
ratione
in puncto
H.

Quum
enim ex
constru-

ctione æqualia sint DH, AC; ablato communi DG, erit AH æquale CG. Est autem AF quadratum ex AG, itemque CG rectangulum ex AB in BG. Quare erit rectangulum ex AB in BG æquale quadrato ex AG; & propterea, quum sit [1] ut AB ad AG, ita AG ad BG, erit recta AB secta extrema, ac media ratione in puncto G. Data igitur recta linea divisa est extrema, ac media ratione. Quod erat faciendum.

SCHOLIUM.


Ejusdem problematis solutio potest etiam haberi per undecimam secundi. Nempe, si data recta AB subinde dividatur in G, ut rectangulum, quod fit ex tota AB, & parte una BG, sit æquale quadrato alterius partis AG. Nam erit rursus, ut AB ad AG, ita AG ad BG.

PROP. XXXI. THEOR. XXI.

In triangulis rectangulis figura quævis, à latere rectum angulum subtendente descripta æqualis erit figuris, quæ illi similes, & similiter posita, describuntur à lateribus, rectum angulum continentibus.

Sit

[1] Prop. 17. hujus.



Sit tri-
gulum
A B C
rectan-
gulum in
A, su-
per cu-
jus late-
ribus
descri-
buntur
figuræ
totidem
similes,

similiterque positæ inter se. Dico, figuram descriptam super B C æqualem esse figuris descriptis super A B, A C.

Nam propter similitudinem figurarum, figura descripta super B C est ad figuram descriptam super A B in duplicata ratione laterum B C, A B [1]. Sed quadrata ex iisdem lateribus, quum sint etiam similia inter se, sunt in eadem duplicata ratione. Quare erit [2] ut figura descripta super B C ad figuram descriptam super A B, ita quadratum ex B C ad quadratum ex A B.

Simili ratione ostendetur, figuram descriptam super B C esse ad figuram descriptam super A C, ut est quadratum ex B C ad quadratum ex A C. Quare erit [3] ut figura descripta super B C ad figuras descriptas super A B, A C, ita quadratum ex B C ad quadrata ex A B, A C, Est autem quadratum ex B C æquale qua-

(1) Prop. 20. hujus. (2) Prop. 11. lib. 5.

(3) Prop. 24. lib. 5.

quadratis [1], quæ fiunt ex AB , AC . Quare figura descripta super BC figuris descriptis super AB , AC etiam æqualis erit.


In triangulis itaque rectangulis figura quævis, à latere rectum angulum subtendente descripta, æqualis erit figuris, quæ illi similes, ac similiter positæ describuntur à lateribus rectum angulum continentibus. Quod erat demonstrandum.

SCHOLIUM.

Hoc theorema est longe universalius eo, quod in penultima primi continetur. Illud enim solo quadrata includit, hoc autem ad omnes figuras similes, similiterque descriptas se extendit. Sed quemadmodum in illo obtinet etiam conversum, quod ostensum est in ultima primi; sic & istud quoque converti poterit: nec dissimilis à converso illius erit ejus demonstratio.

PROP. XXXII. THEOR. XXII.

Si duo triangula habeant duo latera duobus lateribus proportionalia, & composita ad eundem angulum habeant quoque latera homologa parallela; reliqua eorum latera in directum erunt.



Sint duo triangula ABC , DCE habentia latera AB , AC proportionalia lateribus DC , DE : ita quidem, ut AB sit ad

AC , ut DC ad DE . Componantur triangula ista ad angulum ACD , & sic composita, habeant quoque latera homologa parallela. Dico, reliqua ipsorum latera BC , CE in directum esse.

Quo-

Quoniam enim AB, CD sunt parallelæ, erit [1] $\angle BAC$ æqualis $\angle ACD$. Et similiter, quia AC, DE sunt parallelæ, erit eidem $\angle ACD$ æqualis quoque $\angle CDE$. Et propterea $\angle BAC$ æqualis erit $\angle CDE$. Unde, quum duo triangu-
la ABC, DCE habeant circa æquales angulos latera proportionalia; erunt ea [2] æquiangu-
la inter se; eritque proinde $\angle ABC$ æqua-
lis $\angle DCE$. Ostensus est autem $\angle BAC$ æqualis $\angle ACD$. Quare erit totus
 $\angle ACE$ æqualis duobus $\angle ABC, BAC$; atque adeo appposito communi ACB ,
erunt duo anguli ACE, ACB æquales tribus
 $\angle ABC, BAC, ACB$. Sed isti tres an-
guli, quum ad idem triangulum pertineant,
simul sunt æquales [3] duobus rectis. Quare
erunt etiam duobus rectis æquales duo anguli
 ACE, ACB : ac proinde rectæ duæ BC, CE .
[4] in directum erunt.

Si igitur duo triangu-
la habeant duo latera
duobus lateribus proportionalia, & composita
ad eundem angulum, habeant quoque latera
homologa parallela; reliqua eorum latera in
directum erunt. Quod erat demonstrandum.



PROP. XXXIII. THEOR. XXIII.

*In æqualibus circulis anguli, sive ad centra,
sive ad circumferentias positi, eandem habent
rationem cum arcibus, quibus insistant; simili-
ter autem, & sectores.*

Sint duo circuli æquales ABC, EFG . quo-
rum centra sint puncta $D, \& H$. Consti-
tuan-

(1) Prop. 29. lib. 1. [2] Prop. 6. hujus.

(3) Prop. 32. lib. 1. (4) Prop. 14. lib. 1.



tuantur primò ad centra ista duo quilibet anguli BDC, FHG. Dico, angulum BDC esse ad angulum FHG, ut est arcus BC ad arcum FG.

Fiant etenim ad eadem centra plures alii anguli, æquales ipsis BDC, FHG; hoc est, vitandæ confusionis causa, unus quidem ad centrum D, qui sit CDI; duo vero ad centrum H, qui sint GHL, LHP. Itaque, quemadmodum æquales sunt anguli BDC, CDI, ita quoque æquales erunt

arcus HC, CI, quibus insistant anguli illi. Et similiter, quemadmodum æquales sunt anguli FHG, GHL, LHP, ita pariter æquales erunt arcus FG, GL, LP, quibus ii anguli insistant. Quare angulus BDI tam multiplex erit anguli BDC, quam arcus HI est multiplex arcus BC; & similiter angulus FHP tam multiplex erit anguli FHG, quam arcus FP est multiplex arcus FG. Jam verò angulus BDI est æqualis, major, vel minor angulo FHP, prout arcus BI, est æqualis, major, aut minor arcu FP. Quare erit, ut angulus BDC ad angulum FHG, ita arcus BC ad arcum FG.

Con-

Constituantur secundò ad circumferentias eorundem, circularum duo quilibet anguli BAG, FEG. Dico, angulum BAC ad angulum FEG habere quoque eandem rationem, quam habet arcus BC ad arcum FG.

Fiant etenim ad centra eorum circularum anguli BDC, FHG, qui insistant iisdem arcibus BC, FG, quibus insistant anguli BAC, FEG, constituti ad circumferentias. Et quoniam anguli BAC, FEG sunt semisses angulorum [1] BDG, FHG; erit ut angulus BAC ad angulum FEG, ita angulus BDC ad angulum FHG [2]. Ostensum est autem, angulum BDC esse ad angulum FHG, ut est arcus BC ad arcum FG. Quare erit [3] ut angulus BAC ad angulum FEG, ita arcus BC ad arcum FG.

Denique in iisdem circulis æqualibus capiuntur duo quilibet sectores BCD, FGH. Dico, sectorem BCD ad sectorem FGH habere etiam eandem rationem, quam habet arcus BC ad arcum FG.

Jungantur etenim rectæ BC, FG, & in iisdem circulis aptentur [4] plures aliæ rectæ, æquales ipsis BC, FG; hoc est, vitandæ confusionis causa, una quidem in circulo ABC, quæ sit CI; duæ verò in circulo EFG, quæ sint GL, LF. Et quoniam in eodem circulo æquales rectæ [5] æquales arcus abscindunt; erit arcus BAC æqualis arcui CAI. Et propterea in segmentis BC, CI constitutis duobus angulis BMC, CNI, fient anguli isti æquales inter se [6]; atque adeo ipsa segmenta BC, CI

[1] *Prop. 20. lib. 3.* [2] *Prop. 15. lib. 5.*
 [3] *Prop. 11. lib. 5.* [4] *Prop. 1. lib. 4.*
 [5] *Prop. 28. lib. 3.* [6] *Prop. 27. lib. 3.*

Cl similia erunt. Sunt autem segmenta ista constituta super rectis æqualibus. Quare erunt etiam æqualia: proindeque additis triangulis BDC, CDI similiter æqualibus, fiet sector BCD æqualis sectori CID. Et propterea sector BID tam multiplex erit sectoris BCD, quam arcus BI est multiplex arcus BD. Simili ratione ostendetur, æquales esse sectores FGH, GLH, LPH, totumque sectorem FPH tam multiplicem esse sectoris FGH, quàm arcus FP est multiplex arcus FG. Jam verò sector BID est æqualis, major, vel minor sectore FPH, prout arcus BI est æqualis, maior, vel minor arcu FP; Quare erit, ut sector BCD ad sectorem FGH, ita arcus BC ad arcum FG.

In æqualibus itaque circulis anguli, sive ad centra, sive ad circumscientias positi, eandem habent rationem cum arcubus, quibus insistant; similiter autem & sectores. Quod erat demonstrandum.

C O R O L L A R I U M.

Angulus itaque ad centrum constitutus cum ipso arcu, cui insistit, proportionaliter augetur. Unde pro mensura anguli rectilinei adhiberi potest arcus circuli ex vertice anguli tamquam centro descriptus, & inter latera ejusdem anguli comprehensus: quippe qui metietur anguli quantitatem tam longitudine sua, quàm numero partium, quas continet, quum datum est intervallum; & verò metietur eam solo suarum partium numero, quum intervallum utcumque assumitur.

F I N I S.